

200

100

MANVALE THOMISTICARVM

Controuerfiarum.

*Bibl. fecr.
ex leg.*

*Coll. Rom. S. S.
Card. Pallan.*

ELIANNAM

BY THE AUTHOR

THE AUTHOR

Handwritten signature

Handwritten signature

Illustriſſ.^{mi} & Reuerendiſſ.^{mi} D. D.

FR. REGINALDI
LVCARINI

S. Theolog. & S. Olim Pal. Apoſt. Mag.
Epiſc. Ciuitatis Plebis, Ord. Præd.

MANVALE
TOMISTICARVM
CONTRORSIARVM

In duas Partes diſtributum

ACCESSERVNT

ANIMADVERSIONES

*Bibl. Hebr. & QVÆDAM Coll. Rom.
ſoc. In Textu Operum, ſem.*

S. THOMÆ


Summorumque Rom. Pontificum

Leg. Bullæ, Breuia, & Sermones, *Card. Palen.*

*Quibus oſtenditur quam grata, & recepta ſemper fuerit in
Eccleſia Catholica huius Sancti doctrina.*

ROMÆ, MDCLXVI.

Apud Succellores Vitali Maſcardo,
SVPERIORVM PERMIſſV.




IN
PRIMA PARTE
MANVALIS

S. Thomas Aquinas Doct. Angel.
ab omni hucusque obiecto er-
rore vindicatur

IN
SECUNDA PARTE

S. Thomas Aquinas Doct. Angel. in
suis sententijs semper constans
ostenditur



ALEXANDRO S E P T I M O

Pontifici Maximo.



F. REGINALDVS LVCARINVS
Episcopus Ciuitatis Plebis.

BEATISSIME PATER.



HOMAE Aquinatis nostri Ordinis Prædicatorum Angelicæ doctrine radios animis caligine offusis opusculo, quod *Manuale Controuersiarum Thomisticarum* nominaui, inferre
labo-


laboro, sed vt felici tuo fidere labor
meus illustretur , & faces , quas
SOLI præfero, stellæ tuæ splen-
dore cumulatae intimos refragan-
tium sensus illuminent , illud sub
tui amplissimi nominis claritate
publicare decreui , quod tibi sum-
moperè iucundum futurum non
ambigo ; nam sicut quamplurimos
Prædecessores tuos gloria præcedis,
cùm generis nobilitas, morum inno-
centia, scientiarum peritia, Pastora-
lis sollicitudo, reparandæ pacis studi-
um, retinendę dignitatis zelus, cun-
ctaque magnæ in eis diuissim sparsa,
in te vno adunata conspirent, ita in
D. Thomæ probanda doctrina, eo-
rum probationes , & encomia ex-
cessisti, dum ad Louanienses scri-
bens , inconcussa , tutissimaque
Thomæ dogmata sanxisti , eiusque
nomen penes Catholicos vniuersos
ingens , & omnem laudem super-
gressum,

7. Augusti
1660.

gressum, ita vt noui præconij com-
 mendatione non egeat, pronun-
 ciaſti. Thomam ergo nullis tene-
 bris offuſum ſidus, prout in hoc
 opusculo conuincitur opera hu-
 millimi, & immenſis beneficijs de-
 uinctiſſimi ſerui tui beneuolo ex-
 cipias animo P. Beatiffime. Inde
 fiet vt ſol iſte in Clypeum, qui eſt
 eius doctrina, Paulo V. teſte, re-
 fulgens, Chiſij montes ab eo re-
 ſplendeant, feliciterque elidat Ec-
 cleſia Catholica aduerſantium te-
 la, dum Clypeo Thomæ doctrina
 armatum Caput ſuum habet Ale-
 xandrum.

In ſuo
 Breui, qui
 incipit ſplē,
 diſſimi
 catholicæ
 fidei.

CON.



CONSILIVM

A V T H O R I S.



ANCTVS Tho. Aquinas Ecclesiæ Doctor Angelicus ; ad instar fulgentissimi solis, adeo scriptis suis , quæ in Scholis agitantur , difficilia illustrat , vt eius doctrina vniuersæ ferè inter Scholasticos exortæ quæstiones faciliè dissoluerentur: Verùm ea est humani ingenij infelicitas, vt quidam, prætermissa veritatis luce, si in lucem irruant, in magnam exiltiment deuenisse felicitatem: Vnde factum est

nun-

300


9
nunquam defuisse verfutos operum S.
Thomæ scrutatores, qui in omnem ſe
inquisitionis reperiundæ accuſationis
non extenderent, & cum doctrina An-
gelici quærentibus ſit cognita, perſe-
quentibus autem fiat occulta, qui per-
ſequendi affectu S. Thomæ ſcripta lege-
runt, non intelligentes, quæ legebant,
arbitrati ſunt multa in eis inueniri, vn-
dè redargui mererentur. Oppugnato-
res Sancti Thomæ validi propugnatores
ſemper exterminarunt. Hoc noſtro ſæ-
culo dedit Deus Doctores eximios, qui
falſas calumnias, vel olim expoſitas, vel
nuper ſuſcitas, ne dum incidentèr
dum Tractatus Theologicos ederent,
ſed etiam ex profeſſo veris reſponſioni-
bus confutarent Inter hos vidimus Fran-
ciſcum Sylu ū in Apologijs pro S. Th. Do-
minicum Grauin in præcipuè in Libro,
cui Titulus *Cherubin Paradisi*, Alphon-
ſum Baptiſtam hiſpanum in Deſenſione
Apologetica contra Authorem Eluci-
darij, quam ex Hiſpano idiomate lati-

b

nam

nam fecit Fr. Ioannes Paulus Nazarius in Opusculis , & Ioannem à S. Thoma in sua sæpius laudanda disputatione de Approbatione doctrinæ S. Thomæ. Nos quoque viribus licèt exiguis , S. Doctoris meritis confisi , in propugnanda veritate eius doctrinæ aliquale studium adhibuimus , quo Conclusiones præcipuas collegimus, de quibus S. Tho. vel erroris, vel contrarietatis , seu inconstantiae sugillatur , easque ab huiusmodi calumnijs non alia via , quam ipsamet S. Doctoris voce demonstrata vindicauimus ; confidimus enim, ne dum Angelici doctrinæ integritudini , verùm & totius Ecclesiæ bono expedire demonstrare ab omni erroris offuscatione censendam esse apud Catholicos alienam doctrinam illius eiusdem Ecclesiæ Doctoris; ex cuius contemptu execrabilis Hæresiarcha Lutherus suas impietates fuerat auspicatus, de quo in Historia Concilij Tridentini insignis Cardinalis Pallaucinus Lib. primo cap. 8. num. 5. ita compertum narrat , *Per*
ciò

ciò si mosse Lutero non pur à vilipendere S. Thomasso, & il comun sentimento delli Scolastici, mà l' autorità del Papa, e della Chiesa, e le tradizioni: Iudicarunt Viri præcipui laborem hunc nostrum, si publici iuris fieret, vtilem saltim Tyro-nibus, qui S. Thomæ Scholam sequun-tur, euasurum; Nam in eo opposita iuxtà se posita intuentes, habent in, promptu Aduersariorum Argumenta, quibus puritati Doctrinæ S. Thomæ de-trahitur, & responsiones, quibus & ipsi eius puritatem attingant, & eos, qui contradicunt, possint arguere. Vtinam ita succedat, & dum S. Thomæ defen-sionis partes assumimus, eius Angelica doctrina in Ecclesia summis Elogijs au-cta, & recepta oculis etiam minus valen-tibus sua luce clara, pura, & candida, vt verè in se est, illucescat.





ELOGIA.

Quibus Doctrina S. Thomæ
in Ecclesia Catholica au-
getur, & recipitur.



VERVM quia nos non
sumus satis ad tantæ
præconia laudis, hic
adduximus præcipua
elogia, quibus apparet
quam grata, & rece-
pta semper fuerit in
Ecclesia Catholica S. Thomæ doctrina.

Omniū primum, maximum, & po-
tissimum est elogium illud, quo Chri-
stus

Itus Dominus Neapoli S. Doctore orante, & audiente de Crucifixi effigie humana voce scripta eius probavit, dum dixit: *Bene scripsisti de me Thomas*; de quo Pius V. in Bulla *mirabilis Deus* mentionem faciens, ait: *Aliare, in quo Doctoris Angelici doctrina, Salvatoris Crucifixi ore (sicut pia testatur Historia) mirabiliter probata fuit.* Clemens quoque VIII. in suo Breui ad Deputatos è Ciuitate Neapolitana, inquit, *Thomas Aquinate, cuius doctrinae tantum fuit tributum, ut christianae eruditionis suae diuinum etiam illud habeat testimonium, BENE DE ME THOMA SCRIPSISTI;* & iterum in alio Breui dicit, *quos (scilicet Libros) ille (hoc est S. Thomas) SINE VLLLO PRORSVS ERRORE conscripsit, & quos deinde conscriptos expressa Christi Domini voce comprobatos audiuit.*

Accedant nunc elogia, quibus doctrinam Sancti Thomæ Summi Romani Pontifices extulerunt, quorum Bullas,

&

& Breuia in huius operis fine ad verbum transcripta leguntur .

Ioannes 22. in Bulla Canonizationis S. Thomæ ita loquitur : *nam & in primitiuis scientijs , & diuersæ philosophiæ partibus , ut non esset ociosus , sed operaretur terram , nec non in Sacræ scripturæ pagina tam super nouum , quam vetus Testamentum scripta , plurimæque alia , DEI OPERA , in Dei laudem , fidèique dilatationem , eruditionemque studentium , clara (cum sciens esset) famosa (cum cognitus) NON ABSQVE SPECIALI DEI INFUSIONE PERFECIT .*

Urbanus V. in Bulla ad Tolosanensium directæ ait : *Insuper & tenore præsentium vobis iniungimus , ut DICTI B. THOMÆ DOCTRINAM tanquam benedictam , & catholicam sectemini , eamque studeatis totis viribus ampliare .*

Pius V. in Bulla erectionis Canonicius S. Petri in Vaticano pro Præbenda Theologali Data Romæ apud S. Petrum anno Incarnationis Dominicæ millesimo

mo

Exstat in
Syllabo Ma-
gistrorum
Sac. Pal. Ap.
Authore
Fontana
impresso
Rom 1613.
pag. 36.

mo quingentesimo septuagesimo quarto, Idibus Augusti, Pontificatus quinto, cuius initium: *In eminenti militantis Ecclesiæ specula*, inquit: *Attendentes D. Thomæ, qui Theologiæ, & Ord. Prædicatorum professor fuit, DOCTRINAM THEOLOGICAM ab Ecclesia Catholica receptam, alijs magis tutam, & securam existere, & iterum in Litteris, quæ incipiunt Mirabilis Deus*, sic ait: nam & miraculorum signis, quibus servi sui Thomæ perpetua veræ pietatis opera, nobilitare voluit inexhausta Dei benignitas, & certissima christiana regula doctrinæ, qua Sanct. Doctor Apostolicam Ecclesiam infinitis confutatis Hæresibus illustravit, adductus fel. record. Ioannes 22. prædecessor noster, illo in sanctorum numero relato, diem festum nonis Martij, quo die nunc etiam colitur, anniuersario honore celebrari iussit. Sed quoniam Omnipotentis Dei providentia factum est, ut Angelici Doctoris VI ET VERITATE DOCTRINÆ, ex eo tempore, quo cœlesti-

stibus ciuibus adscriptus fuit , multæ , quæ deinceps exortæ sunt hæreses , confusæ , & conuictæ dissipantur , quod & antea sæpè , et liquidò nuper in Sacris Tridentini Concilij Decretis apparuit , eiusque memoriam , cuius meritis Orbis Terrarum à pestiferis quotidie erroribus Liberatur &c.

Clemens VIII. ad Deputatos è Ciuitate Neapolitana sic ait : *Cine vestro (scilicet S. Thoma Aquinate)* **DIVINÆ VOLVNTATIS INTERPRÆTE .**

Idem ad Proregem Neapolitanum iterum : *Thomam Aquinatem , cuius diuino eloquio , ET CÆLESTI DOCTRINA , miraculisque illa quidem illustris meritò apud remotissimas nationes summa christiani nominis cum laude , atque Ecclesiæ utilitate celebratur .*

Idem iterum : *doctrinæ quidem testis est ingens Librorum numerus , quos ille breuissimo tempore in omni ferè disciplinarum genere singulari ordine , ac mira perspicuitate* **SINÈ VLLÒ PRORSVS ERRORE** *conscripsit , in quibus conscribendis*
inter .

interdum Sanctos Apostolos Petrum, & Paulum colloquemes, locosque illi quosdam Dei iussu ennarantes habuit.

Paulus V. sic ait: *Splendidissimi catholicae fidei athletæ B. Thomæ Aquinatis, cuius scriptorum clypeo militans Ecclesia hæreticorum tela feliciter elidit.*

Sanctissimus Dominus Noster Alexander VII. in suo Breui ad Louanienfes 7. Augusti 1660. sic loquitur: *Nec non præclarissimorum Ecclesiæ Catholicæ Doctorum Augustini, & Thomæ Aquinatis inconcussa, tuissimaque dogmata.*

Huius tantorum Rom. Pontificum vnanimis sententiæ veritas palam in Sac. Tridentina Synodo enituit; vt testatur Pius V. in sua Const. supracit. Baronius in Notis ad Martyrologium septima Martij, & inter eos, qui eidem Concilio interfuerunt, Doctor Didacus Paiua Lusitanus Tom. 2. de Sanctis ferm. 2. de S. Thoma. Io: Gallio Burgenfis in ibidem habita oratione impræssa, & Hieronymus Vielmus Episcopus Argolicensis

ensis, qui in suo opusculo de D. Thome Aquinatis scriptis, quod in eodem Conc. edidit hæc testis de visu retulit: *Certè in Tridentina Aecumenica Synodo, quam cū hæc scribimus, frequentissimam celebramus, nemo Patrum esse videtur, cui Religio non sit, cum de fidei dogmatibus agitur, à Thomæ sententia vel latum unguem recedere, quod F. Ioannes Gallio Burgenſis in præfata oratione Tridentinis Patribus coram confirmavit, cum dixit: communibus votis eos existimasse, si quid ambiguitatis, si quid controuersie exortum fuisset, ad summam S. Thomæ ut ad Lydium lapidem esset referendum.*

Quapropter in eodem Sac. Conc. ut refert, præter Doctorem Paiuam testem de visu loco adducto, Card. Pallauicinus, qui cum nihil scripserit, quod ex certis illorum temporum monumentis non comprobauerit, oculati testis fidem obtinet; suæ Historiæ Lib. 17. cap. 11. à num. 14. ad 17. Cum Alphonsus Salmeron Soc. Iesu, & Franciscus Turrianus

seu

feu Torenſis Theologi Pontificij commouiffent Patres in ipſa ferè ſeſſionis 21. celebratione ad declarandum verba Chriſti Domini Lucæ 22. *Hoc facite in meam commemorationem*, dicta fuiſſe tantum ad Sacerdotes, pluresque in eorum ſententiam ita inclinarent, vt exiſtimaretur in ſeſſione probanda, admoniti à Petro Guerrero Archiepiſcopo Granatenſi in doctrina D. Thomæ verſatiſſimo S Doctorem in ea fuiſſe ſententia, verba prædicta ad laicos etiam directa fuiſſe, vt ex allato Codice 3. p. quæſt. 80. art. 11. oſtendebat, ferè vniuerſi ſtatim ſe S. Doctorem ſententiæ conformarunt.

Nec prætermittendum puto, quod narrat Spondanus Anno 1406. num. 12. de Paulo Burgenſi, qui cum eſſet Iudæus, & Iudaicæ perfidiæ doct̃or præcipuus, ex lectione ſcriptorum S. Thomæ Iudæam ſeruit, & venit ad Catholicam Eccleſiam. quam doctrina, & virtute ita illuſtrauit, vt meruerit ad Episcopatum.

Burgensem promoueri.

Qui optaret D. Thomæ elogia , ac decora fusiùs enarrata cognoscere, & egregiè propugnata conspicerè , adeat supradicti Vielmi Episcopi Librum de scriptis S. Thomæ, Vestibulum disputationum Ioannis de S. Tho; quas in p. S. Doctoris partem edidit. Francisci Siluij Apologiam Duaci impræssam anno 1624. Dominici Grauinæ opuscula , & Præscriptiones , præcipuè Tomi 3. par. primam pag. mihi 721. aliorumque plurium Tractatus satis notos. Nobis breuitatis studiosis hæc sufficiant S. Thomæ doctrinæ candidatis adduxisse , vt eis primus discendi ardor nobilitas sit tanti Magistri .



PRIMA

PRIMA

PARS

MANVALIS

THOMISTICARVM

Controuerfiarum

SIVE

CONCLVSIONES

Ecclesiæ Doctori Angelico

S. THOMAE

Aquinati attributæ , ab omni prorsus falsitatis ,
seu erroris suspitione vindicatæ

STVDIO

Ill.^{mi} & Reu.^{mi} D.D.

FR. REGINALDI LYCARINI Ord. Præ-
dicatorum Sacræ Theologiæ , ex S. Olim
Pal. Apostol. Magistri Episcopi
Cuiuslibet .





INDEX CONCLUSIONVM,

Quæ S. Thomæ Doctori An-
gelico attribuuntur,

*Sedeius doctrinæ veritas in hac prima
parte Manualis Thomisticarum
Controuerfiarum referatur.*



- I.  IN E solemnî profes-
sione non fit Religio-
sus.
- II.  Solemnitas Voti confi-
stit in aliqua consecra-
tione ex Apostolica
traditione, & iure diuino.
- III. Summus Pontifex non potest in
Voto

Voto solemnizato per professionem religiosam dispensare.

IV In Religione cum Voto simplici paupertatis non potest cohærere dominium.

V Pater, & Filius possunt dici duo spiratores Spiritus Sancti.

VI Hæc Propositio, *Filius Dei assumpsit hominem*, non est hæretica.

VII Hæc Propositio, *Ille homo cepit esse Deus*, est falsa, sed non hæretica.

VIII Homo sine auxilio Dei gratuito potest ex solo libero arbitrio se ad gratiam, & ad fidem præparare.

IX Determinatio ad vnum numero non tollit rationem meriti, & laudis, si actus non coactè, sed spontè quamvis necessariò fiat.

X Infideles non cognoscunt verum Deum.

XI Deus non potest creare aliam Terram, præter istam, quam habemus.

XII Pos.

- XII Possibilis est creatura existens absolute soluta necessitate,
- XIII Eucharistia est actualis consecratio
- XIV Christus Dominus benedixit panem non alijs verbis, vel modo, quam consecratione
- XV In consecratione Calicis illa verba, *noui & æterni Testamenti*, sunt essentialia, sicut illa, *Hic est sanguis*
- XVI In eo, quod generatur ex speciebus Eucharistiæ, non manet materia substantialis, sed quantitas loco materiæ.
- XVII Si admisceatur Vino consecrato aliud Vinum non consecratum, non remanebit ibi sanguis Christi.
- XVIII Ad perficiendum Sacramentum non requiritur in ministro mentalis intentio, sed sufficit intentio faciendi externas actiones, quas Christus instituit.
- XIX Si etiam per errorem aliquis non

d

ba-

- baptizatus Sacerdos, vel Episcopus ordinaretur, piè creditur quod in ordinatis, & absolutis ab ipso Deus suppleret defectum quantum ad effectus Sacramentorum.
- XX** Imago Christi est adoranda adoratione latriæ.
- XXI** Anima Christi Domini in triduo mortis suæ non descendit ad omnia loca Inferni.
- XXII** Animæ Christi Domini in triduo mortis fuit aliqua poena esse in Inferno.
- XXIII** Aliud fuit Corpus Christi viuum, & mortuum.
- XXIV** Erroneum est dicere quod aliqui seminaliter ex Adam deriuentur absque originali peccato.
- XXV** Dum celebratur festum Conceptionis B. Virginis nomine Conceptionis intelligitur sanctificatio.
- XXVI** Episcopatus non est Sacramentum.
- XXVII** Ex sponsalibus irritis non ori-
tur

tur impedimentum publicæ honestatis.

XXVIII Ex Matrimonio rato oritur affinitas.

XXIX Papa non potest dispensare in Matrimonio rato extra casum Professionis Monasticæ.

XXX In Canonizatione Sanctorum, pie tantum creditur Ecclesiam, seu Sum. Pontificem errare non posse.

XXXI Existens in peccato mortali (etiam occulto) peccat mortaliter faciens ex officio correctionem fraternam.

XXXII Reliquiæ Sanctorum, quas veneratur Ecclesia, ut ossa, corpora &c. non sunt illa, quæ in viuis fuerunt, sed alia novæ planè substantiæ, quæ nunquam Sanctorum fuerunt.

XXXIII Beatitudo Animæ post diem Iudicii relumpto corpore augebitur intensius.

d ; **XXXIV** Epi-

XXXIV. Episcopi, vel alij Clerici amittunt iurisdictionem ipso facto, quando deueniunt hæretici, vel Schismatici, ante sententiam, quam tales denuncientur.

XXXV. Prima Tonfura, & Ordines Minores conferri possunt ante discretionis annos sine peccato.

XXXVI. Clericus, si occidat aliquem, se defendendo, incurrit irregularitatem.

XXXVII. Votum de rei, quæ necessaria est necessitate præcepti, est Votum largè acceptum, & improprie dictum.

XXXVIII. Nullum ieiunium est sub præcepto toto tempore Paschali.

XXXIX. Propitiatorium fuit Tabula lapidea.

XL. Ecclesiastici auctoritas non recipitur.

XLI. Zona æquinoctialis est inhabibilis.

XLII. Inter Cælos datur spatium diuisibile.

ibile alicuius corporis, itaut sphae-
rae non sint sibi contiguae.

XLIII Tantum sunt decem Caelis, nu-
merando etiam Empyreum.

XLIV Caelum, & Luminaria Caeli se-
cundum opinionem Aristotelis
sunt animata, à qua opinione
S. Thomas non abhorruit.

XLV Angelos simul cum natura cor-
porea non fuisse creatos dicere
non est erroneum.

XLVI Sententia S. Thomae de unitate
formae substantialis in homine,
teste Ocham, scandalosa fuit olim
in Anglia; Immo, ut quidam
apud facultatem Parisiensem, erat
Articulus XIV. quintae partis erro-
nei Libelli de Evangelio aeterno
damnatus per Alexandrum IV.

XLVII Summus Pontifex non potest
committere Sacerdoti non Episco-
po quod conferat Subdiacona-
tum, Diaconatum, & Sacer-
dotium.

XLVIII Sa-

XLVIII Sacerdos excommunicatus
non potest ministrare Sacramen-
tum Pœnitentiæ in articulo mor-
tis.

L A V S D E O.



XLVIII 2.

Im-

Imprimatur, si videbitur Reuerendiss.
Patri Mag. Sac. Pal. Apost.

O. Archiep. Patracen. Vicesg.

V I D I de mandato Rm. P. Mag. S. P. Ap. Primam.
& secundam partem *Metaphisicæ* Controuersiarum
Thomisticarum seu de Veritate doctrinæ Angelici Præcep-
toris D. Thome, Auctore Illustriss. & Reuerendiss. Pr.
Reginaldo Lucarini Episcopo Ciuitatis della Pienze; Cumque
nil repererim sacris documentis, & probis moribus contra-
rium, pergrata præterea mihi fuit totius operis lectio, ac
inspectio, eademque visa est futura, & paruitis, & præ-
dulcis cunctis solida, profunda, subtilis doctrina studiosis,
& ad pulcherrimam veritatis, veræque sapientiæ faciem
(qui sunt legitima charactera operum Angelici Præceptoris)
sincero affectu ardentem intentis. Quia doctissimus Præsul,
idemque magni Magistri magnus discipulus summa cum di-
ligentia, & pari cum perspicacia enubilat dilucidè, tueturque
validissimè sententias, & apices sententiarum D. Thome
ubique, 1. adstruit, 2. auget, & quoque quomodo diffi-
ciles aliquin videri vel maxime possent. Id insuper est in
hoc opere insigni laude, & multa gratiarum actione dignis-
simum, quod in ore se sententiosa, & obnoxia amaritu-
dini vindictis vniuersim agnata, agit nihilominus Author
pacatè semper, & placidè, modestia religiosa, & grauitatis
Episcopalis retinentissimus ubique. Expedit itaque, ut quam
primam typis mandetur in publicam utilitatem utilissimum
istud, omnibusque laudum titulis illustre opus. Datum in
Collegio Romano Societatis Iesu 29. Decembris 1665.

Martinus de Esparza Societatis Iesu.

Imprimatur.
Fr. Hyacinthus Libellus Sacri Palatii
Apostolici Magister.

IN
PARTIS
MANVALIS
HVIUS
THOMISTICARVM
CONTROVERSIARVM
SINGVLIS

Conclusionibus,

*Primus Numerus exponit, quod Sancto
Thomæ attribuitur.*

*Secundus Numerus refert, quod cense-
tur esse S. Thomæ doctrinæ
contrarium.*

*Tertius Numerus indicat quæ S. Thomæ
doctrinæ euincunt aduersa.*

THOMISTICARVM CONTROVERSIARVM

CONCLVSIONES

I.

- 1 *Sine solemnī Professione non fit Religiosus.*
- 2 *Sine solemnī Professione fit Religiosus.*
- 3 *S. Thomæ doctrinæ veritas.*

Conclusio Sancto Thomæ attributa

*Sine solemnī Professione non
fit Religiosus.*



THOMAS 2.2.q. 189.
ar. 2. ad primum sic ait.
Ad primum dicendum
quod duplex est Votum;
unum solemnē, quod ho-
minem facit Monachum,
vel alterius Religionis Fra-
trem, quod vocatur Pro-
fessio; & tale Votum de-
bet. precedere annuū. pro-
bationis, ut probat obiectio. Aliud autem est Votum
simplex, ex quo aliquis non fit Monachus, vel Re-
ligiosus, sed solum obligatur ad religionis ingressum,
& ante tale Votum non oportet precedere probatio-

A

nis

nis annu8. Item ibidem quæst. 184. art. 4. dicit: *In statu perfectionis dicitur aliquis esse propriè ex hoc, quod obligat se perpetuò cum aliqua solemnitate ad ea, quæ perfectionis sunt & quodlibet.* 1. art. 14. ad secundum, inquit, *non dicuntur habere statum perfectionis, nisi, qui se ex solemnī professione ad huiusmodi obligant.* Idem repetit op. 18. Cap. 16. in fine dicendo: *Cum quadam solemnitate, & benedictione status Pontificalis assumitur, & etiam Religionis Professio celebratur.*

Conclusio quæ censetur Sancto Thomæ opposita.

Sine solemnī Professione fit Religiosus.

2 **I**ta Gregorius XIII. in Bulla, quæ incipit *Ascendente Domino*, sub his verbis prædictos Scholares, & Coadiutores (Soc. IESV) *semper fuisse, & esse, & fore verè ac propriè Religiosos, & ipsorum Vota, etsi simplicia, ex sedis Apostol. institutione esse verè substantialia Religionis Vota:* oppositum verò declarat esse falsum, & temerarium.

Idem decrevit Conc. Triden. Sess. 25. c. 16. de Regular. nam ibi, nulla facta distinctione graduum Scholarium, Coadiutorum, & Professorum, absolute Societatem IESV appellat *Clericorum Religionem*, ergo sine solemnī Professione fit Religiosus. Probatum consequentia; nam Scholares post biennium, & Coadiutores in dictæ Societatis Religione profitentur per Vota simplicia, & tamen fiunt verè Religiosi.

S. Thomæ doctrinæ veritas.

3 **S**ixtus V. qui in Pontificatu successit Gregorio XIII. conditori supradictæ constitutionis, in sua Bulla, quæ

qua incipit, *Ad Romanum spectat*, quam refert Quara-
ranta in sua Summa Bullarj, Verbo *Monasteria, & Conuentus*, loquendo de Religionibus vniuersis, & consequenter etiam de Soc. IESV dixit s. *quod id autem pertinet; quia tunc demum verè, & propriè Religiosi effici dicuntur, cum professionem emittunt*. Ex his patet S. Thomæ loquendi modum de professione religiosa post Gregorij constitutiones, & Conc. Triden. Decreta, Sum. Pontif. Sixtum V. retinuisse, quo S. Doctor in sua doctrina tradita, nec Sum. Pontificis Gregorij decisioni, nec S. Conc. Trid. verbis, nec Instituto Soc. IESV contradixit.

- 4 Ad cuius euidentiam suppono Votum simplex in sensu formali, hoc est, ex natura sua, non facere religiosum, aliàs omne Votum simplex id haberet, quod falsum esse constat.
- 5 Hoc supposito, dico Voto simplici comperere posse facere Religiosum ex institutione Ecclesiæ, & de facto Viros Societatis Votis simplicibus veros Religiosos fieri, prout decreuit Greg. XIII. in Bulla *Ascendente*, dum inquit, *tria Vota huiusmodi, etsi simplicia, ex huius sedis institutione, ac nostra etiam declaratione, & confirmatione, esse verè, & substantialia Religionis Vota*. Quia verò, viuente D. Thoma, nulla Religio à sede Apost. recipiebatur, in qua Religiosi ex solis simplicibus Votis fierent; nam illis temporibus tantum ab Ecclesia pro Religionibus habebantur, in quibus solemnisi professio emittebatur. Inde est S. Doctorem locutum esse de facto suis temporibus ex Voto simplici neminem fieri Religiosum, hoc est, nec Monachum, nec Fratrem Religionum in Ecclesia tunc vigentium fieri, nisi eum, qui solemniter professus esset.
- 7 Quem modum dicendi obseruauit post aliqua tempora Sum. Pont. Bonifac. VIII. cap. *Religioso s. Quamuis de Sent. Excom. in 6. ubi sic ait. Quamuis autem is, qui religionem ingreditur religiosus cum effectu censeri non possit, donec sit tacitè, vel expresse professus* id autem dixisse Sum. Pontif. certum est, attenta illo-

- rum temporum consuetudine ; nam si absolute Bonifacius pronuntiasset non posse cum effectu censeri Religiosum donec sit professus, quomodo Scholares, & Coadiutores in Soc. semper fuissent, essent, & forent Religiosi ex Greg. XIII. declaratione ; cum non sint, nec tacite, nec expresse professi, ut communiter Doctores Societatis tradunt, & Card. Lugo probat Resp. Moral. Lib. 4. dub. 44. Dicendum est ergo, quod sicut Greg. novum Ius condens, Bonifacio, qui Ius antiquum retinuit, non contradicit ; nec ex eadem ratione S. Doctor, dum iuxta artem suam usitatum loquendi modum scriberet, Gregorij Decreto aduersatur. Sit exemplum ; modo
- quisque docere tenetur Matrimonium irritum esse, quod sine Parocho, & Testibus celebratur : ex hoc tamen non sequitur ante Conc. Trident. quod loco infra citando illam irritationem decrevit, Doctores errasse, qui negabant Matrimonium clandestinum sine Testibus, & Parocho celebratum irritum esse : nam pro illo tempore clandestinum Matrimonium irritum non erat, sed ratum, & verum Matrimonium, ut dicendum esse sub anathemate precipit Concil. Trident. sess. 24. Cap. 1. sed postea Ecclesia in Conc. Trid. ibidem Matrimonium clandestinum irritavit. Ita pariter antiquitus, nedum S. Thomas, sed omnes Theologi, & Canonistae communi consensu dixerunt *neminem sine solemni professione Religiosum effici posse*, loquendo scilicet secundum Ius commune suorum temporum ; prout etiam fatetur Azorius insignis Soc. Doctor, instit. Tomo primo Lib. 11. Cap. 24. §. *Tertio queritur* ; poterat tamen Ecclesia religiosos solis simplicibus Votis emissis constituere, ut fecit postea constituendo veros Religiosos Viros Societatis, qui simplicia tantum Vota in gradibus Scholasticis, & Coadiutoris emittunt, de quo nouo Iure non egerunt Doctores antiqui : unde dicendum non est eos errasse, quando requirebant in vero religioso iuxta illorum temporum usum, & de facto solemnem professionem, nec errauit S. Thomas idem asserendo, dum loqueretur iuxta suorum temporum usum, &

& de facto. Vide infra. num. 318. & 324.

- 11 Cum verò Sanctus Doctor rem hanc altius, & perspicaciùs ceteris tractaret, docuit aliter dicendum esse, si ageretur de possibili; nam docuit verum Religiosum etiam esse possibilem Votis tantum simplicibus emissis in aliquo Cætu, si Ecclesiæ institutum accessisset, quo hunc verum Religiosum declararet.
- 12 Id probatur primo ex op. 18. cap. 15. vbi S. Doctor docet. *Si quis totam vitam suam Voto Deo obligauit, ut in operibus perfectionis ei deseruiat, iam simpliciter conditionem, vel statum perfectionis assumpsit.* Idem dixit 2.2. quæst. 186. art. 6. Ex his patet quocumque Voto simplici, vel solemnni (nam S. Doctor de quocumque Voto loquitur) assumi posse statum perfectionis, qui de facto assumitur in omni Religione, ut ipse docet 2.2. eadem quæst. 186. art. 1. ad quartum, & art. 3. & 4. Si vouens per totam vitam se obligat in operibus perfectionis deseruire, & se immobilitat in religione immobilitate, Voto firmata, ut idem S. Doctor dixit vbi supra art. 6. ad primū. Ista autem obligatio per totam vitam, ut sit Religiosa, debet innotescere Ecclesiæ & hæc est quadam solemnitas, quam etiam Vota simplicia non excludunt. Vnde Syluius super 2.2. quæst. 184. art. 4. docet nomine solemnitatis, quo S. Doctor vtitur, intelligi posse quemlibet ritum ab Ecclesia approbatum, quo se aliquis obligat perpetuò ad opera perfectionis, de qua obligatione constat Ecclesiæ, & hanc solemnitatem inueniri etiam in emissionem Votorum Scholarium post biennium, & Coadiut. in Societate.
- 13 Indè deducitur dictum S. Doctoris verificari etiam in Religiosis Votorum simplicium; isti enim, quantum est de se, se obligant perpetuò ad opera perfectionis per talia vota, ut patet: & consequenter constat S. Thomam docuisse etiam cum votis simplicibus posse Religiosum fieri, si Ecclesia eius perpetuam ad opera perfectionis obligationem acceptaret, ut acceptat in Societatis Instituto, in quo hæc obligatio semper est perpetua ex parte vouentis.

Hoc

- 14 Hoc idem probatur secundo; nam S. Doctor 4. d. 38. q. 1. ar. 3. quæst. 3. seu in addit. ad tert. p. q. 53. ar. 2. sibi obijcit hoc tertium argumentum *Votum solemne nihil habet, quod non possit votum simplex habere, &c. similiter Ecclesia posset, & deberet statuere quod votum simplex dirimat Matrimonium contractum, &c. ergo qua ratione votum simplex non dirimit Matrimonium, nec solemne votum dirimere debet.* In corp. docet non ex solo Ecclesiæ statuto votum solemne dirimere Matrimonium; nam *Votum solemne*, inquit, *ex natura sua habet quod dirimat Matrimonium, quia per Votum solemne homo amittit sui corporis potestatem, illud Deo tradendo ad perpetuam continentiam.* Indè patet S. Doctorem loquendo de Voto, quod dirimit Matrimonium, ultra rationem perpetuæ corporis traditionis, agnouisse statutum Ecclesiæ, cuius etiam vigore *Votum solemne* dirimit Matrimonium, ut illi constabat ex 27. quæst. 2. cap. *Desponsatam, & ext. Cap. Verum. Cap. ex publico. Cap. ex parte. 2. de Conuers. coniug.* Respondendo postea ad argumentum S. Thomas non contradicit illi propositioni, quod nihil habeat *Votum solemne*, quod *Votum simplex* habere non possit; quare verò non dirimeret Matrimonium sicut solemne, dicit: *quia Votum solemne habet actualem exhibitionem corporis* (Deo illud ad perpetuam continentiam traditum, ut dixerat in cor) *quam non habet Votum simplex: & ideo ratio ex insufficienti procedit.*

- 15 Vbi notandum est Conc. Trid. sess. 24. cap. 9. dixisse Matrimonium inualidum esse contractum à Clerico in Sacris Ordinibus constituto, & à Regulari castitatem solemniter professio, obstante lege Ecclesiastica, vel Voto solemnī. Definuit ergo Concilium, & *Votum solemne*, & legem Ecclesiasticam obstare validitati Matrimonij; sed solum obstante Voto solemnī in Religioso Matrimonium esse inualidum, & solum obstante lege Ecclesiastica in Clerico in Sacris Ordinibus constituto Matrimonium esse inualidum; nam Concil. vtitur in

in sua propositione particula disiunctiva (vel) quæ respectum habet ad Clericos, qui sola lege Ecclesiastica nubere prohibentur, & ad Religiosos, quos votum solemne arcet à Matrimonio: Modo in allatis verbis iuxta doctrinam à Concil. approbatam S. Doctor de duplici ratione, qua votum solemne dixerat dirimere Matrimonium, scilicet, perpetuam exhibitionem corporis, & statutum Ecclesiæ, assignat tantum illam rationem, cuius vi votum solemne dirimit Matrimonium, quæ ex perpetua exhibitione corporis desumitur: hæc autem perpetua exhibitio corporis in Voto simplici Religionis de facto non inveniatur nisi ex parte Votentis, sed aliam rationem, cuius vi Votum solemne etiam dirimit Matrimonium, quæ desumitur ex statuto Ecclesiæ, omisit, ex quo sequitur S. Thomam concessisse ex statuto Ecclesiæ posse ad dirimendum Matrimonium Votum simplex Voto solemniori equiparari, sed dixit non equiparari totaliter ex insufficienti ratione; quia Votum solemne ex duplici ratione Matrimonium dirimit; Votum verò simplex ex unica tantum ratione hoc idem præstare potest, scilicet, ex statuto Ecclesiæ.

- 16 Unde clarè patet S. Doctoris mentem esse dari potuisse Ecclesiæ statutum, cuius vigore in aliqua Religione per Votum simplex castitatis dirimeretur Matrimonium; quod postea euenit, dum institutum Religiosum societatis, in quo post biennium vota simplicia emittuntur; quodque S. Thomas dixerat esse possibile, Sum. Pontif. Gregorius XIII. Religiosum de facto esse declarauit, in eoque castitatis simplex Votum Matrimonium postea initum dirimere statuit, cum antea hæc Ecclesiæ statutum huiusmodi Matrimonium non dirimeret, vt Doctores Societatis vnanimiter fatentur, Sanchez de Matrim. lib. 7. disp. 26. Suarez de Relig. tom. 4. tract. 10. lib. 4. cap. 1. num. 8. Card. Lugo de Iust. disp. 3. sect. 4 num. 79. & alij cum ipsis. Inferitur ex dictis S. Thomam admisisse Votum solemne nihil habere quod Votum simplex habere non possit, se
- 17

sed Votum simplex ideo Matrimonium non dirimeret;
dum scriberet, quia ad hoc præstandum indigebat Ec-
clesiæ statuto, quod non aderat, si autem adfuisset, ex
hac tantum ratione hunc effectum habuisset, sicut ha-
bet in promotis ad Ordinem sacrum: ergo in sententia
S. Thomæ, si adfuisset tunc statutum Ecclesiæ, quo
Votum simplex Religiosum constitueret, hoc etiam

haberet cum Voto solemnī commune; ex vñica

tamen statuti Ecclesiæ ratione; Votum vero

solemnē ex alijs insuper rationibus vl-

trā statutum Ecclesiæ Religiosum

professum constitueret, vt

post S. Thom. tradide-

runt plures in-

signes

Doctores, quos refert, sed

non sequitur Lessius

de Iust. lib. 2.

cap. 41. v.

70.



So-

II.

- 1 *Solemnitas Voti consistit in aliqua consecratione ex Apostolica traditione, & Iure diuino.*
- 2 *Solemnitas Voti consistit in sola constitutione Ecclesie.*
- 3 *S. Thomæ doctrinæ veritas.*

Conclusio S. Thomæ attributa.

Solemnitas Voti consistit in aliqua consecratione ex Apostolica traditione, & Iure diuino.

18



THOMAS 2. 2. quæst. 88. ar. 7. sic ait. Solemnitas Voti attenditur secundum aliquid spirituale, quod ad Deum pertinet, id est secundum aliquam spirituales benedictionem, vel consecrationem, quæ ex institutione Apostolorum adhibetur in professione certa regula, secundo gradu post Sacri Ordinis susceptionem,

vt dicit Dion. 2. cap. Eccl. Hierar; & huius ratio est, quia solemnitates non consueverunt adhiberi nisi quando aliquis totaliter mancipatur alicui rei; non enim solemnitas nuptialis adhibetur nisi in celebratione Matrimonij; quando uterque coniugum sui corporis potestatem alteri tribuit: & similiter Voti solemnitas

B

ad-

adhibetur, quando aliquis per susceptionem Sacri Ordinis diuino ministerio applicatur, & in professione certa regula, quando per abrenunciationem sæculi, & propriæ voluntatis aliquis statum perfectionis assumit: & ad primum sic ait, huiusmodi solemnitas pertinet non solum ad homines, sed ad Deum, in quantum habet aliquam spiritualem consecrationem, seu benedictionem, cuius Deus est author, etsi homo sit minister secundum illud num. 6. Inuocabunt nomen meum super filios Israel, & ego benedicam eis.

Item 2. 2. quæst. 88. ar. 11. docet S. Doctor solemnitatem Voti Sacro Ordini esse annexam ex statuto Ecclesiæ, Voto verò Religionis essentialiter, & 4. d. 38. quæst. 1. ar. 3. quæst. 3. ad tertium. Ecclesiam statuere non posse quod *Votum* *solemne* Religionis non dirimat *Matrimonium ratum*. Ergo S. Thomas vult solemnitatem esse connexam de iure diuino cum Voto, & consistere in quadam consecratione ex Apostolica traditione.

Conclusio, quæ censetur Sancto Thomæ opposita.

Solemnitas Voti consistit in sola constitutione Ecclesiæ.

19 **I**T A Bonifacius VIII. in cap. vnico de voto in 6. per hæc verba: *quod votum debeat dici solumne, & ad dirimendum Matrimonium efficax, nos consulerem voluisti.* Nos igitur attendentes, quod *Voti* *solemnitas* *ex sola constitutione Ecclesiæ* est inuenta, & Greg 13. in Bulla *Ascendens*: ait, *Nos considerantes Voti solemnitatem sola Ecclesiæ constitutione inuentam*: ergo dicendum est solemnitatem Voti non consistere ex Apostolica traditione in aliqua consecratione, quæ obliget Vouentem de iure diuino, idque euiden-

evidenter deduci ex modo, quo Summi Pontifices in allatis constitutionibus loquuntur. Vnde Suarez, & Vasquez apud Grauinam præscrip. tom. 4. par. 2. pag. mihi 297. scribunt opinionem D. Thomæ modo defendi non posse sine errore.

S. Thomæ doctrinæ veritas.

20 **V**T S. Thomæ Doctrinæ veritas elucescat, suppono primo S. Doctorem non dixisse simpliciter, & omnibus modis solemnitatem Voti non esse ex institutione Ecclesiæ; nam solemnitatem Voti esse etiam ex institutione Ecclesiæ affirmat, 2.2. quæst. 88. ar. 7. dum inquit: *Solemnitas Voti attenditur secundum aliquid spirituale, quod ad Deum pertinet*, volens postea explicare quid sit hoc spirituale, secundum quod attenditur solemnitas Voti, subiungit: *idest secundum aliquam benedictionem, vel consecrationem*, cuius verò institutione fiat hæc benedictio, seu consecratio, ait immediate: *quæ ex Institutione Apostolorum adhibetur in professione certæ regulæ*, quod se didicisse refert op. 17. cap. 24. a S. Dion. cuius hæc verba, quæ habentur cap. 6. Eccl. Hier: *divini duces nostri nominibus sanctis ipsos dignati sunt*, interpretatur de benedictione solenni instituta ab Apostolis in professione Monachorum. Institutio autem Apostolorum est quid positivum, & consequenter idem quod institutio Ecclesiæ. Id fusius explicavit S. Doctor in 4. loco cit. in quæst. 3. ubi dixit: *Votum emissum in professione non esse solenne, nisi fieret debito modo, scilicet, in manus eius, qui debet recipere, & alijs circumstantijs, quæ secundum iura determinantur*, quod verò secundum iura, utique positiva, determinatur, est ex institutione Ecclesiæ: alijs, subiungit, *non esset Votum solenne, quantumcumque quis profiteretur, quia ex tali professione non fieret sub potestate eorum, qui Religionis præsumt*. En quomodo non agnoscit solemnitatem in Voto, nisi fiat juxta institutum ab Ecclesiâ:

- quod confirmatur ex ar. 9. quæst. 88. 2.2. vbi ait: *Et quia solemnitas Voti in quadam spirituali benedictione, & consecratione consistit*, vt dictum est (ar. 7.) *qua fit per ministerium Ecclesiæ: ideo solemnitas Voti*
- 21 *sub dispensatione Ecclesiæ cadit*. Sed Theologi, quos in magno numero congerit Sanchez de Matrim. lib. 7. disp. 25. num. 7. & 16. cum S. Thoma duplicem solemnitatem agnoscunt in Voto: vnâ essentialem, alteram accidentalem: Accidentalem vult S. Thom. esse supradictam benedictionem, seu consecrationem, quæ ex instituto positiuo Apostolorum adhibetur: *dum in professione certa regula*, inquit, *per abrenunciationem sæculi, & propria voluntatis aliquis statum perfectionis assumit*; quæ professio tunc recipitur debito modo à Prælato competente, dum recipitur cum circumstantijs, quæ secundum Iura determinantur. Ità S. Thom. 2.2. vbi supra, & in 4. etiam vbi supra.
- 23 *pra.* Substantialis verò solemnitas Voti est ipsa traditio, seu donatio, quam de se facit aliquis se diuino seruitio mancipando, *vigore cuius traditionis*, seu donationis, *ac si esset mutuus contractus* à Prælato debito modo acceptatus, deuenit perpetuò ad seruandam paupertatem, castitatem, & obedientiam obligatus. Ita Pontius de Matr. lib. 7. cap. 7. à num. 15. &c. hanc solemnitatem substantialem tradit S. Doctor ar. 11. quæst. 88. supracitata; dum inquit, *Votum*
- 24 *solemnizari ad id, cui continentia est annexa*. Et quia continentia est essentialiter annexa statui Religionis; quod verissimum esse, & ab omnibus concedi dixit Lessius de Iust. lib. 2. cap. 14. dub. 19. num. 140. *Votum solemnizatur ad statum Religionis, cui statui est annexa essentialiter continentia*, quia debitum continentiae in statu Religionis non reperitur quasi separabile ab illa consecratione superius explicata, & consequenter non ex statuto Ecclesiæ, vt in Sacro Ordine, in quo potest esse consecratio sine debito continentiae, sed tamquam illi essentialiter, sine quo status Religionis esse non potest: *per statum enim Religionis*, inquit S. Doctor,

Doctor : homo abrenunciat saeculo , totaliter Dei seruitio mancipatus , quod non potest simul stare cum Matrimonio . Hac autem abrenunciatio , &c. fit per traditionem , seu donationem sui ipsius suprapositam , in quo substantialis solemnitas consistit .

- 25 Suppono secundò nunquam etiam dixisse S. Thomam solemnitatem Voti esse annexam de iure diuino statui Religionis ; sed debitum continentiae esse essentialiter connexum statui Religionis , ad quam Votum
- 26 solemnizatur ; ad hoc explicandum vtitur S. Doctor exemplo Calicis consecrati , cuius deputatio ad diuinum cultum , quae attenditur etiam secundum aliquid spirituale , ex natura rei consurgit statim ac ad diuini cultus vsum consecratur ab Ecclesia ; quod verò iste Calix consecratur , seu assumatur , est ex institutione Ecclesiae , sed supposita assumptione , seu consecratione , non indiget Calix nouo statuto , quo decernatur diuino ministerio deputatus , nec amplius est in Ecclesiae potestate quod non sit ad diuinum cultum assumptus , & consecratus . Ita in potestate Ecclesiae est quod in statu Religionis quis possit se diuinis obsequijs mancipare , & se tradere , ac deputare diuino seruitio , cum aliquando id possit ab Ecclesia prohiberi , vt dixit S. Thomas in 4. d. 38. quaest. 1. ar. 4. q. 1. ad tertium . & 22. quaest. 88. ar. 9. illis verbis : *ideo solemnitas Voti sub dispensatione Ecclesiae cadit* . Item in eadem Ecclesiae potestate est acceptare professionem Vouentis huiusmodi statum , & certas circumstantias instituere , quibus id debito modo fiat , in quo consistit solemnitas accidentalis , vt dictum est , & clariùs patebit Conclusionem III. sed acceptata Vouentis professione per Ecclesiam , eoque diuinis obsequijs deputato , non est exigendum aliud statutum Ecclesiae , quo iste deputatus ad diuina obsequia declaretur , nec amplius est in Ecclesiae potestate quod iste non sit deputatus ad haec obsequia : hoc enim huic Vouenti post deputationem est essenziale , & ex natura rei consurgit , in quo ponitur Voti solemnitas substantialis .

Ad

- 27 Ad dignoscendum hanc esse S. Doctoris mentem, satis accommodata res erit pendere, quod in opusculo 18. cap. 16. in fine docuit per hæc verba: *sicut autem in humanis contractibus aliqua solemnitates secundum humana iura adhibentur, ut contractus firmiter habeatur; ita cum quadam solemnitate, & benedictione status Pontificalis assumitur, & etiam Religionis professio celebratur.* Dicit ergo S. Doctor celebrari Religionis professionem veluti quendam contractum, in quo observantur humana iura, en solemnitas accidentalis, quæ est in celebratione professionis ex constitutione Ecclesiæ, & ex debito modo secundum eius iura determinato, ut dixerat etiam in 4. loco cit. postea dicit celebrari professionem Religiosam simili modo,
- 28 quo assumitur status Pontificalis. Sicut ergo Pontificalis status assumptus cum solemnitate secundum Ecclesiæ constitutionem instituta habet annexam iurisdictionem in Diocesi sibi ab Ecclesia designata (sine tamen præiudicio supremæ in omnibus Diocesibus Romani Pontificis iurisdictionis, a qua omnis Ecclesiastica iurisdiclio manat, nec indiget nouo statuto Ecclesiæ ad habendam dictam iurisdictionem, quia ad illam primo, & per se veluti ad suum obiectum deputatur. Ita status Religiosus assumptus cum solemnitate ab Ecclesia instituta non indiget nouo statuto Ecclesiæ, quo decernatur ipsi annexum esse debitum continendi, quia ad hoc illa solemnitate accidentali deputatur, ut dictum est.
- 29 Quod docuisse etiam S. Dionisium, loquendo de Monachis 6. cap. Eccles. Hierar. S. Thomas dixit, cum ad suæ doctrinæ confirmationem hæc eius verba assumpsit: *Propter quod & perfectam ipsis donauit gratiam sancta legislatio, & quidam ipsos dignata est sanctificationis inuocatione,* quasi diceret, solemnitas ab Ecclesia instituta in celebratione professionis Religiosæ, quæ eiusdem Ecclesiæ legislatione sancta est, & in inuocatione sanctificationis ab eadem præscripta consistit, annexam habet perfectam illam gratiam, quæ in statu

tu perfectionis Religioſæ Monachos designat ad perpetuum continentię debitum , per quod eorum professio substantialiter solemnizatur , quod cap. 20. ex eodem S. Dionis. iterum S. Thom. confirmavit , vt infra ostendemus .

30 Suppono 3. Nunquam tandem S. Thomam dixisse , solemnitatẽ Votorum statui Religioſo absolute considerato esse essentialiter connexam , quamvis , vt in superiori Conclusionẽ dicebamus , dum viueret S. Thomas , nulla eſſet Religio , in qua ſolemnis professio non emitteretur . Inimò S. Doctor Religionem sine professione ſolemni eſſe poſſibilem in Eccleſia docuit expreſſe , vt ibidem dicebamus .

31 Ex his ſuppoſitis euidenter inferitur S. Thomam nihil docuiſſe quod Summorum Pontificum decretis ſupradictis contradiceret ; nam Bonifacius , & Gregorius Summi Pontifices dixerunt . *Solemnitatem Voti ex ſola conſtitutione Eccleſie eſſe inuentam.* S. Thomas idem aſſeruit , vt probatum eſt , & euidenter expreſſit dicto opuſc. 17. cap. 20. ſub his verbis : *qui perpetuo ad aliquid deputantur , vel obligantur , aliqua Eccleſiaſtica ſolemnitas in tali conſecratione adhibetur , puta qui in Episcopos conſecrantur , vel qui in profeſſione Religionis benedicuntur etiam ſecundum antiquum Eccleſie ; vt patet per Dionis. lib. de Eccl. Hierar. cap. 6. aliis cap. 10. vbi nota S. Dion. dicere Monachi institutionem habere vim conſecrationis ; & qui peruenit ad Monachorum institutum , eſſe conſecratum.* S. Thomas S. Dionyſij loquendi modum ſecutus profeſſionem Religioſam conſecrationem appellauit . Præterea Gregorius Pontifex decreuit Societatis ſcholares , & Coadiutores quamvis non ſolemniter profeſſos , eſſe verè Religioſos ; S. Thomas id etiam docuit tamquam poſſibile nouo iure , quod ſæculo , quo viuebat , adhuc non erat in vſu : Inſuper , ſi idem Gregorius declarando Societatis ſtatum eſſe Religioſum ſine ſolemnitate Votorum quo ad ſcholares , & Coadiutores ; declarauit conſequenter non eſſe de iure diuino annexum Vo-
tum

tum solemnne statui Religionis. S. Thomas idem docuit ut ostendimus supra : qui usus est nomine consecrationis, ad designandas tantum circumstantias observandas in Votorum emissione, quæ in qualibet Religione variè disponuntur : unde, ut in superiori Conclusionem dicebamus, in omni Religione aliqua solemnitas in emittendis Votis observatur ; quæ si fiat cum irreuocabili acceptatione, erit solemnitas absoluta ; si fiat cum reuocabili acceptatione, & potestate manumittendi, ut fit in Societ. respectu Scholarium post Bienenium, & Coadiutorum, erit solemnitas impropria : & ideo illa Vota dicenda erunt absolute loquendo simplicia ; abusive verò, solemnia.

- 33 Dixit ergo S. Thomas solemnitatem Voti consistere in quadam benedictione, seu consecratione ex instituto Apostolorum, & sub dispensatione Ecclesiæ cadere, & rectè iuxta vnanime Doctorum iudicium : Dixit præterea debitum continentiae essentialiter annexum esse statui Religionis. Hoc idem Theologi, & Canonistæ insigniores tamquam sanam, & veram doctrinam amplectuntur ; & ne dum Pontifices contrarium quid decreuisse non sentiunt, sed idem, prorsus declarasse volunt expressis verbis Innocentium Tertium cap. Cum ad Monasterium de statu Monachorum, per hæc verba. *Abdicatio proprietatis, sicut etiam custodia castitatis, adeo annexa est regula Monachali, ut contra eam nec Sum. Pontifex possit indulgere.*

- 34 Quapropter doctissimi viri, quos adducit, & sequitur Basilius de Matrim. Lib. 7. cap. 10. numero 8. ex hac declaratione Apostolica coniungunt de instituto Christi debitum continentiae statui Religionis annexum esse : ideoque coniungere insuper deberent Voto solemnii Religionis non superaddi solemnitatem substantialem, accidentaliter, seu ex instituto Ecclesiæ ; sed illi esse essentialem, utpotè de iure diuino : nam Vouenti Voto sic solemnizato est essentialiter annexum debitum continentiae de instituto Christi, & est essentialiter obiectum,
- pro-

propter quod per se, & primò deputatur Religiosa persona ad diuinum cultum; quod verò per Votum solemne, vel simplex deputetur quis ad diuinum cultum, & eius traditio, & donatio acceptetur ab Ecclesia; ita vt non facta traditione statuto Ecclesiæ conformi; nec acceptata debito modo, &c. secundum iura determinata, nulla resultet obligatio, nulla solemnitas, est ex Constitutione Ecclesiæ; & hoc declarauere Pontifices, quod cum S. Thomæ doctrina consonat euidenter, vt ex hucusque dictis clarè patet.

- 35 Confirmatur; nam Sacr. Concil. Tridentin. sess. 24. can. 9. sic ait. *Si quis dixerit Clericos in Sacris Ordinibus constitutos, vel Regulares castitatem solemniter professos posse Matrimonium contrahere, contractumque validum esse non obstante lege Ecclesiastica, vel Voto* (vtique solemnî) nam Votum simplex Religionis in Societate tunc Matrimonium postea initum non dirimebat, vt patet ex dictis precedenti Conclusionè, sicut nec modo antea initum dirimit, vt cum Doctoribus Societatis sentit Sanchez de Matrimon. Lib. 2. disp. 18. numero 6. Ergo Sacrum Concilium, vt etiam in superiori Conclusionè dicebamus; vult Matrimonium dirimi ex duplici capite disiunctiuè, scilicet, vel ex lege Ecclesiastica quoad Clericos in Sacris Ordinibus constitutos, vel ex Voto solemnî, cui in Religione solemniter emissio; prout docuit S. Thomas locis citatis, alijque docuere grauissimi Theologi, vt aduertit Bellar. Cont. Tomo 3. de Matrim. Sacramento Lib. 1. cap. 21 de iure diuino, ac naturali competit dirimere Matrimonium, seclusa etiam lege Ecclesiastica,
- 36 quod innuit insuper Ioannes XXII. in Extrau. *Antique de Voto*. Vbi Matrimonium ratum per subsequentem Ordinis Sacri susceptionem dirimi negat; quia id nec Iure diuino, nec per Sacros Canones statutum reperiebatur: bene tamen dirimi concedit per Religionis ingressum post emissam professionem, quod cum Pontifex non dixerit quo iure statutum esset, putare possumus eum iure diuino id statutum existimasse: nam

C

hoc

hoc grauiſſimi Doctores iam tradiderant , ſicut & po-
 ſteriores quoque tradiderunt ; indè patet Bonifacium
 VIII. in cap. *de Voto* , &c. non declarafſe quicquam
 his in contrarium, nec voluiſſe Votum ſolemne Religio-
 nis dirimere Matrimonium de Iure Eccleſia-
 ſtico , cum ex Ioannis ſucceſſoris
 decreto oppoſitum pro-
 babiliter habea-
 tur .



Sum-

III.

- 1 *Summus Pontifex non potest in Voto solemnizato per professionem Religiosam dispensare.*
- 2 *Summus Pontifex potest in Voto solemnizato per professionem Religiosam dispensare.*
- 3 *S. Thomæ doctrinæ veritas.*

Conclusio S. Thomæ attributa.

Summus Pontifex non potest in Voto solemnizato per professionem Religiosam dispensare.

37



THOMAS 2.2. quæst. 88.
art. 11. sic ait. *In Voto solemnizato per professionem Religiosis, non potest per Ecclesiam dispensari, cuius rationem hanc assignat: Non potest facere aliquis Ecclesie Prelatus, ut id, quod est sanctificatum, sanctificationem amittat etiam in rebus inanimatis: puta quod Calix consecratus designat esse consecratus si maneat integer. Vnde multò minùs potest hoc facere aliquis Prelatus, ut homo Deo consecratus, quandiu vivit, consecratus esse desistat, & iterum ait, non potest fieri per aliquem Prelatum Ec-*
C 2 cle-

clesia, quod ille, qui Votum solenne emisit, desistat ab eo, ad quod est consecratus; putà quod ille, qui est Sacerdos, non sit Sacerdos, licet possit Prælatus ob aliquam causam executionem Ordinis inhibere; & similiter ratione Papa non potest facere, quod ille, qui est professus Religionem, non sit Religiosus.

Conclusio, quæ censetur Sancto Thomæ opposita.

Summus Pontifex potest in Voto solemnizato per professionem religiosam dispensare.

- 38 **H**oc patet expressè, nam plures Summi Pontifices super Voto solemnizato per professionem Religiosam dispensauere, prout ex authenticis documentis referunt cum alijs multis Azorius Inst. p.p. Lib. 12. cap. 7. Barbosa in collect. cap. Cum ad Monasterium, de statu Monach. & Diana par. 8. Trac. primo Ref. 73. quo factò Summi Pontifices declarauere se posse in Voto solemnizato per professionem Religiosam dispensare.

Sancti Thomæ doctrinæ veritas.

- 39 **N**on semper S. Thomam fuisse in sententia quod Votum solemnizatum per professionem Religiosam esset indispensabile supponunt quidam Thomistæ, inter quos Siluius 2.2. super illum art. 11. quæst. 88. quibus consentiunt Azorius, & Barbosa locis citatis, & alij plures; quia in 4. sent. dist. 38. quæst. 1. art. 4. quæst. 1. ad tertium docuit euidenter tale Votum censi probabilius dispensabile: ibi enim sic ait. *Et ideo alij dicunt*

cunt probabilius, si communis utilitas totius Eccle. sic aut vnus Regni, vel Prouincia exposceret, posset conuenienter, & in Voto Continentiæ, & in Voto Religionis dispensari, quantumcumque esset solemnizatum; non enim per Votum potest se homo deobligare ab eo, in quo tenetur alteri, vt dictum est, (scilicet in corp. quæst.) vnde talis posset imminere necessitas, quod posset alicui iussu prohiberi ne continentiam, aut Religionem voueret, & eadem necessitate manente, potest etiam in Voto dispensari iam actio, dixerat autem in cor. quæstiuncula. Dispensatio est Iuris relaxatio ex aliqua legitima causa; quia enim Votum de illicito esse non potest: non autem licet subtrahere alicui quod ei debetur; ideo per Votum alicuius non potest fieri præiudicium suo Pralato, quin debeat eius mandatis parere, cum fuerit opportunum. Vnde si Pralatus videat expedire aliqua rationabili causa, vel propter ipsum, qui vouit, vel propter alios, quod Votum non seruet, potest eum ab obseruatione Voti deobligare, qui aliàs de iure obligatus erat. Idem repetit in scripto ad Anibald. eadem dist. art. 2. ad secundum per hæc verba, Voti Religionis principalia sunt indispensabilia, vt ipsi dicunt, quibusdam verd è contrario videtur quod in ijs possit dispensari eadem ratione, qua possent aliquando prohiberi propter aliquam maximam Ecclesie necessitatem. Hic notandum est scriptum ad nostrum Anibaldum inter postrema edita S. Doctoris opera connumerari debere; Anibaldus enim ad Cardinalatum promotus fuit anno 1263. Constat ergo quod S. Doctor cum scriptum illud mittebat, vel secundam Partem paulo ante compleuerat, vel actualiter circa eam versabatur. Vnde insurgit vehemens coniectura S. Doctorem opinionem de hac Voti solemnisi dispensabilitate in 2.2. variasse, vt supradicti Thomistæ sentiunt; sed probabilius mihi semper erit in ea, quam docuerat in primo scripto super sententias, opinione semper fuisse constantem: nam incredibile prorsus est sibi eodem fere tempore esse voluisse contrarium, ita vt scriberet in 2.2.

Vo-

Votum Religionis solemnizatum ignorantè quosdam Iuristas dixisse dispensabile, cum paulò ante, vel post scribendo ad Anibaldum dixerit secundum aliquos esse dispensabile propter aliquam maximam Ecclesiæ necessitatem, quod ipsemet senserat in illo priori scripto super sententias esse probabilius, nulla adhibita ad Anibaldum huic opinioni nota improbabilitatis, vel ignorantia; quapropter indicavit se illud adhuc probabilius reputasse.

- 41 Item sub quo iusto titulo 2.2. q. 88. art. 11. potuisset S. Doctor quosdam Iuristas asserentes Voti prædicti dispensabilitatem obiurgare illis verbis, *licet quidam Iurista ignorantè contrarium dicant*, dum ipse summus Theologus idipsum dixisset cum præstantissimis Doctoribus, quos adducit sub tacito nomine ad Anibald. ; & in priori scripto super sententias loco cit. commendat illis verbis, *alij dicunt probabilius*.

- 42 Accedit ad hæc ipsum S. Doctorem obieciſſe sibi 2.2. vbi supra primum argumentum quo conuictus fuerat in dicto loco 4. sent. ad iudicandum probabilius esse tale Votum esse dispensabile. *Si id exposceret. bonum totius Ecclesiæ, quia non potest homo se deobligare ab eo, in quo tenetur alteri, scilicet Prælato, cui per tale Votum non potest fieri præiudicium, quin debeat eius mandatis parere, cum fuerit opportunum*, cui argumento respondens ait, *non esse res diuinas conuertendas in vsus hominum: & ideo cum Religiosus professus sit mortuus mundo, & viuat Deo, non est reuocandus ad vitam humanam occasione cuiuscumque euentus*,
- 43 Vbi obseruare oportet primò S. Doctorem dixisse res diuinas non esse conuertendas in vsus hominum, non verò non esse conuertendas in vsus pios hominum, nam *ly per vsus hominum* excludere certò noluit illum vsus, ex quo pendet commune bonum totius Ecclesiæ; nam certum est res diuino cultui dedicatas frangi posse, & in vsus pios v. g. in vsus pauperum religioſe conuerti: certum est etiam quod in commune bonum totius Ecclesiæ conuertitur, non esse dicendum ita in vsus ho.

hominum conuersum, vt simul in vsum diuinum conuersum fuisse dici rectè non possit: Cùm ergo S. Doctor ex hac ratione, quod res diuinæ non sint conuertendæ in vsum hominum, intulit Religiosum professum non esse reuocandum ad vitam humanam occasione, cuiuscumque euentus, intelligendus est de euentu purè humano; ex quo, scilicet, commune bonum totius Ecclesiæ non penderet: nunquam namque negasset Religiosum ad vitam humanam reuocari non posse occasione euentus boni, quod in vtilitatem totius Ecclesiæ redundaret; immò in id consensit expressè in 4. Sent. vt patet.

44 Secundo obseruare oportet S. Doct. dixisse in 4. loco cit. Votum Religionis solemnizatū esse dispensabile, *quia per tale Votum non potest fieri praiudicium Prelato, cuius mandatis debitum est parere cum fuerit opportunum*, huic rationi, quæ ipsum in 4. Sent. conuicerat ad asserendum Voti solemnitis dispensabilitatem, nihil respondet 2.2. in illo art. 11. quæst. 88. quod certè non prætermisisset, nec mutando sententiam, rationem præfatam soluere omisit: patet enim id 9. Doctorem semper egisse; dum de aliqua sententia prius tradita, aliter postea sibi visum fuisset, quod ex eius pluribus doctrinæ locis euidenter colligitur.

45 Insuper perpendo S. Thomam in eadem quæst. 88. art. 12. ad secundum docuisse Sum. Pontificem gerere plenariè vicem Christi in tota Ecclesia, ipsumque habere plenitudinem potestatis dispensandi in omnibus dispensabilibus Votis, quod replicat in scripto ad Anib. loco cit. ad tertium, sed idem S. Doctor eodem in loco 2.2. docet Votum Religionis solemnizatum esse dispensabile, vt in fine præsentis discursus ostendemus, ergo
46 &c. Præterea S. Doctor in 4. dist. cit. quæst. 1. art. 4. quæst. 2. & 22. quæst. 184. art. 6. & quæst. 189. art. 7. docet in Voto Religionis, quod inter Vota perpetua comprehendit, solum Papam dispensare (vbi S. Doctor loquitur etiam de Voto Religionis iam actò infra constabit) ergo non est verisimile S. Doctorem sensisse aliquando Sum.

Sum. Pontificem in tali Voto dispensare non posse, cum ubique innuat oppositum.

- 47 His rectè & maturè consideratis, mihi certum est S. Doctorem alio satis diuerso sensu negasse 2.2. in illa quæst. 88. Votum Religionis solemnizatum esse indispensable, & in 4. sent. loco cit. esse dispensabile affirmasse, nam ego existimo S. Doctorem dixisse in 4. sent. Votum illud esse dispensabile, sed non eo modo, quo quidam Iuristæ putabant, quem modum esse impossibilem statuit, & cum Decretali ibi *in arg. sed contra* adducta pugnare censuit; sed dixit esse dispensabile alio modo ab ipso 2.2. in illa quæst. 88. tradito, & à Sum.
- 48 Pontif. conditore Decretalis illius intento. Vnde apparet expressè S. Doctorem non fuisse sibi contrarium, sed omninò in sua sententia constantem, nec Sum. Pontificis authoritati detraxisse, sed multum fauisse dum verba illius Decretalis, quæ Voti solemnitis indispensabilitatem sonare videbantur, iuxta sensum proprium, & Apostolici eloquij dignitati congruum explicauit, statuendo Votum præfatum dispensabile quidem esse, sed seruato modo, quem ex eius doctrina eruemus in sequentibus.
- 49 Dico ergo duplici modo posse dispensari in Voto Religionis solemnizato. Vno modo, remanente statu Religioso amotis Votis, alio modo, dissoluto statu Religioso dum Vota amouentur: priori modo non potest per Papam in Voto isto dispensari; quia status Religiosus habet sibi essentialiter annexum debitum continentia, quod est de eiusdem status substantia de iure diuino ex institutione Christi vt dictum est, & loqui solent Doctores præcipui apud Basilium vbi supra. Hoc probat ratio S. Thomæ adducta 2.2. in illo art. 11. quæst. 50 88. nam posito quod statui Religioso sit annexa essentialiter continentia, vt ibi S. Doctor dicit, optimè sequitur non posse statum Religiosum permanere sine continentia, & consequenter manente statu illo, continentiam esse indispensablem, non verò sequitur non posse statum illum immutari, dum super continentia dispen-

dispensatur. Quod enim conuenit alicui secundum se, inquit S. Tho. p.p. quæst. 50. art. 5. nunquam ab eo separari potest: Ab eo autem cui conuenit per aliud, potest separari, separato eo, secundum quod ei conueniebat. Rotunditas enim à circulo separari non potest, quia conuenit ei secundum se ipsum; sed eneus circulus potest amittere rotunditatem per hoc, quod circularis figura separatur ab e. *Ita debitum continentia, quia secundum se conuenit statui Religioso, nunquam à tali statu separari potest: sed homo Religiosus potest amittere debitum continentia per hoc, quod virtute dispensationis separatur ab eo.* Hinc oritur secundus modus, iuxta quem dispensatio super hoc Voto cadere potest, & est dum dissoluitur per talem dispensationem status Religiosus. Nec amplius quid probare videtur Calicis consecrati exemplum à S. Thoma adductum; nam Calix consecratus, hoc est, diuino cultui deputatus, in sensu composito, per quamcumque potentiam fieri non potest quod non sit consecratus, hoc est diuino cultui non deputatus; sed mutato Calice per nouam deauorationem, vt probabilis fert opinio, vel per fractionem, vel tandem per deputationem eius ad profanum vsum; ita vt desinat esse Sacer, & ex sacro deueniat profanus, non amplius diuino cultui sacrat, sed communibus hominum vñibus concessus, quod fieri posse à Papa Doctores admittunt, & accidit de facto, dum loca, vbi sunt erectæ Ecclesiæ, eius authoritate profanantur; Calix iste non est amplius consecratus: nam, ait S. Tho. ibi. *Calix consecratus non desinit esse consecratus si maneat integer. Ergo Calix consecratus desinit esse consecratus si non maneat integer*, physice scilicet, aut moraliter, quia præteritus eius status per talem mutationem est destructus: Ita manente Religioso diuino seruitio mancipato, in sensu composito, impossibile est super debito continentia dispensari; quia debitum continentia cum statu Religioso essentialiter connectitur ex supradictis. Sed mutato per authoritatem Papæ statu Religioso, dum sua dispensatione remittit authoritate

D

Dei,

Dei, qua plenissime fruitur, promissionem factam, & fidem in Voto datam, destruit statum Religiosum in Vovente, qui tunc, cum non maneat integer, vt ita dicam, nam definit esse consecratus, hoc est, diuino cultui deputatus, ad secularia Vota liberè transire poterit.

- 52 In hoc sensu volunt prastantissimi Thomistæ cum Caietano 2. 2. loco cit. locutum fuisse Innoc. III. in sua Decretali Cap. *Cum ad Monasterium*, de statu Monachorum. cum inquit, *Abdicationem proprietatis, sicut & custodiam castitatis, adeò esse annexam regulæ Monachali, vt contra eam nec Summus Pontifex possit licentiam indulgere*, idest dispensare, vt Monachus manente Monacho sit sine castitate, & paupertate.
- 53 In hoc eodem sensu iidem putant dixisse S. Thomam 2. 2. quæst. 88. art. cit. *Papam non posse facere quod ille, qui est professus Religionem, non sit Religiosus*, scilicet, manente in eo Voto solemnizato, quo professus dicitur, facere non potest quod non sit Religiosus, sicut manente statu seruitutis in seruo, dominus facere non potest quod non sit seruus, sed potest de seruo facere non-seruum manumissione statu seruitutis amoto.
- 54 Huius doctrinæ simile deduco ex possibili dispensatione Dei super præcepto de non accedendo ad coniugatam quamdiu viuit Vir eius, qua dispensatione secuta, de facto Propheta Oseas Vxorem alterius licitè sibi copulauit. Ad Vxorem Viri viuientis non accessisset licitè Propheta, nisi Deus sua dispensatione abstulisset ab ea conditionem *non sua*, qua conditione per diuinam dispensationem ablata, Oseas ad eam accessit sine transgressione Decalogi, ex S. Thoma 3. d. 37. art. 4. ad tertium. Ita Sum. Pontifex sua dispensatione aufert à Viro Religioso conditionem status, cui est annexa essentialiter continentia, qua ablata, nulla in eo remanet professio, nulla obligatio ad acta Religionis Vota.
- 55 Hanc fuisse S. Thomæ sententiam mihi persuadet intentum ipsius, quod habuit 2. 2. in illo art. 11. quæst. 88. *Vbi suam mentem, circa Voti solemnitis possibilem dispensationem*

56 dispensationem clarius propalauit; nullibi etenim alibi dixit. Votum Religionis esse à Papa indispensabile. Hoc intentum S. Thomæ fuisse puto, vt erat Pontificiorum Decretorum propugnator acerrimus, patrocinari veritatem Decretalis illius, quam fortè quidam Iuristæ tunc non admittebant, vel legitimum sensum eius ignorabant; nam relata opinione de Voti solemnibus dispensabilitate, sic ait, *sed quia Decretalis inducta expressè dicit quod nec Sum. Pontif. potest contra custodiam easitatis Monacho licentiam direxido aliter videtur dicendū* scilicet, vt Decretalis inductæ autoritas subsistat, dicendum est aliter, quàm quidam Iuristæ eius sensum ignorantes dicant. Cum verò Decretalis illius sensus optimè saluetur supradicto modo dispensationis admissio, quo non limitatur Summi Pontificis potestas dispensandi in tali Voto, & seruata S. Thomæ in sua doctrina constantia, patet illorum Iuristarum ignorantia, hunc modum dicendi, qui etiam præstantissimis Thomistis placuit, amplectendum existimo; maximè cum ex eiusdem S. Thomæ doctrina, quæ legitur in corpore illius articuli 11. coniiciatur euidenter; S. Thomas enim ibi reprehendit quosdam Iuristas, quia ex eorum sententia sequebatur Papam posse facere vt ille, qui non habet Vota Religionis, sit Religiosus: nam permanentem in statu Religioso volebant per dispensationem esse à Votis absolutum, & meritò reprehenduntur. Propositio enim Iuristarum illorum erat omnino falsa, & contradictorie opposita veræ propositioni; hæc enim est propositio vera & indubitata.



*Non habens Vota Religionis impossibile est
quod sit Religiosus.*

Ergo hæc quæ erat Iuristarum illorum
est falsa.

*Non habens Vota Religionis possibile est
quod sit Religiosus.*

CUm supradictæ contradictoriæ opponatur, has duas contradictorias cogeantur concedere illi Iuristæ esse simul veras, quod non nisi cum crassa prorsus ignorantia concedi potest. Vnde iure optimo à S. Thoma iudicantur ignoranter dixisse: prima enim propositio vniuersalis est vera apud omnes, secunda particularis, quæ etiam apud omnes est falsa, censenda erat vera à Iuristis illis, cum dicerent Religiosum persistendo in statu Religioso potuisse super Voto Religionis dispensari: hoc enim idem est ac si dixissent, non habentem Vota Religionis possibile esse, esse Religiosum: sed si illi Iuristæ cum Theologis dixissent Papam posse suam dispensatione super Votis Religionis destruere Religiosi professionem; ita vt Religiosus dispensatus super Votis Religionis non esset amplius Religiosus professus, bene dixissent, nec eis Sanctus Thomas ignorantie notam intulisset.

Dubium incidens.

57 **Q** Veres, dato quod S. Thomas senserit Votum Religionis esse dispensabile, hæc dispensatio in eius sententia cuius competeret autoritate ordinaria, tantum ne Sum. Pontifici, vel etiam alijs inferioribus Prælati?

58 Vt respondeam quæsito, suppono primo Sum. Pontificem

cem de plenitudine potestatis posse super pluribus in Ecclesia dispensare, super quibus nemo alius illi inferior auctoritate ordinaria dispensare potest, v. g. potest ipse solus auctoritate ordinaria dispensare cum simplici Sacerdote quod possit ministrare Sacramentum Confirmationis, vt insinuat S. Thomas 4. d. 7. quæst. 3. art. 1. quæst. 3. & opusc. 17. Cap. 24. Idem dicerem de dispensatione super Matrimonio rato non consummato, super residentia Episcoporum, eorumque translatione, vel obligatione perpetua datæ fidei Ecclesiæ suæ, &c. In his, & similibus videtur Papam habere quandam potestatem excellentiæ, et auctoritatem ordinariam singularem.

- 59 Suppono 2. cum dicitur à S. Thoma 2.2. q. 88. art. 12. ad 3. Papam de plenitudine potestatis posse dispensare in omnibus dispensabilibus Votis, non esse intelligendum ipsum hoc dixisse, quia putaret inueniri quædam Vota à Papa ex defectu auctoritatis indispensabilia, etiam data iusta causa dispensandi, vt Siluius ibi S. Doctorem interpretatur, cum ostendere intendit Votum Religionis iam actum à Papa in sententia S. Thomæ esse indispensabile, sed docuit dari Vota indispensabilia, vt ita dixerim, materialiter, quia scilicet naturalem habent repugnantiam cum dispensatione, quod tunc tantum contingit, cum, ex nulla causa apparente, Papa illa Vota dispensare vellet, vt expressè declarat S. Thomas in proxima superiori responsione, ad 2. & dixit Rota coram Martino Andrea In nullo, seu Caput Aquensis Pensionis 18. Aprilis 1616. cum pronunciatum illud Innoc. III. *abdicatio proprietatis &c. vt contra eam nec Sum. Pontifex possit indulgentiam præbere*, declarat, vt, scilicet, intelligatur sine causa, non autem cum causa.
- 60 His suppositis Dico, S. Thomam in ea esse sententia solum Papam auctoritate ordinaria in Voto Religionis solemnizato dispensare posse.
- 61 Probo, quia S. Thomas in 4. loco cit. quæstion. 2. docet in Votis, quæ non de facili dispensationem recipiunt,

piunt, nec frequenter, sed raro, sicut *Votum Religionis*, & alia huiusmodi *Vota perpetua*, solum Papam dispensare posse. In alijs verò temporalibus *Votis*, sicut *Peregrinationum* &c. posse etiam Episcopos dispensare, nisi aliquod horum sibi Papa reseruauerit, sicut est dispensatio in *Voto Peregrinationis Terra Sancta*. Vbi notanda est distinctio facta à S. Doctore inter Papæ, & Episcoporum auctoritatem in dispensandis *Votis*: nam in *Voto Peregrinationis* &c. dicit S. Thomas posse, & Papam, & Episcopos dispensare, si isti non prohibeantur, sicut prohibentur dispensare in *Voto Peregrinationis Terra Sanctæ*, super quo ante Papæ reservationem poterant Episcopi dispensare, quia in *Votis Peregrinationis* dispensare pertinet ad Episcoporum auctoritatem ordinariam. In *Voto* verò *Religionis* dicit S. Doctor solum Papam posse dispensare, nulla facta mentione specialis reservationis; ergo auctoritate ordinaria id soli Papæ competit ex D. Thoma.

- 62 Dices cum Siluio 2.2.q.88. art. 12. Concl. 2. S. Thomam, dum ait *Votum Religionis* esse dispensabile, loqui de *Voto Religionis* ingrediendæ, non de *Voto Religionis* iam solemnizato per professionem: Sed contra: nam S. Thomas in 4. loco cit. q. 1. ad 3. loquitur de *Voto Religionis* iam actò, de quo etiam loqui 22. patet: nam in illo art. 12. ad 3. dixit Papam dispensare posse in omnibus *Votis* dispensabilibus, inter quæ S. Thomam connumerasse *Votum Religionis* iam actum deducitur ex eodem articulo in responsione ad 2. Vbi dicit S. Thomas *Votum de Ingressu Religionis*, si esset causa apparens, à quolibet Prelato posse dispensari: tunc enim hoc *Votum* non erat reseruatum, vt constat ex respons. ad 3. Vbi S. Thomas reseruata Papæ *Vota* recensendo, inter ea *Votum* de ingredienda Religione non nominat. Ergo cum S. Thomas dicit *Votum de Ingressu Religionis*, dum scriberet, potuisse à quocumque Prelato dispensari; *Votum* verò *Religionis* iam actum à solo Papa, euidenter ponit hanc differentiam inter *Votum de Ingressu*
su

fu Religionis, & Votum Religionis iam actum, quod primum à Prælatiſ Papæ inferioribus diſpenſari potuiſſet, ſi prohibiti non fuiſſent; ſed Votum Religionis iam actum eſſet diſpenſabile tantum à Sum. Pontifice. Ergo hanc poteſtatem ordinariam diſpenſandi in Religionis Voto iam acto S. Thomas ſoli Papæ attribuit.

63 Nec quemquam turbet illa Siluij loco cit. excogitata ponderatio verborum S. Thomæ, dum ait S. Thomam in illa reſpon. ad 3. dixiſſe ad Papam pertinere diſpenſare Vota maiora: nomine verò Votorum maiorum vult S. Doctorem intellexiſſe omnia Vota diſpenſabilia reſeruata Papæ, quæ alibi S. Thomas dixit perpetua, nam, inquit, plura Vota ſunt perpetua, ſed Papæ non reſeruata, quia non ſunt maiora: quædam verò ſunt Vota maiora perpetua, ſed indiſpenſabilia apud S. Thomam, vt Votum Religionis ſolemnizatum: maiora ergo perpetua exiſtimat S. Thomam dixiſſe quædam eſſe indiſpenſabilia etiam à Papæ, & quædam eſſe diſpenſabilia; tamen reſeruata Papæ diſpenſatione. Sed concedimus quidem Siluij non omnia Vota, quæ ſunt perpetua, eſſe maiora, & Papæ reſeruata: nam multa ſunt Vota temporalia, & maiora Papæ reſeruata, vt Peregrinatio Terræ Sanctæ, & multa non maiora, ſed perpetua non reſeruata, ſicut Votum Ieiunij per totam vitam; dicimus tamen docuiſſe S. Thomam Vota quædam eſſe de Iure diuino reſeruata ſoli Papæ, & hæc eſſe inter maiora, & perpetua: hoc ſonat illud Sincathegorema, *huiusmodi*, additum à S. Thom. in 4. loco cit. quæſtiun. 2. Voto Religionis, cum dixit, *Votum Religionis, & huiusmodi*. Vbi notandum eſt S. Doctorem enumerando Vota maiora Papæ reſeruata 2. 2. art. illo 12. ad 3. dixiſſe Vota maiora eſſe Continentiæ, & Peregrinationis Terræ Sanctæ: In 4. verò in illa quæſtiun. 2. inquit In Voto Religionis ſolum Papam poſſe diſpenſare: In Voto autem Peregrinationis Terræ Sanctæ Episcopum diſpenſare non poſſe, ſicut in alijs temporalibus Votis; non quia de Iure ordinario id non poſſet, ſed quia ſibi illud
Papæ

Papæ reservauit. Constat ergo ex S. Thom. Episcopum posse auctoritate ordinaria dispensare super omnibus Votis, quæ non sunt de Iure diuino dispensabilia nisi tantum à Papa: si verò super quibusdam ex illis dispensare non potest, hoc euenit quia prohibetur. Verum amota qualibet Papæ prohibitionem, Votum Religionis iam actum dispensari non potest ab inferioribus Papæ, prout colligitur ex S. Thomæ doctrina iam tradita, ex qua habemus S. Thomam dixisse Episcopum dispensare potuisse in Voto Peregrinationis Terræ Sanctæ, sed de Iure positiuo prohibente hunc vsum ordinariæ potestatis, ab eo fieri indispensabile: nunquam verò inueniemus S. Doctorem dixisse Episcopum dispensare potuisse in Voto Religionis Religiosa professione,

sollemnizato. Ergo in eius doctrina super Vo-

to Religiosæ professionis iam actæ, quod

dixit esse dispensabile, à solo Pa-

pa auctoritate ordinaria

dispensatur.



In

IV.

- 1 *In Religione cum Voto simplici paupertatis non potest cohærere dominium.*
- 2 *In Religione cum Voto simplici paupertatis potest cohærere dominium.*
- 3 *Sancti Thomæ doctrinæ veritas.*

Conclusio S. Thomæ attributa.

In Religione cum Voto simplici paupertatis non potest cohærere dominium.

64



Aec Conclusio colligitur ex his, quæ docet Sanctus Thomas 2.2 q. 186. art. 3. vbi sic ait ad perfectionem charitatis acquirendam primum fundamentum est voluntaria paupertas, vt aliquis absque proprio viuat, & q. 188. art. 7. iterum ait, habere aliquid proprium perfectioni Religionis repugnat. Ergo in Religione cum Voto

simplici paupertatis de mente S. Thomæ non potest cohærere dominium, probatur consequentia, quia qui habet dominium, habet proprium, sed habere proprium repugnat perfectioni Religionis secundum S. Thomam, ergo secundum eundem consequenter dicendum erit habere dominium repugnare perfectioni Religionis, tunc sic; sed cum Voto simplici paupertatis cohæret dominium, vt patet in Religione Societatis. Ergo Votum simplex paupertatis, cum quo

E

co-

cohæret dominium, in sententia S. Thomæ repugnat perfectioni Religionis; ergo in Religione cum Voto simplici paupertatis de mente D. Thomæ non potest cohærere dominium.

Conclusio quæ censetur S. Thomæ opposita.

In Religione cum Voto simplici paupertatis potest cohærere dominium.

- 65 **H**Aec propositio habetur pro definita à Gregorio XIII. in suis Constitutionibus ita clarè, vt Lufius Turrianus Censurarum Theologicarum Cent. 4. dub. 38. oppositum dixerit esse errorem: nam Summus Pontifex in Bulla, quæ incipit, *Quandò fructuosius*, ita loquitur de ijs, qui in Societate post biennium Religionis Vota emisserint, *quod verò ad paupertatem attinet; quamvis bonorum suorum ius, & dominium, &c. ad tempus retinere valeant, &c. in illorum tamen usu religiosam paupertatem servant, nec ulla re tanquam propria, & sine Superioris facultate uti possunt, & iterum in Bulla, quæ incipit, Ascendente, ait, licet qui ad gradus Professorum, & Coadiutorum formarum non dum pervenerunt, bonorum suorum ius, atque dominium retinere valeant, &c. interim tamen Religiosam paupertatem servant, nec ulla re tanquam propria uti possunt.* Igitur in Religione cum Voto simplici paupertatis potest cohærere dominium: Probatur Consequentia; nam Summus Pontifex definit in Societate, quæ est Religio, cum Voto simplici Paupertatis posse cohærere dominium, ergo definit in Religione cum Voto Paupertatis posse cohærere dominium.

S. Thomæ doctrinæ veritas .

- 66 **S** Thomas ne dum docuit nihil, quod Gregorij Pontificis præfatis definitionibus cōtradiceret; verum potius Gregorius S. Thomæ doctrina vsus est, dum easdem definitiones edebat; quod vt euidenter appareat, suppono quæ S. Doctor tradidit 2.2. locis citatis 3. c. g. Cap. 131. & 135. & opusc. 17. Cap. 15. vbi de re, de qua agimus, fusior illi sermo fuit: Vbiq̃ docet Religiosam paupertatem illam esse, in qua aliquis sine proprio viuit, cuius vitæ laudabiliorem finem constituit, vt à sollicitudinibus terrenis liberatus, liberius diuinis, & spiritualibus vacet. Hic est quod 2. 2. q. 188. art. 7. statuit paupertatem esse instrumentum perfectionis: ideòque inquit, *non oportet quod Religio tanto sit perfectior, quanto maiorem habet paupertatem; sed quanto eius paupertas est magis proportionata fini communi, & speciali*: Præterea 3. c. g. Cap. 135. docet illum esse laudabiliorem modum viuendi in paupertate, *qui magis à sollicitudine temporalium & occupatione circa ea hominis animum reddit immutatum*.
- 68 In dicto Capite enumerat quosdam modos viuendi in paupertate. Primus est, vendere possessiones, & de præcio cōmunitèr viuere; Secundus est, possessiones habere communes, ex quibus singulis prouideatur, prout cuique opus fuerit; Tertius est, de laboribus manuum viuere; Quartus est, nihil omninò possidere, sed viuere de his, quæ
- 69 ab alijs inferuntur. Alios modos S. Doctor nō recensuit, quia nullibi, dum viueret, Religiosi alios modos viuendi in paupertate præter enumeratos admittebant, verum modum viuendi in paupertate seruato dominio, sed abdicato vsu, cohærere potuisse cum Voto paupertatis in aliqua Religione possibili, ex ipsius S. Doctoris principijs patet euidentèr.
- 70 Nam per hunc modum viuendi in paupertate excluditur omninò habere proprium, quod S. Doctor dixit

repugnare Religioni : Ergo modus iste viuendi in paupertate potest in sententia ipsius cum Voto Paupertatis in Religione coherere. Probatur Antecedens ex opusc. 17. Cap. 15. vbi docet, cum prius possessiones omnes venderentur in Ecclesia, postea Prælatos Ecclesiæ vtile iudicasse vt possessiones in communi ab Ecclesia possiderentur : ex quibus probat non repugnare Monachorum perfectioni habere possessiones in communi; Constat ergo docuisse S. Thomam habere possessiones in communi Religiosis concessum esse ab Ecclesiæ Prælati: ideoque hoc esse de iurè positiuo, & ab Ecclesiæ Constitutione pendere; sed sicut habere Possessiones in communi concedere potuerunt Ecclesiæ Prælati quibusdam Religionibus, quod nihil aliud est, quam singulos Religiosos collectivè habere Ius, & dominium illarum Possessionum; vsum verò esse superiorum arbitrio reservatum, quo modo viuendi in paupertate cum dominio in communi, & vsu apud superiores admissio, singuli Religiosi, cum nulla re vti possint tanquam propria, Religiosam paupertatem seruant; quare ergo nō poterunt aliqui Religiosi ex Summorum Pontificum institutione habere singuli diuisiuè Ius, & Dominium aliquarum Possessionum; & hoc non obstante seruare Religiosam paupertatem, si nulla re tanquam propria, & siue Superioris arbitrio vti possint: Vnde sapientissimè S. Thomas opusc. cit. dixit, *Manifestum est igitur ad cumulum perfectionis pertinere, quod aliqui possessiones non habeant, nec particulares, nec communes*, quasi diceret, continuato Superiori discursu, Monachi in Aegypto primæ perfectionis æmuli possessionibus caruerunt, sed hoc ad cumulum perfectionis ipsorum pertinebat, non ad essentiam perfectionis Religiosæ; si verò ad hunc cumulum perfectionis non pertingat Religiosa perfectio; dum possessiones in communi, vel in particulari admittit; adhuc tamen Religiosa perfectionis essentiam seruat. Igitur si possessiones habeantur particulares, vel communes, tunc extingueretur Religiosa paupertas, cum singuli Religiosi habe-

haberent possessionum istarum proprium usum, & possessionibus uterentur ut proprijs, nullo expectato Superioris arbitrio: hoc enim pertinet ad sollicitudinem, quæ habetur de rebus proprijs, & ad amorem priuatum, qui contrariatur charitati, quæ non querit, quæ sua sunt; sed si præfatus usus absit, seruatò dominio in communi, vel in particulari, tollitur omnis ratio proprij, quod Religiosæ paupertati repugnet, & amouetur omnis sollicitudo, omnis amor priuatus, & consequenter omne impedimentum Religiosæ perfectionis, quæ ordinatur Religiosus ad perfectionem charitatis, ut docet S. Tho. 2.2. q. 188. art. 7.

71 Quapropter S. Doctor opusc. cit. cum retulisset hæc verba S. Hieronymi, *suspirat eos Ecclesiæ diuites, quos tenuit mundus ante mendicos*, inquit, S. Hieronymum innuere voluisse, *periculum paupertatis amittendæ, quod imminet plerisque Monachorum communes possessiones habentium*. Hoc periculum in quo consisteret explicauit 2.2. illo art. 7. ad 3. dicens, *Verbum Hieronymi locum habere, ubi sunt superabundantes diuitiæ, quæ habentur quasi propriæ*, ubi S. Doctor non loquitur de Iure, & Dominio Possessionum, quia cum istæ à quibusdam Religiosis ipso viuente, & probante possiderentur in communi absq; dispendio Religiosæ paupertatis, ex hoc inferre non poterat periculum amittendæ paupertatis in aliquo Religioso particulari; cum nemo illorum posset habere hoc ius, & dominium quasi proprium, nec de illo Iure disponere posset tanquam proprio; hoc enim ius est apud singulos collectivè, videlicet, in cõmunitate collectos. Loquitur ergo S. Doctor de usu bonorum, quæ possidentur in communi, quem usum Monachus, si haberet tanquam proprium, immineret ei periculum amittendæ paupertatis. Ergo sentit S. Thomas, si absit usus bonorum, nullum Monacho, seu cuiunque Religioso imminere periculum amittendæ paupertatis, quamuis Ius dominij, siue communitatis, siue singularis Religiosæ personæ adhuc vigeat.

72 Duplex exemplum huius doctrinæ sumo ex Sacra-
Scrip-

Scriptura in sensu, quo à S. Thoma interpretatur accepta: Primum est ex Apostolo, qui 1. ad Cor. 7. sic ait *Qui sine uxore est, sollicitus est, qua sunt Domini, quomodo placeat Deo; qui autem cum uxore est, sollicitus est, qua sunt mundi, quomodo placeat uxori, & diuisus est.* Hic Apostolus proponit consilium de Virginitate seruanda, sed hoc eius consilium ad eos etiam extenditur, qui consumato matrimonio, pari consensu separati, in Religione approbata continentiam Vouent, isti post solemne Votum continentiae se non priuant iure reciproco, quod mutui corporis est inter eos, quia Matrimonium adhuc in sua essentia persistit, sed solum se priuant vsu, quod post Religiosum Votum sine sacrilegio habere amplius non possunt. En essentialiter Religiosi per Votum continentiae, qui seruato quodam iure, & dominij potestate priuata in coniugis alterius corpus respectiue, vsu omnino abdicarunt, & ita dicuntur esse sine Uxore, & sine Viro, non quantum ad dictam priuatam potestatem quasi dominatiuam; sed quantum ad vsu, & ad solitudinem quomodo placeant sibi ad inuicem, cum iam solliciti esse debeant quomodo placeant Deo. *Vt curis mundi expediti liberius illi vscant*, inquit S. Doctor op. cit. Aliud exemplum sit ex eodem Apostolo, qui ad Gal. 4. ita dicit. *Quanto tempore haeres paruulus est nihil differt à seruo cum sit Dominus omnium*, explicat S. Thomas lect. p. ibidem. *Paruulus licet sit Dominus omnium rerum suarum, tamen in quantum subijcitur alijs, nihil differt à seruo; quia nec voluntatem liberam habet; immò cogitur.* Si ergo aliquis ex Voto, quod ex parte Vouentis esset perpetuum, subijceretur alteri, & voluntatem liberam deponeret se illi non subijciendi, & ex vi Voti ad id cogeretur, certè sentiret S. Tho. illum per totam vitam, licet esset dominus bonorum suorum, nihil differre à seruo, hoc est ab eo, qui nullum haberet dominium, quia per totam vitam cogeretur nunquam vti posse aliqua re sua tanquam propria.

- 73 Confirmantur quae hucusque diximus ex doctrina, quam tradit S. Thom. 2. 2. in corp. illius art. 7. quæst.

188. Vbi statuit paupertatem esse debere proportionatam fini, ne dum communi, sed & speciali cuiuscumque Religionis. Si ergo fini speciali alicuius Religionis esset proportionatus modus viuendi in paupertate, ita vt nulla re tanquam propria Religiosus vti posset; quamuis bonorum suorum dominium sibi reseruaret: certè cum ex illa vsus abdicatione Religiosæ paupertatis essentia in sententia S. Thomæ maneat, vt ex supradictis patet, ipse illam Iuris, ac dominij conseruationem, admitteret, vt talis paupertas esset fini speciali Religionis illius proportionata. Proponamus modò S. Doctori nostro Religionem Societatis, in qua post biennium Religiosi, abdicato vsu, retinent suorum bonorum dominium: ad hunc finem, inquit, Greg. Pontifex, vt *Maiores Societas habeat libertatem illos, si opus fuerit, cum minori offensione dimittendi*, istum finem Societas difficillimè consequeretur, nisi Religiosi post biennium seruarent sibi bonorum suorum dominium, vt patet: Certè ergo S. Tho. diceret paupertatem Societatis accommodatam esse fini huius Religionis, & consequenter hanc paupertatem, quæ, retento dominio vsum abdicat, statueret esse Religiosam paupertatem, quia ipse docet illam esse Religiosam paupertatem, quæ est alicuius Religionis fini speciali accommodata.

- 75 Immo hunc modum viuendi in paupertate, quo Societas vtitur pro Religiosis post biennium, S. Thomas, ni fallor, consuluit 3. c. g. cap. 235. dum interpretatur illud Domini præceptum: *Nolite cogitare de crastino*, quæ Domini verba quidam opponebant Religiosis habentibus possessiones in communi, quasi id Domini nostri sententia illis vetitum esset, sed inquit S. Doctor, *per quod non prohibuit, quin conseruaremus ea, quæ sunt nobis in crastinum necessaria suo tempore*; cum ergo in Societate Religiosi post biennium possint dimitti, & ex iusta causa de facto dimittantur, huiusmodi Religiosi non ita debent se committere diuinæ prouidentie, vt prætermittant humana media illis omninò necessaria ad viuendum

dum suo tempore, hoc est in casu, quo dimitterentur. Vnde isti Religiosi de mente S. Thomæ non prohibentur à Domino, dum illis dixisse supponitur, *nolite cogitare de crastino*, cogitare de illo tempore, quo ad Sæculum reducti indigerent rebus ad victum necessarijs, nec ex eodem S. Doctore Religiosam paupertatem offendunt, cum paupertatem Vouent secundum modum, qui est fini speciali Societatis proportionatus, scilicet, dum isti Religiosi in Religionis statu pauperes viuunt; quia etsi dominium bonorum suorum seruent; vsum tamen eorundem bonorum omninò deponunt.

- 76 Ex dictis patet S. Thomam nunquam dixisse Religiosos de proprio viuere, si abdicato vsu bonorum suorum dominium, & Ius sibi retinere; sed potius docuisse, in aliqua Religione hunc paupertatis modum fuisse possibilem, si fini illius speciali esset accomodatus. Huic doctrinæ Greg. Pontifex inhærendo, Societatis institutum à S. Thoma possibilem habitum de facto approbavit, dictumque modum viuendi in Religiosa paupertate à S. Thoma admissum, tanquam fini speciali Societatis proportionatum, eidem, indulgit pro Religiosis post biennium, & consequenter Sum. Pontifex, abdicato vsu, dominium cum Religiosa paupertate optimè coherere posse iuxta S. Thomæ sententiam definivit.



V.

- 1 *Pater, & Filius possunt dici duo spiratores Spiritus Sancti.*
- 2 *Pater, & Filius non sunt duo spiratores Spiritus Sancti.*
- 3 *S. Thomæ doctrinæ veritas.*

Conclusio S. Thomæ attributa.

Pater, & Filius possunt dici duo spiratores Spiritus Sancti.

77 Ita S. Thomas 1. dist. 11. quæst. 1. art. 4. & dist. 29. quæst. 1. art. 4. ad 2.

Conclusio, quæ censetur supradictæ opposita.

Pater, & Filius non sunt duo spiratores Spiritus Sancti.

78



TA S. Thomas p. 36. art. 4. ad 7. & Conc. Lugdunense, ut habetur. *Cap. Vnico de Sum. Trinit. in 6.* per hæc verba, *Spiritus Sanctus æternaliter ex Patre, & Filio, non tanquam ex duobus principijs, sed tanquam ex uno principio, non duabus spirationibus, sed unica spiratione procedit, & infra damnamus, qui temerario ausu*
F *asser-*

asserere præsumerint quod Spiritus Sanctus à Patre, & Filio tanquam ex duobus principijs, & non tanquam ex uno procedat. Præterea Concilium Florentinum in litteris Unionis sic dixit. Definimus quod Spiritus Sanctus à Patre, & Filio aternaliter est, & essentiam suam, suumque esse subsistens habet ex Patre filius, & Filio, & ex utroque aternaliter tanquam ab uno principio, & unica spiratione procedit.

Ex his arguitur contra 1. Propositionem à S. Tho. in 1. sent. assertam, nam si possuntur plures Spiratores, poni videntur etiam plura principia, quod est contra supra adducta Concilia. Præterea per S. Thomam p.p. ubi supra Pater, & Filius dicendi sunt vnus Spirator propter vnā spirationem. Ergo si dicerentur plures Spiratores, essent ponenda plures Spirationes; sed hoc etiam esset contra definitionem eorundem Conciliorum. Ergo contra eorundem Conciliorum definitionem est dicere *Pater, & Filius sunt plures Spiratores*, & consequenter in prima Propositione, in qua id asseritur, S. Thomas errauit.

Sancti Thomæ doctrinæ veritas.

- 79 **R**esponderetur S. Thomam perpetuò docuisse Patrem, & Filium esse dicendos vnum Principium Spiritus sancti, & vnica spiratione eundem spirare vnaque relatione ad ipsum referri. Ita in p. dist. 11. quæst. 1. art. 2. d. 29. quæst. 1. art. 3. & 4. p.p. quæst. 36. art. 4. in cor. &c. Quapropter S. Doctor eodem modo semper scripsit de hac vnitāte principij, & spirationis actiue Spiritus Sancti, quo Lugdunense, & Florentinum Concilia loquendum esse definire. De hoc vero nomine *Spirator* remanet inter Theologos controuersia, Vtrum scilicet, sit accipiendum vt adiectiuum vel vt substantiuum. De hac tamen differentia grammaticalī Concilia nihil diffinire. Qui accipiunt nomen *Spiratoris*, vt adiectiuum, dicunt Patrem, & Filium esse

esse duos Spiratores, qui hoc nomen accipiunt, ut substantium, dicunt Patrem, & Filium esse unum Spiratorem: prioribus consensit D. Tho. in 1. locis citatis; sed se attentius inspecta, putauit in p.p. cit. melius dicendum esse cum posterioribus. Vtrumque sustineri potest salua vnitare Principij, & Spirationis actiue iuxta definitionem Conciliorum: si enim attendatur ad Patrem, & Filium prout sunt duo supposita distincta, hæc distinctionis conditio facit, ut dici possint duo Spiratores, sicut dicuntur duo Spirantes; ita S. Thomas illo art. 2. p. sent. & tunc *Spiratoris* nomen accipitur adiectiue, veluti accipitur nomen *Spirantis*: Si verò attendatur ad unicam spirationem, qua Pater, & Filius spirant, Pater & Filius dicendi sunt vnus Spirator; quia tunc nomen *Spiratoris* accipitur substantiue; sicut enim Pater, & Filius dicuntur vnus Deus propter vnitatem formæ significatæ per hoc nomen, *Deus*, ita dicuntur vnus Spirator propter vnitatem spirationis significatæ per hoc nomen, *Spirator*. Ita S. Tho. seipsum explicauit opusc. LXXII.

82 Ad arg. in contrarium respondemus male deduci ex hoc, quod dicitur Patrem, & Filium esse duos Spiratores, dicendos esse consequenter etiam duo Principia, & spirare duplici spiratione: nam ut docet S. Tho. in illo art. 2. p. sent. Spiratoris nomine importatur conditio agentis; nomine verò Principij importatur forma: qua agens agit: vnde cum Pater, & Filius sint supposita distincta, propter hanc distinctionis conditionem dici possent duo Spiratores, sed non etiam duo Principia, quia Principium huius actus, qui est spirare, est vnum, & simplex, dicitque proprietatem communem, quæ significatur hoc nomine Principij, ut docet S. Thomas p.p. cit. Item Spiritus Sanctus procedit à Patre, & Filio inquantum sunt vnum; sunt autem vnum in communi spiratione, quæ nominat specialem rationem Principij secundum specialem modum originis vnus simplicis personæ, quæ est Spiritus sanctus, ut docet S. Tho. loco citato ex p.p. & illo art. 3. d. 29. primi sent. Vnde sequitur

tur Patrem, & Filium dicendos esse vñum Principium Spiritus Sancti, quorum est vnus Spirationis actus, vna spiratio, vna relatio ad personam eiusdem Spiritus Sancti, etiamsi dicerentur à distinctione suppositorum duo Spiratores.

- 83 S. Thomas ergo benè dixit Patrem, & Filium esse plures Spiratores, sicut sunt plures Spirantes, quando in primo sent. loco cit. nomen *Spiratoris* accepit adiectiue; quia nomen adiectiuum habet numerum à pluralitate suppositorum; quando verò dicendum putauit p.p. Patrem, & Filium non esse duos Spiratores, iudicauit vnicam eorum spirationem, qua spirant Spiritum Sanctum, potius exprimendam esse nomine vnus Spiratoris, quam pluralitatē suppositorū nomine pluriū Spiratorum: ideoque tūc nomen *Spiratoris* accipiendum esse docuit substantiue, ex quo intulit Patrē, & Filium ab vnica spiratione dicendos esse vnicus Spirator, sicut dicuntur vnus Deus, vt supra explicatum est. Vndè sequitur vtrumque bene scripsisse S. Tho. nec in aliquo Sacris Concilijs refragari.



VI.

- 1 *Hæc Propositio , Filius Dei assumpsit hominem non est hæretica .*
- 2 *Hæc Propositio , Filius Dei assumpsit hominem est hæretica .*
- 3 *Sancti Thomæ doctrinæ veritas .*

Conclusio Sancto Thomæ attributa.

Hæc Propositio, Filius Dei assumpsit hominem non est hæretica .

34



T A S. Thomas 3.d.6.q.1.ar.
2. vbi ait, sciendum tamen
quod prima opinio nullum
prædictorum modorum unio-
nis ponebat, unde non est
hæretica. Prima autem opi-
nio hæc erat, vt dicit S.Tho.
3. p.q.2. ar. 6. in corp. qui-
dam enim eorum conceße-
runt vnā Christi perso-
nam, sed posuerunt duas hy-

potheses, siue duo supposita, dicentes hominem quen-
dam compositum ex corpore, & anima à principio sue
conceptionis esse assumptum à Dei Verbo; & hæc est pri-
ma opinio, quam Magister ponit in 6. dist.3. lib. sent.

Con-

Conclusio S. Thomæ, quæ præcedenti
opposita censetur.

*Hæc Propositio, Filius Dei assumpsit ho-
minem est hæretica.*

85 **I**ta S. Thomas 3. p. q. 2. art. 6. in cor. fin. per hæc verba,
*similiter etiam prima opinio, quæ ponit duas hypo-
stases, & tertia, quæ ponit unionem accidentalem,*
non sunt dicendæ opiniones, sed hæreses in Concilijs ab
Ecclesia damnata. Et q. 4. art. 3. dicit, *Vnde & prima*
opinio, quæ ponitur in 6. dist. 3. lib. sent. concedit ho-
minem esse assumptum; sed illa opinio erronea est, ut
supra dictum est. Ex his formatur hoc argumentum.
Hæc Propositio, *Filius Dei assumpsit hominem*, quam
concedebat prima opinio, est hæretica, quia est in
Concilijs damnata. Ita S. Tho. 3. p. locis citatis. Ergo
S. Tho. errauit quando dixit in 3. sent. primam opinio-
nem, quæ concedebat Filium Dei assumpsisse homi-
nem, non esse hæreticam, cum sit contra Conciliorum
definitionem.

S. Thomæ doctrinæ veritas.

86 **R**esp. S. Thomam in 3. sent. non dixisse absolute, &
simpliciter illam propositionem non esse hæreti-
cam, sed primam opinionem, *secundum quod nullum*
prædictorum modorum unionis ponebat, non esse hære-
ticam, ad cuius rei intelligentiâ sciendum est prædictos
modos unionis, de quibus S. Tho. ibi mentionem fecerat,
esse tres, & omnes accidentales, primus, prout vnitur tu-
nica homini; secundus prout lapis aggregatur lapidi in
aceruo; tertius prout vnitur anima Deo per gratiâ: Quia
ergo

ergo Authores primæ opinionis, dum concederent in Christo vnā personam, ponebant in ipso duo supposita vnita, sed non accidentaliter secundum modos prædictos, & hoc modo putabant declinare hæresim Nestorij, & aliorum, qui ponebant in Christo vnionem secundum quid, & accidentalem, quamuis in eadem hæresim per ignorantiam inciderint; nullam vnionem accidentalem in Christo admittebant; & ideo quantum ad hanc partem, hæresim, quæ ponebat in Christo vnionem accidentalem, declinabant. Vnde S. Tho. dicit primam opinionem ita limitatam non esse hæreticam, secundum hunc sensum præcisè, quia nullum prædictorum modorum accidentalium vnionis ponebat; sed in 3. p. dixit, propositionem illam primæ opinionis hæreticam, & in Concilijs ab Ecclesia damnatam; quia ibi de illa propositione agebat, non secundum hunc vel alium sensum, sed simpliciter, & absolute accepta, prout in Concilijs fuerat agitata, & prædamnata.

vt fufius probatur 4. c. g. c. 38.



Hac


VII.

- 1 *Hæc Propositio, Ille homo capit esse Deus est falsa, sed non hæretica.*
- 2 *Hæc Propositio, Ille homo capit esse Deus, est hæretica.*
- 3 *S.T. Thomæ doctrinæ veritas.*

Conclusio Sancto Thomæ attributa.

Hæc Propositio, Ille homo capit esse Deus, est falsa, sed non hæretica.

87



TA S. Thomas 3. d. 6. q. 1. art. 2. vbi sic ait loquendo de prima opinione, de qua supra, unde non est hæretica, sed ponebat quod erat facta unio secundum hoc, quod persona Verbi incipit esse illa substantia, quod quidem non est intelligibile ut duorum unum fiat alterum,

nisi per conversionem unius ad alterum; immò impossibile est, ut prius dictum est; & idè non sustinetur, & dist. 12. q. 1. art. vn. ad 7. dicit, idem iudicium est de ista, Homo incipit esse Deus, &, homo factus est Deus, & eedem rationes vtroque fieri possunt, & idè requiratur supra dist. 7. vbi inquitum est vtrum homo factus sit Deus. In illa verò dist. 7. q. 2. art. 2. dixit Illam Propositionem esse veram, vel falsam secundum varias opiniones, & 3. p. q. 16. art. 9. dixit hanc propositionem, *iste homo, demonstrato Christo, incipit esse*

esse, fallam esse; sed etiamsi esset vera, non esset ea
utendum absque determinatione, *scilicet, secundum*
humanitatem, (vt dicit ad 1.) *ad evitandum h̄eresim*
Arrij, qui attribuit filio Dei quod erat quando non
erat, vt dixit in corpore.

Conclusio, quæ censetur supradictæ
opposita.

Hæc Propositio, Ille homo capis esse Deus;
est hæretica.

88 **I**ta D.Tho. 3.p. q.2. art.6. vbi ait primam opinionem
non esse dicendam opinionem, sed hæresim: Prima
autem opinio, vti dicit 3.d.6. q.1. art.2. asserbat per-
sonam Verbi incæpisse esse illam substantiam, quæ pro-
positio æquiualeat huic, *Deus incapit esse homo*, & huic,
homo incapit esse Deus, prout docet 3.d.7. q.2. art.2.
quia in vtraque Propositione sunt iidem termini, sed
conuersim positi. Ergo S.Tho. errauit dum propositio-
nem assertam a prima opinione dixit nō esse hæreticam.

S.Thomæ doctrinæ veritas.

89 **R**esp. S.Thomam 3.p. cit. dixisse primam opinionem
esse hæreticam, quia ponebat in Christo vnam
personam, & duo supposita; ideòque incidisse in hære-
sim Nestorij per ignorantiam in sensu supra a nobis ex-
posito; secundum quod verò dicebat illa duo supposita
itā vnita, vt incæperit persona Verbi esse illa substantia,
scilicet, homo, dixit S.Th. secundum principia illius pri-
mæ opinionis eam esse inintelligibilem, cum hæc opi-
nio si non verbis, in re tamen omnem excluderet vnio-
nem, tam substantialem, quam accidentalem: vnde
sequebatur, inquit, non potuisse personam Verbi inci-

G

pe-

pere esse illam substantiam, nisi per conuersionem vnius ad alterum, quod est impossibile. Prima ergo opinione hæreticorum iudicata, illam propositionem. *Homo capit esse Deus*, dixit S. Tho. 3. p. esse falsam, sed quia secundum quorundam opinionem vera putabatur, vt dixerat cit. dist. 7. illam enim in sensu catholico quidam explicabant. S. Doctor nulla facta mentione de Censura speciali, qua in sensu falso digna esset illa propositio, monuit 3. p. ad declinandam etiam in Verbis prolatis omnem suspensionem hæresis Ariane, limitandam esse ab omnibus hac determinatione (secundum humanitatem) quod satis erat ad institutum illius questionis, quam dissoluebat, & ad instruendum vtriusque opinionis sectatores, qui veritatem, vel falsitatem illius propositionis propugnabant.

Appendix.

- 90 **I** Nuenio apud quosdam fuisse Sancto Thomæ impositum eum malè dixisse 3. p. q. 2. art. 3. erroneum tantum esse in Christo ponere duas hypostasies; nam huic propositioni debebat Censuram hæresis adiungere; cum damnata sit in Concilio Ephesino primo.

Sed qui id Sancto Thomæ imponunt, legerunt initium tantum corporis articuli; si enim ad postrema illius verba peruenissent, cognouissent S. Doctorem illi propositioni Censuram hæresis adiunxisse: ait enim ibi prope finem, *sic ergo patet esse hæresim olim ab Ecclesia damnatam dicere quod in Christo sunt duo hypostasies, vel duo supposita.*

- 91 In 3. d. 6. q. 2. art. 3. inquit Siluius 3. p. q. 2. art. 4. negasse S. Thomam personam Verbi per Incarnationem dici posse compositam, sed 3. p. cit. id dici posse affirmavit, quod expressè videtur definitum in 5. Synodo, alijsque sacris Concilijs, vt refert Suarez 3. p. Tomo 1. disp. 7. sec. 4. §. *Dico* tertio.

- 92 Verum S. Thomas in 3. citat. non negauit in persona Verbi Incarnati nisi imperfectiones, quas
com.

compositio partium inducit; hanc autem personam per Incarnationem compositam dixit in 3. p. in quantum unum in duobus subsistit, quod in persona Verbi ut supra accepta nullam inducit imperfectionem. Hoc patet in respon. ad 4. in 3. sent. dum inquit, *Quamvis compositio quantum ad aliquid saluetur in Incarnatione Verbi; nullo tamen modo est ibi ratio partis.* Idem reperit ad quintum ubi perfectam rationem compositionis innuit consistere in partium vnione, sed in 3. p. ad 2. ar. cit. docet compositionem personae ex naturis non dici esse ratione partium, sed ratione numeri: Caiet. 3. p. cit. recte explicauit S. Doctoris mentem per haec verba. *Ad tertium dubium, habita ratione eorum, quae Author in 3. sent. d. 6. dicit, quamvis non tam alta sint ut haec, respondetur quod quia apud nos compositio absque imperfectione componentium intelligi non potest salua sua ratione formali, ideo non simpliciter, neque formaliter admittenda videtur in persona Christi, sed cum determinatione aliqua tollente imperfectionem vnus compositi admitti potest, & admissa est simpliciter, & formaliter ab Antiquis & ab Authore, quod Caietani consilium non displicuit Suarez ubi supra circa finem, & ut aduertit Card. Lugo de Myserio Incar. disp. 10. sec. 3. n. 6. S. Thomas in 3. p. cit. non concessit personam Verbi post Incarnationem esse compositam nisi cum reduplicatione; ait enim ibi in corp. & sic dicitur persona composita, in quantum unum in duobus existit.*



- 1 *Homo sine auxilio Dei gratuito potest ex solo libero arbitrio se ad gratiam, & ad fidem præparare.*
- 2 *Homo sine auxilio Dei gratuito non potest ex solo libero arbitrio ad gratiam & fidem se præparare.*
- 3 *Sancti Thomæ doctrinæ veritas:*

Conclusio S. Thomæ attributa.

Homo sine auxilio Dei gratuito potest ex solo libero arbitrio se ad gratiam & ad fidem præparare:

93



TA sentire videtur S. Tho. 2. di 28. quæst. 1. art. 4. per hæc verba, & ideo alijs consentiendo dicimus quod ad gratiã gratum facientem habendam ex solo libero arbitrio se homo potest præparare; faciendo enim quod in se est, gratiam à Deo consequitur: hoc autem solum in nobis est, quod in potestate liberi arbitrij constitutum est, idem videtur repetere d. 5. quæst. 2. ar. 1. in cor. 1. 2. quæst. 89. art. 6. & de Verit. q. 14. art. 11. ad primum, ubi ait, si aliquis taliter nutritus (scilicet in Siluis) ductum naturalis rationis sequeretur in appetitu boni, & fuga mali, certissime est tenendum quod

quod ei Deus per internam inspirationem reuclaret, quæ sunt ad credendum necessaria, & ad secundum. ibidem inquit, quamuis non sit in potestate nostra cognoscere ea, quæ sunt fidei ex nobis ipsis, tamen si nos fecerimus, quod in nobis est ut, scilicet, ductum naturalis rationis sequamur, Deus non deficiet nobis de eo, quod nobis est necessarium.

Conclusio, quæ censetur S. Thomæ
opposita,

*Homo sine auxilio Dei gratuito non potest
ex solo libero arbitrio ad gratiam,
& ad fidem se preparare.*

94 **C**onclusio est de fide definita in pluribus Concilijs, & præcipue in Tridentino sess. 6. cap. 5. quam ipse S. Tho. tradidit pluribus suæ doctrinæ locis, & præcipue de verit. quæst. 24. art. 15. & 1. 2. quæst. 109. art. 6. Vbi in fin. corp. sic ait. *Vnde patet quod homo non potest se preparare ad lumen gratiæ suscipiendum nisi per auxilium gratuitum Dei interius mouentis, & ad secundum dicit nihil homo potest facere nisi à Deo moueatur, &c. & ideo cum dicitur homo facere, quod in se est, dicitur hoc esse in potestate hominis secundum, quod est motus à Deo, & in resp. ad 4. inquit, hominis est preparare animam, quia hoc facit per liberum arbitrium sed tamen hoc non facit sine auxilio Dei mouentis, & ad se attrahentis, & quæst. 112. art. 2. dicit, quæcumque preparatio in homine esse potest, est ex auxilio Deo mouentis animam, & secundum hoc ipse bonus motus liberi arbitrij, quo quis preparatur ad donum gratiæ suscipiendum, est actus liberi arbitrij moti à Deo, & art. 3. sic ait, preparatio hominis ad gratiam est à Deo sicut à mouente; à libero autem arbitrio sicut*

sicut à moto, his consentanea scribit 3. c. g. Cap. 149. & 159. quodl. 1. quæst. 4. art. 2. ubi inquit *ad errorem Pelagianorum pertinet dicere quod homo possit se ad gratiam preparare absque auxilio diuine gratia*, & ibidem in fine sic ait *nullus potest se ad gratiam preparare nec aliquid boni facere, nisi per diuinum auxilium*; legendus est etiam S. Doctor lec. 3. in cap. 10. ad Rom. & alibi: ideoque Caietanus 1. 2. quæst. 109. ad art. 6. putauit S. Thomam illo loco, quæ dixerat in 2. sent. ad meliorem sensum reduxisse, declarando, & addendo. Alij vero dicunt in 2. sent. cum voluisse simpliciter dispositionem vltimam ad gratiam iustificantem posse esse actum elicitem solis naturæ viribus, quod tamen retractasse putant 1. 2. in illo art. 6. quæst. 109. Videndus Card. Lugo de Virt. fid. disp. 19. sec. 1. n. 18. & de Penit. disp. 8. sec. 7. n. 174.

S. Thomæ doctrinæ veritas,

- 95 **V**erùm S. Thomæ dum in locis supra n. 94. allegatis, sed etiam in 2. sent. dist. illa 28. quæst. 1. art. 4. & alijs locis supra citatis n. 93. voluit omnino hominem cum solo libero arbitrio, & sine gratuito auxilio Dei illum interius mouentis, non posse se ad gratiam preparare, nec facere, quod in se est vt gratiam consequatur: dum enim dicit illo art. 4. super d. 28. 2. sent. *ad gratiam gratum facientem habendam ex solo libero arbitrio se homo potest preparare, & facere quod in se est*, & ferè æquiualentia in alijs locis adductis, nunquam exclusit auxilium Dei gratuitum, sed solum habitum infusum. Vnde 1. 2. quæst. 112. art. 2. c. dum exponit illud Prou. 16. *Hominis est preparare animum*, sic ait, & quantum ad hoc dicitur homo se preparare secundum illud Prou. 16. & est principaliter à Deo mouente liberum arbitrium, & secundum hoc dicitur à Deo voluntas hominis preparari, & à Domino gressus hominis dirigi.

Quod

Quod docuit expresse etiā in dicto art. 4. q. 1. dist. 28. 2. sent. in resp. ad primum ubi sic ait S. Doctor, *Directio gressus specialis non potest esse nisi à Deo, sine cuius providentia nullum bonum contingit; nec tamen oportet quod hoc per aliquem habitum infusum fiat, si directio gressuum ad preparationem ad gratiam gratum facientem precedentem referatur.* Ex his patet S. Thomam docuisse directionem gressuum, hoc est preparationem ad gratiam, non posse esse nisi à Deo; sed non oportere quod Deus hoc faciat per precedentem gratiam gratum facientem, quæ est habitus infusus: quod clarius dixit ibidem ad 2. *Homo non potest, inquit, se ad gratiam preparare, nec aliquod bonum facere, sine Dei auxilio; & ideo rogandus est ut nos ad se convertat, & etiam alios: nec tamen oportet quod illud auxilium semper sit per aliquem habitum infusum, sed potest esse per multa, qua exterius sunt salutis occasio, & per ipsum actum interiorem, quem Deus in nobis causat.* Idem docuit S. Tho. in omnibus suis doctrinæ libris de hac re agendo, ex illis sequentes eius sententias selegimus.

1. 2. q. 109. art. 9. ait S. Tho. *Homo ad rectè vivendum dupliciter auxilio Dei indiget; uno quidem modo quantum ad aliquod habituale donum, &c. Alio modo indiget homo auxilio gratia, ut à Deo moveatur ad agendum, & q. 110. art. 2. sic loquitur: dupliciter ex gratuita Dei voluntate homo adiuuatur. Vno modo, in quantum anima hominis movetur à Deo ad cognoscendum, vel volendum, vel agendum, & hoc modo ipse gratuitus effectus in homine non est qualitas, sed motus quidam anime; actus enim mouentis in moto est motus, ut dicitur in 3. Physic. Alio modo, adiuuatur homo ex gratuita Dei voluntate, secundum quod aliquod ei habituale donum à Deo anima infunditur, & q. 112. art. 2. inquit S. Tho. gratia dicitur dupliciter; quandoque quidem ipsum habituale donum Dei, quandoque autem auxilium Dei mouentis animam ad bonum. Primo igitur modo accipiendo gratiam, præexistur*

gitur ad gratiam aliqua gratia preparatio, quia nulla forma potest esse, nisi in materia disposita; sed si loquamur de gratia secundum quod significat auxilium Dei mouentis ad bonum, sic nulla preparatio requiritur ex parte hominis, quasi præueniens diuinum auxilium, sed potius quæcumque preparatio in homine esse potest, est ex auxilio Dei mouentis animam ad bonum, & secundum hoc ipse bonus motus liberi arbitrij, quo quis preparatur ad donum gratiæ suscipiendum, est actus liberi arbitrij moti à Deo, & de Ver. q. 2. art. 8. inquit S. Th. Immutat autem (Deus) voluntatem dupliciter. Vno modo mouendo tantum; quando, scilicet, voluntatem mouet ad aliquid volendum sine hoc, quod aliquam formam imprimat voluntati, sicut sine appositione alicuius habitus quandoque facit ut homo velit hoc, quod prius non volebat. Alio modo, imprimendo aliquam formam in ipsam voluntatem; sicut enim ex ipsa natura, quam Deus voluntati dedit, inclinatur voluntas ad aliquid volendum, ut ex dictis patet (art. 5. & 6.) ita ex aliquo superaddito, sicut est gratia, vel virtus, inclinatur ulterius ad volendum aliquid aliud, ad quod prius non erat determinata naturali inclinatione. Vbi S. Doctor, dum agit de modo, quo Deus voluntatem immutat, cum in ea ut causa prima operatur, sine eo quod voluntatem nec cogat, nec necessitet; voluntas enim mouetur à Deo eo modo, quo congruit naturæ ipsius, & ideo mouetur libere, quod congruit suæ naturæ, inquit S. Th. 1. 2. q. 10. art. 4. ad 1. Primum modum constituit in simplici motione voluntatis ad volendum, quod prius non volebat. Alium verò modum in habitus gratiæ infusione, qua inclinatur voluntas ad volendum aliquid, ad quod prius non erat determinata. Docet ergo euidenter motionem diuinam, quæ coincidit cum auxilio gratuito, exigendam esse in voluntate ut operetur etiam quando adhuc gratiæ habitus non est infusus. Hanc S. Thomæ sententiam adducit Bellarm. lib. 4. de gratia, & libero arbitrio cap. 11. §. secundo efficaciter, vsus alijs verbis ab his quibus vti-
tur

tur S. Doctor, sed in recognitione librorum suorum; dum libros præfatos recognoscit, ab explicacione ibi data recedit, & rectè, sed ego puto illa noua explicacione, qua priorem corrigere existimauit, iterum à mente S. Thomæ recessisse.

97 Dices S. Thomam in cor. illius art. 4. q. 1. d. 28. 2. sent. asserere, *non oportet ut actus, quibus homo se ad gratiam habendam præparat, sint naturam humanam excedentes; sicut enim natura humana se habet in potentia materiali ad gratiam, ita actus virtutum naturalium se habent ut dispositiones materiales ad ipsam. Unde non exigitur ad hoc, ut homo ad gratiam se præparet, aliquod aliud lumen gratiæ præcedens.*

98 Resp. S. Doctorem loqui de habitibus infusis, & naturalibus; & ideo dixisse non oportere actus, quibus homo se præparat ad habendam gratiam, procedere ab aliquo habitu infuso, ut excederent naturam humanam; hoc est naturam habitus naturalis, sed non negat actus illos proficisci à libero arbitrio vna cum diuina motione, & excedere naturam humanam; dicit enim ad primum tales actus sine Deo esse non posse, qua motione supposita, docet actus virtutum naturalium esse dispositiones materiales ad gratiam, & eos non indigere præter hoc auxilium, alio habitu gratiæ infuso, quem habitum voce luminis gratiæ præcedentis intellexit, ex quo dispositiones procedât, quibus homo per illos actus se ad gratiam præparet. Vide S. Tho. q. 24. de Verit. ar. 15.

Quod patet euidentè etiam ex sequentibus verbis

99 S. Thomæ in illo art. 4. quibus, inquit, *lumen gratiæ gratis data non dari nisi ei, qui ad illud recipiendum se præparauit: si autem indigeret illa gratia præparacione, quam non possit homo habere ex se, daretur processus in infinitum;* loquitur ergo S. Doctor de gratiâ, quam præcedit præparatio: hæc autem est habitus gratiæ infusus: nam ad Dei motionem nulla præcedit præparatio, ut dixit S. Th. 1. 2. q. 112. art. 2. in cor. cum Deus sit primum mouens, & ita in Dei motione non est procedere in infinitum, ut dixit p. p. q. 62. art. 2. ad 3. & p. 2.

H

quæst.

quæst. 109. art. 6. ad 3. ergo S.Tho. in illo art. 4. voluit excludere lumen gratiæ gratis data, quod ibi significat habitum gratiæ infusum, vt patet, & iterum dixit 3.d. 2. q. 2. art. 2. q. 7. sed nequaquam voluit excludere gratuitum Dei auxilium, vt probatum est.

- 100 Confirmatur quod dicimus ex eodem S. Doctore 2. d. 5. q. 2. art. 1. c. vbi sic ait, *ad eliciendum actum contritionis, sufficit liberum arbitrium, quod se ad habendam gratiam per hunc actum præparat, & disponit, sed efficacia conuersionis ad meritum, non potest esse nisi per gratiam*, cum dicit ad eliciendum actum contritionis sufficit liberum arbitrium, loquitur de contritione quantum ad substantiam actus, quæ præcedit gratiæ habitum, ad quam sufficit liberum arbitrium, sine habitu gratiæ, sed non excludit S.Tho. Dei auxilium gratuitum, sine quo liberum arbitrium non sufficit ad eliciendum actum contritionis, vt dixit ipse S. Doctor 4. d. 17. q. 2. art. 1. q. 1. ad 6. per hæc verba, *Contritio est à Deo solo quantum ad formam, qua informatur, sed quantum ad substantiam actus, est ex libero arbitrio, & à Deo, qui operatur in omnibus operibus & natura, & voluntatis*.

- 101 Tandem S. Doctor, dum dicit locis supra adductis, nutritum in Siluis, si sequatur dictamen naturale rationis, certissime à Deo illustrandum internis reuelationibus, intendit, ad sequendum tale dictamen illi non sufficere vires naturales, sed insuper præueniri debere, gratuito Dei auxilio, quo in eius sententia quisque indiget ad faciendum, quod in se est, vt gratiam consequatur, & ideo in loco adducto ex q. 4. de Verit. vsus est exemplo Cornelij postquam enim dixerat, *hoc enim ad diuinam providentiam pertinet, vt quilibet provideat de necessarijs ad salutem, dummodò ex parte eius non impediatur; si enim aliquis taliter nutritus, (scilicet in siluis,) vel inter bruta animalia, ductum naturalis rationis sequeretur in appetitu boni, & fuga mali, certissime est tenendum quod ei Deus, vel per internam inspirationem reuelaret ea, quæ sunt ad credendum*
neces-

- necessaria, vel aliquem fidei Prædicatorem ad eum dirigeret, statim subiungit, sicut misit Petrum ad Cornelium, Act. 10.* Cornelius verò non fecit, quod in se erat, nec sequutus est ductum naturalis rationis in appetitu boni, & fuga mali, nisi præuentus à Deo fidei illustratione, vt dixit S. Tho. 2.2. q. 10. art. 4. c. & iterum ex auxilio gratiæ Cornelium fecisse, quod in ipso erat, vt se in Deum conuerteret, dixit Lcc. 3. in Cap. 10. ad Rom.
- 103 Constat ergo S. Thomam docuisse hominem posse per liberum arbitrium se præparare ad fidem, & gratiam, & facere quod in se est vt gratiam, vel fidem consequatur, quando infuso habitu gratiæ caret, sed indigere Dei auxilio gratuito vt se ad gratiam, & fidem præparet, & faciat quod in se est, vt gratiam, seu fidem consequatur, quæ doctrina apud omnes Catholicos esse debet indubitata, cum fuerit ab Ecclesia definita, vt dictum est.
- 104 Vtrum verò illud auxilium gratuitum, quod Deus dat homini ad faciendum, quod in se est, sit entitas ordinis naturalis, vel supernaturalis, discrepant Theologi: Vasquez p. p. disp. 89. cap. 5. & disp. 91. cap. 10. & 11. & 12. disp. 199. cap. 2. vult esse entitatem ordinis supernaturalis, & pertinere ad errorem Massilientium dicere quod sit entitas ordinis naturalis; hoc tamen dixisse plures graues Doctores, refert Card. Lugo de Virt. fidei disp. 19. sec. 1. n. 18. quos ipse sequitur cum hac additione, quod illud auxilium entitatis etiam ordinis naturalis Deus pro sua benignitate dat omnibus hominibus ad faciendum, quod in se est ex meritis Christi Redemptoris; & hanc opinionem non coincidere cum errore Massilientium se ostendisse putat ibidem: hanc etiam fuisse S. Thomæ mentem, præcipuè 1. 2. quæst. 89. art. 6. & quæst. 14. de Verit. art. 11. ad p. tenet ibidem n. 21. nam, inquit, S. Tho. in responsione ad hoc argumentum dixit *certissimè tenendum est, quod si homo in siluis nutritus ductum naturalis rationis sequatur, Deus, &c. reuelabit ei mysteria fidei*, Vbi ly *certissimè* (ait Lugo) ostendit legem

latam de hoc : sed nos Lugoni non assentimur; nam in
 exemplo adducto à S. Doctore de Cornelio, patet
 ipsum loqui de auxilio gratuito ordinis supernaturalis ;
 dum dicit *certissime tenendum esse nutrito in siluis*, si
sequatur ductum naturalis rationis (etique prævento
 à Deo fidei illustratione) Deum per internam inspira-
 tionem revelaturum, *quæ sunt ad credendum*
necessaria, nam locis supra adductis clarè
 docet Cornelium fecisse quidem, quod
 in se erat, quod idem est ac sequu-
 tum fuisse ductum naturalis
 rationis, aliàs nulla esset

S. Thomæ compa-
 ratio Cornelij
 cum nu-
 tri-

to in siluis ; sed tamen præventum
 à Deo fidei illustratione ;
 fidei vero illustratio
 sine dubio est
 entitas
 or-
 dinis superna-
 turalis .

...



IX.

- 1 *Determinatio ad unum numero non tollit rationem meriti, & laudis, si actus non coactè, sed spontè, quamvis necessariò fiat.*
- 2 *Sancti Thomæ doctrinæ veritas.*

Conclusio S. Thomæ attributa.

Determinatio ad unum numero non tollit rationem meriti, & laudis, si actus non coactè, sed spontè, quamvis necessariò fiat.

105



ANC Conclusionem S. Thomæ imponunt Iansenistæ adductis per extensum pluribus eius sententijs, vt perperam S. Doctorem patrum sibi concilient in asserenda illa Iansenij tertia Propositione ab Innoc. X. inter ceteras hæretica declarata, & damnata 1653. pridie Kalendas Iunij, per suam Constitutionem, quæ incipit. *Cum occasione*, & est huiusmodi. *Ad merendum, & demerendum in statu naturæ lapsæ non requiritur in homine libertas à necessitate, sed sufficit à coactione.*

S.Tho-

S. Thomæ doctrinæ veritas.

106 **H**anc Propositionem, & consequenter Conclusionem præfatam S. Doctor hæreticam dixit, dum de ea ex professo ageret de malo quæst. 6. art. vii. per hæc verba, *quidam posuerunt quod voluntas hominis ex necessitate mouetur ad aliquid eligendum; nec tamen ponebant quod voluntas cogeretur; non enim omne necessarium est violentum, sed solum id cuius principium est extra; unde & motus naturales inueniuntur aliqui necessarij, non tamen violenti: Violentum enim repugnat naturali, sicut & voluntario, quia utriusque principium est intra, violenti autem principium est extra. Hæc autem opinio est hæretica; tollit enim rationem meriti, & demeriti in humanis actibus. Non enim videtur esse meritum, vel demeritum, quod aliquis sic ex necessitate agit, quod vitare non possit.* Certi igitur sumus de S. Thomæ mente, qua Apostolicam condemnationem illius Propositionis Iansenianæ multo ante præuenit, ut patet omnibus, qui ne dum in præfata questione de malo, verum etiam vbique eius doctrinam de libertate voluntatis ad meritum, vel demeritum requisitam legerunt, & intellexerunt.

107 Nec ea, quæ à Iansenistis adducuntur, quicquam probant in contrarium, quod ut clarius appareat, singula adducemus, in quibus maior vis fieri posset; ut captiosis eorum interpretationibus diuulsis, qualis sit S. Doctoris verborum sensus legitimus, ab eoque intentus palam eluceat. Dicunt ergo Iansenitæ.

108 Primò S. Thomas 3. d. 18. quæst. 1. art. 2. ad quintum sic ait. *Vel dicendum quod si etiam esset Liberrum arbitrium Christi, determinatum ad unum numerum, sicut ad diligendum Deum, quod non facere non potest; tamen ex hoc non amittit libertatem, aut rationem laudis, siue meriti, quia in illum non coactè, sed spontè tendit, & ita est actus sui Dominus: Concedit*

dic ergo S. Thomas Christum non amisisse libertatem, nec rationem laudis, siue meriti; quamuis necessario Deum diligeret; id enim non facere non poterat, cum ad hoc vnum numero esset eius liberum arbitrium determinatum, quia non coacte, sed sponte in Deum tendebat. Ergo in sententia S. Doctoris sufficit libertas a coactione, & non requiritur libertas a necessitate ad merendum, & demerendum.

Respondetur Christum Dominum, vt Viatorem in sententia S. Thomæ meruisse in eliciendo actum diligendi Deum, ad quem vnum actum numero erat determinatus, seruata in libero arbitrio indifferentia ad contradictoria, & consequenter exclusa omni necessitate, quæ hanc tolleretur indifferentiam: Actus enim iste versabatur circa Deum vt cognitum per scientiam infusam, & non vt cognitum per scientiam beatam; quare cum nulla necessitate, quæ tolleretur indifferentiam ad contradictoria Christus vt viator amaret Deum, in eum amando, non amittebat libertatem, nec rationem laudis, & meriti, sicut amisisset si illam necessitatem Iansenianam in hoc actu habuisset, quod ipse S. Doctor dilucidè ostendit dum dixit vbi supra *Christum fuisse illius actus dominum*; nam in eius sententia voluntas tunc est domina sui actus, cum in eius potestate est agere & non agere, seu agere opposita. Ita 2. c. g. Cap. 47. p. p. quæst. 82. art. 1. & in resp. ad tertium quæst. 83. art. 3. & 4. 2. d. 13. quæst. 1. art. 1. d. 24. quæst. 1. art. 1. ad primum d. 25. art. 1. in cor. & ad secundum & tertium de Verit quæst. 22. art. 6. quæst. 24. art. 1. 2. 4. &c. de malo quæst. 6. cit. & quæst. 16. art. 5. in cor. &c. Ad hoc clarius ostendendum adducimus quod S. Tho. dixit quæst. 29. de Verit. art. 6. ad primum vbi sic ait. *Licet anima Christi esset determinata ad vnum, secundum genus moris, scilicet, ad bonum; non tamē erat determinata ad vnum simpliciter; poterat enim hoc vel illud facere, & non facere; & ideo libertas in eo remanebat, quæ requiritur ad merendum, en a S. Thoma exclusa a Christo viatori omnis necessitas ten-*

teridendi in bonum, ad quod erat determinatus, sed non simpliciter.

109 Dices S. Thomam ubi supra docuisse Christum, quia sponte, & non coacte Deum diligebat, in hoc actu, quem non facere non poterat, non amisisse libertatem, nec rationem meriti; sponte verò diligere, est etiam necessario diligere, nulla seruata indifferentia, vt patet in pluribus actibus voluntarijs, quos naturaliter elicit voluntas ab intrinseco, nullam patiendi coactionem, seu violentiam ab extrinseco.

Resp. apud S. Thomam loquentem cum S. Aug. Lib. 2. de libero arb. cap. vlt. sponte voluntatem agere etiam cum indifferentiam seruat, sine qua omnis necessitas in eius sententia libertatem euertit, vt dixit de Verit. q. 22. art. 6. c. Quare supradicta redargutio corrui; nam S. Doctor dixit 1. 2. quæst. 6. art. 6. c. actum ex metu elicitum, v. g. proiectionem mercium in mari ad euertendam nauis subuersionem, non tollere voluntarium simpliciter, & consequenter non procedere ex illa necessitate, quæ indifferentiam amouet; hæc enim in S. Thomæ sententia tolleretur ab illo actu voluntarium simpliciter, quod consistit in ita proijcere merces in mari, vt posset non proijcere; hunc vero actum sponte elici a voluntate proijcientis merces ex illo periculo dixit S. Doctor 2. Cor. 9. lec. 1. per hæc verba *Violentum mistum est quando quis non absolute cogitur ad faciendum aliquod contra voluntatem suam, sed secundum quid, scilicet, quod nisi faciat incurrit maius damnum; sicut si non proijciuntur merces in mari, nauis submergitur ideo aliquo modo fit sponte* (quia, scilicet dum instat periculum subuersionis nauis aliquis posset proijcere, & non proijcere merces, & aliquo modo violentè subiungit S. Doctor in quantum, scilicet coguntur ad eas proijciendas timore maioris damni. Igitur in sententia S. Thomæ Christus Dominus Deum diligebat sponte, non coacte, nec ideo amittebat libertatem, & rationem Laudis, & meriti, quia indifferentiam ad contradictoria euertentem necessitatem Iansenianam seruabat

bar, cum Deum spontè diligebar, quod verò sit spontè
sine vsu liberæ electionis, negat S. Tho. de Verit. quæst.
24. art. 2. ad primum liberè fieri. *

110

II. 3. p. q. 19. art. 3. ad primum S. Thomas sic ait,
nec enim (Christus) per charitatem meruit, in quan-
tum erat charitas comprahensoris, sed in quantum erat
viatoris; nam ipse fuit simul Viator, & Comprahensor.
Ergo in sententia S. Thomæ Christus desiit mereri, non
quia necessario modo amet Deum, sed quia modo Via-
tor non est, sed modo necessario amat Deum exclusa,
quacunque indifferentia; Ergo cum esset Viator mere-
batur etiam necessitate eadem Deum amando.

quod vero
sit ex spon-
tanea volun-
tate, sine vio-
lencia, nec per
naturam, li-
bere fieri do-
cuit 2. c. g.
c. 83.

Respondetur Actus Christi Domini fuisse liberos pro-
ut erant Viatoris; nam quamvis immobiliter adhære-
ret per charitatem summo bono, tamen illi adhærebat
vt cognito scientia infusa, prout dictum est: Vnde hac
charitate eliciebat Christus actus meritorios circa De-
um seruata indifferentia ad contradictoria, & hic est
sensus à S. Thoma intentus apud omnes Thomistas,
quos refert, & sequitur Suarez Tomo primo in 3. p.
S. Thomæ disp. 39. sec. 2. Idem S. Tho. 3. p. quæst. 34.
art. 3. c. videtur in eodem sensu loquutum fuisse, dum
agendo de merito Christi in primo instanti suæ conce-
ptionis, dixit Christum tunc sanctificatum fuisse per
motum liberi arbitrij in Deum, qui motus liberi arbi-
trij, inquit, meritorius est. Motus autem liberi arbi-
trij in sententia S. Thomæ tunc est, quando amor
omni physica necessitate, in agentis arbitrio remanet
potestas saltem ad contradictoria, vt in illo art. vn. q.
6. de Malo clariùs patet.

111

III. 3. d. 12. quæst. 2. art. 1. ad Tertium ait S. Tho-
mas *impotentia coactionis, quæ opponitur voluntario,*
tollit rationem meriti, & demeriti, non impotentia,
quæ est ex perfectione in bonitate, vel malitia, quia hoc
voluntarium non tollit, sed ponit voluntatem confirma-
tam ad vnum, [sed impotentia ex perfectione infert
necessitatem absque coactione, ergo hæc necessitas ab-
que coactione in sententia S. Thomæ non tollit volun-

I

ta-

tarium, & consequenter nec rationem meriti, vel demeriti.

Resp. S. Doctorem docere impotentiam coactionis tollere rationem meriti, quia hæc opponitur voluntario, cum inducat violentiam, & tollat omnem indifferentiam in agendo, sed impotentiam ex perfectione non tollere voluntarium, quamvis ponat voluntatem confirmatam ad vnum, quia cum hac impotentia non inducitur violentia, nec euertitur indifferentia saltem ad contradictoria, ideòque necessitatem à voluntario excludit, quæ opponitur voluntario libero si non relinquat potestatem ad non agendum: nam hæc necessitas tollit rationem meriti, vt S. Doctor dixit de malo quæst. 6. art. vn. seipsum etiam S. Doctor magis explicauit in loco allegato ex 3. sent. dist. præfata, cum ad secundum ait posse peccare pertinere ad laudem, quia ostendit opus, quod laudatur, ex necessitate factum non esse; vbi clarè patet necessitatis nomine intelligere eam, quæ coactionem excludit; nam nulla coactiua necessitate peccat, qui potest peccare. Ergo sentit S. Tho. opus non laudari, si ex necessitate etiam incoacta fiat. Cum verò S. Tho. ibidem in eadem resp. ad secundum dicit, *quamuis remoueatur à Christo potentia peccandi, non tamen ponitur coactio, qua voluntario contrariatur, & laudis rationem tollit*, non ita intelligendus est, quod velit solam necessitatem cogentem tollere rationem laudis, & voluntario contrariari; non vero necessitatem à coactione seiunctam, sed ibi, & alibi pro coactione intelligit quicquid voluntario contrariatur: hoc enim in eius sententia tollit rationem laudis, vt patet præcipue ex 3. c. g. cap. 138. & insuper ex eius verbis quæ loco prædicto leguntur, in quibus coactionem limitat ad id, quod voluntario contrariatur, & tollit rationem laudis; hæc autem coactio de mente S. Thomæ est illa necessitas, quæ tollit potestatem ad non agendum, vt in quæst. de malo loco allegato dixit expressè, & consequenter apud S. Tho. impotentia, quæ non tollit voluntarium, est illa, quæ seruat indifferentiam saltem
ad

ad contradictoria, exclusa Ianseniana necessitate.
 112 IV. S. Thomas 3. c. g. Cap. 138, ait, est enim duplex necessitas, quadam coactionis, & hac laudem humanorum actuum dimittit, quia voluntario contrariatur; coactum enim est, quod est voluntati contrarium. Est autem quadam necessitas ex interiori inclinatione procedens, & hac laudem virtuosorum actus non minuit, sed auget; facit enim voluntatem magis intentè tendere in actum virtutis: patet enim quod habitus virtuosus quanto fuerit perfectior, tanto vehementius voluntatem facit tendere in bonum virtutis, & minus ab eo deficere, & si ad finem perfectionis deueniret, quadam necessitatem infert ad bene agendum, sicut est in Beatis, qui peccare non possunt, ut infra patebit; nec tamen propter hoc aut libertati voluntatis aliquid deperit, aut actus bonitati, sed in Beatis est necessitas incoacta omnem indifferentiam excludens. Ergo hæc necessitas incoacta in sententia S. Thomæ non minuit nec in voluntate libertatem, nec in actu bonitatem.

Resp. S. Thomam docere non quancumque necessitatem ex interiori inclinatione procedentem saluare libertatem in voluntate ad laudabiliter agendum, alias etiam animalium irrationabilium actus essent liberi, & laudabiles, cum eorum etiam actus ex interiori inclinatione procedant, & motus naturales voluntatis essent meritorij, quod negat in q. 6, allegata de malo, sed eam necessitatem dixit libertatem non minuere, quæ ex interiori voluntatis inclinatione procedit seruata indifferentia saltem ad contradictoria, ita ut voluntas velit, quod vitare possit, & hæc est illa necessitas, quæ facit voluntatem vehementius tendere in bonum virtutis cum habitu virtutis perfectiori, si vero hæc perfectio adeo augetur, ut ad finem perfectionis deueniret; ita ut extincta quacumque indifferentia, voluntas tenderet in actum virtutis incoacta necessitate, sicut accidit in Beatis, tunc nulla remanet in voluntate libertas non tendendi in illum actum: Vnde in sententia S. Thomæ, ut necessitas, qua voluntas tendit in actum virtutis cum

habitu perfecto, non minuat in ea libertatem, debet esse in voluntate extra illum statum, in quo ad finem perfectionis deuenit; nam in illo quidem statu illa necessitas tollit à voluntate libertatem, non verò extra illum statum; nam extra illum statum semper cum illa necessitate restat indifferentia saltem ad contradictoria, sine qua in voluntate necessitas libertatem extinguit.

- 113 V. S. Tho. 1. 2. q. 4. art. 4. c. inquit, *voluntas videntis Dei essentiam ex necessitate amat quicquid amat sub ordine ad Deum, sicut voluntas non videntis Dei essentiam ex necessitate amat quicquid amat sub communi ratione boni, quam nouit; & hoc ipsum est quod facit voluntatem rectam*. Ergo per S. Tho. sicut necessitas, qua voluntas videntis Deum amat, &c. est necessitas incoacta, omni exclusa indifferentia, etiam necessitas, qua voluntas non videntis Deum amat, &c. erit eadem necessitas incoacta, sed voluntas non videntis Deum tunc liberè, & meritorie amat, &c. Ergo libertas, & meritum saluantur in voluntate cum sola necessitate incoacta, omni exclusa indifferentia.

Resp. Voluntatem in quocumque statu nihil velle posse, quin ibi rationem boni velit; Ità S. Tho. q. 22. de verit. art. 5. & art. 7. dixit in hoc actu voluntatem non mereri, nec demereri; mereretur autem voluntas non videntis Deum amando bonum sub speciali ratione boni, etiam si hoc esset summum bonum, & beatitudo, ut docet S. Th. ibidem art. 6. quia liberè hoc speciale bonum amat: voluntas verò dicitur liberà ex eodem S. Doctore in dicto articulo, in quantum necessitatem non habet; Undè patet in eius sententia voluntatem tunc tantum mereri, cum omnem excludit necessitatem, quæ in ea indifferentiam evertit. Conueniunt ergo per S. Tho. voluntas non videntis Deum, & videntis Deum, in hoc, quod ambo necessariò amant in re amata communem rationem boni, sed in hoc discrepant, quod voluntas videntis Deum hoc speciale bonum, quod est beatitudo, amat necessariò sine merito; voluntas verò non videntis Deum amat hoc idem speciale bonum.

bonum liberè, & meritoriè omni exclusa necessitate etiam incoacta, quæ ad non agendum potestatem non relinquit. Ad id clariùs ostendendum adducimus quod S.Tho. docet art. 3. illius quæst. 22. de verit. per hæc verba, *sed hæc quidem inclinatio superaddita quædòque est perfectæ, quandòque imperfectæ. Quando quidem est perfectæ, facit necessariam inclinationem in id, ad quod determinat; sicut per naturam de necessitate inclinatur voluntas in appetendum finem, sicut contingit in Beatis, in quibus charitas perfectæ inclinatur sufficienter in bonum, non solum quantum ad finem ultimum, sed quantum ad ea, quæ sunt ad finem. Aliquandò verò forma superaddita non est usquequaque perfectæ, sicut est in Viatoribus, & tunc ex forma superaddita voluntas inclinatur quidem, sed non ex necessitate.* Hic rectè S.Doctor explicat quomodò necessitetur Beatus, & non viator in appetendo finem, qui est visio Dei, & quomodo ambo liberi sint à coactione, sed Beati non à necessitate, sicut viatores; ideòque meritum negatur in illis, quod in istis asseritur: legendus est S.Thomæ art. ille 7. q. 22. de Verit.

114 VI. S.Thomas 2.2. q. 58. art. 3. ad secundum ait, *Duplex est necessitas, una coactionis, & hæc quia repugnat voluntati, tollit rationem meriti. Alia autem est necessitas ex obligatione præcepti, siue ex necessitate finis; quando, scilicet, aliquis non potest consequi finem virtutis, nisi hoc faciat; & talis necessitas non excludit rationem meriti, in quantum aliquis hoc, quod sic est necessarium, voluntariè agit; excludit tamen gloriam supererogationis, secundum illud 1. Cor. 9. Si euangelizauero, non est mihi gloria, necessitas enim mihi incumbit.*

115 VII. Et q. 81 art. 6. ad tertium etiam ait, *vbi est necessitas, tollitur gloria supererogationis, non autem excluditur meritum virtutis; si adsit voluntas.*

116 VIII. Præterea q. 88. art. 6. ad primum & secundum, sed clariùs q. 186. art. 5. ad quintum vbi; *Necessitas coactionis (inquit) facit inuoluntarium; & idèd*

ideò excludit rationem laudis, & meriti, sed necessitas consequens obedientiam non est necessitas coactionis, sed libera voluntatis, in quantum homo vult obedire, licet fortè non vellet id, quod mandatur, secundum se consideratum, implere; & ideò quia necessitati aliqua faciendi: quæ secundum se non placent, per Votum obedientia homo se subiicit propter Deum, ex hoc ipso ea, quæ facit, sunt Deo magis accepta, etiamsi sint minora, quia nihil magis potest homo Deo dare, quam quod propriam voluntatem propter ipsum voluntati alterius subiiciat. Ex his tribus S. Thomæ sententijs concluditur voluntatem, si agat cum necessitate, quæ non sit coactionis, esse liberam, & mereri.

Respondetur evidens esse S. Doctorem in allegatis sententijs non loqui de necessitate physica, seu absoluta, sed morali, ut ipsemet explicat infra q. 189. art. 2. ad secundum, quam imponit Votum obedientiæ, & dicitur necessitas finis, hanc autem certum est non tollere libertatem etiam ad contraria, nec rationem meriti; unde sententiæ prædictæ non adducuntur ad propositum.

- 117 IX. Quæst. 182. art. 2. ad secundum in eadem 2.2. S. Thomas inquit. *In statu felicitatis futura homo pervenit ad perfectionem; & ideò non relinquitur locus proficiendi per meritum; si tamen relinqueretur; esset efficacius meritum propter maiorem charitatem, ergo si relinqueretur locus merendi in Beatissimis cum eadem necessitate, qua modò diligunt Deum, tunc diligendo mererentur efficacius propter maiorem charitatem; ergo cum simili necessitate incoacta subsistit ratio meriti in sententia S. Thomæ.*

Resp. sicut ad tertium supradictum est, in statu beatitudinis perfectionem in diligendo Deum excludere a Beatorum voluntate omnem indifferentiam; ideòque voluntatem non mereri in illo actu perfectissimo: si vero Beati essent extra illum statum, diligerentque Deum illa perfectissima charitate, efficacius mererentur; non quia eadem necessitate diligerent, quia ut sic non mererentur, sed quia diligerent cum libertate, & po-

testate omnimoda non diligendi requisita in voluntate, ad merendum, vt S.Tho. docuit pluribus in locis supra allegatis, præcipuè in illa q. 6. de malo.

- 118 X. 3.p.q.34. art.3.ad primum ait S.Thomas. *Lib-
rum arbitrium non eodem modo se habet ad bonum, &
ad malum; nam ad bonum se habet per se, & natura-
liter; ad malum autem se habet per modum defectus,
& præter naturam, &c. & idè liberum arbitrium
creatura in primo instanti creationis potest moueri ad
bonum merendo, non autem ad malum peccando; si ta-
men natura sit integra, ergo in natura integra neces-
sitaretur, sed non cogeretur voluntas ad bonum, & ta-
men mereretur.*

Respondetur S.Thomam in corp. art. vt diximus etiam ad secundum declarasse actum meritorium, si eliciatur in primo instanti, procedere à voluntate per motum liberi arbitrij, qui motus in eius sententia est semper cum indifferentia saltim ad contradictoria; nec obstat merito quod actus procedat à voluntate in bono firmata; nam ex sententia S.Thomæ 2.2. q.88. art.6. c. sicut magis peccat voluntas obstinata in malum, ita magis meretur si sit in bono firmata; veruntamen sicut voluntas obstinata in malum non demeretur si non possit malum vitare, vt patet in Damnatis, ita nec voluntas mereretur si non posset à bono desistere, vt patet in Beatis. Exigitur ergo à S.Tho. in voluntate indifferentia saltim ad contradictoria vt mereri, vel demereri dicatur.

- 119 XI. p.p.q. 105. art. 4. ad tertium inquit S.Tho. *si
voluntas ita mouetur ab alio, quod se nullatenus mo-
ueretur, opera voluntatis non imputarentur ad meri-
tum, vel demeritum; sed quia per hoc quod mouetur
ab alio, non excluditur quin moueatur ex se; idè per
consequens non tollitur ratio meriti vel demeriti, ergo
in sententia S.Thomæ, si voluntas moueatur ab alio
etiam necessitata ad operandum, dummodò seipsam
moueatur, mereri, vel demereri poterit.*

Respondetur S.Thomam apertè loqui de voluntate
seip-

seipsam mouente ad vnum actum, ita vt potuisset se mouere ad oppositum, vel cessare ab illo actu si voluisset: Motus verò, quo à primo agente Voluntas mouetur, non tollit ab ea hanc indifferentiam, vt ipse S. Doctor docuit pluriès, & in eadem p.p. q. 83. art. 1. ad tertium dixit actiones Voluntatis motæ à prima causa ad agendum non auferre à voluntate quod illius actiones non sint voluntariæ, &c. & p. 2. q. 10. art. 4. ad primum dixit, *repugnaret diuine motioni, si voluntas ex necessitate moueretur*, & quodl. 1. art. 7. ad secundum dixit, *Deus mouet omnia secundum modum eorum, & ideo diuina motio à quibusdam participatur cum necessitate, à natura autem rationali cum libertate, propter hoc quod virtus rationalis se habet ad opposita; & ideo sic Deus mouet mentem humanam ad bonum, vt tamen possit huic Dei motioni resistere, & ita ex Deo est, vt mens humana se ad gratiam præparet; sed quod gratia careat, non habet causam à Deo, sed à seipsa, secundum illud Osee 13. Perditio tua ex te Israel, tantummodo ex me auxilium tuum*. Certum est ergo in S. Thomæ sententia diuinam motionem non extinguere libertatem, quæ physicam necessitatem etiam incoactam non patitur.

- 120 XII. p.p. q. 83. art. 1. ad primum S. Tho. ait, *Dicendum quod verbum Augustini in 5. de Ciu. Dei, ubi dicit, si aliquid est necessarium, non est voluntarium, est intelligendum de necessario necessitate coactionis: Necessitas autem naturalis non auferit libertatem voluntatis, vt ipsemet in eodem libro dicit, ergo in sententia S. Thomæ, & S. Augustini necessitas naturalis non tollit libertatem, & consequenter libertas à necessitate secundum ipsos non tollit meritum, vel demeritum*.

Respondet Caiet. ibidem; *In respon. ad primum nota quod cum dicitur quod necessitas naturalis non auferit libertatem, potest bene, & malè intelligi. Malè quidem, si intelligatur quod necessitas naturalis tam obiectiue, quam elicitiue stat cum libertate illius actus; hoc enim non est intelligibile: Bene verò intelligitur*.

do quod naturalis necessitas actus quoad specificatio-
nem, seu obiectiue non aufert libertatem eiusdem,
 quia stat quod liberè eliciatur. Distinctio, quam hic
affert Caietanus, est expressa S.Thomæ in pluribus suæ
doctrinæ locis. Videndus 1.2. q.10. art.2. & præterea
probat S.Thomæ menti conformis: nam S.Tho. q.12.
de Verit. art.5. dum respondet ad idem argumentum
quod est primum argumentum sc. sic ait. *Dicendum*
quod auctoritas illa (scilicet Aug) est intelligenda de
necessitate coactionis, quæ repugnat voluntati, non au-
tem de necessitate naturalis inclinationis, quæ secun-
dum Aug.5. de Ciu. Dei voluntati non repugnat. In-
c. verò S.Doctor dixerat. Voluntatem posse accipi vt
voluntatem, & vt naturam; vt voluntas, inquit, non
determinatur ad vnum ex necessitate, quia vt sic est
domina suorum actuum, vt dixerat quæst.2. de pot.
art.3. c. Vt natura verò potest velle aliquid necessariò
necessitate naturalis inclinationis. Ex quibus sequitur,
dum S.Tho. dicit p.p. q.82. art.1. ad primum, *necessi-*
tas naturalis non aufert libertatem voluntatis, ipsum
loqui de voluntate vt voluntas est, à qua non tollitur
libertas si necessitate naturalis inclinationis velit ali-
quid necessariò; quia hoc nec repugnat voluntati, nec
aufert ab illa dominium sui actus in eligendo, in quo
eius libertas optimè saluatur. Vndè dixit S.Tho. actum
illum, quem specificatiue, vel obiectiue voluntas neces-
sariò vult necessitate naturali, non tollere libertatem
ab eadem voluntate quoad electionem illius eiusdem
actus, ac per hoc eius dominium non amittit, & q.6 de
malo art. vn. & alibi dixit necessitatem finis, quæ est
necessitas naturalis obiectiua, non tollere voluntarium,
nec libertatem, si remaneat dominium ad actum circa
illud obiectum eliciendum, vel non eliciendum. Vndè
in corp. illius art.1. q.82. p.p. ait S.Tho. loquendo de
necessitate naturali obiectiua. *Nec necessitas natura-*
lis repugnat voluntati, quinimò necesse est quod sicut
intellectus ex necessitate inhaeret primis principijs, ita
voluntas ex necessitate inhaereat ultimo fini, qui est bea-

K

titu-

tudo, & art. 2. ibidem in fine corp. ait, *sicut nunc ex necessitate volumus esse beati*, sed in resp. ad tertium eiusdem art. primi dum loquitur de actu, quem eliciamus circa obiectum, quod necessitate naturali volumus, inquit, *sumus domini nostrorum actuum*, secundum quod possumus hoc vel illud eligere; electio autem non est de fine, sed de his, quæ sunt ad finem, ut dicitur in 3. & hic. Vnde appetitus ultimi finis non est de his, quorum domini sumus. Vbi advertere oportet Argumenti tertij vim in eo esse, ut ostendat voluntatis actum non posse de necessitate esse, quod probatur ibidem, quia secundum voluntatem sumus Domini nostrorum actuum, sed eius, quod ex necessitate volumus non sumus Domini. Ergo id, quod ex necessitate volumus non est secundum voluntatem. Respondet S. Tho. distinguendo maiorem, secundum voluntatem sumus Domini nostrorum actuum, secundum quod possumus hoc vel illud eligere, concedo, secundum voluntatem sumus domini nostrorum actuum, secundum quod possumus non appetere v. g. ultimum finem, nego; in electione verò consistere liberum arbitrium docet S. Tho. præcipue p.p. q. 83. art. 3. & 4. Ad minorem postea respondet iterum eam distinguendo, eius quod ex necessitate volumus, non sumus Domini, si sit de ultimo fine, concedo, si sit de electione actuum, nego; ad consequentiam postea respondendo, distinguit consequens, ergo id, quod ex necessitate volumus, non est secundum voluntatem, secundum voluntatem eligentem, concedo, secundum voluntatem appetentem, nego. Inde sequitur docuisse S. Thomam in illo art. voluntatem aliquid ex necessitate appetere, cuius non sit domina, si illud naturaliter velit, ut dicit ad secundum nec hanc necessitatem repugnare voluntati, ut dicit in corpore nec repugnare libertati voluntatis, ut dicit ad primum si secundum illius electionem voluntas sit domina ad eligendum, & non eligendum, ut dicit ad tertium quod erit usque dum voluntas Deo ex necessitate non inhæreat, ut dicit art. seq. in fine corp. Vidend. S. Tho. q. 2. de Pot. ar. 3. c. S. Tho.

- 121 XIII. S. Tho. p. p. q. 83. art. 2. ad tertium inquit homo peccando liberum arbitrium dicitur perdidisse, non quantum ad libertatem naturalem, quæ est à coactione, sed quantum ad libertatem, quæ est à culpa, & à miseria. Ergo in sententia S. Thomæ libertas naturalis manet cum necessitate etiam, quam infert coactio, ergo multo magis stabit cum necessitate, quæ coactionem excludit.

Resp. S. Thomam loqui de coactione prout includit quamcumque necessitatem, siue illa oriatur ex violentia, quæ est propria coactio, siue ex quacumque alia necessitate, quæ determinat voluntatem ad vnum extincta iudicii indifferentia. Ità Siluius p. p. quæst. 83. art. 3. & 4. §. *quæritur 2. ad primum* qui verò amittit libertatem à culpa, & à miseria, retinet essentiam libertatis à coactione, & à necessitate, cum adhuc sit Dominus suorum actuum, vt patet.

- 122 XIV. S. Thomas de Pot. quæst. 10. art. 2. ad quintum ait. *Naturalis necessitas, secundum quam voluntas aliquid ex necessitate velle dicitur, vt felicitatem libertati voluntatis non repugnat, vt Aug. docet lib. 5. de Ciuit. Dei, libertas enim voluntatis violentia, & coactioni opponitur; non est autem violentia, & coactio in hoc, quod aliquid secundum ordinem nature moueatur, sed magis in hoc, quod naturalis motus impediatur, sicut cum impeditur graue ne descendat ad medium. Vnde voluntas liberè appetit felicitatem, licet necessariò appetat illam. Sic autem & Deus sua voluntate liberè amat seipsum, licet de necessitate amet seipsum. Et necessarium est quod tantum amet seipsum, quantum bonus est; sicut tantum intelligit seipsum, quantum est. Liberè ergo Spiritus Sanctus procedit à Patre, non tamen possibiliter, sed ex necessitate, nec possibile fuit illum procedere minorem Patre; sed necessarium fuit illum Patri esse aequalem, sicut & Filium, qui est Verbum Patris*

Respondetur S. Tho. sumere hic vocabulum libertatis in eo sensu, quo vsus est S. Aug. loco cit. nam S. Aug.

ibi sumit vocabulum libertatis prout infert, quod aliquid non coactè, seu violentè fiat; Vnde cum voluntas appetit felicitatem necessariò hanc necessitatem, inquit, non repugnare voluntatis libertati: libertas enim, ait voluntatis violentiæ, & coactioni opponitur, ex quo patet libertatem ibi à S. Aug. accipi pro omni eo, quod non est coactum, seu violentum, quamuis sit necessarium, ut est appetitus felicitatis; sed hæc libertatis acceptio est impropria; ideòque nec à S. Tho. vsurpata. fuit p. p. quæst. 41. art. 2. dum quereretur, *Vtrum actus notionales sint voluntarij*, quia ex eius proprio sensu libertas ab omni necessitate etiam naturali eueritur, quod in supra adducta ipsius autoritate etiam apparet, dum præmittit Deum liberè amare seipsum, licet necessariò amet seipsum, & postea ait, liberè Spiritum Sanctum procedere à Patre, non tamen possibiliter, sed ex necessitate. Certum est autem in sententia S. Thomæ, quod omne liberum est possibile quod sit & non sit; quod verò necessariò est, apud ipsum liberum non est. Vnde Spiritus Sancti processionem dum non possibilem, sed necessariam dicit, liberam non esse in sensu mentis suæ affirmat, quod idem affirmare, intendit, dum vocabulo libertatis in gratiam S. Aug. utitur, quod explicat, itaut ibi necessitas libertas quædam dicatur, quia excludit violentiam, & coactionem, non vero quia essentialis ratio libertatis cum naturali necessitate consistat, quam omnis necessitas etiam naturalis tollit, & consequenter ad merendum, & demerendum non sufficit, cum ad hoc indifferentia agendi, vel non agendi essentialiter requiratur, ut ex S. Thomæ sententijs superius adductis, alijsque quæ adduci possent, patet euidentè. In hunc ferè modum loquitur Siluius p. p. quæst. 41. art. 2. conc. 3. & quæst. 83. art. 3. & 4. *queritur, 2. ad primum.*

Pater Franciscus Annata soc. Jesu plures ex adductis S. Thomæ sententijs doctissime expendit in suo opusculo de libertate incoacta, edito Romæ aduersus Iansenistas à quibus S. Doct. penitus dissensisse euidentè ostendit.

Inf-

X.

- 1 *Infideles non cognoscunt verum Deum.*
- 2 *Infideles cognoscunt verum Deum.*
- 3 *Sancti Thomæ doctrinæ veritas:*

Conclusio S. Thomæ attributa.

Infideles non cognoscunt verum Deum.

123



TA S. Tho. 2. 2. quæst. 2. art. 2. ad tertium ubi sic ait, *Credere Deum non conuenit infidelibus sub ratione qua ponitur actus fidei; non enim credunt Deum esse sub his conditionibus, quas fides determinat, & ideo nec verè Deum credunt, quia ut Philosophus dicit 9. metaph. in simplicibus defectus cognitionis est solum in non attingendo totaliter, & quæst. 10. art. 3. c. ait Per infidelitatem autem maxime homo à Deo elongatur quia nec veram Dei cognitionem habet, per falsam autem cognitionem ipsius non appropinquat ei, sed magis ab eo elongatur. Nec potest esse quod quantum ad quid Deum cognoscat, qui falsam opinionem de eo habet, quia id, quod ipse opinatur, non est Deus, & 3. c. g. cap. 118. inquit, quicumque errat circa Deum, non cognoscit Deum, sicut qui credit Deum esse corpus, nullo modo cognoscit Deum, sed apprehendit aliquid aliud loco Dei.*

Con-

Conclusio, quæ censetur D. Thomæ opposita ,

Infideles cognoscunt verum Deum .

124 **I**ta Paulus Apostolus ad Rom. cap. primo vbi loquendo de Infidelibus, ait, *qui cum cognovissent Deum, non sicut Deum glorificaverunt*. In quo sanè, inquit Card. Lugo de Virt. fid. disp. 8. sec. 2. n. 1. nulla videtur ratio dubitandi præter autoritatem S. Tho. Postea num. 25. sic ait, *video autoritatem S. Thomæ, sed adhuc non credam ipsum negasse omnibus infidelibus veram Dei cognitionem contra testimonium Pauli, & rationes supra adductas, sed in posteriori loco (scilicet quæst. 10. art. 3.) videtur solum loqui in sensu formalis, quod, scilicet, infidelis, quatenus infidelis, non habet veram, sed falsam cognitionem Dei: non enim dicit quod per peccatum infidelitatis amittat omnem aliam cognitionem Dei veri aliunde habitam, sed quod per ipsam infidelitatem acquirat falsam Dei cognitionem*.

S. Thomæ doctrinæ veritas .

125 **C**lariùs videtur Silviu in Comment. Art. 2. prædictæ quæstionis S. Doctoris mentem explicasse, asserendo S. Doctorem loqui de eo, qui falsam opinionem de Deo habet formaliter, idest quatenus tali opinione utitur, Deo tribuendo conditiones eas, quæ illi contuenire non possunt; talis enim Paganus dicens de Deo quod non sit omnipotens, quod non omnium provisor, & quid simile, reuera Deum non cognoscit, etiamsi fortassè demonstrationem habeat concludentem quod vnus sit Deus, quia hæc propositio *Deus carens omnipotentia, vel omnium providentia est verus Deus*
est

est falsa, & insert hanc contradictoriam, ergo non est Deus, quo fit, quod à parte rei Deum qualis in se est non cognoscat is, qui vel vnum eius attributum ignorat (ignorantia scilicet prauæ dispositionis) quia ex vna tali enunciatione falsa, semper inferri potest contradictorium subiecti: materialiter tamen non coniungendo falsam opinionem, quam habet de Deo, cum vera, quam habet de eodem, potest secundum aliquid ipsum cognoscere.

126 Placet etiam Marci Serræ ad locum S. Thomæ exq.

2. 2.2. desumptum verba referre: nam meo iudicio satis doctè, & ad S. Doctoris mentem explicandam satis apta scripsit, quæ sequuntur. *Caietanus hic, quem sequuntur alij D. Thomæ discipuli, & expositores, ait Author in littera loquitur de errore circa diuina ex parte ipsius Dei absolutè; & idèd dicit quod infideles non verè credunt Deum, Nam quamuis de Deo ex parte nostra, quia sub multis rationibus nobis representatur, contingat aliqua enunciatione errare, & aliqua verè sentire; ex parte tamen ipsius Dei, cum Deus sit omnino simplicissima res, non potest partim verè, & partim falsè cognosci, sed error falsitatis consistit in non attingendo ipsum. Qui enim putat Deum non esse omnipotentem, & putat ipsum esse actum purum, sapientem, &c. quicquid intelligit per has affirmationes, non est illa res, quæ est Deus secundum rem, sed representatus illi sic putanti, quia in re illa non differt totum, & aliquid, ac per hoc non totum, & nihil æquivalent, & consequenter qui in aliquo illius fallitur, nihil illius intelligit. Neque huic obstat Deum, licet sit res simplicissima; non tamen totaliter attingi; sicque quamuis non possit partim attingi, quia non habet partes, quarum una attingatur, & altera non attingatur: posse tamen per vnum conceptum totum verè attingi, & per alium falsè. Respondetur enim hoc verum esse ex parte nostri, non tamen ex parte Dei; nam ex parte illius potest aliquid totum per vnum conceptum verè attingi, & per alium falsè; ex parte cuius est pluralitas, & dis-*
stin-

stinctio rationum; hæc autem non est ex parte Dei, cum sit res omnino simplicissima; sed ex parte nostri imperfecti modi concipiendi, ut patet ex dictis à nobis p.p. q. 4. art. 2. dub. 2. con. 3. Non obstat enim infidelis, qui putat Deum non esse omnipotentem, esse tamen sapientem, quando affirmat Deum esse sapientem, intelligere unum Dei attributum; ac proinde rem illam, quæ est Deus secundum rem: responderetur namque talem infidelis non intelligere omne attributum Dei secundum rem, sed Dei sibi representati; nam Deus secundum rem sapiens est, & omnipotens, representatur verò infideli sub ratione sapientie, & non sub ratione omnipotentie; sicque ex parte sui, cum negat Deum esse omnipotentem, errat, & cum affirmat Deum esse sapientem, verè sentit; ex parte tamen ipsius Dei, eo ipso ac in aliquo fallitur, nihil illius intelligit.

Alij denique discipuli D. Thoma dicunt de Deo nos dupliciter loqui posse: Vno modo ponendo à parte subiecti aliquid illi repugnans, & à parte prædicati proprietatem illi convenientem tribuendo: ut si dicamus, Deus mortalis est omnipotens: Alio modo non ponendo ex parte subiecti aliquid illi repugnans, & ex parte prædicati tribuendo illi aliquid sibi conveniens; ut si dicamus, Deus omnipotens est sapiens; Qui ergo primo modo cognoscit Deum, nullo modo eum attingit, quia Deus, qui est mortalis, nullo modo est Deus. Qui verò secundo modo Deum cognoscit, verè illum attingit, & cognoscit, & isto modo attigerunt per scientiam naturalem Philosophi, de quibus dicitur ad Rom. 1. v. 21. Cum cognovissent Deum; nam scientia naturalis solum tribuit Deo suas naturales proprietates, & non aliquid ei repugnans. Similiter isto modo cognoscunt illum fideles, qui habent ignorantiam, & errorem invincibilem, & Theologi, qui aliquid falsò opinantur de Deo. Infideles verò, quia formant ex parte subiecti conceptum repugnantem Deo, dicendo v.g. Deus qui non est trinus, & unus, est sapiens; proprietates, quas tri-

tribuunt Deo, non tribuunt vero Deo; & sic nullo modo cognoscunt Deum. Nec obstat Infideles posse aliquid verè de Deo enunciare, dicendo, scilicet, Deus est sapiens, nulla mentione facta; immò penitus oblitos suorum errorum, ac proinde non ponendo ex parte subiecti aliquid Deo repugnans; sicque Deum aliquo modo cognoscere: Respondetur enim id negando; nam ut ait D.Tho. 3. c.g. Cap. 118. ratione 3. Quicumque errat circa aliquid, quod est de essentia rei, non cognoscit illam rem, sicut si aliquis apprehenderet animal irrationale, aestimans hoc esse hominem, non cognosceret hominem: Vnde cum quicquid Deo conuenit, sit eius essentia, quicumque errat circa Deum, non cognoscit Deum, sed apprehendit aliquid aliud loco Dei, in qua apprehensione semper perseverat dum manet in tali errore, & propter huiusmodi apprehensionem, quando de Deo aliquid enunciat, dicitur formare ex parte subiecti conceptum Deo repugnantem, quantumvis sui erroris actu non recordaretur. Et non est eadem ratio de fidelibus habentibus ignorantiam, aut errorem aliquem inuincibilem de Deo; nam infideles Deum apprehendunt qualem suis erroribus esse putant; fideles verò nequaquam, sed qualem credunt esse per fidem, quæ nihil Deo repugnans ponit. Quod si aliquando falluntur ob ignorantiam, aut errorem inuincibilem, hoc solum arguit ipsos non habere explicitam notitiam omnium, quæ docet fides, licet implicite credant omnia, quæ fides proponit. Hucusque Serra, qui in his ultimis verbis respondet validiori argumento, quo loco citato conuincitur Card. Lugo ad ostendam difficultatem, quam sentiebat in exponenda S. Thomæ doctrina. In eandem sententiam loquitur Bannes ubi supra in Commentario cum cæteris S. Thomæ expositoribus. Vnde manet inconcussa veritas propositio- nis, quam S. Doctor asseruit.

- 1 *Deus non potest creare aliam Terram præter istam, quam habemus.*
- 2 *Deus potest creare aliam Terram præter istam, quam habemus.*
- 3 *S. Thomæ doctrinæ veritas.*

Conclusio S. Thomæ attributa.

Deus non potest creare aliam Terram præter istam, quam habemus,

128



T A S. Tho. p. p. q. 47. art. 3. ad tertium per hæc verba: *non enim est possibile esse aliā Terram, quam istam, quia omnis Terra ferretur naturaliter ad hoc medium, ubicumque esset.* Ergo Deus per S. Tho. non potest creare aliam Terram, &c. quod enim est impossibile, non potest fieri neque à Deo.

Conclusio quæ prædictæ opposita censetur.

Deus potest creare aliam Terram præter istam, quam habemus.

- 129 **I** Ta S. Tho. 1. d. 44. art. 2. cum ait. *Hæc melioratio omnium paritium vel potest intelligi secundum bonitatem.*

nitatem accidentalem, & sic posset esse talis melioratio à Deo manentibus eisdem partibus, & eodem uniuerso, vel secundum bonitatem essentialem, & sic etiam esset Deo possibilis, qui infinitas alias species condere potest, sed sic non essent eedem partes, & per consequens nec idem uniuersum. Ergo iuxta doctrinam S. Thomæ esset possibile Deo creare aliam Terram præter istam, quam habemus, quod tunc etiam accideret, quando conderet alias species, & consequenter errauit, quando locis citatis docuit oppositum.

S. Thomæ doctrinæ veritas

- 130 **R** Esp. S. Thomam in p. p. loqui de potentia Dei seruato cursu rerum, qui nunc est; intendebat enim in illo art. probare de facto esse tantum vnum mundum; in posteriori verò loco ex primo sent. loqui de potentia Dei absoluta, cui nunquam negauit potentiam creandi plures Terras; cum in ordine ad potentiam Dei nullam id implicet contradictionem: Immo cum S. Thomas doceat p.p. quæst. 25. art. 6. c. qualibet re facta, posse Deum facere meliorem, & ad tertium dicat potuisse Deum alias res facere, vel alias addere istis rebus factis, euidenter tribuit Deo quod possit creare alias Terras meliores ista Terra, quam fecit, quod clarius docuit lec. 19. super primum librum de Cælo ubi concedit esse possibile Deo facere alios mundos, & hoc concesso, subiungit. *Si Deus faceret alios mundos, aut faceret eos similes huic mundo, aut dissimiles, &c.*

XII.

- 1 *Possibilis est creatura existens absoluta necessitate.*
- 2 *Nulla creatura est existens absoluta necessitate.*
- 3 *Sancti Thomæ doctrinæ veritas.*

Conclusio S. Thomæ attributa.

Possibilis est creatura existens absoluta necessitate.

131



T A S. Tho. 2. c. g. cap. 29.
seu 30. per hæc verba, sunt
enim quedam in rebus crea-
tis, quæ simpliciter, & ab-
solutè necesse est esse; illas
enim res simpliciter, & ab-
solutè necesse est esse, in
quibus non est possibilitas ad
non esse, quadam autem res
sic sunt à Deo in esse produ-
ctæ, ut in earum natura

fit potentia ad non esse, quod quidem contingit ex hoc
quod materia in eis est in potentia ad aliam formam.
Illa igitur res in quibus non est materia, vel si est,
non est possibilis ad aliam formam, non habent poten-
tiam ad non esse. Eas igitur simpliciter, & absolutè
necesse est esse.

Cox-

Conclusio, quæ Sancto Thomæ opposita censetur.

Nulla creatura est existens absoluta necessitate.

132 **N**am si aliqua creatura esset existens absoluta necessitate, maximè esset vel Angelus vel Anima rationalis, in quibus non est materia, sed hoc est falsum; nā ut dicitur in 6. synodo act. 11. in Synodica Epistola Sophronij, *Angeli, & Animæ rationales non sunt immortales per naturam, sed per gratiam*, quod confirmat Damasc. Lib. 2. Orthod. fidei Cap. 3. dum inquit de Angelo, quod est substantia intellectualis gratia, & non natura immortalitatem suscipiens: Ergo falsa prædicta S. Doctoris propositio: quæ insuper dicitur damnata à Schola Parisiensi contra Fratrem Thomam; ut legitur in quodam Tractatu, qui solet affigi in calce litteræ Mag. sententiarum.

Sancti Thomæ doctrinæ veritas:

133 **R**esp. S. Thomam nunquam dixisse aliquam creaturam esse possibilem, quæ existeret absoluta necessitate logica, sed quæ existeret absoluta necessitate physica; necessitas physica est, quæ excluditur non esse ex parte causæ materialis intrinsecæ; non vero ex parte superioris agentis, à quo habuit esse. Necessitas verò logica excludit non esse ex parte utriusque: Angeli igitur, & animæ rationales cum non habeant materiam, necesse est quod semper sint necessitate physica, quia materia carent, quæ in rebus est potentia ad non esse: sed quia possunt à Deo annihilari, necesse non est quod semper sint necessitate logica, prout idem S. Tho.

S. Thomas declarauit in 2. c. g. eodem cap. immediate subdendo, *si autem dicatur quod ea, quæ sunt ex nihilo quantum est de se, in nihilum tendunt; & sic in omnibus creaturis inest potentia ad non esse. Manifestum est hoc non sequi; dicuntur enim res creata à Deo eo modo in nihilum tendere, quo sunt ex nihilo; quod quidem non est nisi secundum potentiam agentis. Sic igitur & rebus creatis non inest potentia ad non esse, sed Creatori inest potentia ut eis det esse, vel eis desinat esse influere, & cap. 55. eiusdem lib. 2. c. g. iterum hæc habet 4. in substantia intellectuali non est potentia ad non esse, quod explicat postea 13. per hæc verba nisi in primo agente, secundum quod potest non influere eis esse; sed ex hac potentia nihil potest dici corruptibile; tum quia res dicuntur necessaria, & contingentes secundum potentiam, quæ est in eis, non secundum potentiam Dei, tum etiam quia Deus, qui est institutor naturæ, non subtrahit rebus quod est proprium naturis earum. Ostensum est autem quod proprium naturis intellectualibus est quod sint perpetua: Vnde hoc eis à*

134 *Deo non subtrahetur. Item p. p. quæst. 9. art. 2. & q. 10. art. 3. probat Deum solum esse omnino immutabilem; vnde sequitur omnes creaturas esse mutabiles, & secundum potentiam Dei posse non esse; tandem p. p.*

135 *q. 50. art. 5. ad tertium totum hoc confirmat dicens. Per hoc ergo quod dicitur quod omnia deciderent in nihilum nisi conseruarentur à Deo, & etiam Angeli, non datur intelligi quod in Angelis sit aliquod corruptionis principium; sed quod esse Angeli dependeat à Deo sicut à causa; non autem dicitur aliquid esse corruptibile per hoc quod Deus possit illud in non esse redigere; sed per hoc quod in seipso habeat aliquod principium corruptionis, vel contrarietatem, vel saltē potentiam materia.*

136 *Ad autoritatē desumptam ex Sexta Synodo respondetur primo ex S. Thomæ doctrina p. p. quæst. 50. art. 5. ad primum, qua exponitur autoritas Damasceni similis formæ supra adductæ, quod ibi Synodus accipit immortalitatem perfectam, quæ includit omnimodam im-*

immutabilitatem ; quia omnis mutatio est quædam mors , vt Aug. dicit , perfectam autem immutabilitatem , scilicet beatitudinem , Angeli non nisi per gratiam assequuntur .

- 137 Resp. 2. Nomine gratiæ in verbis 6. Synodi non intelligi beneficium Dei supernaturale , sed liberale donum Dei , & influxum , quo omnes creaturæ indigent vt sint , & conferuntur in esse , & sine quo in nihilum redigerentur , quod liberale donum Dei est ordinis naturalis , vt pater , sed vocatur gratia ; sicut si diceremus ex gratia aliquem creatum fuisse hominem , vt innuit S. Augustinus in soliloquijs cap. 7. & cessante motu Cæli corpus hominis diuina virtute remanens esse incorruptibile per gratiam vel iustitiam , vt loquitur S. Tho. opusc. 10. art. 25. & vterius explicat opusc. 11. art. 19. Vndè sequitur res immateriales dici aliquando creaturas necessarias , & incorruptibiles ex gratia ; quia non sunt eiusmodi sicut est Deus qui est de se ens necessarium , immutabile , sed ex generali Dei dono , quo sine materia creatæ sunt ; & ita non necessitate logica , sed phisica sunt necessaria , cum possint à Deo per subtractionem sui influxus , quo continuè conseruantur , annihilari . Hanc doctrinam firmavit etiam S. Doctor 1. Tim. 1. dum lec. 4. dicit *Deus posset dici solus immortalis , & solus inuisibilis , idest specialis præ alijs* , quod postea ibidem cap 6. lec. 3. explicat subiungendo , *quolibet creatura in se considerata habet aliquam mutationem , vel mutabilitatem : Deus autem est omnino immutabilis ; sed si aliqua creatura est immutabilis , hoc conuenit ei ex dono gratiæ* , non quidem secundum quod gratia accipitur pro dono supernaturali , vt pater ; cum multæ sint creaturæ immutabiles , hoc est incorruptibiles sine gratia supernaturali , vt specialiter Dæmones , & Animæ Damnatorum , sed secundum quod gratiæ donum dicit speciale Dei beneficium , quod excludit habere de se , quod naturaliter habetur , independentè ab aliquo ; & hic est specialis modus habendi immortalitatem , prout eam habet Deus . Vndè patet S. Tho. bene di-

xisse, & se conformasse sensui verborum; quæ ex 6. Synodo supra fuerunt allegata.

- 138 Ad Articulum, qui Vniuersitati Parisiensi attribuitur respondet Caiet. p.p. quæst. 9. art. 2. Nos verò dicimus cum Siluio in Apologia pro D. Thoma, & super art. 4. quæst. 50. p.p. S. Thomæ, euidentissimè conuinci articulum illum cum alijs quibusdam ibi recensitis nunquam ab Vniuersitate Parisiensi emanasse, esseque omninò confictos; & dato quod emanauerint, fuisse ab eadem Vniuersitate anno 1325. reuocatos, prout refert Card. de Turrec. in Trac. de Concep. B. Virg. Par. 6. Cap. 12.

XIII.

- 1 *Eucharistia est actualis consecratio.*
- 2 *Eucharistia non est actualis consecratio.*
- 3 *S. Thomæ doctrinæ veritas.*

Conclusio Sancto Thomæ attributa.

Eucharistia est actualis consecratio.

139



TA videtur docuisse S. Thom. 4. distin. 8. quæst. 1. art. 1. quæstion. 1. c. vbi sic ait *Sanctificatio materia est hoc Sacramentum*, Ergo Eucharistia est actualis Sanctificatio, seu consecratio.

Conclusio quæ censetur S. Thomæ opposita.

Eucharistia non est actualis consecratio.

140

NAm Eucharistia est res permanens ex cap. *Ego Berengarius* de consec. dist. 2. & conc. Trid. sess. 13. Can.

Can. 4. quod ibidem cap. 2. dicit Eucharistiam cibum animæ cap. 6. adorandam adoratione latræ, & in Processionibus portandam, & Cap. 5. & Can. 7. iuber ferveri in Sacrario, quæ cum consecrationi, quæ est res transitoria, non possint aptari, Eucharistia non erit actualis consecratio.

- 141 Item consecratio, vel sumitur vt est actio illa insensibilis, qua virtute verborum conuertitur panis in corpus, & vinum in Sanguinem Christi; & hoc modo esse non potest Sacramentum, quod est res sensibilis; vel sumitur pro actione exteriori, & sensibili, qua verba consecrationis proferuntur; sed hoc modo sumpta consecratio, est actio, & via, qua conficitur Sacramentum; & consequenter Sacramentum esse non potest: neque enim actio qua fit homo, esse potest homo. Ideo hæc propositio *Eucharistia non est consecratio actualis*, communiter habetur adeò certa, vt sustineri non possit opposita, absque periculo fidei, pro vt perpendit Cornetio in 3. p. S. Thomæ Trac. de Eucharistia quæst. 73. art. 1. disp. 1. dub. 1.

S. Thomæ doctrinæ veritas.

- 142 **V**erum S. Tho. nunquam dixit Eucharistiâ esse actua-
lem consecrationem; immò oppositum sæpius as-
seruit, vt patet in 4. d. 10. in Exp. Text. & 3. p. quæst.
73. art. 6. c. & alibi: vbique enim docet in Eucharistia
speciem esse Sacramentum tantum.

- 143 Verba S. Doctoris; quæ in contrarium adducuntur,
explicantur ab aliquibus dupliciter, primo quod intelli-
genda sint de Sanctificatione materiæ in facto esse, seu in
termino illius inuisibilis actionis, seu consecrationis: Se-
cundo in illis Doctorem Sanctum sumpsisse partem pro
toto, & locutum fuisse improprie, nec desunt, qui di-
xerint ipsum mutasse sententiam, quam docuerat in 4.
loco cit. & in alijs suæ doctrinæ locis.

- 144 Sed omissis hijs responsionibus, facilis est intelligen-

M

tia

- tia verborum S. Thomæ, quæ aliud prorsus sonant, quam id, ad quod adducuntur, dixit S. Tho. in 4. loco adducto gratiam esse in aliquo vt in subiecto, & in aliquo vt in causa; vt in subiecto dixit esse in homine: vt in causa in materijs Sacramentorû, quæ sunt quædam Sacramentalia, sed in Sacramento Eucharistiæ gratiam esse in materia vt in subiecto; quia eius materia non Sanctificat tantum in usu, vt accidit in cæteris Sacramentis, sed continet sanctitatem permanentem, quæ est Christus, qui per vñionem Sacramentalem vnitur speciebus Eucharistiæ quæ nominantur caro à D. Augustino apud Magistrum senten. in 4. dist. 10. quia continent inuisibiliter carnem Christi, vt docet S. Tho. in exp. Textus illius distinctionis: & ideo in Eucharistia Sanctificatio est Sacramentum in alijs verò Sacramentis id, quod pertinet ad vsum materia, est Sacramentum. Dixit ergo S. Tho. sanctificationem permanentem in Eucharistia esse Sacramentum; quod est de fide; non verò consecrationem fluentem, & insensibilem, seu sensibilem actionem, quæ habet pro termino Sacramentum, seu Eucharistiam.



Ebri-

XIV.

- 1 *Christus Dominus benedixit panem non alijs verbis, vel modo, quam consecratione.*
- 2 *Christus Dominus post benedictionem panis consecrauit.*
- 3 *S. Thomæ doctrinæ veritas.*

Conclusio S. Thomæ attributa.

Christus Dominus benedixit panem non alijs verbis, vel modo, quam consecratione.

146



T A S. Thomas 3. p. quæst. 78. art. 1. ad primum vbi sic ait *Accipiens panem benedixit dicens, Hoc est corpus meum* Idem repetit 4. d. 8. quæst. 2. art. 1. quæst. 1. ad primum & ad Ambal. in eadem dist. art. 3. ad primum, & super Matth. 26. Capite, sed dicere, *Hoc est corpus meum,*

est consecrare. Ergo si docuit S. Tho. Christum Dominum benedixisse panem dicens, *Hoc est corpus meum,* docuit consequenter Christum Dominum benedixisse panem non alijs verbis, vel modo, quam consecratione.

Conclusio, quæ censetur S. Thomæ
opposita,

*Christus Dominus post benedictionem
panis, consecrauit.*

147. **C** Olligitur ex Sac. Conc. Tridentino sess. 13. cap. primo ubi sic legitur: *Hoc tam admirabile Sacramentum in ultima Cœna Redemptorem Nostrum influisse; cum post panis, viniq[ue] benedictionem, se suum ipsius corpus illis præbere, ac suum Sanguinem disertis, ac perspicuis verbis testatus est: quia verba à S. S. Euangelistis commemorata, &c. Cum propriam illam & apertissimam significationem præferant, &c. ex hac Sacri Conc. doctrina sic arguitur: Verba quibus Christus Dominus testatus est se suum corpus, & Sanguinem præbere à S. S. Euangelistis commemorata, sunt verba illa. *Hoc est corpus meum*, quæ est consecrationis forma; sed Sac. Concilium docet his verbis Christum Dominum testatum fuisse se præbere suum corpus, & Sanguinem post benedictionem panis, & vini: Ergo post benedictionem panis, & vini illa verba protulit, *Hoc est corpus meum*, quæ sunt forma consecrationis; Ergo benedixit panem, & vinum alijs verbis quam consecratione ..*

S. Thomæ doctrinæ veritas.

148. **D** E hac Controversia, Vtrum Christus Dominus benedicendo consecrauerit, ita vt protulerit formam consecrationis: quando benedixit panem, &c. seu peracta benedictione panis, &c. proferendo postea illa verba, consecrauerit; vnde sequatur dicendum alia actione consecrasse postquam panem benedixerat, quam Card.

Card. Lugo de Sacram. disp. 2. sect. 1. n. 1. vocat mere textualem, non agebat S.Tho. locis citatis ex proprio sensu, sed præcipue 3.p.&c. ad soluendum primum argumentum illius articuli, quod erat contra conclusionem, quam stabilire intendebat in corpore, retulit varias Doctorum opiniones, quæ tunc circumferebantur de forma, & modo, quo Christus consecrauerat. Intendebat enim S.Doctor ibi firmare dogma catholicum de forma augustissimi Sacramenti, & quod hæc verba *Hoc est corpus meum* pertinerent ad formam huius Sacramenti. De supradicta verò controuersia ex propria mente nihil resoluebat, sed tantum ex relatis opinionibus eam elegit, quæ hanc formam admitteret; non iudicans de modo, quo eam admitteret, quod satis erat, vt argumentum in contrarium adductum solueret.

149 Ad bonā enim solutionem non requiritur quod conclusio probetur, sed solum quod ab argumento opposito defendatur, vt cōmuniter sentiunt Theologi, & videri potest Siluius p.p. q. 1. art. 1. quer. 4. §. *Respondetur ad bonam, &c.* Totum hoc clariùs patefiet si recolamus primum argumentum illud, quod æquiualeat alijs, quæ locis adductis sibi pariter S.Doctor obiecerat, & in forma est huiusmodi. *Illa verba videntur pertinere ad formam huius Sacramenti, quibus Christus Corpus, & Sanguinem suum consecrauit; sed Christus ante benedixit (scilicet consecrauit) panem acceptum; & postea dixit, Accipite, & comedite, hoc est corpus meum; ut habetur Matth. 26. & similiter fecit de Calice. Ergo prædicta verba non videntur pertinere ad formam huius Sacramenti cum antequam proferentur, Christus iam consecrasset.* Patet ergo illud argumentum primum probare intēdisse his verbis *Hoc est corpus meum*, Christum Dominum non consecrasse; ideoque ad formam Sacramenti non pertinere, quod S.Thomæ Con-

150 clusioni in corpore stabilitæ opponebatur. Respondet S.Tho. de modo, quo Christus consecrauerit, multiplicem fuisse Doctorum sententiam, & omnes quidem conuenisse in concedendo Christum Dominum actione,

q. uia.

qua benedixit panem, & vinum etiam consecrasset, sed in modo, quo benedicendo, consecrauerit, discrepasse: Quidam enim dicebant Christum absque omni forma verborum benedixisse, seu consecrasset, postea verba protulisse, sub quibus alij consecrarent. Hoc rejicit S. Doctor, quia, ait, cum Euangelistæ expressè dixerint Christum benedixisse, hæc benedictio aliquibus verbis facta est, quibus verbis tamen facta fuerit benedictio S. Doctor non dicit; vnde colligi non potest ipsum hic dixisse; fuisse factam benedictionem verbis consecrationis. Alij dicebant benedictionem illam factam fuisse quibusdam alijs verbis nobis ignotis: hoc etiam rejicit S. Doctor; quia, ait, benedictio consecrationis nunc perficitur per recitationem eorum, quæ tunc acta sunt; vnde si tunc per hæc verba non est facta consecratio, nec modo fieret. Ità loco cit. ex 3. p. nam in alijs locis nullam facit mentionem de benedictione, dum de securida hac opinione loquitur. Patet ergo S. Doctorem hic non concessisse consecrationem factam fuisse actione benedictionis, sed dato quod Christus Dominus benedicendo consecrasset, censuisse dici non posse illum usum fuisse alijs verbis nobis ignotis; quia benedictio consecrationis nunc perficitur verbis, quibus à Christo acta fuit. Vnde patet iterum S. Doctorem non determinasse Christum benedicendo consecrasset, sed benedictionem consecrationis, quacumque illa fuerit, peractam fuisse verbis eisdem, quibus Christus Dominus consecrauit; vocauit autem consecrationem benedictionem, eodem modo, quo illa opinio benedictionis nomine utebatur. Alij dicebant quod illa benedictio eisdem verbis facta est, quibus modò fit, sed quod Christus ea bis protulit; primo quidem secretè ad consecrandum, secundo manifestè ad instruendum; Hanc etiã opinionem rejicit S. Doctor, quia, ait, *Sacerdos consecrat proferens hæc verba, non ut à Christo in occulta benedictione dicta, sed ut publicè prolata. Patet ergo S. Doctorem neque hic dixisse verba, quibus Christus consecrauit, fuisse prolata dum benediceret.* Alij tandem

dem dicebat melius, & verius, vt S.Tho. iudicat, quod Euangelistæ non semper eundem ordinem in gestis recitandis seruauerunt, quo res sunt gestæ, vt patet per Aug. in lib. de Conf. Euang. Ordo verò huius rei gestæ secundum hanc opinionem, inquit S.Tho. sic exprimi posset Accipiens panem benedixit dicens, *Hoc est corpus meum*; & deinde fregit, & dedit discipulis suis: sed idem sensus haberi potest, inquit, ex verbis Euangelij non mutatis: nam hoc participium, *dicens*, concomitantiam quandam importat verborum prolatorum ad ea, quæ præcedunt; non autem oportet quod hæc concomitantia intelligatur solum respectu vltimi verbi prolati, quasi Christus tunc ista verba protulerit, quando dedit discipulis suis, sed potest intelligi concomitantia respectu totius præcedentis, vt sit sensus, dum benediceret, frangeret, & daret discipulis suis, hæc verba dixit, *Accipite, &c.* Vbi etiam S.Tho. non loquitur ex propria mente, vt patet, sed reddit rationem quare melius, & verius cæteris isti huius quartæ, & vltimæ sententiæ dixerint; quia, scilicet, quamuis concederent cum supradictis consecrationem perfectam fuisse à Christo Domino benedictione; fatebantur tamen fuisse factâ huiusmodi verbis, *Hoc est corpus meum*; quod Authores primæ & secundæ opinionis non admittebant: reiciebat insuper S.Doct. illas duas eiusdem formæ prolationes contra tertiam opinionem; asserendo vna tantum vice à Christo verba consecrationis prolata fuisse manifestè: commendat tandem authores quartæ opinionis; quia iuxta doctrinam traditam conabantur seruare ordinem rei gestæ à Christo Domino; qui ordo in eorum sententiâ habebatur non mutatis verbis Euangelij. Vtrum verò hæc eorum opinio esset simpliciter vera, & rectè concederent Christum Dominum benedictione consecrasse; S.Tho. nihil resoluit, sed ab illa opinione tantum sumpsit, quod satis erat ad soluendum argumentum propositum, quasi dixisset: dato etiam quod illius argumenti minor esset vera, scilicet, quod Christus benedictione consecrasset, neganda erat consequentia, quæ aduersabatur conclusioni-

151

sioni ab ipso positæ in corp. art. in qua dicebat sub hac forma, *Hoc est corpus meum*, Christum consecrasse, cuius oppositum illud argumentum inferebat: nam dato etiam quod benedictione Christus consecrasset, vsus adhuc manifestè fuisset illa forma, *Hoc est corpus meum*, vt dicebant veriùs, & melius cæteris authores illius quartæ opinionis, & non alia forma, nec alijs verbis, aut modo, vt argumentum probare intendebat.

152 Videtur tamen S.Doctorem super Cap.26.Matth.propriam mentem propalasse; dum de ordine rei gestæ in consecratione augustissimi Sacramenti tractaret; explicando enim illa verba. *Cænantibus autem eis accipit Iesus panem, & benedixit, ac fregit, deditque discipulis, & ait, accipite, & comedite, hoc est corpus meum*, dixit, *debet ita legi quod illud, quod dicitur, ait, &c. referatur ad præcedentia, unde sic dicendo dixit*. Igitur cum S.Doctor non dixerit de Christo Domino *benedicendo* dixit, sed post *præcedentia dicendo dixit*, constat, cum benedicere fuerit quid præcedens ad illud, quod Christus dixit, vt patet, alia actione in sententia S.Thomæ Christum benedixisse, ab illa, qua consecrauit, & dixit, *Hoc est corpus meum*.

153 Confirmatur, nam Christus dixit hæc verba consecrationis postquam benedixerat, vt interpretatur idem. S.Doctor Euangelij verba, cum inquit super Matth. *il-Ind ait refertur ad præcedentia*, inter quæ est sine dubio benedictio, vt dicebamus. Ergo S.Thomas voluit Christum Dominum prius benedixisse panem, quam dixerit verba consecrationis.

154 Ex quibus patet primo S.Thomam nunquam docuisse consecrationem perfectam fuisse benedictione, sed semper locutum fuisse de hac materia in aliorum sensu, & ex meliori, cæteris paribus, sumpsisse Christum palam consecrasse sub his verbis, *Hoc est corpus meum*, vt suum solueret argumentum; & ideò in omnium sententia asserendum est S.Tho. Sac.Conc.Trid.nullò modo contradixisse.

155 Secundò patet, quod si aliquando in hac materia de pro-

156 propria mente locutus est S. Doctor, ex eius verbis haberi ipsum sensisse benedictionem præcessisse consecrationem, quod S. Concilium etiam dixisse constat.

Vnde non rectè quidam ex verbis Concilij id non haberi putauerunt, illa ita construenda esse existimantes, ut ly *testatus est* referatur ad ly *corpus suum* quasi S. Concil. dixisset. *Hoc Sacramentū in ultima Cæna Redemptorem nostrum instituisse, cum corpus suum illis præbere, & suum sanguinem post panis, Vinique benedictionem testatus est disertis verbis, &c.* Ex quo deducunt S. Conc. dixisse Redemptorem nostrum testatum esse in ultima Cæna præbere corpus suum, idest, quod post panis, vinique benedictionem, seu consecrationem erat corpus suum, sed hæc explicatio cum communi Doctorum sensui, in quo S. Concilij verba accipiunt, sit opposita, & eiusdem S. Conc. verbis ægrè satis accomodatur mihi non probatur.



XV.

- 1 *In Consecratione Calicis illa Verba*
Noui, & æterni testamenti, &c.
sunt essentialia, sicut illa. Hic est
sanguis meus.
- 2 *In Consecratione Calicis illa verba*
Noui, & æterni testamenti, &c. *non*
sunt essentialia, sicut illa Hic est san-
guis meus.
- 3 *Sancti Thomæ doctrinæ veritas.*

Conclusio Sancto Thomæ attributa.

*In consecratione. Calicis illa verba Noui,
& æterni testamenti, &c. sunt es-
sentialia, sicut illa* Hic est san-
guis meus.

157

+ 74



STA S.Tho. 4.d. 8. q. 2. art. 2. q. 1.
vbi sic ait, *ided alij probabilius*
dicunt quod totū, quod sequi-
tur, est de forma; cum totum
hoc, quod additur, non sit locu-
tio per se, sed sit determinatio
prædicati, & ad tertium ait.
Et ideo oportet quod sint de
substantia formæ, vbi præmise-
rat, illa (hoc est verba) quæ
sequuntur, scilicet, ad (Hic est Calix sanguinis mei)
sunt

sunt essentialia sanguini, prout in hoc Sacramento consecratur, & lec. 6. super 1. Cor. 11. sic ait, Sed circa ista verba, quibus Ecclesia utitur in consecratione Calicis, quidā opinantur quod non omnia sint de necessitate forme sed solum, quod dicitur, Hic est Calix sanguinis mei; non autem residuum, quod sequitur, Noni & aterni testamenti, mysterium fidei, qui pro vobis, & pro multis effundetur in remissionem peccatorum: sed hoc non videtur convenienter dici; nam totum illud, quod sequitur, est determinatio predicati; unde & ad eiusdem locutionis sententiam, seu significationem pertinet. Et quia, ut saepe dictum est, forma sacramentorum significando efficiunt, totum pertinet ad vim effectivam formæ. Idem repetit ad Anib. in 4. d. 8. art. 4. sed clarius 3. p. q. 78. art. 3. sic loquitur, quidam dixerunt quod de substantia forme huius est hoc solum, quod dicitur, Hic est calix sanguinis mei; non autem ea, quæ sequuntur. Sed hoc videtur inconueniens, quia ea quæ sequuntur sunt quædam determinationes predicati, id est sanguinis Christi: Unde pertinent ad integritatem eiusdem locutionis, & propter hoc, sicut alij melius dicunt, omnia sequentia sunt de substantia formæ usque ad hoc, quod postea sequitur. Hæc quotiescumque feceritis, in mei memoriam facietis. Cum verò S. Doctor dicit, de substantia formæ, intelligendus est de essentia formæ; nam supra q. 60. art. 8. inquit. Si dimittatur aliquid eorum, quæ sunt de substantia formæ sacramentalis, non perficitur Sacramentum, hoc autem, de substantia, non nisi de eo, quod est de essentia formæ intelligi potest.



Conclusio, quæ censetur S.Thomæ
contraria.

*In Consecratione Calicis, illa verba No-
ui & æterni testamenti, &c. non
sunt essentialia, sicut illa Hic
est sanguis meus.*

158 **S** Varez in 3.p. Tomo 3. disp. 59. sec. 1. postquam di-
xerat sententiam, quæ exigit in forma Calicis tan-
quam essentialia illa verba *Novi, &c.* esse valdè proba-
bilem, & magnæ authoritatis, postea §. *Secundum*, &
+ *urgentissimum argumentum*, insinuat se eandem senten-
tiam reputare temerariam, & contra vniuersalem tra-
ditionem, quia Ecclesia Græcorum liturgias recipit, &
probat, vt videre est in 6. Synodo. At Græci in forma
Calicis omittunt illa verba, *Novi, & æterni testamenti,*
&c. qua Græcorum forma confici Sacramentum cer-
rum est; tum quia Ecclesia Romana Græcos nunquam
damnavit de formæ, qua vtuntur insufficientia, nec eos
aliquandò in hoc de errore notavit; tum quia in Conc.
Florentino, cum Græci respondissent se credere illa sua
forma confici Sacramentum, à Latinis non fuerunt
condemnati, nec de hac sententia in eodem Conc. inue-
niuntur expositulati; immò nec ab Eugenio IV. in litte-
ris Unionis hæc forma Græcorum reiecta fuit, quod si-
ne dubio præstitisset, si insufficientem esse iudicasset.
Præterea Conc. Trid. sess. 13. Cap. 4. probat panis, &
Vini substantiam transubstantiari in corpus, & sangui-
nem Christi, quia Christus dixit id, quod sub speciebus
panis offerebat, verè esse corpus suum; sed etiam Chri-
stus dixit id, quod sub speciebus vini offerebat, verè ef-
se sanguinem suum per hæc verba, *Hic est Calix san-
guinis mei*; Ergo ex veritate horum verborum statim
ac

ac fuerint prolata, probat Conc. fieri conuersionem substantiæ vini in sanguinem, atque adeò habere suum effectum antequam sequentia verba proferantur. Vnde videntur omninò aduersari definitioni Tridentini, qui negant illis solis verbis, *Hic est sanguis meus*, conuerti vinum in sanguinem Christi. Ita Card. Lugo de Sac. Euchar. disp. 11. sec. 4. n. 64. sequutus Vasquez loco ibi citato.

S. Thomæ doctrinæ veritas.

- 159 **S** Thomas in ea est sententia, quod illa priora verba *Hic est Calix sanguinis mei*, constituent essentialem formam Sacramenti; alia verò verba, quæ sequuntur, sint de substantia formæ, prout substantia significat integritatem, non essentialiam; sint autem essentialia sanguini prout in hoc Sacramento consecratur, quia effusio sanguinis implicite saltem in sanguine, qui in forma consecrationis ponitur, est intelligenda, dum dicitur *Hic est Calix sanguinis mei*, vt mox explicabimus.
- 160 Probatur primo ex eodem S. Tho. 3. p. quæst. 76. art. 1. c. vbi sic ait. *Ex vi quidem Sacramenti est sub speciebus huius Sacramenti id, in quod directè conuertitur substantia panis, & Vini præexistens; prout significatur per verba forma, quæ sunt effectiua in hoc Sacramento, sicut & in cæteris, puta cum dicitur Hoc est corpus meum, vel Hic est sanguis meus. Idem dixit q. 78. ar. 1. vbi quærit Vtrum hæc sit forma Sacramenti. Hoc est corpus meum, & hic est Calix sanguinis mei, cui quæstioni respondet affirmatiuè, & in corp. sic ait, sed forma huius Sacramenti importat solam consecrationem materię, quæ in transubstantiatione consistit, puta cum dicitur Hoc est corpus meum, vel Hic est Calix sanguinis mei. Ergo sentit D. Tho. hanc esse formam essentialem Sacramenti; nam illa est forma essentialis Sacramenti, per quam fit consecratio materię, quæ in transubstantiatione consistit; sed hæc forma*

ma per S. Thomam est ista, *Hic est Calix sanguinis mei*. Ergo hæc forma per S. Thomam est essentialis Sacramenti.

Confirmatur ex eiusdem S. Doctoris responsione ad quartum, obiecerat sibi S. Thomas hoc arg. *forma Sacramenti sufficit ad perfectionem Sacramenti*; Si

ergo prædicta verba sunt forma huius Sacramenti, videtur quod aliquando possit hoc Sacramentum perfici his solis

verbis prolatis, & omnibus alijs prætermis, quæ in Missa dicuntur respondet S. Doctor ad quartum dicen-

dum quod quidam dixerunt hoc Sacramentum perfici posse prædictis verbis prolatis, & alijs prætermis, præcipue quæ sunt in Canone Missæ, sed hoc patet esse falsum, &c. Unde dicendum est quod si Sacerdos sola

verba prædicta præferret cum intentione conficiendi hoc Sacramentum, perficeretur hoc Sacramentum.

Verba autem prædicta, ad quæ S. Doctor se refert, sunt quæ in corpore Articuli expresserat. At verba, quæ in corpore Articuli expresserat, sunt tantum ista.

Hic est Calix Sanguinis mei ergo in sententia S. Thomæ hæc est forma essentialis Sacramenti, quæ prolata cum debita intentione, perficitur hoc Sacramentum.

Confirmatur 2. ex eodem S. Doctore qui art. 3. illius quæst. 78. 3. p. sic ait. *Omnia prædicta verba, (scilicet, Hic est Calix sanguinis mei, novi, & æterni testamenti, mysterium fidei, qui pro vobis, & pro multis effundetur in remissionem peccatorum) sunt de substantia formæ, sed per prima verba, cum dicitur, Hic est calix sanguinis mei, significatur ipsa conuersio vini in sanguinem eo modo, quo dictum est in forma consecrationis panis.* Ex quibus verbis sequitur de mente S. Thomæ hanc formam, *Hic est Calix sanguinis mei*, esse essentialem formam Sacramenti; & quia significat conuersionem, nam verba formæ efficiunt, quod significant, & quia dicit S. Doctor istam formam significare conuersionem vini, sicut dixerat de forma consecrationis panis; sed hæc sola forma *Hoc est corpus meum*, significat conuersionem panis, & efficit quod significat, ut dixerat art. 2. Ergo hæc forma, *Hic est sanguis meus*, de

de mente S. Thomæ significat conuerſionem vini, eam-
que efficit.

- 162 Hinc patet illa verba, quæ ſequuntur ad, *Hic eſt Calix ſanguinis mei* in ſententia S. Thomæ, non eſſe de eſſentia formæ, ſed de integritate formæ, quam integritatem nomine ſubſtantia S. Thomas expreſſit; ſunt autem de integritate formæ Sacramenti ſanguinis, ſicut hæc verba. *A peccatis tuis*, ſunt de integritate formæ Sacramenti Pœnitentiæ, quod inferitur ex Conc. Trid. dum ſeſs. 4. Cap. 3. dixit formam Sacramenti Pœnitentiæ eſſe hanc, *Absoluo te, &c.* ubi, vt obſeruauit Card. Lugo de Pœnit. diſp. 12. Sec. 1. n. 35 addidit illam particulam, *&c.* ad ſignificandum, quod verba, *a peccatis tuis*, pertineant ad formam Sacramenti, etiamſi non pronuntientur, quia neceſſariò includuntur in illis verbis præcedentibus, *Absoluo te*. Contradicit nobis in exēplo tradito idem Card. Lugo ibidem n. 28. qui conſequenter ad ea, quæ tradiderat in Trac. de Sac. Euch. diſp. 11. ſec. 4. cum Vaſquez docet verba, quæ ſequuntur ad, *Hic eſt Calix ſanguinis mei*, non contineri in iſtis; ideoque nihil operari, & comparat illa verba, quæ ſequuntur ad, *Hic eſt Calix ſanguinis mei*, cum illis verbis, quæ ſequuntur apud Græcos ad formam corporis *Hoc eſt corpus meum*, ſcilicet, *quod pro vobis tradetur*, quæ poſteriora verba reuerà nihil operantur: ſed reſpondemus iſtā poſterioreſſe comparationem eſſe prorsus ineptam; nā, vt rectè S. Doct̃or ad Am̃b. 4. d. 8. art. 4. ad ſeptimum dixit, *non eſt ſimile*, ſcilicet, quod adducitur de forma Græcorum in confeſſatione panis, *effuſio enim ſanguinis dicit cauſam immediatam mortis; non ſic autem corporis traditio*, quapropter alio diuerſo modo limitant illa verba, *quod pro vobis tradetur*, corpus; alio modo illa verba, quæ ſequuntur ad, *Hic eſt Calix ſanguinis mei*, ſanguinem; & ita ruunt validiora argumenta, quæ contra doctrinam hanc S. Thomæ ſolent adduci, quæ videri poſſunt apud Lugo loco cit ex Trac. de Euch.

- 164 Doct̃e explicat hanc S. Thomæ ſententiam Corneio ſuper 3. p. q. 78. art. 3. diſp. vii. dub. 3. in fine, dum ait,
ad

pariter S.
Th. 4. c. 8.
c. 64. dixit,
& ſimiliter
ſub ſpeciebus
vini eſt ſan-
guis Chriſti
cum dicitur,
hic eſt calix
ſanguinis mei
&c. ad ſigni-
ficandū effu-
ſionem in-
cludi in ver-
bis præce-
dentibus, &
pertinere ad
formam ſa-
cramenti, e-
tiam ſi non
pronuncia-
rentur

ad conuersionem Calicis opus est ut significetur sanguis separatus à corpore per modum effusionis, seu passionis in Redemptore nostro, & in nostram redemptionem: idèò necessarium est addere, qui pro vobis effundetur; quia etiam si Christus Dominus non fuisset operatus nostram salutem, ut in casu, quo iuxta doctrinam Scoti, non existente peccato Adami, veniret in mundum in carnis impassibili, posset nihilominus Sacramentum hoc instituire, in quo nulla esset ratio sacrificij cruenti, & etiam potuisset instituire ut ex vi verborum consecraretur solus sanguis, sicut modo; & tamen tunc ex tali sacramentali separatione sanguinis à corpore præcisè non posset colligi quod esset sanguis separatus in remissionem peccatorum.

- 165 Dices necessarium non esse exprimere in forma Calicis sanguinis effusionem; nam ex hoc sequeretur aliquid sanguinis esse in Calice per concomitantiam, & non ex vi verborum: Probatur sequela; nam Christus dixit in Cæna *Hic est sanguis meus, qui pro vobis effundetur*; ergo intelligebat de illo tantum sanguine effundendo, quem tunc habebat in venis; non de illo sanguine, qui postea genitus successit ab instanti prolationis illorum verborum, quia tunc ille sanguis adhuc non erat: si igitur ille solus sanguis consecratur, quem tunc Christus dicebat esse suum sanguinem pro multis effundendum; cum hoc non esset nisi sanguis, quem actualiter habebat in venis, hic tantum consecratur ex vi verborum, & alius sanguis postea genitus erit in Calice per concomitantiam, quod est absurdum; cum post consecrationem totum id, quod est in Calice sub speciebus vini, sit sanguis Christi ibi existens ex vi verborum: In hoc argumento magnam vim facit Lugo de Euch. loco cit.

- 166 Resp. effusionem sanguinis esse necessariò intelligendam in forma sacrificij incruenti; quia necessaria fuit in sacrificio Crucis ut esset cruentum, separatio sanguinis à corpore, ut explicatum est; per verba autem Christi non importatur effundendus tantum sanguis tunc actu existens, sed omnis sanguis, qui mortis suæ tempore esset

set in venis , designata rei specie , iuxta solitum dicendi modum , *dard tutto il mio sangue nel tale effetto*, hoc est omnem sanguinem meum effundam in illa occasione , & hunc , quem modò habeo , & quem habebo . Ipse Lugo de Myst. Incar. disp. 14. sec. 5. n. 78. fatetur partes sanguinis de nouo acquisitas esse eundem sanguinem moraliter cum sanguine præcedenti , & deperdito , propter successionem , & continuationem moralem ; si ergo sanguis , qui tempore , quo consecrauit , non erat in venis Christi , sed successit de nouo acquisitus , fuit idem sanguis moraliter cum eo , qui tunc erat in eius venis ; sanguis , qui effundendus dicebatur in Cœna , comprehendebat etiam sanguinem , qui præcedenti , & deperdito successerant : idem enim sanguis moraliter effundendus erat , vt patet .

167 Confirmatur ; ab hora consecrationis ad mortem aliqua pars sanguinis Christi fuerat deperdita , quæ in carnem transierat , & alia pars sanguinis fuerat acquisita , quæ præcedenti deperditæ successerat . Posset ergo dici quod sanguis , quem Christus effundendum dixerat in Cœna , non fuerit effusus ; nam ille , qui in carnem transierat , non est effusus , quod Christi verbis contradicit , quæ vt verificentur , asserendum erit ipsum intellexisse de suo sanguine effundendo , quem nec totum , quem tunc habebat in venis , nec solum effundere intendebat physicè loquendo ; sed totum sanguinem qui , dum effunderetur , vel esset tunc præsens , vel successisset præterito deperdito ; & esset idem moraliter cum sanguine , quem dum consecrauerat , erat in venis , quando dixit *Hic est Sanguis meus , qui pro vobis & pro multis effundetur* .

168 Cætera Argumenta , quæ solent adduci ex aduerso , & videri possunt in Tract. cit. Card. Lugo , ad euertendam doctrinam traditam , probare intendunt verba illa , quæ sequuntur ad , *Hic est Calix Sanguinis mei* , non concurrere effectiue ad consecrationem Sanguinis simul cum præfatis verbis ; quia non continentur implicitè in ipsis , sicut ly. *a peccatis tuis* continetur implicite

O

tè

tè in ly *Absoluo te*. Verum hoc doctè negat idem Corneio ubi supra ; dum ait ; *licet cetera verba, hoc est, Novi & aterni, &c. expresse, & formaliter non sint de necessitate forma ; bene tamen implicite, & virtualiter inclusam alijs efficiunt transubstantiationem*. Undè dum arguit Vasquez in 3. p. Tomo 3. disp. 198. cap. 4. non esse simile de forma absolutionis, & Sacramenti Calicis : nam in forma absolutionis hæc verba *à peccatis tuis* ita implicite continentur, ut nisi in ea intelligantur, non determinant ly *Absoluo*, sed in forma Sacramenti verba illa. *Hic est Calix Sanguinis mei*, habent sensum perfectum, etiamsi posteriora, nec quidem implicite, in eis contenta intelligantur.

- 169 Respondetur negando non reperiri allatam paritatem inter formam Sacramenti Calicis, & Pœnitentiæ : nam in utraque posteriora verba in prioribus continentur implicite, ut dictum est. Sicut enim cum Sacerdos dicit *absoluo te* ; quamvis hoc sit indifferens ad significandam absolutionem à Censuris, vel peccatis ; tamen ratione materiæ, circa quam cadit, & ex alijs circumstantiis, in quibus profertur, limitatur ad absolutionem peccatorum per continentiam implicitam illorum verborum posteriorum, scilicet, *à peccatis tuis*. Ità dum dicitur *Hic est Calix Sanguinis mei*, ratione materiæ, & circumstantiarum limitatur sanguis ad effundendum ; & ideo verba posteriora concurrunt ut implicite contenta in prioribus ad effectum Sacramenti, quod voluit S. Thomas cum locis cit. dixit illa *verba posteriora esse determinationes predicati, id est Sanguinis Christi*.

- 170 Præterea, sicut si quis in forma absolutionis, ante illud, *Absoluo*, poneret, *à peccatis tuis*, sic dicendo *Ego à peccatis tuis absoluo te*, tunc illa verba, *à peccatis tuis*, concurrerent ad effectum Sacramenti, prout concurrunt illa *absoluo te*. Ità si quis diceret in forma Sacramenti Calicis. *Hic Calix novum Testamentum est in meo Sanguine* ; in quo casu valide conficeret Sacramentum, ut docet idem Lugo resp. Moral. lib. 4. dub. 18. n. 4. Tunc ly *novum Testamentum* concurreret ad effe-

effectum Sacramenti, prout concurrunt illa verba *in meo Sanguine*.

- 171 Patet ergo verba, quæ sequuntur ad illa *Hic est Calix Sanguinis mei*, esse quidem de substantia implicitè inclusa in eis, & si exprimantur in forma explicitè, ut dictum est, concurrere ad effectum Sacramenti; Verum non esse essentialia, quia sine illis fieri potest consecratio: Unde rectè dicuntur pertinere ad substantiam formæ integralitèr, non essentialitèr, sicut *satisfactio* est quidem pars substantialis Sacramenti Pœnitentiæ, sed quia sine satisfactione adhuc constat Sacramentum, dicitur pars integralis Sacramenti.
- 172 Nec valet redargutio Vasquez ubi supra dicentis non esse simile de satisfactione, & illis verbis consecrationis sanguinis; nam illa verba non ordinantur ad aliquid distinctum significandum, sicut satisfactio, quæ ordinatur ad significandam ablationem pœnæ, quod non significatur per alias partes Sacramenti Pœnitentiæ.
- 173 Respondetur enim hoc falsum esse; nam etiam per contritionem, & Confessionem significatur ablatio pœnæ, ut patet, & aliquandò per contritionem, si sit vehementissima, tollitur omnis pœna futuræ vitæ, ut certum est apud omnes; & docet S. Thomas in 4. d. 17. quæst. 2. art. 5. quæst. 2. c. qui dist. 20. quæst. 1. art. 2. quæst. 1. c. sic ait *considerata tamen contritionis quantitate, & Confessione, & absolutione; quia per omnia hæc aliquid de pœna dimittitur*. Idem S. Doctor docuit ad Anibald. eadem dist. art. 3. c. & dist. 21. quæst. 1. art. 2. sic iterum dicit: *Confessio operatur præsupposita contritione, quæ culpam delet, & sic ordinatur Confessio directè ad dimissionem pœnæ; quod quidem facit, & ex erubescencia, quam habet, & ex viscerum, cui se confitens subijcit*. Vide Manualis huius secunda parte concl. 38.

XVI.

- 1 *In eo, quod generatur ex speciebus Eucharistiæ, non manet materia substantialis, sed quantitas loco materiæ.*
- 2 *Censetur falsa.*
- 3 *S. Thomæ doctrinæ veritas.*

Conclusio S. Thomæ attributa.

In eo, quod generatur ex speciebus Eucharistiæ, non manet materia substantialis, sed quantitas loco materiæ.

174



TA Sanctus Thomas 4. distin. 12. quæst. 1. art. 2. quæst. 4. & 3. part. quæst. 77. art. 5. quam etiam innuit 4. c. g. Cap. 66. vt Ferrariensi placuit.

Censetur falsa.

- 175 **V**erum hoc esse omninò falsum, & in Philosophia errorem, patet expressè; impossibile enim est ex quantitate, quæ est accidens, & ex forma substantiali fieri vnum per se; & compositum substantiale, quale est, quod generatur ex speciebus Eucharistiæ, esse enim substantialis principium, forma accidentalis esse non potest, sed substantialis tantum, vt dixit ipsemet S. Thomas de Potent. quæst. 3. art. 7. c.

S.Tho.

S. Thomæ doctrinæ veritas.

176 **S**ed sciendum est S. Doctorem locis citatis, exclusis quibusdam opinionibus tanquam impossibilibus, dum probabilius esse tener, quod quantitas maneat in illa generatione loco materię, non intendisse manere quantitatem in statu accidentis; sed mentem eius fuisse quantitatem in instanti generationis transire in materiam substantialem diuina virtute, ex qua educitur in instanti generationis forma substantialis, ad quam sequuntur dimensiones iuxta doctrinam Thomistarum. Hęc enim docuit S. Tho. 3. p. cit. ad tertium, *quantitas dimensua panis, & vini retinet naturam propriam, & accipit miraculosè vim, & proprietatem substantię, & ideo potest transire in vtrumque scilicet, in substantiam, & dimensionem* idest, sicut substantia panis tota conuertitur in corpus Christi, ita tota quantitas conuertitur in materiam substantialem, ex qua, vt quo, dimensiones manant in subiecto de nouo genito. Et quamvis hęc opinio S. Doctori visa fuerit melior alia, quę dicit materiam substantialem in casu, quo aliquid generatur ex speciebus Eucharistię, de nouo creari; ne dum, quia iuxta illam opinionem saluatur quod absque nouo miraculo, & ex vi miraculi precedentis hęc generatio fiat; sed etiam quia Sancti, qui de creatione rerum egerunt, innuunt Deum nunquam creare aliam materiam de nouo præter illam, quam de facto creauit in prima rerum productione, vt patet in 4. ad Anibal. dist. 12. art. 3. ex eius tamen verbis aperte colligitur illam etiam opinionem, quę ponit in dicto casu materiam de nouo creatam, probabilem esse iudicasse, & secundum vtramque sententiam voluisse explicari posse modum, quo contingit aliquid generari ex speciebus Eucharistię, vt in illo art. ex 3. p. citato dicit expressè.

Si

XVII.

- 1 *Si admisceatur Vino consecrato aliud Vinum non consecratum, non remanebit ibi Sanguis Christi.*
- 2 *Quod contra S. Thomæ doctrinam adducitur.*
- 3 *S. Thomæ doctrinæ veritas:*

Conclusio S. Thomæ attributa.

Si admisceatur Vino consecrato aliud Vinum non consecratum, non remanebit ibi Sanguis Christi:

177



T A Sanctus Thomas quodlibet 10. art. 3. 4. distin. 12. quæst. 1. art. 2. quæstioncula 6. & 3. p. quæst. 77. art. 8.

Quod contra S. Thomæ doctrinam adducitur.

178

R Eprehenditur de hac sententia S. Thomas primo quia est contra morem Ecclesiæ Græcorum ab Ecclesia Vniuersali non improbarum, in qua post consecrationem Sacerdotes, vt quidam nobis retulerunt, commiscunt Calici denuo aliam aquam; & post hanc missionem adhuc ibi sanguinem Christi remanere Eccle-

clesia Græca Catholica firmiter tenet. Ergo idem teneret si Vino consecrato admisceretur vinum non consecratum.

Secundò, quia S. Tho. ideò dicit in Vino consecrato si misceatur vinum non consecratum, desinere esse sanguinem Christi, quia illud vinum esset aliud individuum à priori consecrato; per hoc autem, inquit Suarez in 3. p. Tract. de Sacramentis, Tomo 3. disp. 57. sec. 4. Probaretur etiam desinere esse corpus Christi sub speciebus, si species dividerentur in duò individua, quod est contra fidem; Lugo verò de Sacram. Euchar. disp. 10. sec. 3. n. 41. loquendo de hac D. Thomæ doctrina; inquit *eam communiter non solum difficilem, sed minus probabilem reputari.*

Insuper, qui Sancto Thomæ in hac doctrina contradicunt, asserunt eam reprobari ab Innoc. III. in cap. *Cum Martha*, de Celebrat. Missarum, vbi Vino non consecrato infuso in vinum consecratum, decernitur manere quidem species Vini consecrati mistas cum vino non consecrato; non verò desinere ibi esse Sanguinem Christi.

Obstat etiam Ordo Romanus antiquus, vbi cap. 4. iuberi dicitur species consecratas misceri cum alio vino non consecrato, vt totus Populus posset ex illo accipere, & Sanctificari; ex quo patet per illam misionem non desinere esse ibi sanguinem Christi, aliàs approbata non fuisset illa mistio.

S. Thomæ doctrinæ veritas.

179 **V**Eruntamen doctrina S. Thomæ fideliter adducta, nedùm non est nec difficilis, nec minus probabilis, sed prorsus ab omnibus Catholicis amplectenda.

180 Certum est enim apud omnes Catholicos, quod corpus, & Sanguis Christi remanent sub speciebus quandiu species manent; quibus cessantibus desinit sub eis esse Corpus Christi, pariter, & Sanguis. Ita S. Tho

3. p. quæst. 76. art. 1. ad tertium & quæst. 77. art. 4. & alibi; omnes Theologi veteres quos adducit; & sequitur Suarez de Sacram. vbi supra disp. 46. sec. 8. *Dicendum est tertio* Card. Lugo de Sacram. Euchar. disp. 10. sec. 3. n. 36. cæterique omnes recentiores, qui de hac materia scripserunt; & insuper est de fide, hoc supposito S. Thomas docet, quotiescumque Vinum non consecratum eiusdem, vel alterius coloris, Vino consecrato miscetur; & hac mixtione posita, non manent eedem species; speciebus cessantibus, desinere esse Sanguinem Christi sub eis: si verò hac mixtione posita, ad huc manent species, non desinere Christi Sanguinem esse sub eis.

181 Hoc posterius disertis verbis dixit S. Doctor in corp. illius articuli, quodl. 10. *Nam ipsa additio, inquit, non tollit essentiam dimentionis, sed variat terminationem eius, quæ quidem variatur non solum per additionem, sed etiam per diuisionem; Unde si talis variatio sufficeret ad hoc, quod desineret esse sub speciebus Corpus, vel Sanguis Christi, sequeretur quod per diuisionem specierum similiter esse desineret, quod patet esse falsum; & ad secundum ita loquitur, species autem Sacramentales non destruuntur quibuscumque qualitatibus variatis, quia si odor vini, vel color mutaretur, non propter hoc desineret ibi esse Sanguis Christi. Idem repetit in 4. vbi supra in corp. quæstiuncula 6. Patet ergo S. Thomam docuisse per additionem vini non consecrati, vel eiusdem, vel diuersi coloris, odoris, seu saporis, Vino consecrato, si maneant, essentialiter eedem dimentiones, non desinere esse ibi Sanguinem Christi.*

182 Si verò dimentiones illæ essentialiter immutarentur, per talem additionem, docet, desinere ibi esse sanguinem Christi; nam inquit ad secundum art. illius quodl. *Species Sacramentales, non destruuntur quibuscumque qualitatibus variatis; quia si odor vini, vel color mutaretur, non propter hoc desineret ibi esse sanguis Christi, nisi dimentiones, quæ cæteris accidentibus subsunt,*
vi.

*vicem substantiæ gerentes secundum essentiam destruerentur, quod aliter accidere non potest, quàm accideret de substantia vini, si ibi esset, sicut ergo, supposito quod destruerentur dimentiones in vino non consecrato per additionem alterius vini, destrueretur substantia vini, nec esset amplius hoc vinum numero, quod erat prius: Ità supposito quod per additionem cuiuscunque alterius vini non consecrati eiusdem, vel diuersi coloris destruerentur dimentiones, quæ in Sacramento gerunt vicem substantiæ; sequitur euidenter quod post missionem non remaneret hoc numero vinum consecratum, sub cuius speciebus fuerat sanguis Christi quando illæ dimentiones perdurauerunt, & illis destructis per illam additionem, vt supponimus, desineret sub eis esse sanguis Christi. Ità S. Tho. 3. p. in illo art. 8. q. 77. per hæc verba. *Manifestum est autem ex prædictis quod Corpus, & Sanguis Christi remanent in hoc Sacramento quādiū illa species manent eodem numero. Consecratur enim hic panis, & hoc vinum; unde si fiat tāta permissio liquoris cuiuscunque, quod pertingeret ad totum vinum consecratum, & fiat permissum, erit aliud numero, & non remanebit ibi sanguis Christi.* Quod verò obijciunt Aduersarij Vinum vino admistum speciem Vini soluere non posse, etiamsi illis concedatur theologicè loquendo, S. Thomæ doctrinæ theologicæ non contradicit: nam S. Thomas Theologum agens non disputat de possibilitate illa physica, sed disputat vtrum vino consecrato possit aliquis liquor misceri, & recensitis omnibus modis, quibus dici posset alios liquores à Vino posse vino consecrato misceri, recenset modos, quibus vino consecrato aliud vinum possit admisceri; & concludit, quod si vinum, quodcumque illud sit, vino consecrato admistum non destruit dimentiones essentialitèr, ita vt maneat post missionem idem vinum numero consecratum, remanet ibi sanguis Christi, si destruit, & posita missione transit in aliud vinum numero, vino consecrato priore cessante, non remanet ibi sanguis Christi. De hac Cōclusionē nemo, si Catholicus sit, dubitare potest.*

P

Sed

183 Sed dices S. Thomam expresse docuisse vinum, si vino misceatur, vinum cui misceatur corrumpere, & aliud vinum resultare; hoc verò communiter improbat, ut patet; quod id S. Thomas docuerit, ostenditur; quia in 4. ubi supra ait. *Si autem esset eiusdem speciei, fieret aliud vinum secundum numerum; maxime quantum ad accidentia*, & in art. illius cit. quodl. ita dicit. *Vel desineret esse hoc vinum si esset eiusdem speciei*, & tandem in 3. p. cit. sic loquitur, *si esset eiusdem speciei liquor adiunctus (puta si vinum permisceretur vino) remaneret quidem eadem species sed non remaneret idem numero vinum, quod declarat diuersitas accidentium, puta si unum vinum esset album, & aliud rubrum*. Ex quibus patet S. Thomam absolute loqui, & docuisse expresse, dum vinum non consecratum admiscetur vino consecrato in quantitate, qua posset diffundi per totum illud vinum; ita ut totum fieret permiscum, quomodocumque id fiat, resultare aliud vinum; & ideo ibi desinere esse sanguinem Christi sub speciebus.

184 Resp. admittendo S. Thomam absolute docuisse, cum Philosophum ageret, posse duo vina inter se misceri, ita ut ex mutua alteratione ambo corrumpantur, & resultet tertium vinum; quod rationabiliter non posset à quouis Philosopho improbabile iudicari, hoc non est de omnibus vinis intelligendum, ut docent communiter Thomistæ apud Nugnum super illum art. 8. q. 77. 3. p. sunt enim vina quædam earundem qualitatum, vel satis similium, quamuis etiam non conueniant in colore, ita ut inter ea vel nulla, vel minima sequi possit alteratio: Sunt verò quædam vina, quæ habent qualitates valde dissimiles, ac variæ virtutis, & vigoris diuersi, quod solet magis verificari in vinis rubris, quæ ab albis specie differre aliqui putant; inter hæc posset esse alteratio, si non statim ac permiscerentur, saltim post magnum motum, vel multum tempus, ut loquitur Siluius ibidem cum Victoria; & consequenter si hæc duo vina misceantur; poterunt ita perfecte misceri, ut ex illis adinuicem corruptis, tertium resultet, quod nullum eorum

rum sit hoc vnum Vinum , quod erat prius .

- 185 Supposita hac philosophica sententia apud Thomistas communiter recepta , S. Thomas Theologum agens docet, quod si vinum non consecratum vino consecrato miscetur , & vina sint similium qualitaturn , ita vt ex tali mixture species Sacramentales non destruantur , etiã si ex tali mixture mutaretur odor , vel color , &c. non propter hoc desineret ibi esse sanguis Christi , vt dicit illo art. 3. quodl. 10. ad secundum. Si vero vinum non consecratum vino consecrato misceretur , & ambò essent dissimilium qualitaturn , ita vt sic adinuicem alterarentur ; vt neutrum ipsorum esset ampliùs hoc vinum , sed aliud vinum : tunc quia destruerentur species Sacramentales *pertingeret enim Vinum non consecratum ad totum vinum consecratum , & fieret permixtio , & vinum consecratum esset aliud numero , non remaneret ibi Sanguis Christi* , vt loquitur S. Doctor in cor. art. 8. quæst. 77. 3. p. quod enim hoc modo est commissum ex duobus , neutrum miscibilem est , sed transit in quoddam tertium ex his compositum ; unde sequitur quod vinum prius existens non remaneret , prout S. Tho. paulò antea docuerat .

- 186 Ex dictis facile est Argumentis Aduersariorum Satisfacere ; nam assertus Græcorum mos , dictum Innocentij III. Cap. *Eum Martha* , & dispositio antiqui Ordinis Romani , quorum autoritate probatur Vino consecrato Vini non consecrati mixtio , sine eo quod desinat ibi esse Sanguis Christi , intelligenda sunt cum hac limitatione , dummodò , scilicet , species per talem mixturem non destruantur , quod S. Thomas etiã docet , & nemo est qui hoc non admittat .

- 187 Ad Argumentum Suarezij dicimus docuisse S. Thomam in art. 3. illius quodl. quod si per additionem species non destruantur , sed solum tollatur terminatio mentionum , non desinere sub eis esse sanguinem Christi , sicut nec per diuisionem , per quam sunt duo indiuidua ; si verò per additionem destruantur species mo-

do explicato, definire docuit S. Tho. esse sub eis sanguinem Christi; tunc autem illud tertium vinum, ne dum esset aliud individuum, sed esset aliud specie a prioribus consecrato, & non consecrato, sicut mistum est aliud specie ab his, ex quibus miscetur, miscibilibus corruptis.



- 1 *Ad perficiendum Sacramentum non requiritur in ministro mentalis intentio, sed sufficit intentio faciendi actiones externas, quas Christus instituit.*
- 2 *Ad perficiendum Sacramentum non sufficit in ministro intentio faciendi actiones externas, quas Christus instituit, sed requiritur etiam intentio interna faciendi, quod facit Ecclesia.*
- 3 *S. Thomæ doctrinæ veritas.*

Conclusio S. Thomæ attributa.

Ad perficiendum Sacramentum non requiritur in ministro mentalis intentio, sed sufficit intentio faciendi actiones externas, quas Christus instituit.

188



THOMAS 4. d. 6. quæst. 1. art. 2. q. 1. ad secundum sic ait. *Alij dicunt quod in Baptismo, & in alijs Sacramentis, quæ habent in forma actum exercitum, non requiritur mentalis intentio, sed sufficit expressio intentionis per verba ab Ecclesia instituta, idè si forma seruetur, nec aliquid exterius dicitur, quod*

quod intentionem contrariam exprimat, Baptizatus est. Non enim sine causa in Sacramentis necessitatis, scilicet, Baptismo, & quibusdam alijs, actus Baptizantis tam sollicitè expressus est ad intentionis expressionem, & hoc quod dicit de aliorum sententia, videtur S. Doctorem etiam approbare, prout patet ex 3. p. quæst. 64. art. 8. ad secundum ubi idem paucis immutatis reperit per hæc verba, & ideo alij melius dicunt quod minister Sacramenti agit in persona totius Ecclesie, cuius est minister. In verbis autem, quæ profert, exprimitur intentio Ecclesie, quæ sufficit ad perfectionem Sacramenti, nisi contrarium exterius exprimat ex parte ministri, vel recipientis Sacramentum.

Cum verò S. Thomas in articulis adductis ex 4. sent. & ex 3. p. excepta illa resp. ad secundum dixerit oppositum, quidam putauerunt S. Doctorem mutasse sententiam, sed Adrianus adductus à Soto 4. d. 1. quæst. 5. art. 8. Catherinus adductus à Card. Bellarm. Tomo 3. Cont. de Sac. in gen. cap. 27. Vasquez adductus à Card. Lugo de Sac. disp. 8. sec. 4. & alij existimant S. Thomam in sententia negante in ministro mentalem intentionem dum confert Sacramentum semper fuisse constantem inter quos fuit etiam recens Ioannes Marius Scribonius in summa Theologica. Suarez vero Tomo

3. 3. p. in Comment. illius art.

S. q. 64. dixit Textum S.

Thomæ esse obscuro,

& difficilem,

cilem,

ac facilius, & clariùs illi do-

ctrinæ accomodari, si

in cortice tantum

inspiciatur.

Con-

Conclusio, quæ censetur S. Thomæ
opposita .

*Ad perficiendum Sacramentum non suffi-
citur in ministro intentio faciendi actiones
externas, quas Christus instituit, sed
requiritur etiam intentio inter-
na faciendi, quod facit
Ecclesia.*

189 **H**anc Conclusionem fuisse definitam in Conc. Flo-
rentino & postea in Trident. dixit Suarez vbi
supra disp. 13. sec. 2. 5. *Secundò principalitèr*, & pro-
bat præcipuè ex Tridentino sec. 7. Can. 11. vbi putat
anathematizari eos, qui hanc internam intentionem
ministri negant; assert etiam Cap. 9. sec. 14. vbi Con-
cilium declarat absoluentem sine intentione absoluenti
nihil facere; quod postea Can. 9. definiuit, creditque
hanc definitionem esse vniuersalem ad omnia Sacramen-
ta & explicare priorem Concilij doctrinam sec. 7. tra-
ditam, quapropter, inquit, contrariam sententiam non
posse iam tutò defendi; nec sine errore. Soto vbi su-
pra eam vocat reprobam, Bellarm. & Lugo vbi supra
sec. 2. n. 15. dicunt ad hæreticorum errorem accedere,
vel ab eo non multum distare, sed Card. Pallavic. in
sua Historia Conc. Tridentini lib. 9. Cap. 6. n. 2. refert
illam sententiam à dicto Concil. non fuisse expressè
reprobam.

S.Tho-

S. Thomæ doctrinæ veritas.

150 **D**E intentione interna ministri actuali, seu virtuali, quam S. Thomas in responsione ad tertium art. 8. quæst. 64. 3. p. vocat habitualement, ut communiter dicitur, & probare intendit Caiet. ibi (Attamen S. Doctor de charit. quæst. 1. art. 11. ad tertium virtualement intentionem distinxit ab habituali, utriusque rationem explicando) loqui possumus dupliciter, primo de intentione conferendi effectum Sacramenti, qui est character, & gratia, secundo de intentione conferendi Sacramentum. Vtramque intentionem putant aliqui S. Thomam in ministro necessariam existimasse; sed dicendum est tantum posteriorem in ministro exegisse, non verò primam; & quamvis dixerit in illo art. 8. 3. p. in corp. *oportet quod determinetur (scilicet ablutio) ad unum, id est ad sacramentalem effectum, per intentionem abluentis*, tamen per sacramentalem effectum intellexit ipsum esse Sacramenti, qui est effectus ministri intendentis facere quod facit Christus, & Ecclesia; & ita interpretatus est Soto loco cit. S. Thom. neque unquam sensit eum voluisse characterem; seu gratiam pendere ab interna ministri intentione, ut patet legenti, quicquid Suarez vbi supra in Com. illius art. 8. quæst. 64. 3. p. dixerit in contrarium.

191 Posteriorem verò intentionem, scilicet, internam, & mentalem faciendi Sacramentum, S. Tho. perpetuò docuit necessariam esse in ministro, non quidem in actu signato, dicendo v. g. *intendo facere*, &c. in quo sensu loquitur in 4. in illa responsione ad secundum si ibi mentalem intentionem negavit; dum in aliorum sententia loqueretur, sed in actu exercito; dum mens actualiter attendit ad ea, quæ sunt consecrationis v. g. seu ad cætera, quæ enumerat Caietanus 3. p. vbi supra nec Antiqui, ut Paludanus, & Durandus, oppositum S. Thomam sensisse tradunt, ut aduertit Soto vbi supra. Ipse

- se S. Doctor pluribus suæ doctrinæ locis hanc internam intentionem euidenter in ministro requirit vt validum conferat Sacramentum. Præter eâ, quæ docuit in 4. loco citato & alibi sapius, legendus est in illo art. 8. quæst. 64. 3. p. vbi in corp. dicit per intentionem ministri determinari ablutionem ad effectum Sacramenti, ad primum dicit ministrum esse instrumentum animatum in quo requiritur intentio se subiiciendi principali agenti, scilicet, facienti, quod fecit Christus, & Ecclesia ad 3. dicit Baptizantem intendere debere, facere quod facit Ecclesia, art. 9. ibidem ad primum dicit ministrum etiam infidelem verum conficere Sacramentum, si intendat facere, quod facit Ecclesia; hoc autem idem est ac si diceret, quod fecit Christus; de quo nullum dubium esse potest habuisse mentalem intentionem. Item art. 10. eiusdem quæst. in cor. dicit intentionem ministri perversam esse duplicem, vnam, qua vult conferre Sacramentum ad malum finem, & hanc non tollere veritatem Sacramenti, alteram, qua non vult conferre Sacramentum, & hanc tollere veritatem Sacramenti, inquit; *præcipue cum intentionem suam exterius manifestat*. Vbi notandum est illud *præcipue*, quo ostendit S. Tho. vitari Sacramentum ex defectu internæ intentionis ministri nolentis conferre Sacramentum, & *præcipue* dum huius intentionis defectum exterius manifestat, vel actione, vel verbis; tunc enim nulla potest esse dubitatio apud homines, quibus interna intentio nota esse non potest nisi externis fiat manifesta, ministrum ex intentione perversa nullum contulisse Sacramentum: Videndus etiam S. Thomas in 4. dist. 11. q. 2. art. 1. q. 3. ad primum & op. 5.
- 193 Tota difficultas apud quosdam inuenitur in illis responsionibus S. Tho. ad secundum in 4. sent. & 3. p. locis à principio hic adductis, ita vt Suarez in Com. præfato interpretationem Caietani, qua responsionem ad secundum 3. p. explicauit, piam dixerit, & nunquam adimi scrupulum, si rigorosè verba litteræ S. Thomæ sint perpendenda, & explicanda.

194 Duo difficilia, vt Suarez existimauit, dixit S. Tho. in illa resp. ad secundum 3. p. Primum est, quod admitti possit, deficiente intentione ministri, Christum supplere vltimum effectum Sacramenti, qui est iustificatio à peccatis; non verò effectum characteris, quia hic non imprimitur nisi per Sacramentum, & hoc tam in pueris, quam in adultis, secundum est, quod indicat in illa resp. ad secundum si desit interior intentio ministri faciendi Sacramentum; dummodò exterius materiam, & formam sine vllò defectu applicet, verè fieri Sacramentum ex intentione Ecclesiæ, quod, inquit Suarez, est contra veram, & sanam doctrinam.

195 Primum S. Tho. nullo modo admisit in infantibus, immò reiecit, vt patet 3. p. in Textu vbi supra, & sequenti q. 67. art. 3. ad tertium. De adultis verò dixit in eis suppleri ex deuotione iustificationem à peccatis, quam per Sacramentum recepissent, hoc est, gratiam, sed iuxta eorum dispositionem, vt Soto in Textu S. Tho. exprimi declarauit, & illum legenti palàm fiet. Vel dicere possumus cum Caietano ibi S. Thomam illam secundam opinionem, quam refert in resp. ad secundum repræhendisse; quia non potest saluare supplementum characteris.

196 Secundum S. Tho. nec quidem somniauit, inquit idem Soto, cui sicut, & Caietano, & postea Bellarmino, Nugno, Siluio, alijsque clarissimis Theologis adeo plana, & aperta visa est doctrina S. Thomæ in illa resp. ad secundum vt dixerint in ipsa littera euidentè eum asserere internam ministri intentionem esse omninò necessariam ad hoc vt fiat Sacramentum.

197 Quod sic ostenditur, ibi S. Tho. ad argumentum quod probare intendebat non esse necessariam internam ministri intentionem; quia hæc non potest esse homini nota, & consequenter si ista intentio ministri requireretur ad perfectionem Sacramenti, non posset homini accedenti ad Sacramentum esse notum Sacramentum suscepisse, & ita non posset habere certitudinem salutis. Resp. *Minister Sacramenti agit in persona totius Ecclesiæ, cuius est minister. In verbis autem, quæ profert, exprimitur*

in-

intentio Ecclesia, qua sufficit ad perfectionem Sacramenti, nisi contrarium exterius exprimat ex parte ministri, & recipientis Sacramentum. His verbis satisfacit argumento declarando quomodo possit esse nota interna intentio ministri accedenti ad Sacramentum; non quidem secundum certitudinem absolutam; quia quamvis intentio interna ad perfectionem Sacramenti simpliciter requiratur per S. Thomam, ut patet precipue in articuli illius corp. ex consueto tamen more, qui reuelationem non importat, suscipienti nota esse non potest, sicut nec ministro interna intentio suscipientis, quæ etiam requiritur in adulto, ut dixit S. Tho. 3. p. q. 68. ar. 7. ad secundum; sed secundum certitudinem humanam, secundum quam potest homo viator de sua salute aliquantulum certitudinem habere; cum absolutam citra reuelationem habere non possit ex Conc. Trid. sess. 6. Can. 16. & ita etiam si homo non sit certus de perfectione Sacramenti simpliciter; quia ei nota non est interna ministri intentio; est tamen certus de perfectione Sacramenti secundum certitudinem humanam, si per ministrum exprimat in verbis Ecclesiæ intentio, & nisi contrarium exterius idem minister exprimat; & hoc sufficit, ait S. Tho. ad tollendam omnem hæsitacionem in suscipiente, quia maiorem notitiam humanam de ministri intentione interna habere non potest. Si verò S. Tho. loqueretur de Sacramenti perfectione absoluta, dum dicit *Si exprimentur verba per ministrum, id sufficere ad perfectionem Sacramenti, nisi ex parte ministri contrarium exterius exprimat*, ne dum destrueret doctrinam in cæteris illius articuli partibus traditam, quod non est verisimile, ut dixit Suarez, & est incredibile, ut dixit Lugo; sed insuper diceret inter se repugnantia, ut bene aduertit Bellar. scilicet quod conficeretur, & non conficeretur Sacramentum; nam si ad perfectionem absolutam Sacramenti sufficit externa prolatio verborum; ergo etiam si minister exterius voce, vel actione exprimat se non habere intentionem internam conficiendi Sacramentum, adhuc per S. Tho.

conficeret Sacramentum; quia si aliàs proferentur verba, internæ intentionis defectus tunc in eius sententia non tolleret perfectionem Sacramenti; quia fieret à ministro, quod secundum ipsum sufficeret ad perfectionem Sacramenti, & tamen secundum ipsum talis minister non conficeret Sacramentum, quia exterius exprimeret, interius se habere contrariam intentionem, in quo casu externam prolationem verborum ipse dixit non sufficere ad perfectionem Sacramenti.

- 198 Confirmatur à Lugo sic, S.Tho. inquit, non perfici Sacramentum per externam prolotionem verborum, si ex parte ministri, vel recipientis Sacramentum contrarium exterius exprimitur. Ergo sentit idem iudicium ferendum esse de suscipiente, & de ministro, quod immerito negat Vasquez in 3.p. disp. 138. n.44. sed in suscipiente, si sit adultus, apud S. Tho. 3.p. q.68. ar. 7. ad secundum requiritur interna intentio; ergo & in ministro; & consequenter sicut si ex parte susipientis adulti aliquid internæ intentioni contrarium exprimeretur vel non exprimeretur exterius, ex defectu intentionis internæ secundum S.Tho. nullū iste reciperet Sacramentū. Ergo simili modo, si ex parte ministri exprimeretur aliquid internæ intentioni contrarium exterius, ex defectu intentionis internæ etiam iste de mente S.Thomæ nullum conficeret Sacramentū Cardinali Lugoni vbi supra n.65.
- 199 Caietani, cæterorumque insignium Doctorum quos supra congeessimus interpretatio litteræ S. Tho. qua volunt illum loquutum fuisse de perfectione Sacramenti non absoluta, sed secundum humanam certitudinem, non satisfacit; facit enim vim in eo, quod S.Tho. profiteretur se loqui de perfectione Sacramenti simpliciter prolata, quod non videtur interpretari posse nisi de absoluta perfectione, existimata enim perfectio, quæ est secundum humanam certitudinem, non venit nomine perfectionis sine addito prolato; propterea si S.Th. de existimata perfectione loqui voluisset, dixisset ad perfectionem existimata Sacramenti sufficere verborum prolotionem. Relicta ergo præfata interpretatione, ipse Lugo putat S. Thomam ibi loqui de intentione expref-

vel non exprimeretur

pressa, & explicita ministri, quam negat requiri ad perfectionem Sacramenti; sed vult sufficere implicitam intentionem, qua si minister intendat verba proferre, & operari iuxta intentionem Ecclesiæ, inquit, apud S.Tho. hanc intentionem sufficere ad perfectionem Sacramenti, dummodo in forma, vel actione minister non exprimeret aliquid, quod destrueret intentionē Ecclesiæ.

200 Sed hæc Lugonis interpretatio est à mente S. Thomæ omninò aliena; nam quamvis doctrina hæc vera sit, & à S. Doctore tradita in illa resp. ad 3. tamen apta non est ad soluendum illud argumentum; quod S. Doctor sibi obiecerat in 4. sent. & in 3. p. locis supra citatis; petebat enim argumentum vt declararetur quomodo nota esse posset Sacramentum suscipienti mentalis intentio ministri, vt illi notum esse posset Sacramentum suscepisse; si S. Thomas respondisset duplicem esse intentionem, implicitam, scilicet, & explicitam nihil pro soluenda obiecta difficultate dixisset ad rem, cum vtraque intentio sit interna, & consequenter æquē ignota suscipienti etiāsi in actu exercito manifestaretur, dum minister diceret, ego intendo &c. Nam tunc etiam dubitari posset vtrum haberet in mente, quod exprimebat in voce. Declarandum ergo erat à S. Thomæ vt argumento satisfaceret, quomodo cum defectu notitiæ internæ intentionis cuiuscumque ministri poterat esse certitudo in suscipiente recepisse Sacramentum, & soluit dubium egregie, dum dixit, cum defectu illius notitiæ bene stare posse humanam certitudinem aptam ad tollendam in suscipiente prudentem hæitationem, quia ad perfectionem Sacramenti secundum humanam certitudinem, si minister exterius contrarium non exprimeret, sufficit verborum prolatio, in quibus exprimitur intentio Ecclesiæ, quæ interpretatio est litteræ S. Thomæ adæquata, & propria; ideoque tot Doctoribus egregijs satisfecit; eamque Siluius oratione quarta, quæ in fine opusculorum eius habetur impressa, egregie profecutus est, dum Ioannem Mariam Scribonium de S. Thomæ sententia non recte sensisse, demonstrat.

Si

XIX.

- 1 *Si etiam per errorem aliquis non baptizatus Sacerdos, vel Episcopus ordinaretur, piè creditur quod in ordinatis, & absolutis ab ipso Deus suppleret defectum quantum ad effectus Sacramentorum.*
- 2 *Si etiam per errorem aliquis non baptizatus promoueretur ad Sacerdotium, vel Episcopatum, nullum conficeret Sacramentum ex ijs, quæ per huiusmodi ordines conficerentur:*
- 3 *S. Thomæ doctrinæ veritas.*

Conclusio S. Thomæ attributa.

Si etiam per errorem aliquis non baptizatus Sacerdos, vel Episcopus ordinaretur, piè creditur quod in ordinatis, & absolutis ab ipso Deus suppleret defectum quantum ad effectus Sacramentorum.

ITA

201



TAS Th.4. dist. 24. quæst. 1. ar. 2. qu. 3. ad 2. per hæc verba quia talis (scilicet, nō baptizatus etiā probabiliter existimatus baptizatus) si ad Sacerdotium promoueretur, non est Sacerdos; nec conficere potest, nec absolvere in foro pœnitentiali; unde secundum Canones (1. qu. 1. cap. Si quis confugerit. Cap.

Si quis ignorauerit. Cap. Si quis Presbyter) debet baptizari iterato, & ordinari, & si in Episcopum promouetur, illi, quos ordinat, non habent ordinem; sed tamen piè credi potest quod quantum ad ultimos effectus Sacramentorum summus Sacerdos suppleret defectum, & quod non permetteret hoc ita latere, quod periculum Ecclesiæ imminere posset, ex quibus verbis deduxit Angelus in summa, verbo Baptismus 7. num. 12. S. Thomam docuisse non baptizatum, si ad Sacerdotium, vel Episcopatum promoueretur, conficere Sacramenta, quæ per tales ordines conficiuntur, non in virtute sua, sed Ecclesiæ, Siluius 3. part. quæst. 68. art. 2. ad 4. inquit S. Tho. ab hac sententia recessisse. Soto in 4. dist. 5. quæst. vnic. art. 2. ait S. Thomam illa dist. 24. locutum secundum communem aliorum opinionem, quam certè in summa non sustinisset; & dist. 24. quæst. 1. art. 4. ad 3. inquit. Quo circa non dubito quin S. Th. in summa nunquam tale verbum dixisset; est enim dicere, quod Deus peccatorem sine Sacramento, & contritione viuificaret, quod esset manifestarius error. Confirmatur ex 3. p. quæst. 64.

art, 8. ad 2. quod adduximus

in superioris Con-

clusionis ini-

tio.

Con-

Conclusio, quæ censetur S. Thomæ
opposita .

*Si etiam per errorem aliquis non bapti-
zatus promoueretur ad Sacerdotium,
vel Episcopatum, nullum conficeret
Sacramentum ex ijs, quæ
per huiusmodi ordines
conficiuntur .*

202 **H**ÆC Conclusio est certa de fide , definita in Conc.
Florentino , vbi baptismus dicitur ianua Sacra-
mentorum ; ex quo patet nullum Sacramentum recipi
posse ab eo, in quo non præcesserit character Baptismi,
& idem habetur Cap. *Veniens* de Presbytero non bap-
tizato ; vbi adducitur Canon Concilij apud Compen-
dium , qui ibidem habetur Cap. *si quis Presbyter* ;
Deum verò defectum illum supplere , vt docet S. Tho.
cum nec legi , nec authoritati innitatur , nullum habet
credulitatis fundamentum : quapropter communiter
ab omnibus tanquam falsum rejicitur . Ita quidam
Doctores loquuntur .

S. Thomæ doctrinæ veritas .

203 **N**Vnquam S. Th. docuit non baptizatum ad Sacer-
dotium , vel Episcopatum promotum regulari-
tèr illorum ordinum conficere Sacramenta in virtute
Dei , seu Ecclesiæ , hanc sententiam illi Angelus falsò
attribuit , vt dixit Siluester in Sum. Verbo *Baptismus*
VI. nu. 3. & Barbosa in Collect. ad illud Cap. *Veniens*
nu. 2. ideoq; ab hac sententia recedere non indigebat ,

vt
—

vt Siluius, & Soto existimarunt, cum in ea nunquam fuisset.

204 Nec in illa responsione ad secundum vlllo modo dictæ sententiæ adhæsisse suspicari potest, si in intento ab eo sensu eius verba fuerint interpretata, secundum argumentum probare nitebatur in casu, quo non baptizatus Presbyter nihil faceret dum consecraret, vel absolueret, Ecclesiam decipi, quod esset maximum incontinens. Respondet S. Tho. concedendo, quod nihil faceret consecrando, vel absoluendo, *sed, ait, piè credi potest, quod summus Sacerdos quantum ad vltimos effectus Sacramentorum suppleret defectum.* Certè S. Tho. per vltimos effectus Sacramentorum non intellexit veri Sacramenti consecrationem, nec voluit ordinis characterem, seu absolutionem in Foro Pœnitentiali suppleri in illo casu virtute Dei, vel Ecclesiæ; quia in eius sententia talis Presbyter non baptizatus in illo Foro absolvere non posset, & ordinati ab Episcopo non baptizato, ordinati non essent. Intellexit igitur per vltimos effectus Sacramentorum iustificationem, vel gratiæ augmentum, quibus effectibus tales ordinati, vel absoluti non semper priuarentur; non quidem quia hos effectus reciperent virtute Sacramenti, & ex opere operato, sed ex fide illorum Sacramentorum, & ex opere operantis iustificationem, vel gratiam recipere possent, si aliâ contriti, & dispositi fuissent; cum à non baptizato absoluerentur, vel ordinarentur, quod innuit Azor. Inst. p. 2. lib. 3. cap. 4. §. *Primo quaritur*, & hic est defectus, quem dixit S. Th. piè credi posse à Summo Sacerdote suppleri, sicut dixerat 3. p. qu. 67. art. 3. ad tertium per contritionem suppleri defectus Sacramentalis absolutionis; & in 4. d. 17. qu. 3. art. 3. q. 2. ad primum, dum de confessione facta Laico loqueretur, per hæc verba. *Sed quando necessitas imminet, debet facere penitens, quod ex parte sua est, scilicet, conteri, & confiteri, cui potest, qui quamuis Sacramentum perficere non possit ut faciat id, quod est ex parte Sacerdotis,*

R

abso-

*absolutionem, scilicet, tamen defectum: Sacerdotis Summus Sacerdos supplet, nihilominus confessio Laico ex desiderio Sacerdotis facta Sacramentalis est quodammodo; quamvis non sit Sacramentum perfectum, quia deest ei, quod est ex parte Sacerdotis; & per hæc verba S. Tho. satisfecit Argumento, dum negavit non sequi illud inconueniens, scilicet, quod Ecclesia deciperetur, si Presbyter non baptizatus nihil faceret, dum consecraret, vel absolueret, nam adhuc absoluti supradictos effectus, quos effectus ultimos Sacramentorum appellauit, consequerentur, si alias essent ad illos recipiendos dispositi, ita supplente Summo Sacerdote Presbyteri, seu Episcopi non baptizati defectum. Vnde pater malè Soto deduxisse ex S. Thomæ verbis sequi peccatorem sine Sacramento, vel contritione iustificari posse; quamuis enim vt supra absoluti, si iustificarentur, utiq; sine Sacramento iustificarentur, non verò sine contritione, quæ suppleret ex parte subiecti defectum Sacramentalis absolutionis, vt dictum est, nec sine proposito recipiendi illud Sacramentum, vt dixit S. Th. 4. d. 23. q. 1. ar. 2. q. 1. ad primum his verbis. *Quamuis effectus principalis alicuius Sacramenti possit haberi sine actuali perceptione illius Sacramenti; vel sine Sacramento, vel per aliud Sacramentum ex consequenti; nunquam tamen potest haberi sine proposito illius Sacramenti.**

- 205 Sciendum præterea est S. Thomam ad tollendum omne periculum deceptionis ab Ecclesia in casu, de quo loquimur, dixisse ne dum pie credi posse, quod Deus defectum suppleret, sed etiam, *quod non permetteret hoc ita latere, quod periculum Ecclesia imminere posset; vbi innuit in dicto casu recurrendum esse ad specialem Dei prouidentiam, qua modis etiam peculiariibus, & extraordinarijs solet aliquando imminuentibus Ecclesiæ periculis obuiare, præcipuè, vel detegendo, quod latet, vel suppiendo defectus: Deum sine Sacramento effectus Sacramentorum causare posse, & aliquando causare certa res est, nec S. Thomæ ignota,*

vt

206 vñ apparet ex 3. p. q. 64. ar. 7. vbi concedit per Angelos bonos aliquandò Sacramentales effectus fuisse causatos, & hoc accidisse in persona S. Amphilo hij ab Angelis in Episcopum consecrati narrat Nicephorus Hist. lib. ij. cap. 20. Potuit ergo S. Tho. dicere pie credi posse Summum Sacerdotem Deum ad auerrendum ab Ecclesia illud periculum imminens deceptionis, præter alios modos suæ sapientiæ notos, etiam aliquando insolito modo præstare Sacramentorum effectus sine Sacramentis, supplendo sua potestate defectum ministri, quod ad argumentum propositum soluendum etiam esset idoneum, sed quia casus iste rarissimus est, persistendum est in priori S. Thomæ mentis expositione.

Ad confirmationem desumptam ex 3. p. q. 64. ar. 8.
ad secundum iam satisfacimus in superiori
Conclusionē.



XX.

- 1 *Imago Christi est adoranda adoratione latræ.*
- 2 *Imago Christi non est adoranda adoratione latræ.*
- 3 *S. Thomæ doctrinæ veritas.*

Conclusio Sancti Thomæ.

Imago Christi est adoranda adoratione latræ.

207



TA S. Tho. 3. d. 9. q. 1. art. 2. q. 2. c. ubi sic ait. *Et quia idem motus est in imaginem in quantum est imago, & in imaginatum; ideo unus honor debetur imagini, & ei, cuius est imago: Igitur cum Christus adoretur latræ, similiter & eius imago, 2. 2. q. 94. ar. 2. ad primum iterum sic dicit. Secus autem est de imagine Christi, cui ratione divinitatis latræ debetur. Item 3. p. q. 25. ar. 3. c. sic ait. Cum ergo Christus adoretur adoratione latræ, consequens est quod eius imago sit adoratione latræ adoranda, & ad secundum sic dicit. Nos autem adoramus adoratione latræ Imaginem Christi, qui est verus Deus, non propter ipsam imaginem, sed propter rem, cuius imago est.*

rum sic dicit. *Secus autem est de imagine Christi, cui ratione divinitatis latræ debetur. Item 3. p. q. 25. ar. 3. c. sic ait. Cum ergo Christus adoretur adoratione latræ, consequens est quod eius imago sit adoratione latræ adoranda, & ad secundum sic dicit. Nos autem adoramus adoratione latræ Imaginem Christi, qui est verus Deus, non propter ipsam imaginem, sed propter rem, cuius imago est.*

Con-

Conclusio, quæ censetur S. Thomæ opposita.

Imago Christi non est adoranda adora- tione latriæ.

208 **N**Am Patres congregati in VII. Synodo act. 2. post Epistolas Adriani Papæ, ita dixerunt. *Imaginum picturas recipimus, & has desiderio nostro adoramus &c. sed apertis verbis testamur nos, dumtaxat in unum Deum verum latriam, hoc est, cultum, & fidem nostram referre, & reponere, & act. 6. dixerunt iterum, sic & hi mentes muliebres decipiunt dicentes, quod si quis adorauerit imaginem Domini &c. is in spiritu latriam illi exhibet: Cauete ne decipiimini oratione istorum: Cauete ne dolosa labia vos seducant, & act. 7. sic etiam dicunt, maxime autem imaginem Domini, & Dei Seruatoris nostri Iesu Christi &c. & honorariam adorationem exhibeant; non tamen secundum fidem nostram veram latriam, quæ solum diuinæ naturæ competit, sed quemadmodum &c. idem legitur alibi in eadem Synodo.*

Hæc Patrum illorum definitio in dicta VII. Synodo emanata, adeo visa est opposita doctrinæ a S. Tho. supra traditæ, vt multi putauerint S. Doctorem illius Synodi acta non vidisse; si enim ea vidisset, inquirunt, adorationem latriæ imagini Christi Domini nunquam tribuisset.

S. Thomæ doctrinæ veritas.

209 **S**ed adeo vera est S. Thomæ doctrina supra tradita apud Sapientes, vt dixerit Suarez Tomo p. in 3. p. disp.

disp. 54. sect. 4. Ego valde probabile existimo D. Thomam non vidisse v11. Synodum, cum eius mentionem non fecerit; quod si vidisset, non mutasset quidem sententiam, nec fortasse loquendi modum, cum simpliciter verus sit; exposuisset tamen v11. Synodum, suamque sententiam cum modo loquendi illius conciliasset.

- 210 Habemus ergo ex Suarez sententiam præfatam. S. Thomæ veram esse, & modum eius loquendi verum esse simpliciter; dato etiam quod v11. Synodum non vidisset, si eam vidisset, nihil se dixisse, quod illi adnueretur; comperisset, sed tantum suam sententiam cum modo loquendi illius conciliasset, quam conciliationem ego ex doctrina Sancti Thomæ facile haberi posse puto: nam quod Imago Christi secundum quod res quædam est, & propter ipsam imaginem, adoranda non sit adoratione latriæ, conuenit S. Doctor cum synodo expressè; nam 3. c. g. cap. 17. inquit. *A sanctis latria seruitus non nisi verò Deo exhibetur; dicitur enim Deut. 6. Deum tuum timebis, & illi soli seruias*, & post pauca, *hoc de seruitute latriæ intelligendum est, quæ soli Deo debetur; est igitur Spiritus sanctus verus Deus, cui latria debetur*, & super Cap. 3. ad Coloss. sect. 1. dixit *Idolatria est quando quis exhibet alicui Imagini honorem Deo debitum*, & 2. 2. quæst. 94. art. 2. ad 1. ait. *Neque etiam nunc imagines in Ecclesia instituuntur, ut eis cultus latriæ exhibeatur*. Immo sicut v11. Synodus dicit act. 3. se non constituere honorem Imaginis in materia, aut coloribus, ita S. Tho. 3. part. quæst. 25. art. 2. negat Imagini Christi in quantum est lignum sculptum, vel pictum, omnem reuerentiam. In eo verò quod S. Doctor inquit ibidem, *imagini in quantum est imago*, hoc est, in quantum motus, qui est in imaginem, est vnus, & idem cum motu, qui est in imaginatum, deberi eundem cultum, qui debetur imaginato; & consequenter cum Christo, qui est verus Deus, debeat cultus latriæ, etiam eius imagini, vt imago est, modo explicato,

ro, debeat cultus latræ, conciliari debet hæc eius sententia vera cum modo loquendi v. 11. Synodi, quæ negat latræm Imagini Christi. Conciliatio, meo iudicio, hæc erit; synodus negat latræm Imagini, quæ fides refertur, & reponitur in imagine, ut dicit act. 2. hæc enim latræ competit solum diuinæ naturæ, ut dicit act. 7. sed non negat cultum latræ exhibitum Imagini Christi propter Christum, cuius est imago, & non propter imaginem; quod docet S. Doctor 3. part. vbi supra ad 2. nam inquit Synodus act. 7. *Imaginis enim honor in prototypum resultat, & qui adorat Imaginem, in ea adorat quoque descriptum argumentum.* Si ergo descriptum argumentum esset Christus, adoranda erit ex sententia Synodi imago eius adoratione, quæ debetur Christo, qui in imagine adoretur; hæc autem est latræ: synodus ergo, & Doctor sanctus conveniunt in negando latræm, quæ solum diuinæ naturæ competit, imagini Christi propter imaginem, quia fides nostra reponeret in imagine: sed conveniunt in asserendo eundem cultum deberi imagini, & imaginato, si in imagine vnico, eodemque motu adoratur imaginatum. Si ergo imaginatum erit Christus verus Deus, Synodus quoque cum S. Tho. dicet adorandam esse Imaginem Christi adoratione latræ; quia latræ debetur Christo, qui in Imagine adoratur; quod igitur Synodus cum S. Tho. denegat Imagini propter imaginem, S. Thomas cum synodo concedit Imagini propter Imaginatum: Ille enim, qui Imaginem Christi adoratur, adoratur quoque in eadem Imagine Christum representatum in eius Imagine; est simile deductum ex Conc. Trid. sess. 13. cap. 5. & Can. 6. ibi Concilium definiuit Sacramentum Eucharistiæ esse adorandum adoratione latræ, hoc est species, quæ sunt Sacramentum tantum, quia continent corpus Christi; ergo & Christi Imago adoranda erit adoratione latræ; quia obiectivè Christum præsentem exhibet.

211 His nostris dictis plurimum fauet Suarez vbi supra, dum

dum ait . *In re nulla est diuersitas inter sententiam Concilij , & D. Thomæ ; nam D. Thomas solum considerauit unitatem motus , seu actionis ; & ideo dixit eadem adoratione latria , qua colitur Christus , adorari imaginem eius , quod verum est , quia est vnus indiuisibilis actus : hanc autem unitatem adorationis non pratermisit Concilium , ut vidimus ; quia tamen illammet unica adoratione aliter adoratur exemplar , & aliter imago , illud per se primo , & propter se , hac concomitanter , & propter aliud : idem adorationem illam sub nomine latriæ simpliciter dictæ retulit ad solum exemplar ; respectu verò imaginis dicit esse inferiorem adorationem .* In eodem sensu exponunt S. Thomam Capreolus super illam dist. 9. Tertij sent. & Gaieranus 3. part. vbi supra , quos sequuntur Bëllarmin. de Reliquijs Sanctorum Lib. 2. Cap. 23. alijque sapientissimi moderni .

- 1212 Confirmatur hæc explicatio ex ipsius S. Doctoris mente ; nam 2.2. quæst. 99. art. 3. habemus sacras Imagines secundum locum tenere post personas Sacras , & Sacramenta . Ergo de mente S. Thomæ imaginum cultus est inferior cultu debito illis rebus sacris . Item super cap. 11. ad Heb. dum lect. 5. interpretatur illud Gen. 4. iuxta versionem Lxx. *Adorauit fastigium Virgæ eius* . Hæc dixit S. Tho. *Si adoratur fastigium , idem est sensus , quia adorauit Christum significatum per virgam illam , sicut & nos adoramus Crucifixum , & Crucem ratione Christi passi in ipsa . Vnde propriè non adoramus Crucem , sed Christum crucifixum in ipsa .* Ergo iuxta S. Thomam Crucis , & Imaginis adoratio non est propriè sicut adoratio Crucifixi , & imaginati ; quauis sit eadem adoratio , quia imaginatum adoramus propter se , imaginem verò ratione imaginati . Idem significat adductum exemplum à simili de veneratione quam S. Thomas 3. part. cit. art. 4. attribuit vestimento Regis , quod eadem veneratione colitur , quæ Rex , sed inferiori , & propter aliud .

Ba-

- 214 Baronius anno 787. refert veteres Doctores Schola-
sticos, ad quorum manus adhuc non pervenerant Acta
vii. Synodi, deceptos fuisse ab aliquibus, qui testa-
bantur Synodum decrevisse Imagines Christi esse ado-
randas latria; propterea hanc adorationem dictis Ima-
ginibus Doctores illos tribuisse in sensu catholico supra
expresso, vt Decretum Synodi propugnarent: ideoque
illum sensum secutum fuisse S. Thomam, quem
Acta synodi non vidisse putat. Veruntamen Actis
Synodi minimè repugnantem sensum S. Tho-
mam retinuisse docent insigniores Scho-
lastici, qui viderunt Acta Sy-
nodi, & etiam moder-
ni, iidemque nouis-
simi, vt patet
ex dictis.



XXI.

- 1 *Anima Christi Domini in triduo mortis suæ non descendit ad omnia loca inferni.*
- 2 *Anima Christi Domini in triduo mortis suæ descendit ad omnia loca inferni.*
- 3 *S. Thomæ doctrinæ veritas.*

Conclusio S. Thomæ .

Anima Christi Domini in triduo mortis suæ non descendit ad omnia loca inferni.

215



TA S. Tho. iii 3. d. 22. q. 2.
ar. 2. q. 1. ad Anib. ibidem
ar. 4. & 3. p. qu. 52. art. 3.
vbi sic ait. *Allo modo dicitur
aliquid esse alicubi per
suam essentiam, & hoc modo
anima Christi descendit
solum ad locum inferni, in
quo Iusti detinebantur &c.
sic autem in una parte in-
ferni existens, effectum suum aliquantulum ad omnes in-
ferni partes derivavit, sicut & in uno loco Terræ pas-
sus, totum mundum sua passione liberavit.*

Con²

Conclusio S. Thomæ opposita.

*Anima Christi Domini in triduo mortis
sue descendit ad omnia loca
infernî.*

- 216 **N**Am si dicamus Animam Christi descendisse in inferno ad locum damnatorum tantum per effectum; possemus etiam dicere ad nullum locum inferni ipsum descendisse secundum præsentiam realem, sed ad omnia descendisse tantum per effectum; cum scriptura non distinguat loca, dum dicit Christum ad inferos descendisse; sed hic est error Durandi ab Ecclesia damnatus; repugnat enim Articulo Symboli Apostolorum. *Descendit ad inferos*, qui significat descensum Animæ Christi ad inferos secundum realem præsentiam ex Cap. *Firmiter* de Sum. Trin. & fid. Cathol. quod colligitur etiam à S. Tho. in 3. vbi supra q. 1. ex illo Act. 2. *Quem Deus suscitavit solutis doloribus inferni*, & 3. p. cit. ex illo Ephes. 4. *Quod autem ascendit, quid est, nisi quis & descendit prius ad inferiores partes Terræ*, hoc est, ad inferos secundum glos. Ergo dicendum est Christum descendisse ad omnia loca inferni, non per effectum, ut dixit S. Tho. sed per realem præsentiam. Ita Bellarm. Tomo p. contr. de Christo lib. 4. cap. 16.

S. Thomæ doctrinæ veritas.

- 217 **V**Eruntamen sententia S. Thomæ in priori Conclusionem expressa est communis apud Scholasticos, ut ostendit Siluius 3. p. super illum ar. cit. quam S. Doctor in 3. vbi supra probavit autoritate Sac. Scripturæ; dicitur enim Lucæ 16. *Inter nos, & vos chaos magnum*
S 2 *fir-*

firmatum est, ut hi, qui volunt hinc transire ad vos, non possint. Illud vero chaos, inquit S. Th. magis erat firmatum inter Christum comprahensorem, quam inter Sanctos, qui antequam ad ipsos Christus descenderet, erant in sinu Abrahæ non dum gloriam assecuti. Idem S. Doctor colligit ex optima coniectura; nam, inquit, nullus damnatus fuit aliquandò in Cælo; ergo nullus comprahensor debuit descendere ad loca Damnatorum.

- 218 Quod verò doctrina præfata S. Thomæ faueat errori Durandi, falsum prorsus est; nam dum S. Doctor docuit animam Christi Domini descendisse per realem præsentiam ad locum Iustorum, reiecit expressè errorem; in quem postea incidit Durandus, qui dicebat Christum Dominum ad Inferos per realem præsentiam non descendisse; de communi enim Theologorum consensu fidei dogma descensus Christi secundum præsentiam realem ad inferos importat tantum eius descensum secundum realem præsentiam ad locum Iustorum. Cum autem arguitur, S. Tho. inquit, verificari descensum Christi ad inferos quantum ad locum Damnatorum, cum dicitur illum descendisse tantum per effectum ad loca Damnatorum, ergo in eius sententia verificabitur etiam descensus Christi ad inferos, si dicamus eum ad omnia loca inferni descendisse per effectum tantum, etiam si cum reali præsentia ad nullum locum inferni descendisset, negatur consequentia; arguitur enim ab esse simpliciter adesse secundum quid; ut si dicerem, Petrus est secundum realem præsentiam Romæ, quia est in vna Domo Romæ &c. ergo est secundum realem præsentiam in omni Domo Romæ; Petrus enim qui est in vna Domo Romæ, est simpliciter per suam præsentiam Romæ, quamvis non sit secundum realem præsentiam in omni Domo Romæ, hoc enim se habet per accidens respectu Petri, ad hoc ut dicatur esse per præsentiam Romæ. Certum est S. Petrum fuisse secundum suam præsentiam Romæ, sed certum est etiam ipsum non

non fuisse secundum realem præsentiam in omni loco Romæ : sicut ergo firmata hac certa Conclusionē . S. Petrus fuit Romæ (quamvis , & alibi) in Carcere Mamertino secundum realem præsentiam , iam habemus Petrum fuisse Romæ realiter præsentem , quia Carcer Mamertinus est in vna parte Urbis Romæ ; quamvis dicemus illum fuisse in Esquilino v. g. tantum per effectum ; Ita firmata hac Cōclusionē , Christus descendit in inferno ad locum Iustorum ; satis superq; verificatur Christum Dominū secundū realem præsentiam ad inferos descendisse ; quia locus Iustorū erat in vna parte inferni , quamvis in cæteris inferni locis fuerit tantum per effectum .

- 219 Dices sacram traditionem , & Ecclesiasticā historiam designare plura loca præcisa , in quibus S. Petrus secundum realem præsentiam fuit Romæ ; unde negare non possumus Petrum Romæ secundum præsentiam realem non fuisse , quamvis non fuerit præsens in omnibus locis Romæ , sed Sacram Scripturam non designasse loca , ad quæ Christus in Inferno secundum realem præsentiam descendit ; Ergo possumus dicere Christum Dominum eodem modo ad omnia loca Inferni descendisse , vel ad singula secundum realem præsentiam , vel cum Durando ad singula per effectum tantum ; nam ut vult S. Thomas , verificatur Christum Dominum ad inferos descendisse ; si tantum per effectum ibi descendit ; ergo si quis diceret Christum Dominum ad nullum locum Inferni descendisse per realem præsentiam , quia ad locum , ad quem præsens descenderit Sac. Scriptura non dixit , adhuc verum esset in sententia S. Thomæ ipsum ad inferos descendisse , quod est contra fidem . Ergo dicendum est , ut verificetur Christum Dominum ad inferos descendisse , ipsum in omni loco Inferni præsentem fuisse .

- 220 Sed contra , nam descensus secundum realem præsentiam Christi ad Lymbum Sanctorum Patrum habetur in Sac. Scriptura iuxta Doctorum expositionem , & Scholasticorum sensum accepta ; descendisse verò secundum rea-

realem præsentiam ad loca Damnatorum negant iidem Doctores, & Scholastici communiter, ut fatetur Suarez in 3. p. Tomo 2. disp. 43. sect. 4. qui opinionem Bellarmini de præsentia Christi ad omnia loca Inferni in triduo mortis suæ nouam apparere dicit, & alienam à communi sensu Scholasticorum, authoritates quoque Sanctorum à Bellarm. adductæ illius opinioni nullo modo fauent; & quamuis idem Suarez à temeritatis, & improbabilitatis nota satagat hanc opinionem vindicare; fatetur tamen probabiliorē esse sententiam S. Thomæ, ne dum propter dictum communem consensum Scholasticorum, verum etiam propter alias validas rationes, quibus eam confirmat. Immo idem sapientissimus Card. Bellarm. in recognitione librorum suorum, quæ addita est ad initium magni voluminis controuersiarum eius editi Coloniae 1638. hæc quæ diximus, veritati consona esse cum animaduertisset, ne dum retractauit, quæ contra S. Thomæ sententiam scripserat prius, sed insuper eandem sententiam patrocinatus est egregie; sic enim scripsit *5. Recognitio librorum de Christo*, lib. 4. cap. 16. §. *At probabile. Re. melius considerata sequendam esse existimo sententiā S. Thomæ, quæ est, & aliorum Scholasticorum in 3. sent. dist. 22. præsertim cum testimonium Ecclesiastici, & Sanctorum Patrum, qui videntur affirmare Christum descendisse ad loca omnia Inferni, verificari possint etiam si dicamus Christi animam non descendisse ultra Lymbum Sanctorum Patrum; nam ex eo loco potuit apparere omnibus spiritibus, qui in varijs Inferni locis degebant, & alios terri, alios consolari, prout expedire ipsi videbatur. Si enim diues ille Epulo ex loco damnationis videre potuit Lazarum in sinu Abrahe, id est in Lymbo Patrum commorantem, & cum ipso Abraham sermones miscere, quanto facilius potuit Christus ex eodem Abrahæ sinu inspicere omnes partes Inferni, & ab omnibus spiritibus siue Purgatorij, siue gebennæ conspici, sic igitur penetravit omnes inferiores partes usque; ad sedē magna illius men-*

*mentis, qua dicitur Diabolus, non substantiam animæ
sua in omnibus partibus constituendo, sed ex Lybo
presentem se, & conspicuum opinibus partibus exhi-
bendo.*

221 Itaq; certum est de fide Christum Dominum descen-
disse ad locum Iustorum secundum realem presentiam:
Cum ergo dicitur Christum Dominum descendisse ad
Inferos, secundum communem Theologorum sensum,
determinatur locus Iustorum, ad quem per presentiam
Christus Dominus descendit. Vnde sequitur male ex
sententia S. Thomæ, qua docuit Christum descendisse
per effectum ad locum Damnatorum, deduci eum

fauisse errori Durandi dicentis Christum Do-
minum per effectum descendisse etiam

ad locum Iustorum; nam ex sen-
tentia S. Thomæ communi

Scholasticorum sensui

consona improba-

tur error Du-

randi,

& Articulus certus de fide

firmatur, vt proba-

tum est.



Ani-


XXII.

- 1 *Anima Christi Domini in triduo mortis fuit aliqua pœna esse in Inferno.*
- 2 *Anima Christi Domini in triduo mortis non fuit aliqua pœna esse in Inferno.*
- 3 *S. Thomæ doctrinæ veritas.*

Conclusio, quæ attribuitur S. Thomæ.

Anima Christi Domini in triduo mortis fuit aliqua pœna esse in Inferno.

222



TA S. Tho. 3. part. quæst. 52. art. 1. per hæc verba. Conueniens fuit Christum ad Inferos descendere. Primo quia ipse venerat penam nostram portare, ut nos à pœna eriperet, secundum illud Isaia 53. Verè langiores nostros ipse tulit, & dolores nostros ipse portauit.

Ex peccato autem homo incurrerat non solum mortem corporis, sed etiam descensum ad inferos; & ideo sic ut fuit conueniens eum mori, ut nos liberaret à morte, ita conueniens fuit eum descendere ad Inferos, ut nos à descensu ad Inferos liberaret; unde dicitur Osee 13. *Ero mors tua ò mors, ero morsus tuus Inferne.*

COR-

Conclusio, quæ censetur Sancto Thomæ opposita.

*Animæ Christi Domini in triduo mortis
non fuit aliqua pœna esse in
Inferno.*

213 **I**ta Bellarm. Tomo 1. Controu. de Christo lib. 4. cap. 16. dum ait. *S. Thomas 3. part. quæst. 52. art. 1. & 3. videtur dicere, fuisse aliquam pœnam Christo fuisse in Inferno secundum animam &c. tamen mansionem animæ Christi in Inferno, & corporis in sepulchro non auderem vocare pœnam, nec pœnalitatem.*

S. Thomæ doctrinæ veritas.

214 **E**X S. Thomæ verbis adductis nullo modo colligitur eum docuisse animæ Christi Domini fuisse aliquam pœnam fuisse in Inferno, ut Suarez etiam fatetur 3. part. Tomo 2. in Commentario art. 1. quæst. 52. supra cit. quod euidenter constabit illa verba perpendenti; nam aliud est dicere descensum ad Inferos Christo pœnam fuisse, aliud est dicere Christum descendisse ad inferos ut tolleretur à nobis pœnam descensus ad Inferos; quia omnes nostras pœnas portare venerat; hoc secundum dixit S. Tho. ex quo inferitur Christum hanc pœnam portasse; non eam sustinendo sensibiliter, sed ab ea debitores pœnæ liberando, ut seipsum S. Doctor explicat in eodem art. ad 1. per hæc verba. *Decuit Christum in Infernum descendere, non tanquam ipse esset debitor pœnæ, sed ut eos, qui erant pœna obnoxij, liberaret.* Ergo non fuit Christo pœna: in sententia.

T

S. Tho-

S. Thomæ descensus in Infernum, quæ verba non aduertit Bellar. nam ipse ideo dicit Christo non fuisse penam descensus ad Inferos, quia fuit in Inferno vt liberator. Cur ergo obtendit S. Thomam dixisse hunc descensum Christo fuisse penam, si S. Doctor etiam dicit Christum fuisse in Inferno vt liberatorem.

- 225 In qua sententia S. Tho. perpetuus fuit; nam in 3. dist. 22. quæst. 2. art. 1. quæst. 1. cap. ait. *Christo fuit competens in Infernum descendere, secundum quod Infernus importat locum, non autem secundum quod importat penam*, & ad 1. ait. *Nomen Inferni secundum quod importat locum, non sonat in malum tantum, & sic potest competere Christo; secundum autem quod importat penam damni, vel sensus, sic Christo competere non potest, quia sic sonat etiam in malum culpa*, idem repetit ad 3. & ad Anib. in eadem dist. art. 4. sic ait. *Nomine Inferni potest intelligi, vel pena, vel locus pena. Primo modo non descendit anima Christi ad infernum, quia nec pena damni, nec pena sensus digna erat, secundo modo descendit ad illam partem Inferni &c.* & ad 3. sic inquit. *Ad 3. quod obijcitur, quod optimo debetur optimus locus. Dicendum, quod verum est secundum se, sed dispensatiue propter nos ad tempus potest Christo post mortem aliquis locus penalis conuenire, non quantum ad supplicium, per quem modum loquitur Aug. de Inferno; sed quantum ad loci substantiam, & in opusc. Compendij Theolog. p. p. 2. cap. 234. sic ait.*

- 226 *Consequuntur autem hominem ex peccato post mortem alij defectus, & ex parte corporis, & ex parte animæ; ex parte corporis quidem, quod corpus redditur Terræ, ex qua sumptum est. Hic autem defectus ex parte corporis in nobis quidem secundum duo attenditur, scilicet, secundum positionem, & secundum resolutionem, secundum positionem quidem, in quantum corpus mortuum sub terra ponitur sepultum; secundum resolutionem verò, in quantum corpus in elementa soluitur, & quibus est compactum: Horum autem*

autem defectuum, primum quidem Christus pati voluit, ut scilicet, corpus eius sub Terra poneretur: Alium autem defectum passus non fuit, ut, scilicet, corpus eius in Terram resolveretur &c. Huius autem ratio est; quia corpus Christi materiam sumpsit de natura humana, sed formatio eius non fuit virtute humana, sed virtute Spiritus Sancti: & ideo propter substantiam materie subterraneum locum, qui corporibus mortuis deputari consuevit; voluit pati; locus enim corporeus debetur secundum materiam prae dominantis elementi; sed dissolutionem corporis per Spiritum sanctum fabricati pati non voluit; quia quantum ad hoc ab alijs hominibus differebat. Hucusque S. Tho. locutus est de corporis Christi sepultura, quam non dicit fuisse penam, seu pœnalitatem, vel malum corpori Christi ut putat Bellar. vbi supra; nam sicut Bellar. dicit, malum corpori defuncto est corrumpi in sepulchro, & putrescere, carnem autem Christi in sepulchro fuisse sine corruptione, idem docuit S. Th. ut patet ex supra allegatis, & ex 3 part. quæst. 51. art. 3. quod autem Bellar. dicit esse in sepulchro, est bonum corpori defuncto, transeat, sed negari non potest locum sepulchri deputari corporibus mortuis; quia corpus mortuum redditur Terræ, unde sumptum est, qui est defectus corporis humani, attamen sepultura deputari non debebat simpliciter corpori humano mortuo unito hypostaticè verbo, ut intendit 3. arg. 1. art. quæst. 51. 3. part. cui S. Tho. cum iam probasset in corp. art. ex diuina ordinatione corpus Christi fuisse sepultum ad varios fines, respondet ex verbis cuiusdam Sœm. Conc. Ephesini; ex quibus patet, quod quamuis Christo defuncto non deberetur sepultura, ut dictum est, ipse tamen voluit sepeliri, quod non ostendit eum tunc passibilem, sed elementum; unde patet assumptum fuisse defectum corporis mortui à Christo Domino, dum sepeliri voluit, non in penam, vel pœnalitatem, sed præter alias coniecturas, quas S. Tho. assert. 3. part. vbi supra &c. ut omnes

nes nostros defectus assumeret, quos assumere illum non dedecebat; dum verò S. Tho. dicit Christum pati voluisse sepeliri, ly, *pai*, non significat voluisse subire pœnam, vel pœnalitatem; sed idem sonat, ac dignatus est, in quo sensu etiam S. Io: Chrysost. Hom. 14. super 1. Epistolam ad Cor. cap. 10. vsus est verbo *pai*, dum dixit de Christo Domino, quod in cruce passus non est, id in oblatione *patitur*.

- 228 Quo verò modo Christus Dominus mortuus nostros defectus assumpserit, S. Tho. Cap. 235. in opusc. cit. explicauit egregie, cum de descensu Christi ad Inferos loquendo, ita scripsit. *Ex parte verò anima sequitur in hominibus ex peccato post mortem, ut ad Infernum descendant, non solum quantum ad locum, sed etiam quantum ad pœnam: sicut autem Corpus Christi fuit quidem sub Terra secundum locum, non autem secundum communem resolutionis defectum, ita & anima Christi descendit quidem ad Inferos secundum locum, non autem ut ibi pœnam subiret, sed magis ut alios à pœna absolueret &c. Vnde post mortem nihil patiendum restabat, sed absque omni pœna passione localiter ad Infernum descendit &c. ex hoc etiam dicitur, quod solus inter mortuos fuit liber, quia anima eius in Inferno non subiit pœna, nec corpus eius corruptioni in sepulchro. Patet ergo S. Thomam docuisse Christum Dominum assumpsisse locum sepulturæ, & descensum ad Inferos, non ut subiret aliquam pœnam, vel pœnalitatem post mortem, sed omni exclusa pœna, & pœnalitate, sepeliri voluerit, & ad Inferos descenderit, ut diuinæ ordinationis intenti fines inde consequerentur.*

Aliud

XXIII.

- 1 *Aliud fuit Corpus Christi viuum, aliud mortuum.*
- 2 *S. Thomæ doctrinæ veritas :*

Conclusio Diuo Thomæ attributa.

Aliud fuit Corpus Christi viuum, aliud mortuum.

229



TA S. Thom. quodl. 2. art. 1. quodl. 3. art. 4. ad primum, & quodl. 4. art. 8. & 3. par. quæst. 50. art. 5. quæ sententia non recipitur communiter, vt dixisse fertur olim Academia Parisiensis.

S. Thomæ doctrinæ veritas :

230

S. Thomæ sententia est Corpus Christi viuum, & mortuum fuisse idem numero simpliciter, idest absolute; fuit enim supposito idem, cum non habuerit viuum, & mortuum aliam hypostasim præter hypostasim Verbi Dei; non fuit tamen Corpus Christi viuum, & mortuum idem numero simpliciter, si simpliciter idem sit quod omnino, vel totaliter, quia non fuit totaliter idem, cum amiserit in morte vitam, quæ est essentiale prædicatum corporis viuientis. Ita idem. S. Doctor. 3. p. cit.

Con-

- 231 Concedendum est ergo in sententia S. Doctoris Corpus Christi viuum, & mortuum fuisse idem numero secundum suppositum, aliud specie secundum formam, quam moriendo amisit, diuersum secundum speciem, quæ sumitur à forma, idem secundum numerum, quæ sumitur ex supposito; Erat enim
 siue viuum, siue mortuum,
 illud corpus semper,
 & in quocumq;
 statu
 subsistens per eandem
 supposititalitatem
 Verbi.



Erre-

XXIV.

1 *Erroneum est dicere quod aliqui seminaliter ex Adam deriuentur absque originali peccato .*

2 *Beatissima Virgo seminaliter ex Adam deriuatur, & tamen non est erroneum dicere eam ab ipso deriuari absq; originali peccato .*

Insuper , firmiter tenetur , seruata fide catholica , B. Virginem præter Christum ex Adam deriuatam peccatum originale ex Adam non contraxisse .

3 *S. Thomæ doctrinæ veritas .*

Conclusio S. Thomæ attributa .

Erroneum est dicere quod aliqui seminaliter ex Adam deriuentur absque originali peccato :

ITA

232



TA S. Tho. de malo qu. 4. ar. 6. & in 4. Sent. dist. 43. q. 1. ar. 4. ad tertium iterum repetit per hæc verba. *Hoc est erroneum dicere, quod aliquis sine originali concipiatur præter Christum, & p. 2. q. 81. ar. 3. c. dixit, secundum fidem catholicam firmiter est tenendum, quod omnes homines*

præter solum Christum ex Adam derivati peccatum originale ex Adam contrahunt.

Conclusio, quæ censetur S. Thomæ opposita.

Beatissima Virgo seminaliter ex Adam derivatur, & tamen non est erroneum dicere eam ab ipso derivari absq; originali peccato.

Item firmiter tenetur, servata fide catholica, B. Virginem præter Christum ex Adam derivatam peccatum originale ex Adam non contraxisse :

233

TA Summi Pontifices Sixtus IV. Pius V. Paulus V. Greg. XV. & Alexander VII. in eorum notissimis Constitutionibus, ac Sac. Concill Tridentinum in fine Canonum de peccato originali sess. 5.

S. Tho-

S. Thomæ doctrinæ veritas .

- 234 **E**X illis propositionibus à S. Tho. prolatis locis ubi supra malè infertur ipsum contradixisse Constitutionibus posteriorum Summorum Pontificum , & Sac. Conc. Trid. Decreto ; nam S. Doctor nunquam dixit opinionem eximentem B. Virginem ab originali culpa esse erroneam , nec seruata fide catholica , id dici non potuisse , sed in doctrina tradita intendebat stabilire .
- 235 fidei dogma , quod Pelagiani euertebant ; docuit namq; ex ordinaria lege , præcisò quocunq; priuilegio à Deo alicui concessio ; omnes homines seminalitèr ab Adam deriuatos contrahere originale , & hoc esse firmitèr secundum fidem catholicam tenendum , quod nullus catholicus negabit ; ideoq; oppositum meritò erroneum censetur à S. Thoma , qui locutus est in eadem vniuersalitate de peccato originali ab omnibus contrahendo , in qua loquitur S. Augustinus lib. de nat. & gratia cap. 41. in libris contra Iulianum præcipuè lib. 5. cap. 9. & lib. 6. cap. 12. & loquuntur Conc. Arausicanum Can. 77. Mileuitanum Can. 2. omnesq; passim Ecclesiæ Doctores , ac Scriptores antiqui , quæ tamen vniuersalitas B. Virginis non præiudicat ; ipsam enim tutò possumus ab vniuersali illa ordinaria lege exceptam credere , & dicere ex priuilegio speciali originale non contraxisse , cui exceptioni , ac priuilegio S. Augustinus , & S. Thomas , cæteri q; omnes Doctores etiam in Concilijs generalibus congregati non refragantur , dum vniuersalem illam propositionem contra Pelagianos firmauerunt esse de fide , quod in Conc. Trid. dum sess. 5. de peccato originali tractaretur , declaratum fuit verbis expressis . Hanc suam mentem S. Doctor clariùs patefecit in 4.
- 237 dist. 43. q. 1. ar. 4. ad tertium ubi docet quod : *Si sine errore poni posset aliquos non esse morituros, adhuc originale contraherent, quia Deus posset liberare à morte*

eos, qui reatum mortis contraxerant cum originali nascendo, ex hac autoritate colligitur S. Doctorem noluisse reprobare opinionem quorundam dicentium aliquos homines non esse morituros, quamvis scriptum sit, 2. Reg. 14. *& omnes morimur & Psal. 88. 49. quis est homo, qui uiuet, & non videbit mortem &c.* sed docuisse, si sine errore hoc dici potuisset, aliquos quidem non morituros, sed omnes reatum mortis incursum, cum nati essent in originali; Vnde patet S. Doctorem non recusasse admittere cum quibusdam hoc opinantibus, aliquam exceptionem in Scripturæ Sacræ propositionibus vniuersalibus omnium mortem futuram indicantibus, ortam ex lege priuata, vel speciali priuilegio alicui concessio, quod loquendo de B. Virginis resurrectione secundum carnem ante communem omnium resurrectionem admisit expressè 3. p. qu. 30. ar. 2. ad secundum dicendo cum Augustino in serm. de Assumpt. *B. Virgo Maria vera affirmatione à quibusdam generalibus excipitur*. Ergo cum sine errore dici possit B. Virginem originale non contraxisse, in sententia S. Thomæ eam excipere possumus ab vniuersali illa propositione Rom. 5. *in quo*, scilicet, in Adam, *omnes peccauerunt*, alijsq; similibus, quæ in Sac. Scriptura leguntur, & asserere, cum deberet, quia ab Adam feminaliter deriuata est, originale contrahere, fuisse, singulari priuilegio præseruatam, quod egregiè confirmant huius labentis sæculi nostri Patres eximij S. Thomæ mentis interpretes, Ioannes de S. Thoma, qui decessit Catholici Regis Confessarius, in cursu Theologico Tomo primo inter Tractatus, quos in limine ad Theologiæ Tyrocinium præmittit, Tract. 3. disp. 2. ar. 2. *S. Confirmat se S. Thomas*. Impress. Genuensis 1654. Dominicus de Marinis Archiepiscopus Auinionensis in sua expositione Cōmentaria in Primā secundæ S. Thomæ Lugduni 1663. impressa, q. 81. ar. 3. cap. vnico, & Marcus Serra in sua Summa Commentariorum in p. 2. S. Thomæ Romæ impressa 1653. Tomo 2. ad eundem q. 81. ar. 3.

Dices

239 Dices S. Thomam iudicasse præter Christum, nullum alium excipi posse ab originali, nec quidem B. Virginem; quam originale contraxisse pluries docuit ex hac potissimum ratione, quia aliâ non fuisset à Christo redempta, ita quodl. 6. art. 7. ad Anibal. 3. dist. 3. art. 1. in alio scripto dist. eadem quæst. 1. art. 1. quæst. 1. art. 2. quæst. 2. in Psal. 113. Vers. *Non est qui faciat bonum*, Opusc. 2. p. p. cap. 224. opus. 60. art. 3. 3. part. quæst. 27. art. 2. c. & ad 3. & c. Ergo S. Tho. sicut erroneum iudicasset dicere B. Virginem redemptione factâ per Christum non indignuisse, vt colligitur ex loco adducto ex 4. sent. ita erroneum iudicasset excipere B. Virginem ab originali, ex quo inferretur in eius sententia ipsam huiusmodi redemptione non indignuisse.

240 Resp. S. Thomam Christum eximere ab omni debito contrahendi peccati originalis maculam; ex hac etiam ratione, quia ipse seminaliter ab Adam non descendit, & ideo si B. Virgo ab Adam non descendisset seminaliter, infert quod ipsa non solum originale non contraxisset, sed nec debitum illud contrahendi incurrisset; ideoque non indignisset redimi per Christum. Ita quodl. 6. art. 7. vbi sic ait, *à quo scilicet ab originali, solus Christus excipitur, qui in Adam non fuit secundum seminalem rationem, alioquin si hoc alteri conveniret quam Christo, non indigeret Christi redemptione*; vbi notandum est cum Fratre Ioanne de S. Thoma vbi supra Tract. 3. qui est de Approb. & auctoritate Doct. S. Thomæ disp. 2. art. 2. §. *Conformat se S. Thomas sensui Ecclesie* illud pronomen *hoc* referri ad esse in Adam secundum seminalem rationem; vnde sensus verborum S. Doctoris est, si B. Virgini conveniret non fuisse in Adam secundum seminalem rationem, sicut convenit Christo, non indignisset Christi redemptione, quod patet expressè, tunc enim nulla in ea fuisset captivitas, nec in se, nec in sua radice, & consequenter nullum debitum contrahendi originale, ad quod tollendum sua redemptione Christus venit principaliter, qua ratione

doctè probat Suarez in 3. part. S. Thomæ Tomo primo disp. 42. sec. 2. circa finem Angelos propriè loquendo non fuisse à Christo sua morte redemptos.

- 241 Ad hoc verò quod B. Virgo indigeret Christi redemptione, satis fuit ipsam ab Adam seminaliter descendisse, ex quo debitum originale contrahendi incurrit; ideoque supposita eius ab originali præseruatione; cum ex hac seminali descendencia incurrisset debitum contrahendi originale, adhuc indigebat vt à Christo redimeretur; & hæc est mens S. Thomæ; nam 2. dist. 28. quasi. 1. art. 2. ad 5. ita loquitur. *Sicut à necessitate moriendi homo non liberatur nisi per gratiam, ita & à necessitate subiacendi illi peccato per originem à parentibus in posteros transfuso.* Ex his patet S. Tho. necessitatem moriendi, & necessitatem subiacendi originali inter se comparasse, ac docuisse, quod sicut, si sine errore dici potuisset, quosdam non morituros, hos non liberandos à morte nisi per gratiam, ita, hoc est, eodem prorsus modo, si absque errore dici potuisset aliquem ab originali liberandum, hunc liberandum non fore nisi per gratiam; sed hæc est B. Virgo, quam dicere possumus sine errore liberam ab actuali originalis contractione fuisse. Ergo S. Thomas consequenter loquendo dixisset explicite hoc illi per gratiam accidisse, maximè si modo viueret, quando hoc dici posse sine errore Ecclesia iam declarauit, & iussit.

- 243 Sed vt mentem S. Doctoris propiùs intueamur, perpendenda sunt, quæ docuit in 4. vbi supra; ibi enim postquam præmisisset erroneum esse dicere quod aliquis sine peccato originali concipiatur præter Christum, vt ostenderet in quo sensu accipiendum esset, quod dixerat, subdit, *oportet autem ponere, quod quilibet personaliter redemptione Christi indigeat*, postea reddendo rationem, qua quilibet in sua sententia indigeret redemptione Christi; ibidem ferè immediate subiungit. *Liberari autem à malo, vel à debito absolui non potest, nisi qui debitum incurrit, vel in malum*

lum deiectus est, & ita non possent omnes fructum Dominicæ redemptionis in se percipere, nisi omnes debitores nascerentur, & malo subiecti; unde dimissio debitorum, & liberatio à malo non potest intelligi, quin aliquis sine debito, vel immunis à malo nascatur, Ergo in sententia S. Thomæ, ideo erroneum est dicere aliquem non contrahere originale, quia ex hoc sequeretur aliquem futurum descendente seminaliter ab Adam, qui non indigeret Christi redemptione, sed ipse declarat se esse incurrisse debitum mali ad hoc, ut quis liberatione, seu redemptione indigeat: Ergo in sententia ipsius S. Thomæ, si B. Virgo contraxit tantum debitum originalis culpæ, quamvis originalem culpam actualiter non contraxisset, indignisset liberari, seu redimi à Christo. Unde infertur in doctrina S. Thomæ tantum haberi, quod erroneum sit dicere B. Virginem non contraxisse debitum peccati originalis; non verò erroneum esse dicere B. Virginem originale actualiter non contraxisse, negantes verò in B. Virgine debitum contrahendi originale, tanquam de propositione Theologica censura digna confutantur à Bellar. Tomo 4. Con. de amissione gratiæ. Cap. 16. à Suarez in 3. p. Tomo 2. disp. 3. sect. 2. §. Queret aliquis, & alijs, qui B. Virginem ab actuali originalis contractione eximunt post supradictorū Pontificum Constitutiones, & Conc. Trid. Quæ dicta esse volo inhaerendo laudatis ante Doctoribus; Commendo enim plurimum pietatem, & ingenium recentiorum, quorum aliqui debitum hoc ad remotam, & remotissimam significationem ablegarunt; alij verò ex præiis Christi meritis nullum in B. Virgine fuisse debitum tale senserunt.

244 Si omnes D. Thomæ autoritates, in quibus dicere videtur B. Virginem originale peccatum incurrisse, recte, & attentè examinarentur, veluti ego eas in speciali Tractatu doctis amicis communicato, & probato examinaui, euidentè intelligeretur nullam esse, quæ nos cogat asserere S. Doctorem loqui de B. Virginis actuali origi-

originalis contractionē, sed inuariato verborum sensu, & firma manente totius discursus serie, comprahenderetur omnes illas authoritates pati interpretationem hanc de solo debito originali subiacendi; nam in sententia S. Thomæ, hoc debito in B. Virgine posito, inoffensum remanet fidei dogma de cæterorum omnium in peccato conceptione, quod S. Doctor stabilire, & firmare intendebat contra Pelagianos. Nam singularia B. Virginis priuilegia fidei dogmata non euacuare docuit, vt ex supradictis patet; & cum docuisset sæpius B. Virginem ab Adam seminaliter fuisse deriuatam, quia ex hac radice erat in ea debitum originale contrahendi, inferbat eam indiguissæ Christi redemptione, quod certum est in fide, Vndè cum S. Doctor in prædictis, quæ ad fidem pertinent, solidandis totus esset, probare intendebat B. Virginem, nec ex vi generationis actiuæ, nec ante animationem sanctificatam fuisse ab originali, quia his probatis, sequebatur B. Virginem saltim debitum contrahendi originale incurrisse, & per Christum fuisse liberatam; excluso enim etiam omni debito, vt supra dicebamus, nulla apud S. Thomam remanebat ratio, quæ probaretur eius redemptio, quæ salua fide negari non potest. Consonant hæc doctrinæ traditæ ab egregio mentis S. Thomæ interprete Caietano 1. 2. q. 81. ar. 3. quam postea sequuti sunt, & sequuntur præstantissimi Thomistæ mentis S. Thomæ studiosissimi indagatores, & patroni, dum eius sententias versant, & commentarijs illustant.



Dam

XXV.

- 1 *Dum celebratur festum Conceptionis B. Virginis, nomine Conceptionis intelligitur sanctificatio.*
- 2 *Dum celebratur festum Conceptionis B. Virginis nomine Conceptionis intelligitur Conceptio.*
- 3 *S. Thomæ doctrinæ veritas.*

Conclusio S. Thomæ attributa.

Dum celebratur festum Conceptionis B. Virginis nomine Conceptionis intelligitur sanctificatio.

245



COLLIGITVR hæc Conclusio ex S. Tho. verbis 3. p. qu. 27. ar. 2. ad tertium vbi sic ait. *Licet Ecclesia Romana Conceptionem B. Virginis non celebret; tolerat tamen consuetudinem aliquarum Ecclesiarum illud celebrantium; unde talis celebritas non est totaliter reprobanda, nec tamen per hoc, quod festum Conceptionis celebratur, datur intelligi, quod in sua Conceptione fuerit sancta; sed quia quo tempore sanctificata fuerit, ignoratur, celebra-*

lebratur festum sanctificationis eius potius quam Conceptionis in die Conceptionis ipsius, idem repetit opus. 60. art. 3. & in 3. dist. 3. quæst. 1. art. 1. quæst. 1. cap. ait, S. Bernardus ad Lugdunenses scribit Conceptionem ipsius celebrandam non esse, quamvis in quibusdam Ecclesijs ex deuotione celebretur, non considerando Conceptionem, sed sanctificationem, quæ quando determinata fuerit, incertum est & quodl. 6. art. 7. dixit. Romana Ecclesia, & plures alia considerantes Conceptionem B. Virginis in originali fuisse, festum Conceptionis non celebrant; aliqua verò considerantes sanctificationem eius in utero, cuius tempus ignoratur, celebrant Conceptionem; creditur enim quod eisdem post Conceptionem, & anima infusionem fuerit sanctificata: Unde illa celebritas non est referenda ad Conceptionem ratione Conceptionis, sed potius ratione sanctificationis.

**Conclusio, quæ censetur S. Thomæ
opposita.**

***Dum celebratur festum Conceptionis
B. Virginis nomine Conceptionis
intelligitur Con-
ceptio.***

246 **I**Ta Gregorius XV. in sua Constitutione edita in Congregatione S. Officij 24. Maij 1622. vbi postquam pramississet S. R. E. de Beatiss. Virginis Conceptione festum solemniter, & officium celebrare, præcepit vt celebrantes hoc festum, omnes in Missæ sacrificio, & officio diuino non alio quam Conceptionis nomine vteretur, & consequenter declarauit, dum celebra-

bratur festum Conceptionis B. Virginis, nomine Conceptionis intelligi Conceptionem, non sanctificationem, vt dixerat S. Thomas; quod nuper clarius expressit Alexander VII. in sua inuolutione constitutionum, & Decretorum &c. sub die 8. Decembris 1661.

S. Thomæ doctrinæ veritas.

247 **P**ro intelligentia doctrinæ S. Thomæ suppono ipsum admisisse festum Conceptionis B. Virginis quod etiā suo tempore celebrabatur in aliquibus Ecclesijs, & iudicasse hunc actum esse religiosum, & effectum deuotionis, ita 3. dist. 3. quæst. 1. art. 1. quæst. 1. vbi sic ait, *propter quod B. Bernardus ad Lugdunenses scribit Conceptionem ipsius celebrandam non esse; quamuis in quibusdam Ecclesijs ex deuotione celebretur*, & 3. part.

248 quæst. 27. art. 2. ad 3. ait. *Licet Ecclesia Romana Conceptionem B. Virginis non celebret, tolerat tamen consuetudinem aliquarum Ecclesiarum illud celebrantium; vnde talis celebritas non est totalitè reprobanda.* Ergo Ecclesia Romana quamuis, dum viueret S. Thomas, de intemeratæ, semperque Virginis Mariæ Conceptione festum non celebraret, quod modò solemniter celebrat; tamen ipse docebat etiam tunc Ecclesiam Romanam censuisse consuetudinem illam esse religiosam, aliàs fuisset reprobanda, sicut reprobantur ea, quæ sunt mala, & iustis de causis ab Ecclesia Romana tolerantur, vt dixit S. Thomas 2. 2. quæst. 10. art. 11.

249 Suppono 2. sæculo, quo viuebat S. Tho. Ecclesias, quæ celebrabant festum Conceptionis B. Virginis illud sub nomine Conceptionis celebrare consueuisse, quamuis non omnes conuenirent in opinando de modo, quo fuisset præseruata ab originali; nam Ecclesia Lugdunensis celebrabat festum Conceptionis ipsius à primo instanti immaculatæ, vt patet ex Epistola, quam S. Bernardus

X

ad

ad Canonicos illius Ecclesiæ scripsit , à S. Doctore supra allegata ; aliquæ verò Ecclesiæ , quæ post contractum originale astruebant eius sanctificationem in utero. sub nomine etiã Conceptionis festum celebrabant , sed dictam sanctificationem in cultu illius festi intendebant , ad quod ostendendum S. Tho. quodl. 6. art. 7. dixit . *Aliquæ verò Ecclesiæ considerantes sanctificationem eius in utero , cuius tempus ignoratur , celebrant Conceptionem* . Itaque omnes Ecclesiæ in nomine Conceptionis celebrando festum istud , conueniebant , sed in sententia quomodò de facto concepta fuisset B. Virgo , seu in qua morula in sua Conceptione fuisset sanctificata (quod adhuc ab Ecclesia definitum non est) discrepabant . Et postea Sum. Pontif. Gregorius XVI. & Alexander VII. editis Constitutionibus nomen Conceptionis ad immaculatam significandam coarctarunt .

- 250 Suppono 3. supradictas Ecclesias quamuis discrepantes in hac quæstione de facto , omnes conuenisse in celebrando festum Conceptionis 8. Decembris , quamuis illo die , quo concepta fuit B. Virgo , nec præseruata , nec non præseruata dici possit , cum hoc supponat præsentiam animæ , quæ non nisi post multos dies embrione formato in corpus infunditur , vt patet , sed sumentes omnes Ecclesiæ diem certum pro incerto , elegerunt illo die celebrare festum Conceptionis , quò ante nouem integros menses à natiuitate embrio non dum animatus anima rationali in matrice formatus fuerat ; & hoc dixit S. Tho. 3. part. quæst. 27. art. 2. ad 3. illis verbis , *nec tamen per hoc quod festum Conceptionis celebratur , datur intelligi quod in sua Conceptione fuerit sancta* . hoc est in Conceptione ante animationem . *sed quia quo tempore sanctificata fuerit , ignoratur , celebratur festum sanctificationis eius potius quam Conceptionis in die Conceptionis ipsius* .

- 251 Ex dictis colligitur S. Thomam semper dixisse Ecclesias , quæ diebus suis celebrabant festum Conceptionis B.V.

B. V. illud celebrasse sub nomine Conceptionis; quamvis non omnes convenirent in considerando primum esse sanctitatis; qua propter sæpius repetendo hoc festum, illud perpetuo festum Conceptionis nominat. 3. par. vbi supra dixit quidem, *celebratur festum sanctificationis eius potius quam Conceptionis*, non in eo sensu, quod sub titulo sanctificationis festum illud celebraretur; nam paulò ante dixerat *festum Conceptionis celebrari*, sed quia in hoc festo duo considerari poterant, scilicet, Conceptio Matris Dei, & eius sanctitas in Conceptione infusa, dixit S. Doctor *potius Ecclesias celebrare festum sanctificationis, dum celebrant festum sub nomine Conceptionis*; quia id potioris est dignitatis, & iuris tale festum celebrandi, quod egregiè explicavit in quodl. 6. art. 7. vbi dixit Ecclesias, quæ considerabant sanctificationem in utero, celebrasse Conceptionem. Patet ergo secundum S. Thomam Titulum festi fuisse Conceptionem; sanctificationem vero id, quod considerabatur; & cum hoc sit principalius in festo, dixit potius sanctificationem celebrari. Titulus igitur festi secundum D. Thomam non erat sanctificatio, sed hæc considerabatur ut fundamentum, & ratio celebrandi festum istud, ut rectè perpendit etiam Bellar. Contr. Tomo 2. de Cultu Sanctorum lib. 3. cap. 16. Sanctitas autem in hac Conceptione extitit omnino, nec unquam negari potuit sine nota alicuius censuræ Theologicæ. Undè dixit S. Tho. 3. dist. 3. quæst. 1. art. 1. quæst. 3. ad 3. *quævis sanctificatio B. Virginis in utero expressa in Scriptura veteris, & novi Testamenti non legatur; tamen pro certo haberi potest ex his, quæ ibi leguntur.*

253 Hoc festum Conceptionis celebratum aliquando fuisse sub alio nomine quam Conceptionis certum est; celebrabatur enim sub titulo sanctificationis, antequam. Greg. XV. sua Constitutione id prohibuisset; in Ordine Prædicatorum, & olim in Ecclesia S. Mariæ Maioris de Vrbe, ut testatur Alvarus in lib. de Planctu Ecclesiæ

apud Turrec. in Trac. de Conceptione part. 13. cap. 9. Veruntamen S. Doctoris temporibus id non consuevisse putamus; cum de hac tituli varietate nullam unquam S. Tho. mentionem fecerit, & semper festum hoc festum Conceptionis appellaret, ut ex supradictis eius auctoritatibus clarè constat, & quod ita tunc communiter appellaretur insuper conicio, quia noster Ioannes Bromiardus in summa Prædicantium, quam scribebat Anno 1390. verbo Maria 35. dixit. *In festo namque sanctificationis, quod vulgariter festum Conceptionis vocatur.*

- 254 Suppono 4. Ecclesias particulares olim fuisse alienas à quaestione de facto in Conceptione B. Virginis cum unam, vel alteram eius partem pro suo quæque arbitrio eligerent amplectendam; Ita sensit S. Tho. 3. part. quæst. 27. art. 2. ad 3. dum ait, Ecclesiam Romanam suis temporibus non celebrasse festum Conceptionis, sed celebrari ab alijs tolerasse, sed Ecclesia Romana, ut dicebamus, modò hoc festum Conceptionis intemperate semperque Virginis Mariæ solemniter celebrat, & Summorum Pontificum Constitutionibus parti negativa fauet, ut expressè in dictis decretis declaratur, & Alexander VII. in sua præfata speciali Constitutione decidit. Nec obstant verba, quæ habentur quodl. 6. art. 7. quibus dixit S. Tho. *Romana Ecclesia, & plures aliæ considerantes Conceptionem B. Virginis in originali fuisse, festum Conceptionis non celebrant*, noluit enim ibi S. Tho. dicere Romanam Ecclesiam considerasse Conceptionem B. Virginis in originali fuisse; nam si id S. Doctor putasset, nunquam dixisset Ecclesiam Romanam tolerasse festum Conceptionis immaculatæ ab alijs Ecclesijs ex *devotione* celebrari; tunc enim festum habuisset pro obiecto, quod Ecclesia Romana falsum esse considerasset, quo posito S. Tho. nunquam scripsisset Romanam Ecclesiam dictum festum, ut ab alijs Ecclesijs celebraretur ex *devotione*, tolerasse, sed potius dixisset ipsam hoc festum, ut suæ considerationi oppo-

oppositum, tanquam sacrilegum, & supersticiosum reprobasse: quamvis enim Ecclesia Romana iustis de causis quædam mala toleret aliquando, ut dixit S. Tho. 2.2. quæst. 10. art. 11. hæc mala, quæ tolerat, sunt totaliter reprobanda; sed dixit S. Tho. hoc festum Conceptionis immaculatæ Ecclesiam Romanam tolerasse ut ex *devotione* celebraretur, ideoque non erat totaliter reprobandum. Ergo intendebat Ecclesiam Romanam, tunc tolerasse hoc festum piarum quarundam Ecclesiarum iudicio admissum tanquam Religiosum, quamvis non fuisset ab ea adhuc palam approbatum, sed plures Ecclesias, inquit S. Tho. scilicet, præter Romanam, quæ festum Conceptionis non celebrabant, considerasse Conceptionem Beatæ Virginis in originali fuisse: Processu verò temporis, & post S. Thomæ felicem exitum, cum Ecclesia Romana festum Conceptionis Beatæ Virginis Intemeratæ celebraverit, & ab alijs Ecclesijs celebrari decrevisset, Greg. XV. loco supracit. animadvertens in aliquibus Ecclesijs sub non vno nomine hoc festum celebrari, & Romanæ Ecclesiæ Conceptionis nomen, quo utebatur in diuino Officio, non retinere, ad seruandam in diuino Officio, & Missæ Sacrificio cum Ecclesia Romana veritatem nominis, & in fauorem sententiæ negatiuæ, ut Aldxander VII. declarauit, decreuit ut omnes Ecclesiæ, dum hoc festum celebrant, in Missæ Sacrificio, & in Officio diuino non alio quam Conceptionis nomine, quo Ecclesia Romana utebatur, uterentur. In Ecclesia autem Romana exhibetur in hoc festo Conceptionis B. Virginis cultus à sua Institutione nunquam immutatus, secundum pietatem, & deuotionem colendi, & celebrandi Beatissimam Virginem, præueniente, scilicet, Spiritus Sancti gratia, à peccato originali præseruatam, ut decidit idem Alexander in sua sæpius laudata Constitutione.

Patet

255 Patet ergo S. Thomam nunquam dixisse celebrandū
 esse festum Conceptionis B. Virginis sub nomine sancti-
 ficationis, sed semper festum Conceptionis B. Virginis
 unico nomine Conceptionis appellasse, & sub hoc
 nomine à quibusdam Ecclesijs, tunc fuisse
 celebratum, affirmasse. Vnde euidenter
 colligitur S. Thomam à Greg.

XV. Decreto nunquam
 fuisse alie-

num,

sed ei potius expressè
 consentisse.

..



Episco-

XXVI.

- 1 *Episcopatus non est Sacramentum :*
- 2 *Episcopatus est Sacramentum :*
- 3 *S. Thomæ doctrinæ veritas .*

Conclusio S. Thomæ attributa .

Episcopatus non est Sacramentum .

256



TA S. Thomas in 4. d. 24. q. 3. ar. 2. q. 2. ad secundū sub his verbis. *Ordo, secundum quod est Sacramentum imprimens characterem, ordinatur specialiter ad Sacramentum Eucharistia, in quo ipse Christus continetur, quia per characterem ipsi Christo configuramur; & ideo licet*

detur aliqua potestas spiritualis Episcopo in sui promotione respectu aliquorum Sacramentorum; non tamen illa potestas habet rationem characteris, & propter hoc Episcopatus non est Ordo secundū quod Ordo est quoddā Sacramentum, & dist. 25. q. 1. ar. 1. ad secundum inquit. In promotione Episcopali datur sibi potestas, qua perpetuū manet in eo; quamvis dici non possit character &c. & ad Anib. eadem dist. ar. 2. ad quartum sic ait. Ordo potest dupliciter accipi, Vno modo, secundum quod est Sacramentum, & sic omnes Ordines ordinantur ad Eucharistiam; Vnde cum Episcopus non habeat potestatem superiorem Sacerdote respectu Eucharistia, Episcopatus non est ordo.

Con-

Conclusio, quæ censetur S. Thomæ opposita.

Episcopatus est Sacramentum.

257 **C**oncilium Tridentinum sess. 23. cap. 3. dicit. *Cum scriptura testimonio &c. perspicuum sit per sacram ordinationem, qua verbis, & signis exterioribus perficitur, gratiam conferri, dubitare nemo debet Ordinem esse verè, & propriè unum ex septem Ecclesiæ Sacramentis.* Ad hoc probandum adducit auctoritatem Apostoli 2. ad Tim. 1. nam statim subiungit, *inquit enim Apostolus, admono te ut resuscites gratiam Dei, qua est in te per impositionem manuum mearum,* his positis probatur ex Sac. Concilij doctrina Episcopatum esse Sacramentum: Sac. Concilium docet Ordinem esse Sacramentum; quia illud, quod Timotheo se contulisse Apostolus dicit, erat Ordo, & Sacramentum, ergo Concilium definit illud, quod Apostolus contulit Timotheo fuisse ordinem, & Sacramentum; si enim non fuisset Ordo, & Sacramentum, non potuisset ex illa auctoritate Apostoli Concilium probare Ordinem esse Sacramentum, sed Apostolus contulit Timotheo Episcopatum, ut patet, ergo Episcopatus est Ordo, & Sacramentum.

Idem Sac. Concilium Cap. 4. declarat, *præter ceteros Ecclesiasticos gradus, Episcopos, qui in Apostolorum locum successerunt, ad hunc (scilicet Ecclesiasticum) Hierarchicum Ordinem præcipuè pertinere,* postea Can. 6. definit in Ecclesiâ catholica esse hierarchiam diuinam ordinatione institutam, quæ constat ex Episcopis, Presbyteris, & ministris. *Ex his formatur argumentum, Sac. Concilium Can. 4. definit, per sacram ordinationem, idest per ordinem, dari Spiritum*
San-

Sanctum, & per eam imprimi characterem, sed Episcopatus est ordo, ut dicitur cap. 4. diuina ordinatione institutus, ut dicitur Can. 6. Ergo per hanc sacram Episcopatus ordinationem datur Episcopo Spiritus Sanctus, & imprimitur character, sed sacra ordinatio est Sacramentum, ut dicitur Cap. 3. ergo Episcopatus cum sit sacra ordinatio, de mente Concilij est Sacramentum: Confirmatur; nam Sac. Concilium cap. 4. dicit, si per sacram ordinationem, quæ verbis, & signis exterioribus perficitur, gratia confertur, hoc erit verè, & propriè vnum ex septem Ecclesiæ Sacramentis; sed Episcopatus est sacra ordinatio, quæ verbis, & signis exterioribus perficitur, ut patet, & per eam gratia confertur, cum in ea Episcopus consecrans dicat. *Accipe Spiritum Sanctum*, quod si quis assereret Episcopos frustra dicere in sacra ordinatione, anathematizatur à Sac. Conc. Can. eodem. Ergo de mente Concilij Episcopatus, quem dixit Can. 6. ad hierarchiam diuinæ ordinatione institutam pertinere, est verè, & propriè Ecclesiæ Sacramentum.

- 258 Beneficio Card. Pallaucini nupèr nobis innotuit mens Sac. Concilij in condendis illis Capitulis doctrinæ, & Canonibus definiendis; nam ut constat ex Historia eiusdem Concilij, quam scripsit, vbi magno Ecclesiæ catholicæ bono Petri suavis mendacia funditus dissipauit, & legitima eius Acta ex monumentis authenticis, & indubitatis sanè, & sanctè narrauit, grauis disputatio suscitata est in Conc. de Institutione Episcoporum, & vtrum essent Episcopi dicendi à Deo immediatè, vel mediante Romano Pontifice instituti, diutina fuit inter Patres Tridentinos altercatio; de Episcopatu verò an esset Ordo, vel Sacramentum, incidit colloquium, sed ferè omnes Patres supponentes Episcopatum Ordinem esse; an esset insuper Sacramentum condistinctum ab alijs disputare declinauerunt, quod apparet ex eorum Votis, & Tractatibus editis in Con. Votum Iacobi Nanciant Episcopi Clugensis Ord. Prædic. singulari eruditione

Etione Episcopali, ex quibus euidenter dignoscitur in Concilio non fuisse ex professo agitatam hanc questionem. *Utrum Episcopatus esset Sacramentum à cæteris distinctum*, sed Sac. Concilium definiuisse Can. 6. in Hierarchia Ecclesiastica diuina ordinatione institutum esse Episcopatum, quem tanquam gradum ad hunc ordinem hierarchicum præter cæteros gradus pertinere docuerat cap. 4. damnando eos, qui omnes Christianos Sacerdotes esse affirmabant, Ecclesiasticam hierarchiam confundentes. Cum verò Can. 6. Institutionem Episcoporum dixisset esse quidem à Deo, sed absque declaratione an mediata, vel immediata, recusauit ibi hæc verba ponere, *ex institutione Christi*, prout quidam ex Patribus petebant, sed loco dictorum verborum posuit, *ex ordinatione diuina*, quæ verba aliqui Patres interpretati sunt ac si significarent, *ex providentia diuina*, vt refertur in dicta Historia lib. 21. cap. 11. n. 4. Cum autem conderentur priora capita doctrinæ, & in Canone 2. illius sess. 23. nulla fieret mentio de Episcopatu, dum Ordines enumerarentur, sed videretur Sac. Concilium sentire omnes Ordines in Sacerdotio terminari, Patriarcha Venetus, prout narratur ibidem lib. 18. cap. 14. consuluit inter Ordines recensendum etiam Episcopatum, quod, vt ipse putabat, iam statutum erat à sacris Canonibus in *Tit. de Sac. Vnctione*, sed Patres non acquieuerunt, nec iudicarunt illum Canonem 2. vbi definiebatur, *præter Sacerdotium esse in Ecclesia catholica alios Ordines maiores & minores, & per quos velut per gradus, quosdam in Sacerdotium tenditur*, immutandum esse; sed cum euidentissimum sit Episcopatum non esse Ordinem aliquem, nec maiorem, nec minorem, per quem in Sacerdotium tendatur, cum Sacerdotium supponat, & excedat; deducitur necessario Patres Concilij noluisse in Ordinis Sacramento explicite Episcopatum recensere.

Hæc diximus ad ostendendum, quod si Vasquez,

Y 2

Tur-

Turrianus, & alij, quos part. 12. Trac. de Consec. Epi-
scoporum Diana congeffit, legissent Historiam Card.
Pallaucini, vbi de Concilij mente moti fuissent ab ip-
forum interpretatione aliena, non ita promptè senten-
tiam asserentem Episcopatum non esse Sacramentum
dignam post Conc. Trid. nota graui, vel erroris, vel erro-
ri proxima, vel periculosa in fide pronunciaissent, nec
dixissent certa fide asserendum esse Episcopatum esse
Sacramentum; nam cognouissent Sac. Concilij mentem
nunquam fuisse condemnare sententiam negantem Epi-
scopatum esse Sacramentum, quam doctissimi, & do-
ctrinæ catholicæ defensores eximij à Diana enumerati
loco cit. etiam post Concilium propugnarunt; immò &
ij, qui Concilio interfuerunt, inter quos noster Frater
Dominicus Soto super 4. sent. dist. 24. part. 2. art. 3.
dixit, asserentes Episcopatum esse Sacramentum sine
causâ aduersari communi opinioni, & Ecclesiæ vsui,
quo non celebrantur nisi septem Ordines, & noster Fra-
ter Petrus Soto Theologus Pontificius, qui anno, quo
Concilium terminatum est, obiit Tridenti, de Sac.
Ord. lec. 4. multos dubitasse, dum scriberet, refert,
an Episcopatus esset Sacramentum, quod tamen ipse
optimus Thomista tenebat certum de fide; sed hac
eius opinio comparanda est cum alia, quam habebat
de residentia, ab ipso de iure diuino existimata, non
verò à Conc. ita declarata. Tandem certum est Sac.
Concilium condemnare noluisse erroris tot Doctores
veteres Sanctos, & Scholarum Principes, qui sentire
videntur Episcopatum non esse Sacramentum; quos
recenset Diana vbi supra, inter eos legendus est Petrus
Damianus opusc. 6. cap. 15. vt aduertit Grauius de Sac.
Ord. disp. 7. cap. 3.

S. Thomæ doctrinæ veritas.

359 **S**ed nostri instituti ratio exigit inuestigare S. Thomæ
mentem, quam Siluius in suppl. ad 3. part. quæst. 40.
art. 5.

art. 5. concl. 2. S. Doctorem, dum hanc Controversiam disolueret, variam habuisse putat cum opusc. 17. cap. 24. retractasse credit, quod prius in 4. loco cit. iunior docuerat.

At nos censemus S. Doctorem semper perstitisse in eadem sententia, quæ est, Episcopatum esse Ordinem, & Sacramentum, si Episcopatus sumatur prout est gradus, dignitas, & officium in Hierarchia Ecclesiastica; sed Episcopatum non esse Ordinem ab alijs distinctum secundum quod Ordo est Sacramentum, si Ordo accipiat specialiter, prout ordinatur ad Sacramentum Eucharistiæ, & hanc esse doctrinam, quam Sac. Concilium accepisse nos putamus, vt palam ex dicendis fiet.

260 Et primo quod S. Thomas dixerit Episcopatum non esse distinctum Ordinem, secundum quod Ordo est Sacramentum, hoc est, secundum quod Ordinis Sacramentum specialiter ordinatur ad Eucharistiæ; patet ex locis adductis in initio huius Conclusionis; nam cum ipse senserit ad Ordinis Sacramentum, si ita accipiat, solum pertinere Ordines, quibus ad Sacerdotium tenditur, vt patet ex eius allatis autoritatibus, & ex his, quæ docet 4. c. g. cap. 74. & 75. quod postea Conc. Tridentinum in sess. 23. can. 2. definiuit, inter septem Ordines docuit præcipuum locum tenere Sacerdotium, in quo omnis potestas consecrandi Eucharistiæ completur, & quia Episcopatus non ordinatur ad conficiendū Corpus Christi verum in Eucharistia, dixit Episcopatum, secundum quod est Ordo, per quem accipitur potestas consecrandi Corpus Christi, non esse Sacramentum; idem docuit in 4. dist. 23. quæst. 1. art. 3. quæst. 3. ad 1. per hæc verba, *quia quantum ad Corpus Christi verum nullus Ordo est supra Sacerdotium, sed quantum ad Corpus Christi mysticum Episcopalis Ordo est supra Sacerdotium*, & opusc. 17. cap. 24. dixit, *Episcopus quantum ad Corpus Christi verum, quod in Sacramento continetur, non habet ordinem supra*
Pre-

Presbyterum, quod prius dixerat Petrus Damianus opusc. 6^o. cap. 15. per hæc verba. *Enim verò ad instar septem Sacramentorum Spiritus Sancti septem nihilominus sunt Ordines Ecclesiastica dignitatis; quod autem his omnibus gradibus adhuc, & alij præferuntur, videlicet, ut sunt Patriarchæ, Archiepiscopi, vel Episcopi, non tam novus Ordo suscipi, quam in eodem ipso Sacerdotio videtur excellentius sublimari*, cui sententia Bellarminus inhærens, cum de Sacramento ordinis in suis Controversijs lib. 1. cap. 1. agens dixisset. *Episcopatum, & presbyteratum esse unum ordinem, in recognitione suorum librorum postea sic dixit, rectius dixissem esse unum ordinem, sed gradus diversos, nam tam Episcopus, quam presbyter, sacerdos, & dicitur, & est, sed ille maior, iste minor, quare in libro Pontificali, ubi traditur ritus ordinandi presbyteros, dicuntur presbyt. secundi ordinis sacerdotes.*

- 261 Verum Episcopatum esse Ordinem, & Sacramentum, prout est gradus, dignitas, vel officium in Ecclesiastica Hierarchia, sæpius docuit S. Thomas; esse Ordinem dixit in 4. loco cit. in corp. per hæc verba. *Alio modo accipitur Ordo secundum quod est officium, quoddam respectu quarumcunque actionum Sacrarum, & sic cum Episcopus habeat potestatem in actibus hierarchicis respectu corporis mystici supra Sacerdotem, Episcopatus erit Ordo, & secundum hoc loquuntur auctoritates inductæ, scilicet in 1. argumento ex Dion. de Eccles. hierar. cap. 5. quod repetit ad Anib. eodem loco cit. & opusc. 17. cap. 24. ait, quod verò proponitur quod Episcopatus non est Ordo, hoc manifestè continet falsitatem, si absolutè intelligatur; expressè enim dicit. Dionysius esse tres Ordines Ecclesiastica hierarchia, scilicet Episcoporum, Presbyterorum & Diaconorum; habet enim Ordinem Episcopus per comparisonem ad Corpus Christi mysticum, quod est Ecclesia, super quam principalem accipit curam, & quasi regalem &c. quod autem habeat aliquem Ordinem, &*
non

non iurisdictionem solum sicut Archidiaconus, & Curatus Presbyter, patet ex hoc, quod Episcopus potest multa facere, quæ non potest committere, sicut confirmare, ordinare, & consecrare Basilicas. & huiusmodi, quæ verò iurisdictionis sunt, potest alijs committere.

262 Præterea Episcopatum esse Sacramentum docuit S. Tho. 2.2. q. 39. ar. 3. dum ait in Episcopatu per consecrationem dari spiritualem potestatem, quam vocat Sacramentalem, & immobilem. Item lect. 3. in 2. ad Tim. 1. dicit Timotheum ordinatum Episcopum per impositionem manuum, in qua manus impositione data est ei gratia Spiritus Sancti, quam gratiam 2.2. q. 184. ar. 5. vocat cum gl. gratiam Episcopalem, quod idem est, ac dicere, gratiam ex opere operato, quæ est propria Sacramenti; nam gratia ex opere operantis dici non potest Episcopalis, ut patet; cum hæc respiciat meritum personæ, non vim ordinis. Item 3. p. q. 84. ar. 4. enumerat omnia Sacramenta, in quibus adhibetur manuum impositio, & dicit hoc fieri ad designandum copiosum aliquem gratiæ effectum; postea deveniendo ad Sacramentum Ordinis, inquit, *in quo confertur quadam excellentia potestatis in divinis mysterijs*; Unde dicitur 2. Tim. primo *resuscitagratiâ Dei, quæ est in te per impositionem manuum mearum*. Ergo de mente S. Thomæ Episcopatus est Sacramentum; nam S. Tho. ad probandum in Sacramento Ordinis dari excellentiam potestatis, adducit ordinationem Timothei, quæ fuit ad Episcopatum, ut ipse S. Tho. exposuit, prout dictum est, quo S. Thomæ argumento S. Conc. Tridentinum usus est ad demonstrandum Ordinem esse Sacramentum.

263 Confirmatur, nam S. Tho. 4. c. g. Cap. 74. dixit spiritualem potestatem tradi hominibus sub quibusdam sensibilibus signis, inter hæc signa enumerat manuum impositionem, inunctionem &c. & concludit his verbis; quibus Concilium cap. 4. utitur, *quandocumq; autem aliquid spirituale sub signo corporali traditur, hoc dicitur*

tur Sacramentum, Manifestum est ergo, quod in collatione spiritualis potestatis quoddam Sacramentum peragitur, quod dicitur Ordinis Sacramentum, sed in Episcopatu per manuum impositionem, & inunctionem traditur spiritualis potestas Sacramentalis, ut dixit S. Doct. 2. 2. q. 39. ar. 3. ergo S. Thomas docuit Episcopatum esse Sacramentum. Probatur hæc consequentia, nam D. Tho. docuit quodcumq; aliquid spirituale sub signo corporali traditur, hoc esse Sacramentum; docuit præterea hanc rem spirituales, quæ est Episcopatus, tradi sub signo corporali. Ergo docuit Episcopatum esse Sacramentum.

264 Dices S. Thomam in 4. ubi supra dixisse potestatem collatam Episcopo non habere rationem characteris; ergo negat Episcopatum esse Sacramentum; nam potestas tradita in Sacramento Ordinis habet rationem characteris, cum in eius collatione imprimatur character.

265 Resp. S. Thomam non dixisse Episcopatum non imprimere characterem, sed potestatem, quam recipit Episcopus, non habere rationem characteris, & propter hoc Episcopatum non esse Ordinem, secundum quod Ordo est Sacramentum; & quamvis in 4. d. 25. qu. 1. ar. 2. ad secundum dixerit Episcopatum dici non posse characterem, non tamen negavit absolute esse characterem, cum ibidem hoc euidenter concedat sub quadam limitatione, dicit enim, *tamen indelebiter manet (scilicet potestas Episcopalis) sicut character, quia per consecrationem datur*, pro cuius doctrinæ intelligentia notandum est in sententia D. Thomæ Sacerdotium esse postremum Sacramentum Ordinis, prout in Sacerdotio completur tota potestas consecrandi Corpus Christi, quod videtur definiuisse Conc. Tridentinum in illo Can. 2. dum nullum alium Ordinem pertinentem ad Sacramentum Ordinis enumerat ultra Sacerdotium; inde sequitur in potestate consecrandi Corpus Christi Episcopum non excellere Sacerdotem, ut dixit S. Tho. in 4. & ad

- 266 & ad Anib. ibidem lib. 4. c. g. & in op. 17. locis citatis. Attamen S. Doctor potestatem Episcopalem dixit esse Sacramentalem, indelebilem, & immobilem, collatam per consecrationem peractam signis, & verbis, conferentem gratiam Episcopalem, à qua Sacerdotalis potestas deriuatur, & quæ post degradationem remanet, sicut remanent potestates aliorum Ordinum; quia potestas Episcopalis est potestas Ordinis. Ita in 4. d. 25. q. 1. ar. 2. ad secundum 2. 2. q. 39. & qu. 184. ar. cit. lect. 3. super secundæ ad Tim. 1. & op. 17. cap. 24. ubi sic loquitur. *Idem patet ex hoc, quod si Episcopus depositus restituatur, non iterum consecratur tanquam potestate Ordinis remanente, sicut & in alijs contingit ordinibus.* Dum verò in 4. dist. 24. q. 1. ar. 2. qu. 2. ad secundum de alijs Ordinibus loquitur, dicit in *Clerico, qui ad laicatum se transfert, semper remanere characterem, quod patet ex hoc, quod si ad clericatum reuertatur, non iterum characterem, quem habuerat, suscipit.* Ergo patet euidenter de mente S. Doctoris potestatem Episcopalem habere rationem characteris, & Ordinis sicut habent cæteri Ordines, quamuis non habeat rationem Ordinis, prout Ordo dicit potestatem Sacerdotis ministrandi, & conficiendi Corpus Christi, quia si post depositionem Episcopus restituatur, non iterum consecratur, ergo in eius sententia in Episcopo remanet character; dixit enim, *sicut contingit in cæteris Ordinibus*, at in cæteris Ordinibus probat contingere, quod si Clericus ad laicatum translatus, iterum ad Clericatum reuertatur, iterum characterem non suscipere, quia semper remanet character, quem habuerat, ergo sentit etiam in Episcopo semper remanere characterem, quem habuerat, & consequenter potestatem Episcopalem habere rationem characteris. Idem dixit gl. cap. *Pronida*, de electione in 6. §. *Firmitatis*, ubi quod in Textu Papa decreuerat, consecrationem, scilicet Episcopi, factam à temerè procedentibus nullius existere firmitatis, gl. explicat. *Credo quod cum*
- Z
- ch. 1.

character impressus fuerit anima &c. uerus Episcopalis Ordo collatus fuerit, sed non eius executio, & sic intelligam consecrationem esse nullius firmitatis quoad executionem. Cum uero character sit potestas, per quam homo ordinatur, & ad consecrandum Corpus Christi, & in ordine ad Corpus Christi mysticum, inquit S. Tho. loco cit. ex dist. 25. in 4. Episcopalem potestatem dici non posse characterem, quia per eam non ordinatur homo directè ad Deum, hoc est ad Corpus Christi verum, sed ad Corpus Christi mysticum, & sic inquit, manet sicut character. Sed hac doctrina posita, aduertere debemus non Diaconum posse characterem recipiat, insigniri, quod etiam dicere possumus de Sacerdotij characterem, qui imprimi potest non Diacono, seu quocumq; alio characterem Ordinis carenti, ut patet per Canones cap. p. de Clerico per saltum promotio, & docuit S. Tho. 4. d. 24. q. p. ar. 2. q. 5. communiter receptus. Ideoq; isti Ordines conferunt potestatem, qui est character, ut dicitur ibidem qu. 5. & ad secundum. Attamen Episcopalis potestas recipi nullo modo potest sine potestate, seu characterem Sacerdotali iam recepto; hoc enim est de necessitate Sacramenti, & consequenter de Iure diuino, ut colligitur ex glossa d. cap. p. de Cler. per saltum &c. & cap. ex litteris de excessibus Prælat. & docent Theologi cum S. Tho. in 4. ubi supra q. 3. ar. 2. q. 2. in primo arg. s. c. Unde in via D. Thomæ non dicitur potestas Episcopalis recepta alius character receptus præter Sacerdotalem. His tamen minimè obstantibus, docuit S. Tho. locis cit. potestatem Episcopalem habere omnes conditiones characteris, secundum quod per receptionem talis potestatis extenditur potestas Sacerdotalis ad officia specialia in ordine, ad Corpus Christi mysticum, scilicet, ad conferendum quædam Sacramenta, & alia agendi, quæ ad Ordinem Episcopalem indispensabiliter pertinent, quam potestatem dixit Sacramentalem 2. q. 39. ar. 3. & potestatem Ordini-

Ordinis op. 17. cap. 24. & conferre gratiam Episcopalem 2.2.q.184.ar.5. & dari per consecrationem 4.d.25. q.1.ar.2.ad secundum. Idem S.Thoma antiquior docuerat expressius Petrus Damianus, quem affert Graulina loco cit. Sicut ergo in collatione Sacerdotij non confertur nouus character, dum datur eidem Sacerdoti potestas absoluedi a peccatis, sed idem character extenditur ad illud munus vltra munus consecrandi Eucharistiam, ita in sententia S. Thomæ cæteris paribus cum confertur potestas Episcopalis, non confertur nouus character, sed extenditur character Sacerdotalis, quem de necessitate Sacramenti Episcopalis potestas supponit, ad munera, quæ huic potestati omnes conditiones characteris habenti sunt necessario connexa. Vndè patet S. Thomam docuisse Episcopatum esse Ordinem, & Sacramentum, quod prius tradidisse videntur S. Gregorius Papa in primum Reg. lib. 4. cap. 5. S. Leo etiam Papa, vt habetur dist. 19. cit. alijsq; summi Doctores, qui adduci solent in Commentarijs de hac materia editis. Idem innuitur in Sacris Canonibus tit. de Sac. Vnctione, dum agitur de Vnctione Episcopali per hæc verba.

Hæc si sit visibilis, & exterior, dicitur signum interioris, & inuisibilis vñctionis. Vñctio verò inuisibilis, & interior non dicitur solum signum, sed etiam Sacramentum, quia, si dignè sumitur, vel agit, vel auget absque dubio, quod designat.



XXVII.

- 1 *Ex sponsalibus irritis non oritur impedimentum publicæ honestatis.*
- 2 *Ex sponsalibus irritis, cum S. Thomas scriberet, oriebatur impedimentum publicæ honestatis.*
- 3 *S. Thomæ doctrinæ veritas.*

Conclusio S. Thomæ attributa.

Ex sponsalibus irritis non oritur impedimentum publicæ honestatis.

271



T A S. Thomas 4. d. 41. q. 1. ar. 1. q. 4. ad tertium ubi sic ait. Omnia impedimenta, quæ faciunt sponsalia non esse sponsalia, non permittunt ex pactio-
ne nuptiarum affinitatem fieri. Unde siue habens defectum ætatis, siue habens Votum solemne continentie, aut aliquod hu-

iusmodi impedimentum, sponsalia de facto contrahat, ex hoc non sequitur aliqua affinitas, quia sponsalia nulla sunt, nec aliquis affinitatis modus.

Cont-

Conclusio, quæ censetur S. Thomæ
opposita.

*Ex sponsalibus irritis, cum S. Thomas
scriberet. oriebatur impedimentum
publicæ honestatis.*

272 **N**A M Alexander III, qui D. Thomam præcessit,
& habetur de sponsalibus &c. Cap. *Ad audien-
tiam*, decreuit ex irritis sponsalibus oriri impedi-
mentum publicæ honestatis, quod impedimentum confir-
mauit Bonifacius VIII. de sponsalibus Cap. unico in 6.
sed abstulit Sac. Conc. Trid. sess. 24. de Reformat. Ma-
trimonij cap. 3.

S. Thomæ doctrinæ veritas :

273 **R**esp. S. Thomam nihil scripsisse, quod esset con-
trarium præfato Decreto Alexandri III. Ut id
clare pateat, negamus S. Doctorem dictum Decretum
non vidisse, quod dixit Sanchez de Matrim. lib. 7. disp.
68. num. 5. negamus præterea superste S. Doctore
illud Decretum non fuisse in usu; nam in q. supra alle-
gata in arg. s. c. S. Doctor meminit illius Decreti, quod
non fecisset, si illud non vidisset, seu per non usum nul-
lam illius rationem habere debuisset; neque putamus
Alexandrum Pontificem locutum in illo Capite fuisse
non de sponsalibus, sed de matrimonio rato, ex quo
impedimentum publicæ honestatis oriri declarauerit,
ut dixit Basilii de Matrim. lib. 7. cap. 36. num. 3. qui
insuper existimat ante Bonifacij VIII. Decretalem su-
pra adductam nullam extitisse legem de impedimento
publi-

publicæ honestatis ex sponsalibus provenientē ; nam S. Tho. vbi sup. in corp. ad primum dixit impedimentum, quod vocat *modum affinitatis, & publicæ honestatis iustitiam*, Ecclesiæ præcepto induci ex sponsalibus, quæ distinguit in resp. ad secundum à matrimonio rato ; Tandem aliorum varias solutiones, quas brevitatis causa omittimus, non recipimus, quia difficultatem motam non euacuant .

- 274 Ad euidenciam ergo veritatis doctrinæ S. Thomæ sciendum est S. Doctōris mentem fuisse ex sponsalibus nullis non oriri impedimentum publicæ honestatis, quando sponsalia nulla sunt, & hi, qui contrahunt, ea nulla esse benè sciunt, vnde in eis non censentur consentire, & hæc sponsalia dicuntur nulla etiam ex defectu consensus contrahentium, de his sponsalibus loquitur S. Doctōr, vt patet ex ipsius Textu ; nam sponsalia, in quibus nullum est impedimentum irritans, sunt sponsalia pura, & certa ; sponsalia verò, in quibus est impedimentum irritans, sed ignoratur, quamuis sint nulla, sunt tamen aliquo modo sponsalia, hoc est, sponsalia præsumptiuè, quia in eis non deest consensus contrahentium, & ex his sponsalibus quamuis nullis S. Tho. non negat quod suo tempore non oriretur impedimentum publicæ honestatis iuxta Alexandri III. declarationem, quæ emanauit in casu, quo quidam spoponderat filiam suam alteri, & postea cognouit sponso esse consanguineos, quod prius ignorabat, sed sponsalia, in quibus est impedimentum irritans, quod scitur à contrahentibus, vel ab altero illorum ; sunt nulla etiam ex defectu consensus ; non enim præsumitur consentire in sponsalia, qui scit illa esse irrita ex impedimento sibi noto. Vnde hæc sponsalia ex defectu consensus nulla, absolutè, & omnibus modis dicenda sunt non esse sponsalia, quia nec præsumptiuè sponsalia reputantur, & ex his sponsalibus ex defectu consensus nullis, negabat S. Tho. oriri impedimentum publicæ honestatis, dum dixit huiusmodi impedimentum non oriri ex sponsalibus,

bus, quæ non sunt sponsalia, quod est omninò conforme menti Alexandri III. vt postea explicauit Bonifacius VIII. vbi supra per hæc verba. *Ex sponsalibus puris, & certis &c. aut alia quauis ratione sint nulla, dummodo non sint nulla ex defectu consensus, oritur impedimentum iustitiæ publicæ honestatis.*

- 275 Hanc explicationem sumpsit fortasse Bonifacius Pontifex ex S. Th. doctrina; nam ex illa euidentè conijcitur, in resp. enim ad tertium supracit. inquit S. Doctor: *Si tamen aliquis minor, frigidus, vel maleficiatus habens impedimentum perpetuū ante annos pubertatis post septemniū contrahat sponsalia cū adulta, ex tali contractu contrahitur publicæ honestatis iustitia, quia adhuc non erat in actu impediendi, cum in ætate puer frigidus, & nō frigidus quantum ad actū illū fuerit equaliter impotens,* ex hac doctrinā colligitur S. Thomam voluisse impedimentum publicæ honestatis oriri ex sponsalibus nullis, quando quod essent nulla à contrahentibus ignorabatur; nam ipse docet vbi supra, ex sponsalibus contractis inter puerum septemnem perpetuò frigidum, seu maleficiatum, & adultam, quamuis ex illo perpetuo impedimento irritis, oriri impedimentum publicæ honestatis, quia in puero illius ætatis illud frigiditatis impedimentum prorsus ignorabatur. Ergo in sententia S. Tho. si ignoratur impedimentum, per quod irritantur sponsalia, & consequentè non desit consensus contrahentium, ex Decreto Alexandri III. oritur impedimentum publicæ honestatis; si verò sciretur à contrahentibus impedimentum illud, tunc ex talibus sponsalibus nullis, & irritis non emerisset in sententia S. Thomæ dictum impedimentum, quia hæc sunt illa sponsalia, quæ ipse dixit non esse sponsalia, hoc est nec pura, & certa, nec præsumptiuè sponsalia, cum omninò careant contrahentium consensu: quæ S. Thomæ sententia canonizata postea fuit à Bonifacio VIII. vt ex supradictis patet.

Ex

XXVIII.

1 *Ex Matrimonio rato oritur affinitas.*


2 *Ex Matrimonio rato non oritur affinitas, sed publicæ honestatis iustitia.*

3 *S. Thomæ doctrinæ veritas :*

Conclusio, quæ S. Thomæ. attribuitur.

*Ex Matrimonio rato oritur
affinitas.*

276



STA S. Tho. 4. d. 41. quæst. 1. art. 1. quæst. 4. ad secundum, vbi sic ait. *Sed matrimonium affinitatem causat, non solum ratione carnalis copula, sed etiam ratione Societatis coniugalis, secundum quam etiam matrimonium naturale est; unde & affinitas contrahitur eo ipso contractu Matrimonij per verba de præsententi ante carnalem copulam, & similiter etiam ex sponsalibus, in quibus fit quedam pactio coniugalis, contrahitur aliquid affinitati simile, scilicet, publicæ honestatis iustitia.*

Con-

Conclusio, quæ censetur S. Thomæ
opposita.

*Ex Matrimonio rato non oritur affinitas
sed publicæ honestatis iustitia.*

277 **S**acram Congregationem S. Concilij Interpretem
sub Clemente VIII. duo declarasse contra prædi-
ctam S. Thomæ doctrinam fertur, scilicet, (primum)
quod affinitas non contrahatur, nisi ex carnali copula,
(secundum) quod ex Matrimonio rato non inducatur
impedimentum affinitatis, sed publicæ honestatis, quod
etiam fortasse definiuit Pius V. in suo motu proprio,
quod incipit *ad Romanum*, & habetur in Bullar. inter
eius Constit. nu. 62. decernendo impedimentum abla-
tum per Conc. Tridentinum à sponsalibus perseverare
in Matrimonio rato, etiam si irritum, & nullum fuisset,
ut plures docent Authores, quos congerit Diana p. 9.
Tract. 6. Miscel. resol. 50. contra nostrum Texedo Theol.
moral. Tom. 2. lib. 4. Tract. 2. §. 7. cont. 21. num. 24.
sed Concilium ubi supra abstulit à sponsalibus impedi-
mentum publicæ honestatis; ergo hoc impedimentum
publicæ honestatis, & non affinitatis perseverat in Ma-
trimonio rato ex decisione Pontificis. Videndus Fari-
nac. ad Cap. 3. Conc. Tridentini sess. 24. de Reformat.
Matrimonij.

S. Thomæ doctrinæ veritas.

278 **R**esp. primo Aldanum in Compend. Canon. decis.
lib. pr. tit. 8. num. 40. apud Barbof. in Collec.
Con. sess. 24. de Reform. Matrim. cap. 4. num. 9. testari
Sac. Cong. Sac. Concilij Interpretem 27. Augusti 1617.
Aa deci-

decidisse affinitatis impedimentum usque ad quartum gradū oriri ex Matrimonio rato non consummato; quod colligi etiam ex dicto Motu proprio Pij V. tenent idem Aldan. & Barbosa vbi supra, & in Collect. decisi. Apostol. Collec. xvj. Verbo *Affinitas*.

279 Resp. 2. hanc quæstionem, scilicet, *Vtrum ex Matrimonio rato sequatur affinitas, vel publica honestatis iustitia*, esse de solo nomine secundum opinionem plurium gravissimorum Doctorum Theologorum, & Canonistarum, quos congerit Sanchez de Matrim. lib. 7. disp. 64. nu. 23. & confirmari potest ex Cap. *Discretionem tuam*, & Cap. *Tue Fraternalitatis*, de eo qui cognovit Consang. vbi, quod in Textu dicitur *publica honestas*, glos. interpretatur *affinitas*.

280 Sed quicquid sit de quæstione de nomine, & admissa illa priori declaratione Cong. Sac. Conc. Interpretis Resp. 3. certum esse affinitatem posse sumi dupliciter, scilicet, propriè, & impropriè; Affinitas propriè accepta non est sine carnali copula, & per seminum commisionem. Ita docet S. Tho. 4. d. 41. q. 1. ar. 1. q. 3. & 4. ad secundū. Impropria verò affinitas est quoddam initium affinitatis propriæ, quæ oritur ex Matrimonio rato, & ex sponsalibus; ex istis quidem remotius, quia includunt tantum simplicem pactionem coniugij futuri, sed proximius oritur hæc affinitas ex Matrimonio rato, in quo interuenit per verba de præsentī mutua traditio corporum facta inter Coniuges; quapropter S. Tho. in illa qu. 4. inquit ex sponsalibus sequi affinitatem, quam in responsionibus ad argumenta vocat iustitiam publicæ honestatis, & dicit publicam honestatem esse aliquid simile affinitati, quæ contrahitur in Matrimonio rato, ex quo patet S. Thomam tunc sumpsisse affinitatis nomen in impropria acceptione, & prout coincidit cum iustitia publicæ honestatis, & est distincta ab affinitate, quæ contrahitur ex carnali copula: Eodem modo, quo loquitur S. Tho. loquuntur plures Theologi, & Canonistæ, vt refert idem Sanchez vbi supra num. 24. qui pari-

pariter sentiunt oriri ex Matrimonio rato quandam affinitatem. Ideoq; dum in Clement. unica de Conſangu. excommunicatur, qui, cum ſint affines, Matrimonium contrahunt, aliqui Doctores tenent excommunicari etiam illum, qui contraxit Matrimonium cum conſanguinea Vxoris defunctæ, v. g. cum ſore illius, cum qua prius contraxerat, ſed non conſumauerat Matrimonium: nam tenent ex hoc Matrimonio rato induci quandam affinitatem in illo Canone; cum de affinitate ſimpliciter, & nulla adhibita limitatione de propria, ſeu impropria affinitate, Canon loquatur, vt idem Sanchez retulit diſp. 48. nu. 14.

281 Si ergo Sac. Congregatio declarauit affinitatem non contrahi niſi ex carnali copula, intelligendam eſſe putamus de affinitate propria, vt etiam docuit S. Tho. loco ſupra designato; non enim exiſtimamus Sac. Congregationem damnare voluiſſe tot inſignes Theologos, & Canoniſtas, qui affinitatem impropriad dixerant oriri ex Matrimonio rato; cum Sac. Cong. ſemper doctè, & prudenter procedendo eligat ſequi non damnare communem ſenſum Doctorum.

282 Sed dato etiam, quod Pius V. & Sac. Congregatio decreuiſſent ex Matrimonio rato nullum induci impedimentum affinitatis, hoc non pugnat cum S. Thomæ doctrina tradita, nam S. Tho. nunquam dixit affinitatem illam, quam cenſuit oriri ex Matrimonio rato, eſſe impedimentum ad contrahendum, maxime cum in eius ſententia benè poſſint duo eſſe affines, & impediri à contractu Matrimonij magis propter iuſtitiam publicæ honeſtatis, quam propter affinitatem; Ita docet S. Tho. vbi ſupra quaſtiuncula 5. ad primum, & art. 2. quaſtiuncula 2. ad ſecundum. Dato ergo quod ex Matrimonio rato duo ſint quodammodo affines, ſi Vir contrahere velit cum ſore illius, cum qua Matrimonium tantum ratum contraxerat, impediri poterit in ſententia S. Thomæ, non ab affinitate illa inducã per Matrimonium ratum, ſed à iuſtitia publicæ

honestatis , prout Pius V. vbi supra statuisse creditur ;
 & à quibufdam dicitur Sacram quoque Congrega-
 tionem declarasse . Constat ergo S. Thomam nihil
 dixisse , quod vel Pij V. definitioni , vel Sac.
 Congregationis declarationi opponatur , immo patet ex eius doctri-
 na optimè conciliari præ-
 adductas declara-
 tiones
 eiusdem Sacræ Congregationis ,
 quæ videbantur inter
 se esse discor-
 des .



Papa

XXIX.

- 1 *Papa non potest dispensare in Matrimonio rato extra casum professionis Monasticæ.*
- 2 *Quod contra S. Thomæ doctrinam ad ducitur.*
- 3 *S. Thomæ doctrinæ veritas.*

Conclusio S. Thomæ attributa.

Papa non potest dispensare in Matrimonio rato extra casum Professionis Monasticæ.

283



TA S. Tho. 4. dist. 33. quæst. 2. art. 2. quæst. 1. ad 3. per hæc verba. *Inseparabilitas, quamvis sit de secunda intentione Matrimonij prout est in officium naturæ, tamen est de prima intentione ipsius prout est Sacramentum Ecclesiæ, & ided ex quo institutum est, ut sit Ecclesiæ Sacramentum, manente tali institutione, non potest sub dispensatione cadere, nisi fortè secundo modo dispensationis, scilicet, per causam supernaturalem; sicut in miraculis accidit, ut dixerat in cor. illius art.*

Quod

Quod contra S. Thomæ doctrinam adducitur .

284 **V**erum Papam dispensare posse in Matrimonio rato etiam extra casum Professionis Monasticæ , ipsi Summi Pontifices decreuere de facto , cum in Matrimonio rato extra dictum casum pluries dispensauerit , vt refert ex nostro S. Antonino Archiepiscopo Florentino Caietanus Tomo 1. opusc. tract. 28. quæst. vnica de Martino V. & Eugenio IV. quibus Sanchez de Matrim. lib. 2. disp. 1. 4. num. 2. addidit Paulum III. Pium IV. & Gregorium XIII. quem vnica die cum vndecim dispensasse narrat ex Henriquez . Vide Dianam part. 8. trac. 1. resol. 62.

S. Thomæ doctrinæ veritas .


285 **C**ontrouersia grauissima est inter Doctores de hac Summi Pontificis potestate in dispensando super matrimonio rato extra casum professionis solemnæ . partem negatiuam esse probabilissimam , & speculatiue probabiliorem dicit Corneio Trac. de Matrim. disp. 6. dub. 4. affirmans eam docere communiter Theologos cum Mag. 4. dist. 27. cuius sententiæ fuit etiam Scotus ibi dist. 31. quæst. 1. §. *Tertio modo dici potest* , & ex recensioribus Basilus de Matrim. lib. 9. cap. 3. Siluius in addit. ad 3. part. quæst. 61. art. 2. §. *Queri hic potest* , alios opinionis huius patronos adducit Sanchez vbi supra in magno numero .

Verum vtrum S. Thomas negatiuam partem profectus fuerit , vel potius affirmatiuam elegerit , dissentiunt inter se clariores Thomistæ in hac Controuersia pariter dissidentes .

Cai-

286 Caietanus S. Thomæ eximius Interpres ubi supra vult S. Thomam docuisse Papam dispensare posse in Matrimonio rato etiam extra casum professionis monasticæ, quod probat per hæc verba. *S. Thomas quoque in 4. dist. 27. quæst. 1. art. 3. quæst. 2. expresse dicit duo notanda ad propositum. Primum est in resp. ad 1. quod quia Matrimonium contractum significat coniunctionem singularem inter Christum, & animam, & hac est solubilis; ideo religionis ingressus aufert Sacramentum. Secundum est in resp. ad 3. quod Matrimonium contractum tantum non est perfectum; ideo non habet omnimodam indissolubilitatem.* Ex his deducit Caietanus S. Thomam docuisse super Matrimonio rato etiam extra casum professionis Monasticæ posse à Papa dispensari; nam si matrimonium non consummatum esset indissolubile autoritate Papæ, hoc ideò esset quia omnimoda indissolubilitas esset de ratione huius matrimonij, sed hoc esse falsum docet S. Tho. ergo &c. falsitas probatur, quia prout S. Tho. dicit, Matrimonium ratum non est perfectum, nam significat coniunctionem animæ ad Christum per gratiam, quæ est solubilis, ergo falsum est in sententia S. Thomæ matrimonium ratum habere omnimodam indissolubilitatem, ergo cum Caietano dicere bene possumus in sententia eiusdem S. Doctoris Matrimonium ratum posse à Papa dispensari etiam extra casum professionis Monasticæ.

287 Ad locum adductum ex S. Doctore in contrarium respondet ibidem Caietanus, S. Doctorem loqui de Matrimonio consummato, ut manifestè patet, & ex art. præcedenti in responsione ad 2. conuincitur.



XXX.

- 1 *In Canonizatione Sanctorum pie tantum creditur Ecclesiam, seu Summum Pontificem errare non posse.*
- 2 *Conclusio existimata S. Thomæ contraria.*
- 3 *S. Thomæ doctrinæ veritas.*

Conclusio S. Thomæ attributa.

In Canonizatione Sanctorum pie tantum creditur Ecclesiam, seu Summum Pontificem errare non posse.

288



TA S. Tho. quodl. 9. ar. 16. per hæc verba. Canonizatio verò Sanctorum medium est inter hæc duo; quia tamen honor, quem sanctis exhibemus, quedam professio fidei est, qua Sanctorum gloriam credimus, pie credendum est quod nec etiã in his iudiciis Ecclesie errare possit.

Con-

Conclusio exstimata S. Thomæ contraria .

289 **S**ed quod non tantum piè, sed etiam de fide credatur Ecclesiam, seu Romanum Pontificem errare non posse in Canonizatione Sanctorum est modo apud Doctores constans sententia, ita vt quidam oppositum dicant hæreticum, omnes saltem scandalosum, impium, temerarium, atque quodammodò hæresim sapiens pronuncient. Ita apud Dianam recensitos Doctores sensisse legimus in Trac. de infallibilitate Decretorum Romani Pontificis extra Concilium resol. 15. 16. 18. & 19.

S. Thomæ doctrinæ veritas.

290 **E**tiam S. Tho. dixit ad fidem pertinere Papam in Canonizatione Sanctorum errare non posse, quod in dicto quodl. in quo de hac Controuersia tantum egit, adeò clarè expressit, vt Doctores, qui id probare contendunt, non alijs vtantur validioribus argumentis, quam his, quibus in dicto quodl. S. Thomas vsus est.

291 Argumentum, quod communiter assumitur ad probandum, quod si Papa errare posset in Canonizatione Sanctorum, sequeretur hoc maximum inconueniens, scilicet, quod posset etiam tota Ecclesia errare. Est primum argumentum *sed contra* S. Thomæ in præfato quodl. quod ipse concedit secundum doctrinam corporis; ideoque illud non soluit, & inconueniens, dato antecedente, admittit, vnde sequitur quod illud Antecedens censuit impossibile.

292 Argumenta in contrarium, quibus magis apparenter

B b

ter

ter probatur in Canonizatione Sanctorum Papam errare posse, duo præcipua ab omnibus adducuntur, primum est, quia Papa innititur in Canonizatione Sanctorum testimonio humano tanquam medio; hoc autem testimonium est fallibile, ergo & erit fallibilis canonizatio, quæ huic testimonio innititur, secundum est, quia nemo potest esse certus de statu salutis aliorum magis quam de statu salutis propriæ; sed de statu propriæ salutis nemo certus esse potest, ergo nec Papa potest esse certus de salute Sanctorum quos canonizat.

- 293 His duobus argumentis respondet ibidem S. Tho. & eius solutionibus utuntur Doctores, dum probant Canonizationem Sanctorum esse de fide, ut testatur, & præstat Diana ubi supra resol. 16. scilicet, Papam errare in Canonizatione Sanctorum non posse, quia ut dicit S. Tho. ad 2. ad diuinam providentiam spectat præferuare Ecclesiam ne à testimonio humano fallibili in hoc negotio fallatur, & quia Pontifex certificatur de statu Sanctorum; quos canonizat, præcipue per instinctum Spiritus sancti, qui *omnia scrutatur etiam profunda Dei*, ut dicit S. Tho. ad 1. Ergo iam clarè patet S. Thomam sensisse cum allatis Doctoribus Canonizationem Sanctorum esse de fidè, cum eius rationes, & solutiones in eorundem Doctorum sententia id euidentè conuincant.

- 294 Cum verò S. Tho. dixit in corp. art. illius quodl. *piè credendum est in Canonizatione Sanctorum Ecclesiam errare non posse*, ly *piè* non significat in cuiuscunque potestate esse id credere, vel non credere, ideoque illud non esse de fide, sed potius oppositum, scilicet, de fide esse credendum in Canonizatione Sanctorum Ecclesiam errare non posse. Verum quia id non est adhuc ab Ecclesia decusum, & plures Doctores graues sæculo, quo vivebat, oppositum tenebant, vsus est S. Tho. hoc synthegoremate *piè*, quo significaret non ad debitum vsque modo explicite per Ecclesiam impositum, sed ad pietatem fidelium pertinere, quod rationibus prædictis

Etis conuicti credant explicitè, vt verè credendum est, de fide esse Ecclesiam in Canonizatione Sanctorum errare non posse; innuens tamen sub hoc pietatis nomine se existimasse id omninò de fide esse credendum; pietas enim, quæ pertinet ad cultum Dei, vt docet idem S. Tho. 2. 2. quæst. 45. art. 1. ad 3. *Est manifestatiua fidei in quantum per cultum Dei protestamur fidem.* Erit ergo pietas manifestatiua nostræ fidei, si piè credimus Ecclesiam in Canonizatione Sanctorum, in qua præcipuè cultus sanctis debitus approbatur, errare non posse, quia per hanc nostram piam credulitatem protestamur fidem, quæ ad id asserendum nos inclinat, & hoc S. Tho. expressè in supradicto art. dixit per illa verba, *quia honor, quem sanctis* (vtique canonizatis) *exhibemus, quadam professio fidei est, qua Sanctorum* (vtique canonizatorum) *gloriam credimus, piè credendum est &c.* hoc est, hac pietate, qua credimus iudicium Ecclesiæ errare non posse in Canonizatione Sanctorum manifestamus, & protestamur fidem, qua eorum gloriam credimus.

195 Ex dictis patet quam fuerit S. Thomæ mens in hac Controuersia de Canonizatione Sanctorum; nam vt diximus, in illo art. quodl. 9. vbi tantum de hac Controuersia egit, satis apertè docuit Canonizationem Sanctorum ad fidem pertinere. Hoc colligitur 1. ex argumentis *sed contra*, quibus probatur esse de fide Ecclesiam errare non posse in Canonizatione Sanctorum, quæ S. Tho. admittit, illis ergo concessit intentum. Secundo quia soluendo duo argumenta, quibus probatur in initio articuli id non esse de fide, quæ sunt validiora oppositum sentientium fundamenta, firmat Ecclesiam per instinctum Spiritus sancti sanctos declarare, & in hoc errare non posse, quia præseruatur à diuina prouidentia ne fallatur; hoc autem nihil aliud est, quam dicere esse de fide sanctos habendos esse, quos Sanctos Ecclesia declarauit; cum de fide sit Ecclesiam errare non posse in ijs, in quibus præ-

295 *Præterea* mens D. Thomæ adhuc manifestius elicitur ex doctrina corporis illius articuli; nam si bene perpendatur, ibi euidenter tradit Ecclesiam in Canonizatione Sanctorum errare non posse; Dicit S. Tho. possibile secundum se consideratum, si referatur ad aliquod extrinsecum, impossibile inueniri: Vnde deducit iudicium eorum, qui præsunt Ecclesiæ, quod errent vt personæ particulares, esse possibile, sed esse impossibile, quod errent, vt personæ representantes Ecclesiam vniuersalem, vt est Papa definiens; tunc enim eorum iudicium est iudicium Ecclesiæ Vniuersalis, quod refertur ad diuinam prouidentiam, qua Spiritus Sanctus Ecclesiam suam dirigit, vt non erret in ijs, quæ ad fidem pertinere decernit; In ijs verò, quæ pertinent ad facta particularia, inquit, iudicium Ecclesiæ errare posse, propter falsos testes, innuens hoc iudicium non referri ad illam diuinam prouidentiam, & ad illam Spiritus Sancti assistentiam, qua posita, Iudicium Ecclesiæ impossibile est quod erret. His positis, docet S. Tho. Canonizationem Sanctorum mediam esse inter prædictas, quia, scilicet, participat de impossibilitate errandi, quam habet Ecclesia in ijs, quæ ad fidem pertinere decernit, cum in Canonizatione Sanctorum dirigatur à diuina Spiritus Sancti prouidentia; participat verò de possibilitate errandi, quia in Canonizatione Sanctorum utitur testimonio humano, quod est fallibile, postea statim excludit hanc possibilitatem errandi ab Ecclesia Sanctos canonizante his verbis: *quia tamen honor, quem Sanctis exhibemus*, Sanctis (vtique per Ecclesiam canonizatis) cum non liceat non canonizatis, vel saltem non beatificatis honorem exhibere, *quadam professio fidei est, qua Sanctorum, vtique canonizatorum, gloriam credimus, pie credendum est, quod nec etiam in his iudicium Ecclesia errare possit*, ac si diceret, ex pietate, qua nostra fides manifestatur, & qua fidem profiteamur, credimus Ecclesiam in Canonizatione

San-

Sanctorum errare non posse; id enim pietatis nomen
in sententia S. Thomæ importat, ut supra explicauimus.
297 Præterea S. Tho. in eodem corp. art. dicit possibile
esse iudicium Ecclesiæ errare propter falsos testes, in-
nuens quod Ecclesiæ si errare posset in Canonizatione
Sanctorum, hoc oriretur ex eo, quod in hoc negotio
innititur medio fallibili, quod est testimonium huma-
num, ut in argumento 2. ascrebatur. Sed in S. Thomæ
sententia non potest Ecclesiæ falli per testes fallibiles in
Canonizatione Sanctorum. Ergo de S. Thomæ mente
Ecclesiæ errare non potest in Canonizatione Sanctorum.
Minor probatur, nam S. Tho. docet in corp. illius art.
tunc Ecclesiæ errare non posse, cum consideratur di-
uina prouidentia, quæ Ecclesiæ suam Spiritu Sancto
dirigit, ut non erret, sed etiam docet, quod diuina
prouidentia consideratur ne Ecclesiæ ab humano testi-
monio fallibili fallatur in Canonizatione Sanctorum;
nam, inquit in resp. ad secundum eandem Ecclesiæ
certificari de statu Sanctorum, quos canonizat, præci-
puè per instinctum Spiritus Sancti, ut dicit in
resp. ad primum. Ergo S. Tho. docet Eccle-
siæ falli non posse per falsos testes in
Canonizatione Sanctorum, & con-
sequenter docet certum
esse de fide Papam
errare non
posse
in Canonizatione
Sanctorum.

Exi-

XXXI.

- 1 *Existens in peccato mortali (etiam occulto) peccat mortaliter faciens ex officio correctionem fraternam.*
- 2 *Conclusio quæ censetur S. Thomæ opposita.*
- 3 *S. Thomæ doctrinæ veritas.*

Conclusio S. Thomæ attributa.

*Existens in peccato mortali (etiam occulto)
peccat mortaliter faciens ex officio
correctionem fraternam.*

298



T A S. Tho; 4. d. 19. qu. 2. art. 2. quæst. 2. c. per hæc verba. *Ille autem, qui est in peccato mortali, etiam occulto, indignè utitur officio prælationis, unde peccat corripiendo, vel quicquid aliud proprii officij exequatur.* Idem dicit de prædicationis officio ad quartum.

Cont-

Conclusio, quæ censetur S. Thomæ opposita.

299 **H**Æc S. Thomæ sententia non est tenenda, inquit Diana par. 7. Tract. 3. resol. 14. & 17. Insuper falsa communiter ab ipsis Thomistis esse censetur; immò oppositum ipse S. Doctor dixit 2.2. q. 33. ar. 5. & q. 60. art. 2. ad tertium. Item Matth. 7. Io. 8. lect. 3. Rom. 2. lect. 1. & in cap. 6. 2. ad Cor. lect. 1. solum peccatorem publicum, ait, peccare si prædicet, quibus in locis sententiam prædictam retractasse dicit Silvius super q. 64. ar. 6. 3. p. *S. quar. p. concl.* 8. & super illam q. 60. 2. 2. quod etiam insinuat Io. de S. Tho. in Tract. de Approbatione Doctrinæ S. Thomæ art. 4. *S. De alijs Propositionibus.*

S. Thomæ doctrinæ veritas,

300 **S**Ed mihi videtur S. Thomam in eadem sententia semper fuisse constantem; nam, ut bene aduertit Bergomenfis in Concordantijs dub. 796. cum S. Tho. dixit Prælatus existentem in peccato etiam occulto peccare faciendo ex officio correctionem fraternam, non loquitur de quocunq; Prælato etiam Laico, de quibus loquitur in locis posterius adductis, sed loquitur de Prælato Sacro, qui indignè utitur officio sacræ Prælationis, & Ecclesiastici ministerij, ut patet in corp. illius quæstiunculæ, & ad primum Prælatus verò exhibendo se Ministrum Ecclesiæ, dum est in peccato mortali, peccat.

301 Ergo docet S. Tho. quod si Prælatus Sac. Parochus, vel alius quisque Ecclesiæ Minister exercendo Sacrum Ministerium, dum est in peccato mortali faciat fraternam correctionem, non rectè utitur officio Prælationis sacræ;

sacræ; non rectè autem vti officio Prælationis sacræ esse non potest sine aliquo peccato saltim veniali; (nam quod hoc sit peccatum mortale S. Tho. nunquam dixit) in quo decipiuntur qui S. Thomæ aduersantur. Idem dici solet de Prælato, si dum est in peccato mortali, impediret, in peccato corripiendo, fratris correctionem, quam tenetur ex officio procurare, veluti peccat, qui dum in peccato existit etiam occulto, docet ex officio prælationis Sacram Scripturam, ita impediendo finem Sacræ Scripturæ, qui est vt homines ad vitam æternam perueniant, prout dixit idem S. Tho. in eadem q. ad quartum.

- 302 Sed si sacer Prælatus in peccato existens vsu officij Prælationis corripere fratrem suum animo se emendandi de peccato proprio, ac resipiscendi à culpa, quam in fratre detestatur, *Sic corripere potest*, inquit S. Tho. super septimum Cap. Matth. *quia quod corripit in alio, corripit in seipso*.

- 303 Quod hic dicitur de Correctione applicandum est prædicationi in ordine ad eos, qui vsu officij sui prædicationis munus exercent, vt Episcopus, Parochus &c. ex 3. p. q. 67. ar. 1. ad primum.



Reli-


XXXII.

- 1 *Reliquiæ Sanctorum, quas veneratur Ecclesia, ut ossa, corpora &c. non sunt illa, quæ in viuis fuerunt, sed alia, nouæ planè substantiæ, quæ nunquam Sanctorum fuerunt.*
- 2 *S. Thomæ doctrinæ veritas.*

Conclusio D. Thomæ attributa :

Reliquiæ Sanctorum, quas veneratur Ecclesia, ut ossa, corpora &c. non sunt illa, quæ in viuis fuerunt, sed alia, nouæ planè substantiæ, quæ nunquam Sanctorum fuerunt.

30



T A S. Tho. 3. par. quest. 15. art. 6. ad tertium, cui communiter contradicitur, prout Achademiâ Pari-siensem declarasse quidam referunt.

Cc

S. Tho-

S. Thomæ doctrinæ veritas.

305 **S**ED S. Thomæ mens est satis aperta in suis verbis,
 quæ ideo per extensum adducimus. Inquit S. Do-
 ctor 3. p. vbi supra. *Ad tertium dicendum quod cor-
 pus mortuum alicuius Sancti non est idem numero,
 quod primo fuit, dum viveret, propter diuersitatem
 formæ, quæ est Anima. Est tamen idem identitate
 materia, quæ est iterum suæ formæ unienda, & quæst.*
 50. art. 2. ad secundum inquit. *Habet autem
 caro ab anima, quod pertineat ad huma-
 nam naturam, etiam postquam anima
 separatur ab ea, inquantum,
 scilicet, in carne mortua
 remanet ex diui-
 na ordina-
 tione
 quidam ordo re-
 surrectio-
 nis.*



Bea-

XXXIII.

- 1 *Beatitudo animæ post diem Iudicij resumpto corpore augebitur intensiue.*
- 2 *Beatitudo animæ post diem Iudicij resumpto corpore non augebitur intensiue.*
- 3 *S. Thomæ doctrinæ veritas.*

Conclusio S. Thomæ attributa.

Beatitudo animæ post diem Iudicij resumpto corpore augebitur intensiue.

306



TA S. Tho. 4. d. 49. qu. 1.
art. 4. quæst. 1. per hæc
verba. *Potest etiam dici*
quod etiam beatitudo Ani-
ma ipsius, (scilicet re-
sumpto corpore post Iudi-
cium) augebitur inten-
siue.

Conclusio quæ censetur S. Thomæ
opposita.

*Beatitudo Animæ post diem Iudicij re-
sumpto corpore non augebitur
intensivè.*

307 **I**T A ipsemet S. Tho. 1. 2. qu. 4. ar. 5. ad quintum per hæc verba, *et ideo corpore resumpto Beatitudo crescit non intensivè, sed extensivè*. Ideoq; communiter Thomistæ cum Caiet. vbi supra, & supl. q. 93. ar. p. seu in 4. d. 49. q. 1. ar. 4. q. 1. tenent S. Thomam à priori Conclusionem recessisse.

308 Bellarminus verò Contr. Tom. 3. De Sanctorum Beatitudine lib. p. cap. 5. inquit, priorem Conclusionem esse magis ad mentem Augustini, Hieronymi, & Bernardi; oppositam verò Conclusionem esse veriorē; & ideo S. Thomam rectè mutasse sententiam. Addit posteriorem Conclusionem videri definitam à Benedicto XII. nam hic Pontifex in Extrauag. *Benedictus Deus*, dicit *continuare visionem Dei, quam habent Animæ à morte corporis, usq; ad resurrectionem, et inde usq; in æternum*, vbi videtur dicere eam non crescere, neq; minui, quod confirmat testimonio Ioannis Villani, qui vivebat sub Benedicto XII. Hic suarum Historiarum lib. 11. cap. 19. testatur se audiuisse à Theologis, qui interfuerunt cum id definiretur, Benedictum definiuisse Animarum gloriam non augendam post resurrectionem nisi extensivè. Ergo secundum Bellarm. sententia S. Thomæ, quam in 4. sectatus fuerat, & est magis ad mentem SS. Patrum Hieron. Augustini, & Bernardi, videtur damnata, cum opposita videatur ab Ecclesia definita.

S. Tho-

S. Thomæ doctrinæ veritas.

309 **S** Thomas nunquam adhæsit priori Conclusioni, ut rectè aduertit Caietanus 1.2. loco cit. his verbis. *Et quoniam cæteris paribus operatio attentior est magis intensa, & minus habens intensiōis est remissior ut patet in visu, & auditu. Ex hoc sequitur quod anima beata resumpto corpore est beatior intensiue, non ex parte obiecti, aut luminis gloria, sed ex parte attentioris visionis, consequente perfectionem animæ in essendo, & hanc viam tanquam probabilem sustineri posse dixit Auctor in 4. sent. ubi inchoans huiusmodi intensiōem dicit. Potest etiam dici quod etiam beatitudo intensiue &c. Verum hanc opinionem in hoc loco ut falsam negauit, ipsaque negatione ex sua officina illam haberi minime voluit. Hucusque Caietanus, ubi expressè docet S. Thomam ideo usum fuisse illo modo loquendi. Potest etiam dici quod animæ beatitudo intensiue augetur resumpto corpore, non quia ipse id approbaret, sed quia id erat magis ad mentem Sanctorum Patrum Augustini, Hieronymi, & Bernardi, actualiterque dicebat S. Bonauentura, qui ratione, quam adducit, conuincebantur; in summa verò suam sententiam expressisse, negando omne augmentum intensiuum in beatitudine animæ resumpto corpore.*

310 Sed perpendat doctus Theologus vtrum illa sententia, quæ hoc beatitudinis intensiuum augmentum astruit, videatur damnata à Benedicto XII. in præcit. extrauag. prout Bellarm. asseruit. Nam apud Doctores non inuenitur communiter damnata existimata, neque in illa extrauag. neque in Conc. Florent. sess. vlt. in fin. neque alibi; Villani quoque testimonium non admodum vrget: Emericus enim Direct. par. 2. quæst. 8. ubi decem errores damnatos in dicta Extrauag. recenset,

set, non numerauit inter damnatos errores sententiam præfatam, Penna quoque part. 2. eiusdem Direc. super dictam Extrauag. Com. 21. de hac damnatione nullam mentionem fecit, vnde conijcitur illa sententia pro damnata à Doctoribus adhuc non haberi Bellarm. ad dicendum, videri Pontificem præfatam sententiam damnare voluisse, mouetur ex illis verbis Extrauagantis, quodque postquam inchoata fuerit, vel erit, talis intuitio, & facilis visio, & fruitio in eisdem, eiusdem visio, & fruitio sine aliqua intermissione, alias intermissione, seu euacuatione prædictæ visionis, & fruitionis continuata existet, & continuabitur vsque ad finale iudicium, & ex tunc vsque in sempiternum. Si ergo inquit Bellarm. Pontifex dicit visionem Dei, quam habent animæ, continuari vsque ad resurrectionem, & inde vsque in æternum, videtur dicere eam non crescere, nec minui.

- 311 Sed verè id Pontifex non dixit, vt aduertit Emericus loco cit. dum octauam hæresim in illa Extrauag. damnatam recenser; ibi enim patet Pontificem voluisse damnare hanc propositionem. *Secundum communem Dei ordinationem, diuina essentia intuitiua, & facilis visio, & fruitio in Beatissimis euacuabitur, nec continuabitur vsque ad finale iudicium, nec ex tunc vsque in sempiternum.* Vbi negatur continuas beatitudinis, non quia putaretur debere crescere, vel minui, sed quia deberet cessare, & euacuari; Pontifex damnat hanc hæresim, dicendo quod beatitudo animæ nunquam euacuabitur, & continuabitur vsque ad iudicium finale, & in sempiternum. Vtrum verò in hac continuatione beatitudinis resumpto corpore crescere deberet hæc beatitudo in anima, vel minui intensiue, seu extensiue, Pontifex non decidit, nec circa hoc ostendit aliquid cogitasse, sed in huius Controuersie decisione, qui eam ex professo tractant, diligentius attendent, nos partem, quam Romana Cathedra docebit, amplectimur.

Epi-

XXXIV.

- 1 *Episcopi, & alij Clerici amittunt iurisdictionem ipso facto, quo deueniunt hæretici, vel schismatici, ante sententiam, qua tales denuncientur.*
- 2 *Episcopi, & alij Clerici non amittunt iurisdictionem ipso facto, quo deueniunt hæretici, vel schismatici, ante sententiam, qua tales denuncientur.*
- 3 *S. Thomæ doctrinæ veritas.*

Conclusio S. Thomæ attributa.

Episcopi, & alij Clerici amittunt iurisdictionem ipso facto, quo deueniunt hæretici, vel schismatici, ante sententiam, qua tales denuncientur.

312



TA S. Tho. 2.2. quæst. 39. art. 3. & 3. part. quæst. 64. art. 2. ad 3. & quæst. 82. art. 7. ad secundum. & in 4. dist. 25. quæst. 1. art. 2. ad primum.

Con-

Conclusio S. Thomæ opposita.

Episcopi, & alij Clerici non admittunt iurisdictionem ipso facto, quo deveniunt hæretici, vel schismatici, ante sententiam, qua tales denuncientur.

- 313 **I**ta decrevit VII. Synodus Can. 10. per hæc verba, *nullus Clericus ante diligentem examinationem, & Synodicam sententiam à communione proprii Patriarchæ se separet, licet criminalem quamlibet causam eius se nosse prætendat.* Ideoque Siluius 2.2. vbi supra concl. 3. in fin. existimat S. Thomam oppositum dixisse, quia putat eum VI II. Synodum non vidisse.

S. Thomæ doctrinæ veritas.

- 314 **Q**uod ante Bullam Martini V. *Adenitanda* non posset cum hæreticis & Schismaticis etiam non denunciatis communicari, patet euidenter, cum id omnibus excommunicatis excommunicatione maiori tunc esset commune; quod verò ante denunciationem etiam modò hæretici, & Schismatici amittant iurisdictionem, tenent unanimiter Doctores etiam recentiores, ut videre est in Castro Palao, quem adducit Card. Lugo de virt. fid. disp. 23. sec. 4. §. 2. num. 148. & disp. 25. sec. 3. num. 39. vbi in hanc sententiam ultra Cap. *Noxatianus* 7. quæst. 1. adductum à D. Thoma 2.2. loco cit. adducit Cap. *Didicimus*, & Cap. *Audimus* 24. quæst. 1.

quæst. 1. consentit Barbosa in Collec. illo cap. *Novatius*, ubi pro hac eadem sententia refert Dominicum Puerum Oliuetanum Tomo 2. Institutionum cap. 6. n. 6. conceditur tamen communiter hanc priuationem effectum non habere ante sententiam Iudicis declaratoriam criminis, antequam validi sunt actus Iurisdictionis hæretici, & schismatici, non quia eam habeat; vnde illicitè eam exercet; sed quia Ecclesia tanquam validos admittit ob titulum coloratum.

- 315 Nihil ergo S. Tho. dixit quod Canoni 8. Synodi sit oppositum, cum tantum in synodo à communione non esse separandos criminosos ante sententiam decernatur; non verò quod iurisdictionem retineant per Schisma, vel hæresim ab Ecclesia separati, quod S. Thomas Sacris Canonibus innixus locis supra citatis firmavit.



XXXV.

- 1 *Prima Tonsura, & Ordines Minores conferri possunt ante discretionis annos sine peccato.*
- 2 *Prima Tonsura, & Ordines Minores conferri non possunt ante discretionis annos sine peccato.*
- 3 *S. Thomæ doctrinæ veritas.*

Conclusio S. Thomæ.

Prima Tonsura, & Ordines Minores conferri possunt ante discretionis annos sine peccato.

316



TA S. Tho. 4. dist. 25. quæst. 2. art. 1. quæst. 2. c. per hæc verba. *Vnde aliqui, si necessitas adsit, & spes profectus, ad Minores Ordines possunt ante annos discretionis promoueri sine peccato, & suscipient Ordines, quia quamuis nunc non sint idonei ad officia, quæ eis committuntur, tamen per assuetudinem idonei reddentur.*

Coti-

Conclusio S. Thomæ opposita .

*Prima Tonsura , & ordines Minores
conferri non possunt ante discretionis
annos sine peccato .*

- 317 **N**Am prohibetur expresse in 6. Cap. *Nullus Episcopus*, de Temp. ordinatione ubi sic dicitur . *Nullus Episcopus , vel quivis alius infanti , nisi forte religionem intraret &c. Clericalem præsumat conferre Tonsuram &c. qui verò contra fecerit , ut in eo , in quo peccaverit , puniatur , per unum annum à collatione Clericalis Tonsuræ dumtaxat noverit se suspensum* , corrui etiam illa S. Thomæ Conclusio ex Decreto Conc. Tridentini de Reform. sess. 23. cap. 4. 5. & 11.

S. Thomæ doctrinæ veritas .

- 318 **D**Vm S. Thomas esset in humanis , erat quidem in Sac. Canonibus constitutum ne Pueri ad sacros Ordines promouerentur , ut patet ex Cap. *Vel non est*, de temp. Ordinari. & qualiter ordinand. sed nullum erat adhuc præceptum canonicum , seu generale , quo veraretur Episcopis prima Tonsura , seu minoribus Ordinibus insignire eos , qui adhuc ad discretionis tempus non peruenissent ; immò id fieri potuisse absque culpa insinuat dist. 28. cap. *De ijs* & dist. 77. cap. *In singulis* , ideoque rectè dixit id fieri potuisse ex necessitate ; vnde bene aduertit Acugna Archiepiscopus Bracharen. sis dicto cap. *In singulis* , num. 4. S. Thomam non dixisse morem generalem fuisse suo tempore primam Tonsuram , & Minores Ordines conferre non habentibus

D d 2

ratio-

rationis vsum, vt ei imponit Henriquez lib. 10. de ord cap. 19. n. 1. lit. A. Sed id tantum licuisse dixit, si necessitas adesset, & spes profectus; de praxi verò nihil tale ab eo dictum inuenitur. In Martyrologio Romano 13. Iulij legimus inter Martyres connumeratos lectores infantulos, quod quomodo sit accipiendum, egregie explicat Baromus in notis.

- 319 Verum post Decreta supra adducta, quibus id fieri prohibetur, nullo modo quis potest ad primam Tonsuram, & Minores Ordines promoueri ante discretionis annos, & in infantia. Sed ex hoc non bene colligitur S. Thomam errasse, cum oppositum dixerit; nam S. Thoma viuentis constat nullum fuisse decretum, quo eius sententia, quam alijs Sacris Canonibus vidimus tunc fuisse conformem, prohiberetur ad praxim reduci, & cum agatur de re, quæ merè pendet à Iurepositiui, cum ista aliquo tempore liceant, alio tempore non liceant, quia prohibentur fieri, Doctores, qui antequam prohiberentur dixerunt licuisse, nullam erroris notam incurrunt, sicut nec S. Thomas, vt iterum in similibus casibus diximus supra n. 9. & infra dicemus n. 324.

- 320 Huc aduoco quod S. Thomas dixit quodl. 3. ar. 29. de Clerico omittente Horas minores, ad quas recitandas tenetur, cui, docet, non esse iniungendam poenitentiam easdem Horas recitandi, si tempore Completorij, de hac omissionem confiteretur, vbi insinuat non esse iam tempus illi Clerico recitandi has Horas hora Completorij, quod tamen est falsum. sed respondendum est S. Thomæ sæculo consuetudinem fuisse quod minores Horæ ante Completorium recitarentur de præcepto. Vnde hac consuetudine introducta, tenebantur Clerici ad Officium diuinum obligati recitare dictas horas ante Completorium, sicut modò tenentur ad eas recitandas ante mediam noctem; & ideo sicut Clerico poenitenti, qui culpabiliter omisit Horas ante mediam noctem, non est modo imponenda earum recitatio

tio loco pœnitentiæ post mediam noctem, ita non fuisset imponenda tunc pœnitentia recitandi illas Horas dicto Clerico confitenti earum omissionem hora Completorii, quia tunc iam nō erat tēpus eas ex præcepto recitandi.

Tempus verò recitandi Horas Canonicas, quod

pendebat à consuetudine antequam per Decreta Conciliorum, & Pontificum præscri-

beretur, non erat apud omnes idem si-

cut est nunc. Vndè Azor Institu-

tionis Tomo 1. lib. 10. cap. 11.

quæst. 8. in 2. obiect. dixit

in hac re stan-

dum esse po-

tius

consuetudini, quam

Iuri scri-

pto.



XXXVI.

- 1 *Clericus si occidat aliquem se defendendo, incurrit irregularitatem.*
- 2 *Clericus si occidat aliquem se defendendo, non incurrit irregularitatem.*
- 3 *S. Thomæ doctrinæ veritas.*

Conclusio, quæ S. Thomæ attribuitur :

Clericus si occidat aliquem se defendendo, incurrit irregularitatem.

321



T A S. Thomas 2. 2. q. 64. ar. 7. ad tertium per hæc verba, & propter hoc Clericus, etiamsi se defendendo interficiat aliquem, irregularis est, quamvis non intendat interficere, sed seipsum defendere. Item 4. d. 25. qu. 2. ar. 2. qu. 2. ad tertium iterum dicit.

& ideo etiam ille, qui se

defendendo in aliquo casu non peccat homicidium committendo, nihilominus irregularis est, & 3. p. qu. 89. ar. 3. in cor. inquit. Similiter si homicidij &c. aut defensione post Baptismum conscius fuerit, sed hoc non est ratione peccati, sed ratione irregularitatis;

Con-

Conclusio, quæ censetur S. Thomæ
opposita.

*Clericus, si occidat aliquem se defendendo,
non incurrit irregularitatem:*

322 **I**T A declaratur in Clem. unica de Homicidio Cap. si furiosus per hæc verba, nullam ex hoc irregularitatem incurrit; & idem de illo censemus, qui mortem aliter vitare non valens, suum occidit, vel mutilat inuasorem, & ut ait Suarez Tomo 5. in 3. p. disp. 46. sect. p. probabilius est etiam iure antiquo in supradicto casu non fuisse incursum irregularitatem, quod, sentit gl. in Cap. si quis viduam, dist. 50. Verbo Defensionis, & in Cap. sicut dignum, & sumi potest ex Stephano Papa in Cap. quia te dist. 50. ibi. Sed quia te tuas sponte id fecisse cognosceris, inde canonicè nullo modo indicaris.

S. Thomæ doctrinæ veritas:

323 **V**Eruntamen idem Suarez ibidem adducit plures insignes Theologos, & Canonistas, qui dicunt iure nouo Clericum occidentem, se defendendo, non incurere irregularitatem; unde colligitur ex illorum Doctorum sententia, iure antiquo, quod vigeat dum S. Tho. scriberet, Clericum, qui occidit se defendendo, dictam irregularitatem incurrisse, quod ne dum etiam ex glos. super illam Clementinam euidentè constar, sed ex eodem S. Doctore habetur expressè; nam in 4. loco cit. in arg. s. c. inquit. Contra hoc, scilicet, quod propter homicidium quodcumq; debeat aliquis prohiberi à sacris Ordinibus, sunt plura Canonum statuta,
 & Ec-

& *Ecclesia consuetudo*, locis verò cit. ex 2. 2. in 3. arg.
 adducit ex dist. 50. Cap. 6. *de his Clericis*, Vbi Nicolaus
 Papa inquit, *de his Clericis &c. qui se defendendo pa-*
ganum occiderunt &c. Verum si contigerit, ut Cleri-
cus Sacerdotalis Ordinis saltè paganum occiderit,
multum sibi consulit si ab officio Sacerdotali recesserit,
satiùsq; est illi in hac vita Domino sub inferiori habitu
irreprehensibiliter famulari, quam alta indebitè appe-
tendo, damnabiliter in profundum demergi, & quani-
uis modò non desinit, qui dicant Nicolaum Papam præ-
fatis verbis noluisse declarare illum Clericum incurris-
se irregularitatem nisi in casu, quo excessisset mode-
ramen inculpatæ tutelæ, seu tantum consuluisse, ut quid
melius, non verò, ut prohibitum, quòd Clericus ille
ab officio Sacerdotali recederet; quapropter concludunt
Clementinam non condidisse Ius nouum, sed antiquum
continuisse; Vnde volunt S. Thomam contra Ius, quod
suo tempore vigeat, irregularem Clericum occiden-
tem, ut se defenderet, declarasse: Verum de Iure an-
tiquo irregularitatem talem Clericum incurrisse com-
muniore est apud Theologos, & Canonistas insigniores
sententia, qui tenent antiquitus iudicatos fuisse immu-
nes ab irregularitate, qui sine propria voluntate occi-
debant, ut patet in pluribus Capitibus illius dist. 50.
sed eos, qui propria voluntate occidebant, vel cum cul-
pa, vel sine culpa, ut Iudices, & se defendentes, volunt
fuisse irregularitati obnoxios; quod ne dum Nicolaus
vbi supra, sed etiam Martinus eadem dist. 50. Cap.
si quis Viduam iudicauit, dum inquit, similiter, scili-
cèt, ut supra dixerat, non admittatur ad Clerum, &
si irrepserit, deijciatur, si homicidij, aut facti, aut præ-
cepto, aut consilio, aut defensione, post Baptismum
consciùs fuerit, quod explicans S. Tho. 3. p. q. 89. ar. 3.
in cor. inquit. Sed hoc, scilicet, quod ille ex defen-
sione homicida, non admittatur ad Clerum, & si irrepse-
rit, deijciatur, non est ratione peccati, sed ratione ir-
regularitatis. Videndus est Silvester Verbo Homicidij

3. q. 2. Valentia Tomo 3. disp. 5. q. 8. par. 4. Bannes, Caieranus, & alij, qui in S. Thomæ quat. illam 2. 2. scripserunt, & quos Suarez vbi supra adduxit, Præterea diebus S. Thomæ fuisse consuetudinem in Ecclesiæ tales Clericos irregulares iudicare ipsemet testatur loco cit. ex 4. Sent. Decretum etiã Nicolai primi idem exprimere constat euidenter; dixit enim Pontifex: *Satius illi esset sic Domino famulari, quàm altis indèbitè appetendo in profundum demergi.* Vbi Nicolaus certo certius non consuluìt melius, sed debitum; nam non qui melius, sed qui debitum omittit, in profundum demergitur.

- 324 Dicendum ergo est S. Thomam optimè indicasse sæculo, quo viuebat, Clericum, se defendendo occidentem, irregularitatem incurrisse, quia sic decreuerat Nicolaus Papa vbi supra, & quia erat tunc Ecclesiæ consuetudo huiusmodi irregulares censere; ideoq; à Doctoribus idem communiter tradebatur.
- 325 Cùm verò post eius felicem transitum Clemens Papa decreuit Clericum irregularitate non affici in casu, quo se defendendo, occidat, condidit nouum Ius, & antiquum extinxit; Vnde modo hoc Ius Clementinum est sequendum, sicut Nicolai primi Ius antea sequendum erat. Dicendum est ergo S. Thomam, cuius sæculo Nicolai Ius vigeat, quodq; Ecclesiæ consuetudine erat in vsu, optimè scripsisse sibi illo antiquo se conformando. Plura, quæ olim in Ecclesia obseruabantur per Canonicas sanctiones decreta, à posterioribus Pontificibus variata, & deleta sunt, vt præter id, quod dicebamus supra num. 9. & 318. patet Cap. *non debet de Consang. & Affinit.* & dixit Nicolaus primus in Epistola ad Michaellem Imp. cuius initium: *proposueramus.* In Sac. Concil. Trid. dum agitur de reformatione, & ijs, quæ pertinent ad ius positium, multa quoque inueniuntur mitigata, & deleta, vt quod ex sponsalibus irritis non inducatur impedimentum publicæ honestatis, quod Matrimonium clandestinum, vbi Conc.

E c

Tri-

Tridentinum est receptum, sit nullum &c. non tamen ex hoc dicendi sunt errasse Doctores graues, qui præceperunt Conc. Tridentinum, dum ex sponsalibus irritis impedimentum publicæ honestatis induci tradiderunt, & Matrimonia clandestina pro validis, & Sacramentis agnoscebant, sed potius commendandi sunt, quod se tunc accommodarent Pontificum Decretis, &

Ecclesiæ consuetudini, sicut ex eadem ratione

S. Tho. de

præfa-

ta

sententia est summo-

perè commen-

dandus.

∴



Votum

XXXVII.

- 1 *Votum de re, quæ necessaria est necessitate præcepti, est Votum largè acceptum, & improprie dictum.*
- 2 *Votum de re, quæ necessaria est necessitate præcepti, est Votum proprie dictum.*
- 3 *S. Thomæ doctrinæ veritas.*

Conclusio D. Thomæ attributa.

Votum de re, quæ necessaria est necessitate præcepti, est Votum largè acceptum, & improprie dictum.

326



T A S. Tho. 4. d. 38. qu. 1. ar. 1. q. 2. in cor. vbi sic ait: *Alii est necessitas conditionata ex suppositione finis. & sic inest nobis necessitas faciendi illa, sine quibus non possumus salutem consequi, sicut sunt præcepta, ad quæ aliis tenemur, & talis necessitas non excludit*

omnino Votum, inuenitur enim quandoq; largè accipiendo Votum, esse de his, quæ sunt sub tali necessitate, sed excludit talis necessitas Votum proprie dictum.

Ec 2

Con-

Conclusio, quæ censetur S. Thomæ
opposita.

*Votum de re, quæ necessaria est necessi-
tate præcepti, est Votum pro-
priè dictum.*

327 **H**ÆC Conclusio ne dum censetur vera, sed etiam catholica, ita ut Alphonsus de Castro lib. p. de lege pœnali Cap. 10. superiorem Conclusionem nimium erroneam appellauerit, & merito, inquit Suarez de Relig. Tom. 2. Tract. 6. de Voto lib. 2. Cap. 6. num. 4. & 9. ubi eandem ipse dixit practicè improbabilem. Immò ipse S. Tho. 2. 2. q. 88. ar. 2. c. docuit hanc posteriorem Conclusionem his verbis. *Illud verò quod non habet absolutam necessitatem, sed necessitatem finis, puta quia sine eo non potest esse salus, cadit quidem sub Voto, inquantum voluntariè fit, non autem inquantum est necessitatis.* Vbi Siluius putat S. Doctorem mentem suam clariùs explicasse, & quod in 4. scripserat, mitigasse; Suarez verò loco prædicto, num. 11. S. Tho. inquit, intelligit hoc proprium Votum non consistere in sola acceptatione obligationis, ac necessitatis præcepti, nec in proposito, seu professione implendi illam, sed in promissione voluntaria addita illi necessitati præcepti. Ibidem S. Th. subiunxit: *Illud autem, quod neque cadit sub necessitate absoluta, neque sub necessitate finis, omninò est voluntarium; & idè hoc propriissimè cadit sub Voto.* Vbi inquit Siluius loco supra cit. non vult dicere Votum eadens super rem præceptam habere tantum similitudinem Voti, quin potius supponit quod sit propriè Votum, sed non propriissimè, eo quod in ipso non perfectissimè inue-

inueniatur ratio Voti, utpotè cum non sit tam voluntarium, sicut opus consilij.

S. Thomæ doctrinæ veritas.

328 **A** Pud omnes Doctores Theologos certum est S. Thomam sensisse votum de re necessaria necessitate præcepti esse votum propriè dictum, nec in 4. scripsisse oppositum voluit, dum eius verba supra adducta interpretationibus Textui accommodatissimis explicant.

329 Siluius vbi suprà sic ait: *Votum propriè dictum* (de quo S. Tho. in 4. loquitur) *non opponitur voto metaphoricè, aut analogicè dicto, sed æquiualeat voto strictissimè accepto, quod nimirum obligat eum, qui antequam voueret, non erat obligatus, ut proinde sensus sit, votum de re præcepta non esse votum propriè, quia non est eiusmodi votum, quod inducat vouenti obligationem ad faciendum id, ad quod antea non erat obligatus.* Suarez verò loco iam adducto ait. *In 4. longè in diuerso sensu locutus videtur (S. Thomas) ibi enim votū commune appellat solam susceptionem legis imponentis obligationem, & professionem seruandi illam; & idèd dicit esse analogicè Votum, & non addere nouam speciem honestatis, qua de proprio voto cadente in materiam præceptam vera non sunt; loquitur ergo ibi de voto improprio, quale dicitur fieri in Baptismo.* Votum, quod in sententia S. Thomæ fit in Baptismo, benè explicat Siluius ibidem § *Circa responsionem*, Azorius p part. Inst. lib. 11. cap. 14. §. *Cæterum* sic interpretatur S. Thomam. Respondeo non significare S. Thomam eiusmodi votum (de re alioqui vi præcepti debita) esse improprie sicut per metaphoram, analogiam, aut similitudinem votum, sed non esse votum propriè, hoc est, non esse solum votum, sed etiam præ-

praeceptum, & cùm ait rem imperatam non esse voti
 materiam, significat non esse solum materiam voti, sed
 etiam esse praecepti materiam; at res, quae in
 consilium cadit, est propriè materia voti, idest
 solius voti est materia, non praecepti,
 vel legis. Proprium aliquando vo-
 camus, quod non est mul-
 torum commune, sed
 quod vni solum
 conue-
 nit,
 licèt illi verè
 conue-
 niat.



Nallam

XXXVIII.

- 1 *Nullum Ieiunium est sub præcepto toto tempore Paschali.*
- 2 *Ieiunium Sabbati præcedentis Dominicam Pentecostes est sub præcepto.*
- 3 *S. Thomæ doctrinæ veritas.*

Conclusio S. Thomæ attributa.

Nullum Ieiunium est sub præcepto toto tempore Paschali.

329



TA S. Tho. 2.2. quest. 147. art. 5. ad 3. per hæc verba. *Propter quod non est Ieiunium ab Ecclesia institutum in toto tempore Paschali.*

Conclusio, quæ censetur S. Thomæ opposita.

Ieiunium Sabbati præcedentis Dominicam Pentecostes est sub præcepto.

- 330 **I**ta vt peccaret mortaliter, qui illa die non ieiunaret; vt patet, de quo Ieiunio meminit S. Ambrosius Ser. 60 & refertur dist. 76. Cap. *Nosse credo* & Cap. *Scire deoet.*

S. Tho-

S. Thomæ doctrinæ veritas.

332 **E**Am habemus ex D. Caietano 2. 2. vbi supra per hæc verba : *quia consuetudo , & tollit , & facit legis vinculum , & communiter homines reputant non minus esse in præcepto hac , quam alia quatuor Temporum Ieiunia ; ideo ex consuetudine sunt in præcepto sicut cetera , ita quod vinculum , quod lex non fecit , consuetudo intulit ; & propter hoc Author in littera eandem locutus est dicens , quod Ieiunium exultationis non debet cadere sub præcepto , & quod ab Ecclesia non est institutum , scilicet , sub præcepto , Ieiunium in toto Paschali tempore .* In eandem sententiam scripserunt Siluius 2. 2. vbi supra quer. 7. Achuna & Barbosa cap. *scire debet*. dist. 76. cit. & alij , quos idem Barbosa ibi recenset . Cum dicta dist. 76. cap. *scire* Gratianus dixisset , *sed quod in illis quinquaginta diebus ieiunandum esse negatur , ex obseruantia necessitate intelligitur .* Eum confutat glossa dum ait verbo obseruantia . *Hic malè dicit , & sequenti §. immo vigilia Pentecostes necessariò ieiunanda est , ut infra cap. Nosse , & supra cap. de Ieiunio , non obstat cap. scire , quia pro vno die , nec plus , nec minus , sed quod ieiunari debeat , hoc habet Ecclesia consuetudo .* Veruntamen Gratianum , & consequenter S. Thomam interpretatur Fagundez in Tract. de quinque Ecclesiæ Præceptis præc. 4. lib. 1. cap. 5. n. 9. dum ait : *Tamen intelligendi sunt de iure communi , non de consuetudine vniuersali totius Ecclesiæ , quasi dicant , Peruigilium Pentecostes non est Ieiunio consecratum de iure communi , non autem de consuetudine ; quia de consuetudine vniuersali totius Ecclesiæ Latine huiusmodi Peruigiliū in præcepto Ieiunij est , ut præter Doctores allegatos , docent etiam Angelus verbo Ieiunium n. 7. ad finem , & glossa in cap. nosse dist. 76. quia in sententia secutus est Fagundez , Azorium Inst. p. p. lib. 7. cap. 24. §. Secundò queritur , ibi in hac Controuersia , vbi eadem , sed breuius tradidit .*

Pro-

XXXIX.

- 1 *Propitiatorium fuit Tabula lapidea.*
- 2 *Censetur falsa Conclusio.*
- 3 *S. Thomæ doctrinæ veritas.*

Conclusio S. Thomæ attributa.

Propitiatorium fuit Tabula lapidea.

333



TA S. Thomas 1. 2: quæst. 102.
art. 4. ad sextum per hæc verba.
*Hæc autem Arca sita erat inter
duos Cherubim, qui se mutuis vul-
tibus respiciebant, & supra Ar-
cam erat quedam Tabula lapi-
dea.*

Censetur falsa Conclusio.

- 334 **T** Abulam illam non fuisse lapideam ex Sac. Scriptu-
ra præcipuè Exod. 25. 17. euidentèr apparet.

S. Thomæ doctrinæ veritas.

- 335 **S** Ed dicendum est in Textu S. Thomæ redundare
iniuria librariorum illud adiectiuum *lapidea*, vt
aduertit Medina in manuscripto veteri Salmantino, in
quo non legitur illud *lapidea*, quem sequuti sunt Vaf-
quez, & Siluius in p. 2. q. 102. cit. alijq; quamplurimi,
non defunt, qui idem comprehenderint in Codicibus
Ff mm.ss.

mm, ss. Vaticanis, & Coloniensibus; fertur etiam
 esse in Conuentu Ordinis Sanctæ Lucie de Alcanix Tex-
 tum S. Thomæ m. s. & postillatum manu S. Vincentij
 Ferrerij, in quo non legitur illud *lapidea*, quod confir-
 matur ex lect. pr. S. Thomæ in Cap. 9. Epistolæ ad He-
 breos, vbi S. Tho. dicit, *inter duas autem alas, qui-
 bus tegebant se, erat Tabula aurea eiusdem longitudi-
 nis, & latitudinis, cuius est Arca*: Patet ergo S. Do-
 ctorem non dixisse illam Tabulam fuisse lapideam, sed
 auream, prout euidenter conijcitur ex citata lect. Vi-
 dendus Grauina Sacri Depositi Cap. 24. n. 13. vbi ob-
 seruat in Tabula Bergomensis Verbo *Propitiato-
 rium* sic haberi: *erat Tabula super alas Che-
 rubin &c.* 1. 2. q. 102. 4. ad sextum,
 quod indicat non fuisse in Textu.
lapideam, eo tempore, quo
 Bergomensis Tabulam
 suam instruc-
 bat.



Eccle-

XL.

- 1 *Ecclesiastici authoritas non recipitur.*
- 2 *Ecclesiastici authoritas recipitur.*
- 3 *S. Thomæ doctrinæ veritas.*

Conclusio S. Thomæ attributa.

Ecclesiastici authoritas non recipitur!

336



T A S. Tho. p. p. quest. 89.
art. 8. ad secundum per
hæc verba. Vnde & de
Samuele dici potest quod
ipse apparuit per revelatio-
nem diuinam, secundum
hoc, quod dicitur Ecclesi-
astici 46. quod dormiuit, &
notum fecit Regi finem
vitæ suæ, vel illa appari-

tio fuit procurata per Damones, si tamen Ecclesiastici
authoritas non recipiatur propter hoc, quod inter Ca-
nonicas Scripturas apud Hebræos non habetur.

Conclusio, quæ censetur S. Thomæ opposita.

Ecclesiastici autoritas recipitur.

- 337 **I** Ta Sac. Conc. Tridentinum innixum alijs prioribus
Sacrorum Conciliorum Decretis sess. 4. ideoque
Conclusio est de fide.

S. Thomæ doctrinæ veritas.

- 338 **S** Thomas perpetuò voluit Ecclesiastici librum esse
Sacrum, & Canonicum, vt patet ex innumeris
suz doctrinæ locis, in quibus sententias ex ipso addu-
ctas veluti ex Canonico Codice manantes interpreta-
tur, vt in nostra Massa Auri Tomo 4. euidenter osten-
dimus; nec in verbis supra adductis vllò modo docuit
oppositum, sicut nec 2.2. q. 95. art. 4. ad secundum,
& quæst. 174. art. 5. ad quartum, quibus in locis de
eodem argumento tractauit, sed retulit tantum, quæ
S. Augustinus in lib. de Cura pro mortuis agenda dixe-
rat, ad supradicta enim verba præmiserat. Sicut
etiam viui ignorantes alijs viuentibus apparent in som-
nis, vt Aug. dicit in lib. prædicto, hoc est in lib. de
Cura pro mortuis agen. Cap. 10. prosequitur postea
S. Doctor cum Augustino ibidem Cap. 15. in eodem
sensu, sed diuersis verbis, vt patet ex hac quæ se-
quitur comparata per iuxta positionem vtriusque
sententia.

Veri

Verba Augustini: Verba D. Thomæ.

NAm Samuel Propheta defunctus viuo Sauli etiam Regi futura prædixit, quamuis nonnulli non ipsum fuisse, qui potuisset magicis artibus euocari, sed aliquem spiritum tam malis operibus congruentē illius existiment similitudinem figurasse. Cum liber Ecclesiasticus; quem Iesus filius Sirach scripsisse traditur, & propter eloquij nonnullam similitudinem Salomonis pronunciatur, cōtineat in laude Patrum, quod Samuel etiam mortuus prophetauerit, *sed si huic libro ex Hebraeorum, quia in eo non est Canone, contradicatur*, quid &c.

VNdē & de Samuele dici potest, quod ipse apparuit per reuelationem diuinam, secundum hoc, quod dicitur Eccles. 46. quod dormiuit, & notum fecit Regi finem vitæ suæ, vel illa apparitio fuit procurata per Dæmones, *si tamen Ecclesiastici autoritas non recipiatur* propter hoc, quod inter Canonicas scripturas apud Hebræos non habetur.



339 Patet ergo S. Doctorem cum S. Augustino dupliciter respondere ad Argumentum secundum ar. 8. q. 89. p. p. Primo, Samuelem apparuisse Sauli in propria persona, quia dicitur Ecclesiast. 46. ipsum tunc prophetasse, & hæc responsio dirigitur ad Catholicos, qui Ecclesiasticū in Canone recipiunt; Si verò quispiam Hereticus, vel Hebræus Ecclesiastici autoritatem non reciperet, illi responderi posset secundò, hanc apparitionem fuisse per Dæmones procuratam: Vndē inquit S. Tho. *si tamen hoc est, in casu, quo Ecclesiastici autoritas non recipiatur*, vel si *huic libro contradicatur*, vt inquit Augustinus, quod à Sanctis dictis Doctoribus ponitur tanquam pura conditionalis, quæ non ponit in esse, & gratis datur, sed non conceditur.

Zonna

- 1 *Zona Aequinoctialis est inhabitabilis*
- 2 *Censetur falsa Conclusio.*
- 3 *S. Thomæ doctrinæ veritas.*

Conclusio S. Thomæ attributa.

Zona æquinoctialis est inhabitabilis.

340



T A S. Thomas p. p. quæst. 102. ar. 2. ad quartum, & 2. 2. quæst. 164. art. 2. ad quintum, & 2. dist. 29. quæst. 1. art. 5. ad tertium.

Censetur falsa Conclusio.

341

H Oc falsum esse docet experientia, cum multi ad partes illas quotidie eant, & reuertantur: Vnde Zonam æquinoctialem habitari absq; omni controuersia modò certum est.

S. Thomæ doctrinæ veritas.

342

V Erùm quamuis viuentē S. Thomæ plures sapientes opinarentur Zonam æquinoctialem esse inhabitabilem, adhuc enī ex regionibus nostris nemo ad illas partes nauigauerat, qui de eius habitabilitate nos instrueret, & Aristotelis ratio in lib. Meteor. adducta, qua inhabitabilis suadetur, conuinceret eorum ingenia; tamē


mē S. Doctor opinionem de eius inhabilitate sequutus non est absolutē, sed semper sub dubio eam admisit, nihil certi vnquam statuendo; quamuis, & propter auctoritatem Aristotelis, aliorumq; sui temporis sapientiorum Doctorum, & propter rationem, cui innitebatur, falsus sit sibi videri probabiliorē, & hoc tantum dixit expressē. Attamen S. Doctor, oppositum sentientes nec impugnauit, nec falsum asseruisse vnquam docuit; ex quo sequitur S. Doctorem opinionem etiam, quam probabiliorē iudicauerat. existimasse falsam inueniri potuisse, quod ex eius verbis locis citatis patet. Nam p. p. cit. sic ait: *Illi, qui dicunt Paradisum esse sub circulo æquinoctiali, opinantur sub circulo illo esse locum temperatissimum propter æqualitatem dierum, & noctium omni tempore; & quia sol nunquam ab eis elongatur, ut sit apud eos superabundantia frigoris, nec iterum est ad eos, ut dicunt, superabundantia caloris; quia, etsi sol pertransit super eorum capita, non tamen diu moratur ibi in hac dispositione*: Aristoteles verò in Lib. Meteor. expressē dicit, quod regio illa est inhabitabilis propter æstum, quod videtur probabilius, quia Terrā, per quas Sol nunquam pertransit indirectum, capitis, sunt intemperata in calore propter solam vicinitatem solis. *Quicquid autem de hoc sit*, credendum est Paradisum in loco temperatissimo constitutum esse, vel sub æquinoctiali, vel alibi. Patet ergo S. Thomam neutram opinionem reprobasse, sed vtrāq; admissa intra fines probabilitatis, concludere *quicquid de hoc sit*, an scilicet illa Zona sit habitabilis, vel inhabitabilis, dicendum esse Paradisum in loco temperatissimo constitutum esse; sub æquinoctiali, si esset habitabilis; alibi verò, si æquinoctialis esset inhabitabilis.

343 Præterea 2.2. loco cit. sic ait, *ille locus, scilicet, Paradisi terrestris*, videtur esse inaccessibleis propter vehementiam æstus in locis intermedijs ex propinquitatē folijs, & hoc significatur per flammæum gladium, qui versatilis dicitur propter proprietatem motus circula-

ris

ris huiusmodi æstus causantis; & quia motus creaturæ corporalis disponitur ministerio Angelorum, ut patet per August. 3. de Trinit. Vbi S. Thomas duas affert opiniones de flammeo gladio, quas in sua probabilitate reliquit, nulla pro simpliciter vera acceptata, sed iuxta veriusq; principia voluit explicare quid per flammeum gladium in Sac. Scriptura posset intelligi.

- 344 Tandem 2. d. 29. loco cit. sic ait: *Ille impedimenta, ratione quorum inaccessibilis dicitur Paradisus terrestris, fortè hic gladius flammeus vocatur, quia præcipue locus ille inaccessibilis videtur propter intemperatum calorem in locis intermedijs.* Vbi S. Tho. utitur illo verbo, *videtur*, quod indicat eum opinando, non asserendo loqui, ut ipse dixit p. p. q. 100. ar. 2. ad secundum, & hic sensus eius erat; supposita illa regione æquinoctiali intemperata, prout tunc videbatur sapientioribus ductis Aristotelis auctoritate, & ratione, non poterat esse locus Paradisi terrestris; ideoq; constitutus erat ultra talem regionem, quæ iuxta illos, qui eam putabant inhabitabilem, significabatur per flammeum gladium; tamen in eius sententia flammeus gladius poterat etiam significare ministerium Angelorum, iuxta opinionem asserentem illam regionem habitabilem esse, ut ex supradictis patet.



Inter

XLII.

- 1 *Inter Caelos datur spatium diuisibile alicuius corporis , ita quod sphaeræ non sint sibi contiguæ .*
- 2 *S. Thomæ doctrinæ veritas .*

Conclusio S. Thomæ attributa .

Inter Caelos datur spatium diuisibile alicuius corporis ; ita quod sphaeræ non sint sibi contiguæ .

345



TA S. Tho. 2. d. 2. qu. 2. ar. 2. ad 5. per hæc verba. Sicut etiam ponunt Astrologi inter duas sphaeras , qua non possunt scindi , esse aliquod spatium repletum corpore diuisibili ; cum in isto spatio sit motus planetarum secundum motum Epicycli .

S. Thomæ doctrinæ veritas .

346

EX dictis S. Doctoris verbis patet euidenter ipsum in præcitata autoritate non loqui secundum propriam sententiam , sed tantum referre quid Astrologi sentirent ; nam loquendo ex propria mente in 2.

G g

de

de Cælo lect. 5. sic ait , quia omnia illa corpora cele-
stium spherarum se inuicem tangunt, & sunt continua,
idest , immediatè sibi inuicem coniuncta ; Nec est ali-
quod corpus intermedium , quod suppleat vacui-
tatem spherarum , ut quidam ponunt : se-
queretur enim illa corpora esse ocio-
sa , cum non haberent mo-
tum circularem ;

idem vide-

tur

asserere 12. Me-

taph. lect.

10.



Sunt

XLIII.

- 1 *Sunt tantum decem Cœli , numerando etiam Empyreum.*
- 2 *Censetur falsa Conclusio.*
- 3 *S. Thomæ doctrinæ veritas .*

Conclusio S. Thomæ attributa .

Sunt tantum decem Cœli , numerando etiam Empyreum.

347



ID S. Tho. 2. d. 14. q. 1. ar. 4. vbi dicit esse septem Cœlos secundum Rabanum , scilicet Empyreum , Christallinum , Sydereum , Igneum , Olimpium , Ethæreum , & Aereum ; primi tres Cœli nominantur à natura , & proprietate cœlesti , quatuor posteriores à proprietatibus cœlestibus tantum . Ad tertium postea dicit sub Cœlo Sydereocomprehendi Cœlos septem Planetarum.

Censetur falsa Conclusio.

- 348 **S**Ed certum est vltra Cœlum christallinum , & sub Empyreo esse Primum mobile . Ergo omnes Cœli sunt numero vndecim , & non tantum decem .

G g 2

S. Tho.

S. Thomæ doctrinæ veritas .

349 **I**D non negauit S. Tho. qui solum voluit in articulo adducto explicare Caelos secundum numerum septenarium assignatum à Rabano, inter quos tres dixit esse, & natura, & proprietate Caelos; quatuor verò tantum proprietate cœlesti, vt paret ex textu; sed sicut in resp. ad quintum dixit esse tres Caelos, secundum quod nomine Cœli sumitur id, quod habet naturam Cœli, videlicet, Empyreum, Christallinum, & Sydereum; & postea sub Sydereo in resp. ad tertium multiplicauit septem Caelos Planetarum: quia cum isti Cœli partim sint diaphani, & partim lucidi propter corpus lucidum in illorum singulis fixum; quæ corpora in hoc Virgiliano versu comprehenduntur.

Saturnus, Mars, Luna, Venus, Sol, Iuppiter, Hermes.
conueniunt cum Sydereo, quod est eiusdem naturæ, scilicet, diaphanum, & lucidum, propter stellas, innumeras in eo fixas; ita nomine Cœli Christallini S. Doctor intellexit duos Caelos, qui sunt omnino diaphani, omni stella, seu lucido corpore destituti; ideoq; quantum ad hoc ambo dici possent christallini, sed vnum retinet nomen Cœli christallini, aliud dicitur Primum mobile, inter Empyreum, & Christallinum situatum. Item S. Tho. 2.2. q. 175. ar. 3. ad quartum numerat tres Caelos præter Empyreum; Primum, Aereum, Secundum Sydereum, in quo Planetas, & Firmamentum comprehendit, Tertium Aqueum, seu Christallinum, in quo etiam Primum mobile includit. Ita intelligendus est etiam quodl. 6. ar. 19. in cor. S. Doctorem Primum mobile vltra alios Caelos expressè sub nomine Decimæ spheræ numerasse, & illud supra Cælum Sydereum, & Christallinum, siue Aqueum moueri motu diurno dixisse, constat ex 2. d. 14. qu. 1. ar. 1. in c. vbi sic ait. *Hoc autem Cælum Aqueum est Nona Sphæra,*
ad

ad quam primo reducunt Astrologi motum orbis signorum communem omnibus stellis, qui est de Occidente in Orientem, & iterum spheram Decimam, ad quam reducunt motum diurnum, qui est de Oriente in Occidentem, de quo Primo Mobili loquitur etiam S. Tho. in 12. Metaph. lect. 9. ubi sic ait. Unde necesse est, quod supra Spheram stellarum fixarum sit alia circumdans totum, quæ reuoluit totum Cælum motu diurno;

& hoc est Primum Mobile. Patet ergo S. Thomam posuisse decem sphaeras Cælorum Mo-

biles, scilicet, septem Planetarum Sy-

deream, Christallinam, seu

Aqueam, & Primum

Mobile, dein-

de

Cælum Empireum

immobi-

le.



Galum

XLIV.

- 1 *Cælum, & Luminaria Cœli secundum opinionem Aristotelis sunt animata; à qua opinione S. Thomas, non, abhorruit.*
- 2 *Cælum, & Luminaria Cœli non sunt animata secundum opinionem Aristotelis; immo id asserere videtur rectæ fidei repugnare.*
- 3 *S. Thomæ doctrinæ veritas.*

Conclusio S. Thomæ attributa.

Cælum, & Luminaria Cœli secundum opinionem Aristotelis sunt animata, à qua opinione S. Thomas non abhorruit.

350



TA S. Thomas 2. c. g. Cap. 70. per hæc verba. *Est igitur Cælum compositum secundum opinionem Aristotelis ex anima intellectuali, & corpore, & hoc signat in 2. de anima, ubi dicit, quod quibusdam inest intellectuum, & intellectus ut homini-*

bus, & si aliquid huiusmodi est ætium, aut honorabilis, scilicet, Cælum: Constat autem quod Cælum

non

non habet animam sensitivam secundum opinionem Aristotelis; haberet enim diuersa organa; quæ non competunt simplicitati Cæli, & ad hoc signandum, subiungit Aristoteles, quod quibus de numero corruptibilibus inest intellectus, insunt omnes aliæ potentie, ut daret intelligere, quod aliqua incorruptibilia habent intellectum, quæ non habent alias potentias Animæ, scilicet, corpora celestia. Non poterit igitur dici, quod intellectus continetur corporibus celestibus per phantasmata, sed oportebit dicere, quod intellectus per suam substantiam uniatur corpori cælesti ut formæ; Sic igitur, & corpori humano, (quod est inter omnia corpora inferiora nobilissimum, & æqualitate suæ complexionis Cælo ab omni contrarietate absoluto simillimum) secundum intentionem Aristotelis substantia intellectus uniuersalis uniuersalis, non per aliqua phantasmata, sed ut forma ipsius, & de Spirit. creat. qu. vn. art. 6. ait. Plato verò, & Aristoteles, & eorum sequaces posuerunt corpora celestia esse animata, idem reperit qu. vn. de An. ar. 8. ad 3. 2. Cæl. lect. 3. & quodl. 12. ar. 8. ubi idem sensisse, inquit, videtur ille, qui fecit Præfationem, cum dicit, Cæli Cælorumq; Virtutes.

- 351 Quod verò S. Tho. non abhorruerit ab hac opinione ponente Cælos esse animatos anima intellectuali, probatur, nam statim loco cit. ex 1. e. g. sequitur. *Hoc autem, quod dictum est de Animatione Cæli, non diximus quasi asserendo secundum fidei doctrinam, ad quam nihil pertinet, siue sic, siue aliter dicatur.* Unde August. in Enchir. dicit. *Nec illud quidem certum habeo verum ad eandem Societatem, scilicet, Angelorum, pertineant Sol, & Luna, & cuncta Sydera; quamuis nonnullis lucida esse corpora, non tamen sensu, vel intelligentia videantur, seu, ut legit qu. vn. de Anima art. 8. ad 5. non tamen sensitiua, vel intellectiua videantur, & de spiritual. creat. qu. vn. ar. 6. recensitis duabus opinionibus, vna asserente Cælum non esse animatum, cuius fuisse refert Anaxagoram, & Damascenum, alteram dicen-*

dicentem esse animatum, cuius fuisse narrat Origenem, & Hieronymum; vtramq; verò Augustinum sub dubio reliquisse, inquit. *Vtraq; autem opinio rationem probabilitatis habet*, & de An. qu. vn. ar. 8. ad 3. inquit, propter argumenta vtramq; partem sustinentes, dicamus aliquam substantiam intellectualem esse perfectionem corporis cœlestis ut forma, qua quidem habet potentiam intellectuam, non autem sensitivam, ut ex verbis Arist. accipi potest in 2. de An. & in 1. Metaph. & ad quantum concedit Animas Cœlorum si ponantur animata, pertinere ad Societatem Angelorum.

Conclusio quæ censetur S. Thomæ opposita.

Cœlum, & Luminaria Cœli non sunt animata secundum opinionem Aristotelis; immo id asserere videtur rectæ fidei repugnare.

352 **P** Robatur ex eodem S. Tho. p. p. qu. 70. ar. 3. vbi inquit, *ad hoc autem quod moueat (scilicet Cœlum) non oportet quod uniatur ei, (scilicet anima) ut forma, sed per contactum virtutis, sicut motor unitur mobili*, quod probat autoritate Aristotelis ex Lib. 8. Phys. Indè Caietanus ibidem suspicatus est dixisse quidem S. Thomam loco cit. ex 2. c. g. secundum Aristotelem Cœlum esse animatum, & animam vniri Cœlo ut formam, sed melius in p. p. dixisse posterius scribendo, sufficere in sententia Aristotelis ponere animam Cœlo vniri ut motorem mobili, quem sequuntur alij plures Thomistæ, quamuis Bannes p. p. cit. Ferrar. loco adducto 2. c. g. & alij præter dictam Caietani

tani responſionem, varijs ſolutionibus conſentur S. Thomæ verba conciliare.

- 353 Præterea præfata opinio, quæ tenet Cælum eſſe animatum, à qua S. Tho. non omnino diſceſſit, & cum Auguſt. in quodl. cit., & alibi dixit, quod non refert ad fidem utrum ſic (ſcilicet Cælum eſſe animatum) vel aliter ſit (ſcilicet non eſſe animatum) videtur damnata in 5. Synodo, quæ eſt 2. Conſtantinopolitana, ut refert Nicephorus Calixtus Lib. 17. Cap. 27. per hæc verba. *Si quis dicit Cælum, & Solem, & Lunam, & ſtellas, & aquas, quæ ſuper Cælos ſunt animatas quaſdam eſſe, & materiales virtutes, anathema ſit.*

S. Thomæ doctrinæ veritas.

- 354 **M**ihi certa res eſt S. Thomam ſemper exiſtimaffe, Ariſtotelis mentem fuiſſe Cælum eſſe animatum, quod patet evidentèr ex locis ſupra adductis, nec vllam habet in contrarium vim allata ex p.p. ratio, qua in- conſtantia S. Doctoris in id opinando ſuſpicari poſſit; nam ibi loquebatur de modo, quo animam vnire oportet cœleſti corpori, & excluſo, quod cœleſti corpori non oporteret animam vnire ad vegetandum, vel ſentiendum, concludit nec oportere Animam vnire corpori cœleſti propter operationem intellectuam. Vidè relin- quebatur, quod ſi ei vnire animam oportebat, hoc erat tantum propter motum, tunc dixit. *Ad hoc autem, quod moueat (ſcilicet Anima) non oportet quod vnia- tur ei ut forma, ſed per contactum virtutis, ſicut mo- tor vnitur mobili,* ad hoc probandum vtitur autori- tate Ariſtotelis ex 8. Phyſic. & inquit, *poſtquam oſten- dit (ſcilicet Philoſophus) quod Primum mouens ſeip- ſum, componitur ex duabus partibus, quarum vna eſt mouens, & alia mota, assignans quomodo duæ partes vniantur, dicit, quod per contactum, vel duorum ad inuicem, ſi utrumq; ſit corpus, vel vnius ad alterum,*

Hh

& non

& non è conuerso, si vnum sit corpus, & aliud non corpus, Ex his patet S. Thomam non adduxisse auctoritatem Aristotelis ad hunc finem, vt ostenderet eum opinasse Cælum non esse animatum, contra id, quod aliàs dixerat, sed ad ostendendum consonum esse Aristotelis doctrinæ, quod Cælum moueri possit à motore illo coniuncto, non vt forma informans, sed per contactum virtutis.

- 355 Vbi notandum est, dum à S. Tho. disputaretur de Cælo, an esset animatum, semper dixit Aristotelem affirmatiuam habuisse sententiam, & hoc nunquam retractauit. Cum verò disputaretur de Cælo quomodo moueretur, dixit Lib. 2. de Cælo lect. 18. *& est attendendum, quod quantum ad hoc non refert utrum ponamus corpora cælestia moueri à substantijs intellectibilibus coniunctis per modum anima, vel etiam separatis; Non autem esset via soluendi, si mouerentur per solum naturæ impetum, sicut corpora graui, & leuia, inde elicitur S. Doctorem voluisse Cælum non moueri per solum naturæ impetum, sed ab aliqua substantia apprehendente, vt dixit illo ar. 3. q. 70. p. p. ex mente Augustini; si postea hæc substantia diceretur forma Cæli, vel motor extrinsecus, parum referre iudicasse, cum eodem prorsus modo dicendum esset Cælum moueri, vel animatum, vel inanimatum; ideoq; dixit S. Th. in fin. illius art. Vnde inter ponentes ea (scilicet corpora cælestia) esse animata, & ponentes ea inanimata, parua, vel nulla differentia inuenitur in re, sed in voce tantum.* Vbi patet eum non loqui de Cælo quantum ad esse, nam tunc in re magna differentia fuisset, sed quantum ad motum eius, quia dum agimus de motu Cæli eodem modo philosophari debemus, siue animatum, siue inanimatum illud existimemus, cum ad hoc quicquid dicatur, parum referat, vt dixit S. Thomas.

- 356 Ad illud, quod dicitur S. Thomam non abhorruisse ab opinione tenente animam Cælum informare, melius responderi non potest, quâ ex eius verbis, quibus quodli-

12. ar. 8. suam mentem propalauit, habetur autem ibi. *Dicendum quod de hoc (scilicet, utrum Cælum sit animatum) diuersimodè sentiunt Doctores Ecclesia, Hieron. enim dicit super Ecclesiastem quod Sol est animatus, Damasc. hoc negat; & hac differentia etiam est apud Philosophos; Plato enim, & Arist. ponunt corpora super cœlestia animata esse, Anaxagoras verò non; & ideo legitur fuisse occisus. Ego autem dico secundum Augustinum 2. super Gen. ad lit. quod non refert ad fidem, utrum sic vel aliter sit; vnde hoc non determinat in Ench. addens quod si ponamus corpora cœlestia esse animata, non ideo erunt in iudicio tres ordines iudicandorum, scilicet Angelorum, Hominum, & Animarum, quia illa Anima computabuntur cum Angelis, & hoc sensisse videtur ille, qui fecit Praefationem, cum dicit, Cœli Cœlorumq; virtutes. Igitur S. Tho. cum S. Augustino se continet in decernendo an affirmare, vel negare debeamus Cælum esse animatum, cum neutra pars ad fidem spectet. Veruntamen S. Tho. opusc. 10. ar. 5. sic locutus est. Vnde nisi moueantur (cœlestia corpora) à Deo immediatè, consequens est, vel sint animata cœlestia corpora, & moueantur à proprijs animabus, vel quod moueantur ab Angelis, quod melius dicitur.*

357 Nec adductus Canon. V. Synodi valet ad probandum esse de fide decisum Cælum non esse animatum; Nam Siluius p. p. cit. negat illum Canonem esse illius generalis Concilij, cui attribuitur à Nicephoro, quod prius dixerant Conimbricenses de Cœlo c. 1. q. 1. art. 2. sed etiam dato, quod fuerit illius generalis Concilij Canon, non probat intentum, nam ut refert idem Nicephorus, Concilium illud damnare intendebat errorem Origenis, qui dicebat, ut ibidem refertur. *Ante corpus ipsum anima est, quæ quidem in Cœlis peccata commiseris, Ad hæc Cælum, Solem, Lunam, Stellæ, & Aquas, quæ supra Cœlos sunt, animatas, & rationabiles quasdam virtutes esse.* Vnde patet Originem intulisse, posito peccato Animarum ante corpora, animas, quæ peccauerunt,

uerunt, fuisse destinatas in pœnam ad informanda corpora cœlestia, ad quod damnandum Concilium edidit illum Canonem, & hoc significat ly, *ad hæc*, quasi diceret Concilium, si quis dicit Cœlum &c. animatas quasdam esse, & materiales, siue rationales virtutes, scilicet, eas, quas in pœnam in Cœlo &c. inclusas Origenes sentiebat, anathema sit. Vndè patet non esse articulum fidei Cœlum esse inanimatum, nec Augustini dictum, cui se conformat S. Tho., quo negat id ad fidem pertinere, falsum esse, nec opinionem Hieronymi aliorumq; SS. Doctorum, quos designatis locis recenset Graulina Præscript. Tom. 3. p. p. pag. 286. quæ statuit

Cœlum animatum, hæreticam censendam esse, vel erroneam. Non desunt tamen graues Authores moderni, qui eam nota temeritatis afficiunt, à quibus S. Tho. non dissentiret, sed, ne SS. Patrum dicta notaret, explicitum suspendit assensum.



Ange-

XLV.

- 1 *Angelos simul cum creatura corporea non fuisse creatos dicere non est erroneum.*
- 2 *Angelos cum creatura corporea non fuisse creatos dicere est erroneum.*
- 3 *S. Thomæ doctrinæ veritas.*

Conclusio S. Thomæ.

Angelos simul cum creatura corporea non fuisse creatos dicere non est erroneum.

358



T A S. Tho. p.p. q. 61. ar. 3.
in cor. per hæc verba.
Circa hoc inuenitur duplex SS. Doctorum sententia; illa tamen probabilior videtur, quod Angeli simul cum creatura corporea sint creati. Angeli enim sunt quædam pars Vniuersi &c. nulla autem pars perfecta est à suo toto se-

parata; non est igitur probabile vt Deus, cuius perfecta sunt opera, vt dicitur Deut. 32. creaturam Anglicam seorsum ante alias creaturas creauerit, quamuis contrarium non sit reputandum erroneum, præcipue propter

propter sententiam Gregorij Nazianzeni, cuius tanta est in doctrina christiana autoritas, vt nullus vnquam eius dictis calumniam inferre præsumperit, sicut nec Athanasij documentis, vt Hieron. dicit, & opusc. 15. Cap. 17. iterum ait. *Secundum sententiam Augustini simul cum corporalibus creata est spiritalis creatura* &c. sed vt Damasc. dicit in 3. lib. quidam aiunt, quod ante omnem creationem, scilicet, corporalis creature, geniti sunt Angeli &c. neutrum tamen horum asserimus esse sacre doctrina contrariū, quia nimis præsumptuosum videretur asserere Sanctos Ecclesie Doctores à sana doctrina veritatis deuiasse, & de Pot. qu. 3. ar. 18. c. ait, recensita supradicta opinione de creatione spiritalis creatura ante corpoream. *Hac autem opinio cum fuerit magnorum Doctorem, Basilij, Gregorij Nazianzeni, & quorundam aliorum, non est tanquam erronea reprobanda, sed si diligenter consideretur, alia opinio, quæ est Augustini, & aliorum Doctorem, quæ etiam modò communiter tenetur, rationabilius inuenitur.* Idem innuit 2. d. 2. q. 1. ar. 3. in cor.

Conclusio, quæ censetur S. Thomæ opposita.

Angelos cum creatura corporea non fuisse creatos dicere est erroneum.

359 **I**Ta definitum fuisse videtur in Conc. Lateranensi sub Innoc. III. & habetur in Decretalibus Cap. *Firmiter de Sum. Trinit. & fide cathol. per hæc verba. Creator omnium visibilium, & invisibilium, spiritualium, & corporalium, qui sua omnipotentis virtute simul ab initio temporis, utramque de nihilo condidit creaturam spiritualem, & corporealem, Angelicam, videlicet, & mun-*

mundanam. Ex hac Decretali sumpta ex generalis Concilij decisione argumentantur aliqui esse sententiam fidei catholicæ conformem, & per Ecclesiam determinatam, quod Angeli non sint producti antè creaturam corpoream, inter eos [Ferrar. 2. c. g. Cap. 83. in fin. Melch. Cano, & Soto Maior apud Bannes p. p. qu. 61. ar. 1. nec defunt, qui, vt excusent D. Thomam, dixerint ipsum non vidisse Decretalem supradictam, quamuis inter eius opuscula recenseatur 23. quo illam Decretalem interpretatur; illud tamen opusculum non esse D. Thomæ existimant, quos suppresso nomine citat Caietanus in Comment. eiusdem quæst. p. p. idem sensisse Melchiorum, Canum refert Bannes vbi supra, sed de locis Lib. 5. Cap. 5. q. 4. in meo volumine id dixisse non inuenio, dum de hac re ageret ex professo; cum ergo illa opinio de productione Angelorum ante corpora sit contra Concilij Generalis decisionem, erit erronea; errauit igitur S. Thomas, dum docuit erroneam non esse.

S. Thomæ doctrinæ veritas :

- 360 **C**ertum est S. Doctorem sententiam docentem Angelos simul cum creatura corporea in initio temporis creatos fuisse existimasse probabiliorem, & veram; immò oppositam dixit p. p. q. 61. ar. 1. non esse probabilem his verbis. *Non est igitur probabile ut Deus &c. creaturam Angelicam seorsum ante alias creaturas creauerit.* Nullam tamen illi oppositæ sententiæ notam censuræ Theologicæ adiunxit; quamuis mihi certum sit S. Doctorem vidisse, & interpretatum fuisse Decretum illud Cap. *Firmiter*; nam Decretalium Liber iam tunc erat iuris publici, & tanto Doctori, cui nullum scriptorum genus latuit, latere non poterat, quod patet insuper; cum ex eo pluries in summa varias Constitutiones allegauerit, videlicet, 1. 2. qu. 96. ar. 5. c. 22. qu. 11. ar. 4.

ar. 4. in arg. s. c. qu. 12. ar. 2. q. 69. ar. 2. qu. 78. ar. 3. in 2. arg. qu. 87. 88. in corp. qu. 89. ar. 7. in 3. arg. qu. 98. ar. 3. in primo arg. & in postremis quaestio-
 bus frequenter 3. p. q. 66. ar. 5. ad quartum ar. 9. ad
 quartum q. 74. ar. 4. in arg. s. c. & 7. ad tertium ar. 8.
 in corp. q. 77. ar. 8. ad primum q. 80. ar. 10. in 5. arg.
 quaest. 83. ar. 2. ad quintum, & ar. 5. ad 10., & alibi.
 Opusculum etiam, quo illud caput interpretatur, com-
 munitur semper fuit eidem S. Doctori attributum, vt
 patet in expressione operum S. Thomae iussu Pij V. edi-
 ta, & emendata; sed quia S. Doctor multum venera-
 batur Sanctos Patres, eorumq; authoritati plurimum
 deferrebat, perpetuo studuit eorum sententias, quas à
 recta fide deuiare, vel cognoscebat, vel suspicabatur,
 excusare, seu ita explicare, vt & sententia catholica
 inconcussa permaneret, & SS. Patrum existimatio ex
 verborum sonitu non periclitaretur: Agebatur hic de
 sententia SS. Doctorum, Gregorij Nazianz, Basilij,
 Hieron., Ambrosij, aliorumq; magni nominis, & san-
 ctitatis virorum, modestissimus S. Doctor putauit nimis
 praesumptuosum esse dicere tot Sanctos Doctores iudi-
 cio Ecclesiae à fide deuiasse; ideoq; in opusc. praedicto
 interpretatus est Concilij Generalis intentionem fuisse,
 non quidem damnare opinionem dicentium Angelos an-
 te mundum corporeum esse creatos; cum id tantum-
 obiter, & aliud agens dixerit, sed voluerit profiteri
 dogma fidei contra damnatum iam errorem Origenis,
 qui ponebat Angelos de principali Dei intentione fuisse
 productos ante corpora, sed quibusdam eorum peccan-
 tibus, postea per accidens creatum esse mundum cor-
 poreum, non quia bonum esset illum creare, sed vt crea-
 turis corporalibus tanquam quibusdam vinculis spiri-
 tuales substantiae alligarentur, quam S. Thomae expli-
 cationem approbarunt omnes ferè Scholastici, praecipue
 ex nostris Caiet. p.p. cit. Sixtus Senensis, Biblioth. San-
 ctae lib. 5. amot. 5. & ex Societ. Vasquez, Arubal, Gra-
 nado, Alarcon, & alij, quos congeffit Io: de S. Thom.
 loco

361

362

loco mox adducendo; tamen quidam Theologi illi opinionioni de creatione Angelorum ante mundum notam temeritatis adiunxerunt, vt ex nostris Bannes loco cit. ex p. p. vbi dicit hanc esse communem sententiam modernorum Theologorum, & Cano de locis lib. 5. vbi supra; ex Societ. verò Molina in p. p. q. 61. ar. 2. Suarez de Angelis lib. p. cap. 3. num. 15. Valentia Tomo p. q. 12. pun. 2. noster Io: de S. Tho. p. p. Tomo 2. disp. 19. ar. 1. tantum dixit illam opinionem hodiè vix aliquid probabilitatis habere, sed S. Thomas pro sua in SS. Doctorum reuerentia, ab omni censura abstinuit. Igitur perspicuum est S. Thomam, ideò dixisse opinionem.

illam non esse erroneam, quia Ecclesiæ definitioni

expressè adhuc non repugnat iuxta explanationem ab eodem S. Tho. traditam, &

communi Ecclesiæ sensu receptam,

vt loquitur Suarez loco cit.

n. 14. vnde iure potuit

vsu illius cautelæ

famæ tot San-

ctorum,

doctissimorumq; Patrum pro

sua pietate, & reue-

rentia consu-

lere.



XLVI.

- 1 *Sententia S. Thomæ de unitate formæ substantialis in homine, teste Ochamo, scandalosa fuit olim in Anglia. Immo & apud facultatem Parisiensem. Insuper erat Articulus xiv. quintæ partis erronei libelli de Euāgelio æterno, damnatus per Alexandrum IV.*
- 2 *S. Thomæ doctrinæ veritas.*

Conclusio D. Thomæ attributa.

Sententia S. Thomæ de unitate formæ substantialis in homine, teste Ochamo, scandalosa fuit olim in Anglia. Immo & apud facultatem Parisiensem. Insuper erat Articulus xiv. quintæ partis erronei libelli de Euangelio æterno, damnatus per Alexandrum IV.

363



TA legitur in Nitela Franciscana pag. mihi 46. dum Fr. Dermicius Thadeus Minorita, adductis pluribus opinionibus S. Tho. in quibus, inquit, cōmuniter nō tenetur eius sentētia, S. Doctoris doctrinā in Ecclesia catholica summis laudibus elatam deprimere conatur.

S. Tho-

S. Thomæ doctrinæ veritas.

364 **C** Vi ita respondet Io: de S. Thom. in vestibulo sui Comment. in p. p. summæ in Approbatione doctrinæ S. Thomæ disp. 2. art. 5. Hæc Propositio. *In homine est tantum una forma*, est expressa D. Thomæ (scilicet, p.p. qu. 76. ar. 3. 2. c. g. Cap. 58. quæst. vn de An. art. 11. quodl. primo ar. 6. quodl. 11. ar. 5. opusc. 3. p. p. Cap. 90. 91. 92.) & communis inter Authores, & a nobis probata in lib. de An. quæst. 1. S. Doctor in opusc. 72. quod est de Concordantijs inquit, *quod verò de unitate formæ in diuersis locis diximus, necessarium credimus, & eius contrarium impossibile, sed de hoc, qui in uno loco nos respexit, non statim sententiam ferat, cum multa in unum contulerit, inconueniens reperiet.*

365 Opinionem Och., quæ ponit. in homine plures animas formas substantiales corporis, esse saltim temerariam tenent nonnulli Doctores, qui super p.p. S. Tho. quæst. 76. art. 3. scripserunt.



XL VII.

- 1 *Summus Pontifex non potest committere Sacerdoti non Episcopo quod conferat Subdiaconatum, Diaconatum, & Sacerdotium.*
- 2 *Summus Pontifex potest committere Sacerdoti non Episcopo quod conferat Subdiaconatum, Diaconatum, & Sacerdotium.*
- 3 *S. Thomæ doctrinæ veritas.*

Conclusio S. Thomæ attributa.

Summus Pontifex non potest committere Sacerdoti non Episcopo quod conferat Subdiaconatum, Diaconatum, & Sacerdotium.

366



I T A S. Tho. 4. d. 25. q. 1. ar. 1. ad tertium per hæc verba. Nec iterum Sacerdos (non Episcopus ex Papæ commissione potest conferre) maiores Ordines, qui habent immediatâ relationem ad Corpus Christi, supra quod consecrandum Papa non habet maiorem potestatem quam simplex Sacerdos. Sed Ordines maiores consentur esse Ordini.

Ordines sacri, videlicet, Subdiaconatus, Diaconatus, & Sacerdotium ex Cap. *A multis* De etate, & qualitatibus, & Ord. præficiend. ergo in sententia S. Thomæ Papa non potest committere Sacerdoti non Episcopo, quod conferat Subdiaconatum, Diaconatum, & Sacerdotium.

Conclusio, quæ censetur S. Thomæ opposita.

Summus Pontifex potest committere Sacerdoti non Episcopo quod conferat Subdiaconatum, Diaconatum, & Sacerdotium.

367 **P**robatur de Sacerdotio; nam Conc. Antiochenum Can. 10. sic statuit de Corepiscopis, qui erant simplices Sacerdotes. *Constituere autem his permittitur Lectores, & Subdiaconos, atque Exorcistas, quibus sufficiat istorum tantum graduum licentiam accepisse, non autem Presbyterum, non Diaconum audeant ordinare præter conscientiam Episcopi Civitatis, vel Ecclesie, cui adiacens inuenitur.* Ergo simplices Sacerdotes ex huius Concilij autoritate poterant constituere Subdiaconos; Diaconos verò, & Presbyteros ordinare non poterant præter conscientiam Episcopi, ex quo inferitur, quod cum conscientia Episcopi potuissent etiam Diaconum, & Presbyterum ordinare.

Probatur secundo, quia Eugenius Papa IV. dixit in Decreto pro Armenis, Episcopum esse ministrum ordinarium Sacramenti Ordinis; ergo ex commissione Papæ Sacerdos non Episcopus poterit esse minister omnium Ordinum, etiam Presbyteratus; cum non sit major

maior ratio vnius quam alterius . Ita Diana par. 8. resol. 36. sequuntur quosdam paucos Doctores , qui fuerunt huius opinionis .

Probatur de Diaconatu eadem Concilij Antiocheni autoritate , & insuper , quia si conceditur simplici Sacerdoti ordinare Presbyterum , multo magis concedenda est ei autoritas ordinandi Diaconum . Præterea eadem est ratio de Diaconatu , & Subdiaconatu , sed vt dicemus , Sacerdos non Episcopus ex commissione Papæ potest conferre Subdiaconatum ; ergo & Diaconatum .

Tandem probatur ex praxi Abbatum Cistercij , quæ innitur Privilegio illis concessio ab Innoc. VIII. conferendi Diaconatum , cuius praxis , & priuilegij fides est apud Caramuelem , quem adducit , & sequitur Diana vbi supra resol. 35.

Probatur de Subdiaconatu ex Concilij Antiocheni adducta autoritate , & ex priuilegijs à Summis Pontificibus concessis Abbatibus hunc Ordinem conferendi , de quibus priuilegijs dubitari non potest , cum Ledesma de eorum existentia certus factus fuerit Parisijs , vt ipse scripsit , & Victoria ea vidisse testetur . Cum igitur ex horum grauium Virorum asserione constet de priuilegiorum veritate , quis audebit dicere Summos Pontifices in hoc suam excessisse potestatem , & concessisse , quod concedere non poterant . Ita Doctores , quos congerit Diana vbi supra resol. 34.

S. Thomæ doctrinæ veritas .

368 **N**Vnquam S. Tho. dixit Sacerdotem non Episcopum ex commissione Papæ conferre non posse Subdiaconatum , sed tantum asseruit scribendo super illam dist. 25. 4. sent. conferre non posse maiores Ordines , qui habent immediatam relationem ad Corpus Christi ; hi autem maiores Ordines in eius sententia sunt

sunt tantum Diaconatus, & Sacerdotium; Subdiaconatus enim, quamvis ab Innocent. III. in illo Cap. *A multis* inter Sacros Ordines fuerit collocatus, ideoque inter Maiores Ordines numeretur, non habet immediatam relationem ad Corpus Christi, sed ad Vasa consecrata.

- 369 Probat, S. Tho. 4. d. 24. q. 2. ar. 1. q. 3. sic ait. *Ordo Sacer dicitur, qui habet aliquem actum circa rem aliquam consecratam, & sic sunt tantum tres Ordines Sacri, scilicet Sacerdos, & Diaconus, qui habet actum circa Corpus Christi, & sanguinem consecratum, & Subdiaconus, qui habet actum circa Vasa consecrata,* & ar. 3. ad quintum iterum ait. *Sacerdos enim directè habet potestatem super Corpus Christi, Subdiaconus autem super Vasa tantum, sed Diaconus super Corpus in Vase consecratum: Unde eius non est tangere Corpus Christi, sed portare Corpus Christi in Patena, & dispensare Sanguinem cum Calice.* Igitur per S. Thomam simplex Sacerdos ex commissione Papæ conferre non potest illos Maiores Ordines, qui relationem immediatam habent ad Corpus Christi, sed Subdiaconus non habet hanc immediatam relationem ad Corpus Christi, sed tantum ad Vasa consecrata, & habet actum solum super Calicem, non super contenta ex S. Tho. ibidem ar. 2. ad 6. Diaconus verò, cuius actus, ut ait S. Doct. est circa Corpus Christi consecratum, & Sacerdos, qui habet directam potestatem super Corpus Christi, habent immediatam relationem ad Corpus Christi. Ergo in sententia S. Thomæ tantum hos duos Maiores Ordines, Diaconatum, scilicet, & Sacerdotium conferre non poterit Sacerdos non Episcopus ex Papæ commissione: de Subdiaconatu autem non inuenitur S. Tho. id aliquando negasse.

- 370 Sententia S. Thomæ, quæ non agnoscit in Summo Pontif. potestatem committendi Sacerdoti non Episcopo ordinare Presbyteros, & Diaconos, est ferè communis, ita ut dixerit Bellarm. Cont. Tomo 3. de Sac. Ord.

Ord. Lib. primo C. p. 11. *Cum nunquam Ecclesia agnoscerit Presbyteros, vel Diaconos nisi ab Episcopis ordinatos.*

- 371 Ratio D. Thomæ aptissima est ad id persuadendum, nam Papa, inquit S. Doctor, non habet maiorem potestatem super Corpus Christi consecrandum, vel consecratum, quam simplex Sacerdos; Ergo non potest simplici Sacerdoti committere, ut conferat Ordines, qui habent immediatam relationem ad Corpus Christi sic acceptum, sed Sacerdos habet immediatam relationem ad Corpus Christi, quia illud consecrat, & Diaconus ad idem Corpus, quod consecratum gestat, & dispensat, ut dictum est. Ergo non potest Papa committere simplici Sacerdoti, quod conferat hos duos Ordines.
- 372 Ad autoritatem Concilij Antiocheni respondetur primo, Canones illius Concilij semper fuisse apud orthodoxos suspectos, ut potè ab Arianis editos, & collectos, ut notavit Baronius anno 341. Insuper illa verba: *præter conscientiam Episcopi*: non habentur in omnibus translationibus, nec leguntur in summa Conciliorum nostri Caranzæ, sed eis admisis ut adducuntur, adhuc Canon non prodest aduersarijs, cum Corepiscopus ibi Concilium dicat ut Episcopos, quod non demonstrat eos non Episcopos, quasi ly *ut* sit particula diminutiva, quod putavit Vasquez apud Dianam ubi supra, sed significat eos Episcopos, & ut tales Ordines conferre permisos in alienis Diœcesibus; Corepiscopi enim erant quidem Episcopi Ordine, & dignitate, sed in alienis Diœcesibus commorabantur, cum nullam haberent sibi designatam Diœcesim. Ita Siluius in Suppl. ad 3. p. quæst. 38. art. 1. ad tertium, & Bellarm. ubi supra cap. 7.
- 373 Priuilegia quoq; Summorum Pontificum, quæ adducuntur, apocrypha reputantur à Doctoribus; nunquam certè visum est talem potestatem Romanum Pontificem dedisse, inquit Azorius Inst. Mor. par. 2. lib. 3.

lib. 3. cap. 48. §. *Decimofexto quaritur.*

374 Tandem negamus non esse maiorem rationem ad-
mittendi in simplici Sacerdote potestatem delegatam
conferendi Ordinem Subdiaconatus, quam Diacona-
tus, & Sacerdotij; Nam, vt diximus, duo hi poste-
riores Ordines habent relationem immediatam ad
Corpus Christi, subdiaconatus verò tantum ad Vasa
consecrata; ideoque fortasse antiquitus inter Sacros
Ordines Subdiaconatus non numerabatur, vt constat
ex illo Cap. *A multis*, quod Innoc. III. condidit; &
pluribus adductis obseruauit Barbosa in Collectanea
Decreti dist. 60. Cap. *Nullus in Episcopum §. Sacros
autem Ordines.*

375 Hinc patet Episcopum à Conc. Florent. appellatum
fuisse ministrum ordinarium Sacramenti Ordinis in hoc
sensu, quod aliquos Ordines ipse solus de Iure diuino
conferre possit, nec possit id alteri non Episcopo dele-
gari, quod de Ordine Episcopatus constans, & indubia
sententia est apud omnes, nec Diana illa resol. 36. id in
sua latitudine negauit, de Diaconatu, & Sacerdotio
quoque Sac. Conc. idem iudicasse suadet euidentè, &
ratio S. Thomæ, & autoritas ferè omnium Docto-
rum, qui vsque ad illud Concilij tempus scripse-

rant, & quod Ecclesia alios Diaconos, &

Presbyteros non cognouisset, sicut nec

vsque modo cognouit, nisi ab

Episcopis ordinatos, vt

Bellarmin. in Anti-

quis Eccle-

sia

legibus, & moribus

versatissimus

testatus

est.

XLVIII.

- 1 *Sacerdos excommunicatus non potest ministrare Sacramentum Pœnitentiæ in articulo mortis .*
- 2 *Sacerdos excommunicatus potest ministrare Sacramentum Pœnitentiæ in articulo mortis .*
- 3 *S. Thomæ doctrinæ veritas .*

Conclusio , quæ censetur S. Thomæ .

Sacerdos excommunicatus non potest ministrare Sacramentum Pœnitentiæ in articulo mortis .

376



T A S. Thom. 4. d. 19. qu. 1. art. 2. qu. 3. per hæc verba : *Vndè cum Ecclesiæ hæreticos, & Schismaticos, & alios huiusmodi priuet subtrahendo subditos , vel simpliciter , vel quantum ad aliquid , quantum ad hoc , quo priuati sunt , non possunt usum clauium habere .*

Item 3. p. quæst. 82. art. 7. ad secundum ait S. Tho. *Solus Baptismus permittitur esse ratus hæreticis , & Schismaticis , quia possunt licitè baptizare in articulo necessitatis ; in nullo autem casu licitè possunt Eucharistiam*

*fiam consecrare, vel alia Sacramenta conferre: Ergo
nec Sacramentum Pœnitentiæ in articulo mortis.*

**Conclusio, quæ censetur S. Thomæ
opposita.**

***Sacerdos excommunicatus potest mini-
strare Sacramentum Pœnitentiæ
in articulo mortis.***

377 **I**ta Sac. Conc. Trident. sess. 14. cap. 7. ait enim ibi :
*In Ecclesia Dei custoditum semper fuit, ut nulla sit
reservatio in articulo mortis, atq; adeo omnes Sacerdo-
tes, quoslibet pœnitentes, à quibuscumque peccatis, & cen-
suris absolvere possunt: idem docuit etiam ipse S. Tho.
4. d. 20. q. 1. ar. 1. q. 3. per hæc verba: Quilibet Sacerdos
quantum est de virtute clauium habet potestatem indis-
ferenter in omnes, & quantum ad omnia peccata; sed
quod non possit omnes ab omnibus peccatis absolvere, hoc
est, quia per ordinationem Ecclesia habet iurisdictionem
limitatam, vel omnino nullam habet; sed quia necessitas
legem non habet; ideo quando articulus necessitatis im-
minet, per Ecclesie ordinationem non impeditur quin
absolvere possit, ex quo habet claves etiam sacramenta-
lies, & tantum consequitur ex absolutione alterius,
sicut si à proprio Sacerdote absolueretur. Nec solum à
peccatis potest tunc à quolibet Sacerdote absolui, sed etiã
ab excommunicatione à quocumque sit lata; quia hæc ab-
solutio etiam ad iurisdictionem pertinet, qua per legem
ordinationis Ecclesia coarctatur. Gratiado apud Dia-
nam par. 8. Tract. p. resol. 92. innuit S. Thomæ illam
sententiam expressam in priori Conclusionis modo post
Tridentinum sustineri non posse.*

S. Thomæ doctrinæ veritas.

378 **V** Eruntamen S. Tho. semper docuit, quod Conc. Tridentinum postea suis Decretis sanxit; nam in 4. d. 19. ubi supra duo dixit, primo Ecclesiam subtrahere ab excommunicatis Sacerdotibus subditos, secundum per hoc priuare eos vsu clauium, ex quibus deducit quantum ad hoc quod priuati sunt, non posse vsu clauium habere, in dist. 20. postea loco cit. ait: Ecclesiam non subtrahere vsu clauium Sacerdotibus excommunicatis in articulo mortis, sic enim loquitur: *ideo, quando articulus necessitatis imminet, per Ecclesie ordinationem non impeditur, quin (Sacerdos excommunicatus) absolueret possit*: Ergo in sententia S. Thomæ Sacerdotes excommunicati non priuantur in articulo mortis vsu clauium, & iurisdictione absoluendi.

379 Ad illud, quod adducitur ex 3. p. in contrarium, respondemus ibi S. Thomam exponere, quod dixerat Innocentius Papa, & habetur 1. qu. 1. Cap. *Arianos*, dixerat Pontifex: *Arianis solum baptisma ratum esse permittimus*: hoc inquit S. Tho., ita exponendum est: *solum Baptismus permittitur esse ratum hæreticis, & Schismaticis, quia possunt licite baptizare in articulo necessitatis. In nullo autem casu licite possunt Eucharistiam consecrare, vel alia Sacramenta conferre*: in eo, scilicet, sensu, quo Pontifex loquebatur, nam Pontifex, inquit S. Thom. ibi, ratum dixit, non quod validum, sed quod licitum significat, & est eius sensus, per Ecclesiam excommunicatis non permittitur licite, hoc est, manendo in statu impœnitentis, nec saltem in corde pœnitendo; alia Sacramenta conferre, sicut permittitur baptizare. Vnde ex mente S. Thomæ cetera Sacramenta, quæ in articulo necessitatis conferunt excommunicati, valida sunt, sed non licite in sensu iam dicto collata, quod explicat Siluius in Commentario
illius

illius articuli 7. q. 82. 3. p. per hæc verba : *Dicendum ergo videtur, quod hæretici, & Schismatici possint in articulo necessitatis licitè baptizare, etiamsi tales maneat, & impœnites, nullum autem aliud Sacramentum possint licitè conferre, nisi saltèm in corde pœniteant, quia in aliorum Sacramentorum administratione necessarium est, quod se exhibeant ut ministros Christi ad hoc specialiter deputatos, & consecratos; & ideo debent se illi conformare per veram cordis conversionem, ut ostensum est art. 6. q. 64. In administratione verò Baptismi tempore necessitatis possunt agere, non ut persona ad hoc deputata, sed ut subservientes necessitati.*

- 380 Ioannes de S. Tho. in approbatione doctrinæ S. Thomæ, quæ legitur in primo Tom. Comm. eius in p. p. disp. 2. art. 4. sequentes propositiones adducit S. Thomæ attributas. Eiusdem Ioannis verbis transcriptis, quibus doctissime S. Doctoris mentem expressit, obiecta confutabimus.

Deus futura libera solum coniecturaliter cognoscit.

- 381 **E**st mera calumnia, cum expressè D. Thomas p. p. q. 14. art. 13. probet Deum intuitivè, & certò videre futura contingentia in seipsis, & non solum in sua causa.

Futura conditionata nō cognoscit Deus nisi per coniecturam.

- 382 **N**visquam hoc dixit S. Thom. sed neque Thomistæ, qui de hac re agunt, dixerunt Deum per coniecturam ea cognoscere ex parte cognoscentis, sed obiecta.

Est ipsa conditionata ex præcisa natura sua omnis ante decretum Dei non fundare certam notitiam, sed coniecturalem quantum est de se, quia non habent de se determinatam veritatem, sed indifferentiam ad unam, vel alteram partem. Unde ad veritatem determinandam in conditionatis, quando non apponitur concitio necessaria, seu necessitatem inferens, sed de se indifferens, & cum qua potest stare oppositum, oportet quod vel succurratur Decreto diuino eius determinatio, vel ipsa conditionalis veritas firmetur tanquam ex conditione ex ipso Decreto, vel ex eius efficacia; sublato autem omni Decreto, seu determinatione Dei, res manet incognoscibilis certo, & determinate ex se, sed coniecturaliter; licet Deus coniecturaliter non cognoscat, quia Decreto utitur ad determinandam illam veritatem, de qua dicemus infra quæst. 14. agentes de diuina scientia.

Merita non reuiuiscunt.

- 383 **C**Alumniosè obijcitur, nam 3. p. q. 89. art. 5. oppositum determinat. De modo verò quo reuiuiscant, an in tota sua quantitate statim, an in minori iuxta dispositionem poenitentis; & casu quod non tota quantitas statim detur, an alio tempore detur in hac vita, vel in morte, S. Tho. non determinat, sed iuxta varias opiniones etiam inter Thomistas variè sentitur, ut citato loco dicitur, & ibi videri potest Mag.

Nuno, & Barnes in relectione de augmento charitatis, & 2. 2. quæst. 24. art. 6.

quod verò in substantia merita

reuiuiscant expresse dicit S. Thom.

ibi.

Non

Non pertinet ad articulum fidei Deum esse.

384 **N**on distinguitur hic sensus D. Thomæ, sed diminutè refertur, *Deum esse*, prout demonstratur ratione naturali, & attingitur etiam sine fide, dicit D. Thom. non esse articulum fidei, sed præambulum ad fidem, p. p. q. 2. ar. 2. ad primum *Deum esse*, vt supernaturalis author cum omnipotentia, & omnium providentia, & alijs, quæ ratione naturali non probantur, esse articulum fidei docet in qu. 14. de verit. ar. 9. ad octauum, & quod sic sit principale credibile, in quo alia credibilia continentur, docet 2. 2. qu. 1. art. 7. Manifestari tamen multa per fidem etiam quoad ea, quæ naturali ratione de Deo possunt cognosci, vt de facili etiam ab his, qui demonstrationes nesciunt, cognosci possint, docet D. Tho. p. p. q. 1. art. 1, & primo c. g. Cap. 4. & 6.

Formale vnionis hypostaticæ est quædam fictio.

385 **I**psa obiectio est mera fictio; nam 3. p. qu. 2. art. 7. sic dicit D. Thomas: *Hæc unio, de qua loquimur, non est in Deo realitèr, sed secundum rationem tantum; in humana autem natura, quæ creatura quædam est, realitèr est, & ideo oportet dicere, quod sit quiddam creatum*. Nullus autem ita insanus est, vt velit vnionem temporalem ponere realitèr existentem in Deo, cum sit immutabilis, sed solum in creatura realitèr ponitur. An verò ista unio sit solum relatio, an modus aliquis absolutus medians inter humanitatem, & Verbum, an aliquid aliud, diuersa quæstio est, in quo variant

riant Authores , & suo loco explicabitur , sufficit dicere, quod secundum D. Thomam non est aliquid fictum, sed reale , vt tenet se ex parte humanitatis , *Hucusque Ioannes de S. Thoma* , ad errores S. Thomæ attributos. Idem Author ibidē egregiē dilucidat sententias S. Doctoris , quas aduersarij fatentur non esse errores, sed dicunt iam communiter à Doctoribus improbari .

386 De quibusdam Articulis Parisiensibus editis contra doctrinam S. Thomæ agit Grauina Cath. Præscript. Tomo 3. p.p. pag. 271. quos narrat reijci validis responsionibus à F. Ioanne de Neapoli in m. s. Bibliothecæ Conuentus Neapolitani S. Dominici, quas responsiones etiam transcribit pag. 278. sed omittendi à nobis erant; futes enim sunt , & circa errores Auerrois versantur ; qui iam ab hominum memoria abierunt, nec S. Thomæ nisi euidenti mendacio possunt imponi .

387 Scripsit S. Thomas *opusculum contra errores Græcorum, & Catenam Auream in Sanctos Euangelistas, Mattheum, Marcum, Lucam, & Ioannem* , in quibus operibus adducit piures Conciliorum, & Patrum, autoritates , quidam expedientes has Conciliorum, & Patrum adductas autoritates , eas dicunt se comprehendisse , vel ab originalibus discrepantes , vel nullibi existentes , quapropter sugillant S. Doctorem de his duobus grauissimis erratis , videlicet , & quod Conciliorum, & Patrum autoritates deprauauerit, & quod eis aliquas attribuerit, quas nunquam dixisse certum esse putant .

388 Vtrumq; falsissimum est, & Primo falsum est S. Thomam deprauasse , vel effinxisse autoritates Conciliorum, & Patrum in suo *opusculo contra errores Græcorum* . Nam multa ex Conciliorum gestis nobis deesse, certum est, & Patrum Græcorum opera, quæ apud nos modo sunt, quædam imperfecta esse comprehenduntur , vt in specie de Cyrilli Alexandrini operibus ingenue fatentur , Bellarm. de Script. Eccles. & Posseuinus in App. Sac. , quæ tamen ad manus S. Thomæ integra, & per-

& perfecta fortasse peruenerunt, vnde in dicto opusculo. & in 4. d. 24. q. 3. art. 2. qu. 3. in 2. arg. s. c. quædam adduxit S. Doctor pro Sum. Rom. Pontif. ex Cyrilli Thesaur. libris, quæ tunc in illis verè extitisse nemo dubitare potest, vt probant Posseuinus vbi supra, & Bellarm. lib. secundo de Romano Pont. cap. 15. sed tamen modò in eis non leguntur: Preterea S. Doctor ibi illas auctoritates Patrum adduxit, quas legerat in Volumine sibi ab Urbano Papa IV. transmissò, & eas expendit eo modo formatas, sicut in eodem Volumine referebantur. Urbanus verò cum à S. Doctore exigeret vt illas Patrum auctoritates, prout in transmissò Volumine legebantur, exponeret, ipse, vt Pontificijs iussis satisfaceret, sollicitus esse non debuit an in authographis inuenirentur, vel eo modo, quo afferebantur, essent ibidem expressæ.

Patet hanc fuisse ipsissimam S. Thomæ mentem ex verbis, quibus Sum. Pontifici rescripsit, & sunt quæ sequuntur: *Libellum ab excellentia vestra mihi exhibitum, Sanctissime Pater Urbane Papa, diligenter perlegi, in quo inueni quamplurima ad nostræ fidei assertionem utilia, & expressa: Consideraui autem, quod eius fructus possit apud plurimos impediri propter quædam in auctoritatibus SS. Patrum contenta, quæ dubia esse videntur; & unde possent materiam ministrare errorum, & contentioni dare occasionem, & calumnie; & ideo vt remota omni ambiguitate ex auctoritatibus in prædicto libello contentis vera fidei fructus purissimus capiatur, proposui primo ea, quæ dubia esse videntur in auctoritatibus prædictis, exponere, & postmodum ostendere quomodo ex eis veritas catholica fidei, & doceatur, & defendatur.*

Si igitur in opusculo prædicto essent aliquæ auctoritates Patrum, vel vitiatæ, vel in eorum operibus non-existent, nullus prorsus ex hac causa error in S. Doctorem declinari potest; cum verè in Volumine sibi transmissò eo modo, quo eas exhibet legerentur, quas

Ll

Pon-

Pontifici Sum. obsequens, interpretatus est, & ingeniosè studio suo, cum dubia in fide aliqua continerent, ut catholicæ fidei non obessent, sed potius deferuissent, in recto, & catholico sensu explicauit.

- 389 Quod verò pertinet ad ea, in quibus in *Catena Aurea* S. Thomam errasse fingitur, diluit euidentè ipse S. Doctor in sua Epistola dedicatoria ad Urbanum IV., cuius commissione eandem Catenam edidit, in qua, ut ipse ait, ex diuersis Doctorum libris Euangelium Matthæi (deinde aliorum trium Euangelistarum ut patet) expositionem continuam compilauit; Vnde antiquitùs hæc Catena *Continuum* appellabatur; In illa enim Epistola S. Tho. ita scripsit: *Sed & in SS. Doctorum dictis hoc adhibui studium, ut singulorum autorum nomina, nec non in quibus habeantur libris assumpta, testimonia describantur, hoc excepto, quod libros, & expositiones supra loca, quæ exponerentur, non oportebat specialiter designari &c. In assumendis autem Sanctorum testimonijs, plerumq; oportuit aliqua rescindi de medio ad prolixitatem vitandam, nec non ad manifestatiorem sensum, vel secundum congruentiam expositionis litteræ ordinem commutari. Interdum etiam sensum posui, verba dimisi, præcipue in Homiliario Chrysostomi, propter hoc, quod est translatio vitiosa:* Ex his apodicticè patet S. Thomam fidelissimum fuisse in adducendis in Catena Sanctorum Patrum autoritatibus, quæ si aliquando eorum authographis non correspondent in verbis, id S. Doctor consultò se fecisse dicit; iudicauit enim dimittere verba, & ponere sensum, maximè, vbi translatio erat vitiatà; Si verò quandoque aliqua reiecit, in causa fuit, ut ipsemet ait, ut prolixitatem vitaret, & manifestatiorem sensum authoritati faceret, tandem si comprehendatur ordinem commutasse, hoc congruentia expositionis ipso iudice exigebat. Concluditur ergo S. Doctorem in opusculo contra errores Græcorum, & in *Catena Aurea* de nullo prorsus errore notari posse, eaque omnia,

Prima Pars. Errores Iansen. improbat. 267
omnia, quæ quidam obtundunt, ipsum præuidisse,
& rationem, quare ea præstiterit, plenissimam obtre-
tatoribus reddidisse.

Errores Ianseniani.

A S. Thoma improbat, & damnati.

- 390 **I**nnoctius X. pridie Kalendas Iunij 1653. damna-
uit, & anathematizauit quinque Propositiones,
quas Cornelius Iansenius Episcopus Irensis tradi-
derat in quodam suo opere impresso, cui Titulus *An-*
gustinus, easdem S. Thomam improbasse, & damnasse
in suis libris locis indicatis infra demonstrabimus; inde
palàm fiet iuxta Pontificium oraculum Pij V. in litte-
ris, quæ incipiunt *Mirabilis*, S. Doctoris vi, & veri-
tate doctrinæ, hæreses etiam deinceps exortas, ex eo
tempore, quo cœlestibus Ciuibus ascriptus fuit, con-
fusas, & conuictas dissipari.

Prima Propositio.

- 391 **A**liqua Dei præcepta hominibus iustis volentibus,
& conantibus, secundum præsentis, quas habent
vires, sunt impossibilia; Deest quoque illis gratia, qua
possibilia fiant.

Hanc Propositionem Sum. Pont. declarauit esse Te-
merariam, Impiam, Blasphemam, anathemate dam-
natam, & hæreticam, & vti talem ipse damnauit: Vide
Sac. Conc. Trid. sess. 6. cap. 18. & Can. 18.

Eandem S. Thomas improbauit, & damnauit 1. 2.
q. 109. art. 4. ad secundum per hæc verba: *Illud, quod*
possumus cum auxilio diuino, non est nobis omnino im-
possibile, secundum illud Philosophi in 3. Ethic. quæ

Ll 2

per

per amicos possumus, aliquammodo nos possumus. Unde Hieron. ibidem (hoc est ad Damasum) confitetur sic nostram liberam esse arbitrium, ut dicamus nos semper indigere Dei auxilio: & de verit. qu. 24. art. 14. ad primum iterum sic ait: Illud, quod precipit Deus, non est impossibile homini ad seruandum, quia & substantiam actus potest ex libero arbitrio seruare, & modum, quo eleuatur supra facultatem naturæ, prout scilicet fit ex charitate, potest seruare ex dono gratiæ, non ex solo libero arbitrio: & ad secundum tandem improbat posteriorem Propositionis partem per hæc verba: Rectè homo corripitur, qui præcepta non implet, quia ex eius negligentia est, quod gratiam non habeat, per quam seruare potest mandata quantum ad modum, cum possit nihilominus per liberum arbitrium ea seruare quantum ad substantiam.

Secunda Propositio.

*Interiori gratiæ in statu naturæ lapsæ
nunquam resistitur.*

392 **H**anc Propositionem Sum. Pontifex hæreticam declarauit, & uti talem damnauit: Vide Sac. Conc. Trid. sess. 6. Cap. 5. & Can. 4. & 8.

Eandem damnauit, & improbauit S. Tho. q. enim 2. de char. art. 12. ad octauum ait. *Quandiu aliquis sequitur motionem Spiritus Sancti, non peccat, sed quando resistit, tunc peccat*; quodl. 1. art. 7. ad secundum dicit: *& ideo sic Deus mouet mentem humanam ad bonum, ut tamen possit huic Dei motioni resistere*: & 4. d. 20. quæst. 1. art. 2. quæstiuncula 1. ad primum sic ait: *primum pertinet ad electionem peccantis, qua Deo resistit*: & Iob. 9. lect. prima ait: *sed impij, qui Deo resistunt, & opulc. 17. cap. 9. ait: Virtutem igitur*

Prima Pars. Errores Iansen. improbat. 269
 igitur Spiritus Sancti, vel ignorat, vel ei resistere
 nititur, quia Spiritus Sancti motum diuturnitate con-
 silij detinere contendit: & Io. 9. lect. prima ait: *Im-*
pij, qui Deo resistunt, & cap. 12. lect. 7. ait: *Causa*
huius quod Deus non infundit gratiam, est ex parte
nostra, inquantum, scilicet, in nobis est aliquid gra-
tia diuine repugnant: Vide quæ dicimus in 4. Pro-
 positione.

Tertia Propositio.

393 **A**D merendum, & demerendum in statu naturæ
 lapsæ non requiritur in homine libertas à necessi-
 tate, sed sufficit libertas à coactione.

Hanc Propositionem Sum. Pont. hæreticam decla-
 rauit, & vt talem damnauit: Vide Sac. Conc. Trid.
 vbi supra.

Idem præstitit vt Doctor S. Thomas de Malo qu. 6.
 art. vn. in c. dum dixit: *quidam posuerunt quod vo-*
luntas hominis ex necessitate mouetur ad aliquid agen-
dum, nec tamen ponebant, quod voluntas cogeretur
&c. hæc autem opinio est hæretica, tollit enim ratio-
nem meriti, & demeriti in humanis actibus: Vide
 Conclusionem 1x.

Quarta Propositio.

394 **S**Emipelagiani admittebant præuentientis gratiæ in-
 terioris necessitatem ad singulos actus, etiam
 ad initium fidei: & in hoc erant hæretici, quod vellent
 eam gratiam talem esse, cui posset humana voluntas
 resistere, vel obtemperare.

Hanc Propositionem Sum. Pont. declarauit falsam,
 & hæreticam, & vt talem damnauit, coincidit cum
 secunda Propositione.

S. Tho-

S. Thomas eandem iterum improbauit, dum de Pot. q. 2. art. 3. ad 13. ita loquitur: *Voluntas dicitur habere dominium sui actus, non per exclusionem causa prima, sed quia causa prima non ita agit in voluntate, ut eam de necessitate ad unam determinet, sicut determinat naturam; & ideo determinatio actus relinquitur in potestate rationis, & voluntatis*: Item quodl. primo art. 7. ad secundum dicit: *& ideo sic Deus mouet mentem humanam ad bonum, ut tandem possit huic Dei motui resistere*: Item in 2. dist. 27. qu. 1. art. 4. ad quartum super illud Act. 7. *Vos semper Spiritui Sancto resistitis*, inquit: *Hi sunt qui habent voluntatem resistentem gratia*, & in 4. d. 46. quæst. 2. art. 1. quæstiuncula 3. ad secundum ait: *Iustificare impium dicitur maius quam creare Cælum, & Terram &c. vel inquantum in creatione non est aliquid, quod repugnet creati, cum sit ex nihilo, sicut in iustificatione repugnat iustificanti inordinata voluntas*: Vnde quamuis opus iustificationis potentiam manifestet, specialitèr tamen commendat bonitatem, inquantum ipsa est sola, quæ ad iustificationem mouet, cum ex parte iustificandi magis inueniatur, quod iustificationi repugnet. Vide quæ diximus in secunda Propositione.

Quinta Propositio.

395 **S** Emipelagianum est dicere Christum pro omnibus omninò mortuum esse, aut sanguinem fudisse.

Hanc Propositionem Sum. Pont. falsam, temerariam, & scandalosam declarauit, eandemque intellectam eo sensu, ut Christus pro salute dumtaxat prædestinatorum mortuus sit, declarauit insuper impiam, blasphemam, contumeliosam, diuinæ pietati derogantem, & hæreticam, ac uti talem damnauit.

Eandem improbauit, & damnauit S. Tho. lect. 5. in Cap. 5. ad Rom. per hæc verba: *Iustificatio Christi trau-*

Prima Pars. Errores Iansen. improbati. 271

transit in iustificationem omnium hominum quantum ad sufficientiam, licet quantum ad efficientiam procedat in solos fideles. Unde dicitur 1. Tim. 4. *Qui est Salvator omnium hominum, maxime autem fidelium*: & 1. ad Tim. 2. lect. 1. inquit, exponens illud primæ Io: 2. *Ipse est propitiatio pro peccatis nostris, pro aliquibus*, inquit, efficienter, sed pro omnibus sufficienter, quia prætium sanguinis eius est sufficiens ad salutem omnium, sed non habet efficaciam nisi in electis propter impedimentum: Idem in cap. 53. *Esaia ibi. Et ipse peccata multorum*: efficaciter, inquit, quamvis omnium sufficienter tulit: Item 3. p. q. 68. art. 5. c. ait: *manifestum est autem quod mors Christi satisfactoria fuit sufficienter, pro peccatis, non solum nostris, sed etiam totius mundi, ut dicitur 1. Io: 2. & ideo ei, qui baptizatur, pro quibuscumque peccatis, non est aliqua satisfactio iniungenda*: hoc enim esset iniuriam facere passioni, & morti Christi, quasi ipsa non esset sufficiens ad plenariam satisfactionem pro peccatis baptizatorum: & qu. 69. art. 7. ad secundum ait: *Sicut passio Christi prodest quidem omnibus quantum ad sufficientiam, & remissionem culpæ, & adeptionem gratiæ, & gloriæ, sed effectum non habet nisi in illis, qui passioni Christi coniunguntur per fidem, & charitatem*: & super Evangelium Ioannis Cap. 3. lect. 6. inquit: *ut, scilicet, gratia Christi non solum sufficiat ad salutem hominum aliquorum, sed hominum totius mundi, ac etiam plurium mundorum, si essent*: Item 3. p. qu. 48. art. 2. ait: *Passio Christi non solum sufficiens, sed etiam superabundans satisfactio fuit pro peccatis humani generis*: Item ad Ephes. p. lect. 3. *Dico quod secundum diuitias gratiæ eius omnes fideles communiter tam vos, quam nos habemus redemptionem, & remissionem peccatorum per sanguinem Christi*: Item 1. Cor. 11. lect. 6. *effusus est siquidem sanguis in remissionem peccatorum, non solum pro multis, sed etiam pro omnibus, secundum illud 1. Io: 2. Ipse est propitiatio pro peccatis nostris*,

stris, non pro nostris autem tantum, sed etiam pro totius mundi. Item 4. d. 8. q. 2. art. 2. quaestiuicula 3. ad septimum: *Sanguis Christi effusus est pro omnibus quantum ad sufficientiam, sed pro electis tantum quoad efficaciam*: Item Io: primo lect. 8. *In quantum Christus est caput Ecclesiae, & sic sibi competit gratiam communicare alijs, tam in mentibus hominum operando virtutem per gratiae infusionem, quam merendo per doctrinam, & opera, & passiones mortis, superabundantem gratiam infinitis mundis fessent*: Item ad Hebræos 1. lect. 3. super illud: *Pro omnibus gustaret mortem*: ait: Pro omnibus autem dupliciter potest intelligi, vel, ut sit distributio accomoda, scilicet, pro omnibus prædestinatis; pro istis enim tantum habet efficaciam, vel absolute pro omnibus quantum ad sufficientiam; sufficiens enim quantum ad se omnibus est, 1. Tim. 4. *Quia est Saluator omnium, maxime autem fidelium*; Chrysostomus, Pro omnibus hominibus generaliter mortuus est, quia omnibus prærium sufficit.

..

Laus Deo, immaculatæ Virgini Deiparæ,
& S. Thomæ Aquinati S.R.E. Doctori
abialto.



INDEX

Rerum notabilium in Prima Parte Manualis huius.

*Numerus numerum marginalem designat, quia
numerus 331. omissus est, & numerus 332.
loco ipsius substitutus, ab hoc numero necesse
est recurrere ad numerum designato
immediate succedentem.*



Bbas Vide V. ordo.

*Affinitas quando ex Matrimonio
emergat 278. & seq. in. dupli-
ci sensu accipitur 180. vide V.
Matrimonium.*

*S. Ambrosius sensit Angelos creatos fuisse
ante creaturam corpoream 359.*

*Anaxagoras Philosophus occisus est, quia
negabat Cælum esse animatum 355.*

Angelus simul cum creatura corporea crea-

M m

tus

tus fuit, 358. & seq. oppositum aliqui dixerunt 357. dubitatur an id notari debeat aliqua Censura 358. & seq. Angeli propriè loquendo nō fuerunt redempti à Christo Domino 240. vide V: *Immaterialia*.

Argumentum soluitur cum Conclusio defenditur, etiamsi non probetur 149.

Aristotelis sententia de Zonæ æquinoctialis inhabitabilitate 341. & de Cœlorum animatione 349. & seq.

S. *Augustinus* dixit Angelos cum creatura corporea fuisse creatos 357. quid senserit de Cœlorum animatione 355. & de authoritate Libri Ecclesiastici 337. & seq. dictum eius exponitur 120. in quo sensu sumpserit aliquando vocabulum libertatis 122.

S. *Basilii* sensu Angelos creatos fuisse ante creaturam corpoream 357.

Beati non merentur, & quare 112. & seq. vide V. *Sancti*.

Cælum an dici possit animatum 349. & seq. quæ fuerit *Aristotelis* sententia. *ibidem*, inter Cœlos datur ne spatium diuisibile? 344. & seq. numerus Cœlorum expenditur, 348. nulla ratio cogit, ut saluetur eorum motus, eos ponere animatos 353. & seq. cessante motu Cœli,

Cœli, in quo sensu dicenda sint corpora incorruptibilia, 133. & seq.

Canonizatio Sanctorum vide V. *Sancti* & V. *Pontifex Romanus*.

Christus Dominus descendit ad Inferos 214. & seq. ad quæ loca Inferni descenderit 215. & seq. quare voluerit sepeliri 225. & seq. nulla ei pœna fuit sepeliri, vel esse in Inferno, 222. & seq. sensus, in quo dicitur mortuus nostros assumpsisse defectus 228. & eius Corpus viuum, & mortuum idem non fuisse 229. & seq. Christi libertas ad merendum exponitur. 108. & seq. vide V. *Filius Dei*, & V. *Verbum Incarnatum*.

Clerici in qua ætate possint prima Tonsura, & Minoribus Ordinibus initiari 315. & seq. si euadant Hæretici, vel Schismatici, quomodo iurisdictionem amittant 311. & seq. vide V. *Irregularitas*.

Concilium Tridentinum decreuit omnes Sacerdotes posse in articulo mortis à quibusvis peccatis, & Censuris absolueri 376. abstulit impedimentum, quod oriebatur ex Sponsalibus irritis. 272. exponitur quid senserit de ordine Episcopatus 257. & seq. & de tempore quo Christus Dominus suum corpus sub

Mm 2 spe.

speciebus panis consecrauit 147. 156. irritat
matrimonia clandestina, quæ antea rata fuisse
declarauit 9. Societatis IESV Clericis fauet 2.
discrimen quoddam posuit inter Votum in
Religione, & aliud in susceptione Ordinis Sa-
cri emissum 15. 35.

Antiocheni Can. 10. exponitur 366. 371.
373. *Lateranensis* sub Innoc. III. Cap. firmiter
adducitur, & exponitur 358. 360.

Arauxicanum, & *Meleuitanum* agunt de ve-
ritate transfusionis peccati originalis 235.
Florentinum, & *Lugdunense* sub Gregorio X.
decreuerunt Spiritum Sanctum à Patre, & Fi-
lio vno principio vnica spiratione procedere
78. 83. *Florentinum*, & *Tridentinum* quid de-
finierint de interna intentione ministri Sacra-
mentorum 189. *Quinta Synodus* quid dixerit
de Cœlorum animatione 352. 356. quidam
eius Canon dubius 356. *vj. Synodi* sententia
exponitur 132. 136. *vij. Synodus* quid sen-
serit de adoratione Imaginis Christi Domini
208. & seq. *vij. Synodi* Can. 10. exponitur
312. 314.

Congregationis Tridentini Concilij interpretis
decreta de impedimento, quod oritur ex Ma-
trimonio rato 277. & seq.

Con.

Consecratio rei inanimatæ comparatur cum consecratione , quæ fit in dispensatione Votorum religiosorum 26. 29. 32. 51. vide V. Eucharistia.

Continentiæ debitum est essentialiter annexum statui religioso 24. 28. 29. 33. & seq. 50.

Contritionis actus non elicitur sine gratia 100. vide V. Penitentia.

Corepiscopi qui essent 371.

Cornelius Centurio quomodo se præparaue- rit ad gratiam 102.

Creare potest Deus alium mundum 128. & seq. possibilis ne sit Creatura existens absoluta necessitate 131. & seq.

S. Crucis adoratio 213.

Decretalis Clementina de Consang. exponitur 280. vide V. Pontifex Romanus.

Deus est solus immutabilis 134. 137. dum mouet humanam voluntatem, eam non cogit 96. 119. in quo sensu dicatur res diuinas non esse conuertendas in vsus hominum 43. vide V. Infidelis.

Dominicus Graulina affert quosdam Articulos Parisienses, quibus respondit Ioannes de Neapoli 385.

Ecclesia Romana si tolerat aliqua mala, ea om-

omnino reprobatur 248. 254. vide V. *Pontifex Romanus*.

Ecclesiastici liber est sacer, & Canonicus 335. & seq.

Episcopatus est Ordo, & Sacramentum 256. & seq. comparatur cum Sacerdotio 259. & seq. supponit Sacerdotium 268. quæ sit gratia Episcopalis 262. manuum impositio in Episcopali ordinatione, ibidem, & seq. potestas Episcopalis quomodo sit character 264. & seq. Episcopatus quo iure sit annexa iurisdictio 28. Episcoporum potestas in dispensandis Votis, ibi, & seq. quæ committere possint, & non possint Episcopi simplici Sacerdoti, ibidem, vide V. *Ordo*.

Eucharistie Sacramentum non est solum actualis consecratio 140. & seq. eius discrimen ab alijs Sacramentis 144. species in quo sensu dicantur caro 144. Sanctificatio permanens in ea est Sacramentum 145. tandiu manet sub speciebus Corpus Christi, quandiù species essentialiter conseruantur 180. & seq. per additionem, seu diuisionem tantum specierum non desinit sub ipsis esse Corpus Christi 181. quibus verbis, & quando Christus Dominus consecrauerit 146. & seq. error Græcorum in
forma

forma consecrationis panis 163. quædam disparitas inter formas consecrationis utriusque speciei 162. dissertur de forma consecrationis sanguinis 157. & seq. hæc forma comparatur cum forma Sacramenti Pœnitentiæ 168. & seq. Necessarium est in hac forma aliquo modo exprimere effusionem sanguinis, 164. quomodo sanguis Christi à tempore Cœnæ ad mortem deperditus fuerit effusus, 165. & seq. speciebus vini consecrati, si admisceatur vinum non consecratum, an desinat sub illis speciebus esse Corpus Christi 177. & seq.

Cum excommunicatis quâdo possimus communicare 313.

Filius Dei assumpsit hominem, & *ille homo cepit esse Deus*, sunt propositiones, quæ expenduntur, 84. & seq. 87. & seq. quam unionem constituerent Hæretici inter personam Verbi, & assumptam humanitatem, 86.

Gratia Dei vide V. *Præparatio ad gratiam*.

Græcorum mos post Calicis consecrationem 178. 186. eorum error in forma consecrationis panis 163. opuscul. contra errores Græcorum vindicatio 386.

Gratiani dictum dist. 76. c. *scire* defenditur 331.

S. Gre-

S. Gregorius Magnus quid senserit de Episcopatus Sacramento 270.

S. Gregorius Nazianzenus scripsit Angelos creatos fuisse ante creaturam corpoream 357.

S. Hieronymus sensit Angelos creatos fuisse ante creaturam corpoream 359.

In Homine est tantum una forma substantialis, 363.

Horæ Canonicae olim persolvendæ erant in die citius quam modò 319.

Iansenianas propositiones damnatas ab Innoc. X. S. Thomas hæreticas censuit 106. & seq. 389. & seq.

Ieiunium per vigilijs Pentecostes quo iure sit indictum 329. & seq. dictum illud, *nullum est Ieiunium tempore paschali*, exponitur 329. & seq.

Imago Christi Domini adoratur adoratione patriæ 207. & seq. Imaginum adoratio exponitur 210. & seq. Imagines Sacrae secundum locum tenent post personas sacras, & Sacramenta 212.

Immaterialia, ut Angelus, & Anima rationalis, in quo sensu dicantur incorruptibilia 133. & seq.

Infideles quomodo cognoscant verum Deum

123. & seq. Fideles, & infideles errare possunt inuincibiliter circa Deum, sed diuerso modo 126.

Intentio Ministri Sacramenti interna, seu mentalis, & externa 188. & seq. implicita, & explicita 199. & seq. peruersa duplex 192. Actualis, Virtualis, & Habitualis 190. Intentio interna, seu mentalis requiritur in Ministro ad perficiendum Sacramentum 188. & seq. quomodo hæc intentio nota possit esse suscipienti Sacramentum 197. & seq. Intentio conferendi Sacramentum, & conferendi effectum Sacramenti 190. deficiente intentione Ministri an Christus Dominus suppleat ultimum effectum Sacramenti 194. & seq.

Ioannes de S. Thoma demonstrat plures errores falsò fuisse S. Thomæ attributos 379. & seq.

Irregularitatem modò non incurrit Clericus, si alium occidat vt se defendat 320. & seq.

S. Leo Papa quid senserit de Sacramento Episcopatus 270.

Libertas à necessitate requiritur ad merendum, vel demerendum 106. quomodo inueniatur in actu elicito in primo instanti 110. & 118. quæ necessitas tollat libertatem 112. &

Nn

seq.

seq. vide *V. Necessitas*, & *V. Voluntas*.

De B. Virginis Genitricis Dei Mariae festo Conceptionis agitur 245. & seq. sententiæ generales non præiudicant privilegio immunitatis B. Virginis 230. eius gloriosa resurrectio secundum carnem ante communem omnium resurrectionē 238. fuit per Christum redempta 239. & seq. eius Sanctitas in conceptione negari numquam potuit 252.

Ex Matrimonio rato quodnam impedimentum oriatur, 276. & seq. Matrimonij rati, & consummati diuersa significatio, & indissolubilitas 285. quo iure Votum solemne dirimat Matrimonium ratum 14. 15. 35. quomodo idem competere possit Voto simplici, ibidem, de Matrimonio clandestino Decreta S. Concilij Tridentini 9. Matrimonium quomodo perseveret in Coniugibus pari consensu religiosus 72. vide *V. Pontifex Romanus*, & *V. Votum*.

Meritum vide *V. Libertas*.

Mori ne debeant omnes? 237. in casu, quo quis non moreretur, adhuc esset à Christo Domino redemptus 241. comparantur necessitates moriendi, & contrahendi peccatum originale 242.

Necessitas alia logica, alia physica 133. Actus
nc-

necessarius incoactus non est neq; liber neque meritorius 106. Actus spontè factus non est semper necessarius 109. Necessitas consequens obedientiam non est necessitas coactionis 114. Necessitas ex naturali inclinatione procedens 112. vide *V. Libertas*, & *V. Voluntas*.

Obedientia vide *V. Necessitas*.

Ochami opinio de pluralitate formarum substantialium in homine 364.

Ordo Sacer ex quo dicatur 368. qui sint Ordines maiores 365. & sacri 368. Subdiaconatus olim non numerabatur inter Ordines sacros 373. inter Ordines Sacerdotium quomodo præcipuum locum obtineat 260. manuum impositio in Ordinum quorundam collatione 262. & seq. Ordinis character 266. & seq. Ordinatus ab Episcopo non baptizato nullum conficeret Sacramentum, ad quod esset ordinatus 201. & seq. quomodo Ecclesia in tali casu ab errore præseruetur 20. 205. de ordinatis per saltum 268. vide *V. Episcopatus*.

Oseas Propheta licitè accessit ex diuino imperio ad non suam 54.

Paupertatis religiosæ finis 66. & seq. debet esse proportionatus religioni 74. modi viuendi in paupertate 68. ex perfectiori paupertate non

inducitur perfectior religio 67. paupertas religiosa, abdicato usu, cohæret cum dominio 69. & seq. religiosi de Iure Ecclesiastico possident in communi 70. & seq. periculum amittendi religiosam paupertatem 71.

Pœnitentiæ Sacramenti Minister est Sacerdos 269. de eius forma 162. 168. & seq. per omnes eius partes materiales tollitur pœna 172. & seq. Sacerdos etiam excommunicatus potest ministrare hoc Sacramentum in articulo mortis 376. & seq.

S. Petrus Damianus quid senserit de Episcopatus Sacramento 258. & seq.

Pontifex Romanus dispensare potest super Voto solemnî Religionis 38. 46. 60. & seq. & super Matrimonio rato 284. & seq. omnia vota sunt ab ipso dispensabilia 59. in pluribus solus ipse dispensat 58. non potest errare in Canonizatione Sanctorum 289. & seq. nec in cæteris quæ definit 295. quam potestatem concedere possit simplici Sacerdoti conferendi maiores Ordines 365. & seq.

Prelatus, si corrigat quando est in peccato occulto, an peccet 302. & seq.

Preparare se ad gratiam homo non potest sine gratuito Dei auxilio 93. & seq. hoc auxilium

lium cuius sit ordinis 104. ad hanc præparationem non exigitur semper infusus habitus gratiæ 96. nutrius in filiis quomodo possit se ad gratiam præparare 101.

Professio religiosa exponitur 13. 18. & seq. vide *V. Religio*, & *V. Votum*.

De Propitiatorij Tabula 332. & seq.

Rabani sententia de numero Cælorum 348.

Religio vide *V. Paupertas Religionis Votum* solemne irritat Matrimonium ratum 285. professionis religiosæ solemnitas 27. dispensatis Votis solemnibus soluitur religionis status 49. & seq. olim nulla religio erat, in qua non profiteretur solemniter 6. & seq. Vota religionis simplicia poterant etiam tunc esse religionis substantialia 11. Religionis status habet sibi annexum essentialiter debitum continentiæ 24. vide *V. Societatis IESV*.

Reliquiæ Sanctorum vide *V. Sancti*.

Sine Sacramento haberi ne possit ultimus effectus eius? 204. per Angelos bonos ministrata sunt aliquandò Sacramenta 206. vide *V. Intentio*.

Sanctorum beatitudo post corporum resurrectionem augeri ne possit intensiue 305. & seq. *Benedicti* 12. *Constitutio* expenditur 309. & seq.

& seq. de Sanctorum reliquijs 303. & seq. de Sanctorum Canonizatione, vide *V. Pontifex Romanus*.

Sfortia Pallavicini insignis Cardinalis Historia Concilij Tridentini laudatur 258.

Spiritus Sancti processio à Patre, & Filio 77. & seq. vocabulum *Spirator* sumitur dupliciter 80. spiratio actiua vna est in Patre, & Filio 81. & seq.

Sponsalia irrita olim inducebant impedimentum publicæ honestatis 272. illud abstulit Concilium Tridentinum ibidem.

Societatis IESV Vota simplicia religionis substantialia 2. & seq. quomodo dirimant Matrimonium ratum 16. 35. Votum simplex Paupertatis in Societate cohæret cum dominio 65. & seq.

Verbum incarnatum in quo sensu dicatur persona composita 92. in eo ponere duas hypostasies est hæreticum 90. vide *V. Filius Dei*, & *V. Christus*.

Voluntas mouetur à Deo sine coactione 96. mota à primo agente se mouet 119. de eius libertate 106. & seq.

Votum de re necessaria necessitate præcepti exponitur 325. & seq. solemnitas Voti duplex

20. & seq. quomodo sit annexa statui religionis 25. & seq. Votum simplex quomodo faciat religiosum 4. & seq. In omni Voto religionis est quædam solemnitas 12. Voti solemnitas dispensabilitas 47. Vota maiora, & perpetua explicantur 63. Votum substantiale religionis, & emissum in susceptione Ordinis Sacri, quo iure dirimant Matrimonium 14. & seq. vide *V. Paupertas V. Pontifex Romanus*, & *V. Religio*.

Zona æquinoctialis quomodo olim inhabitabilis diceretur 339. & seq.

F I N I S.

